

दुर्गासुत्र

(गौराणिक नाटक)

[मथुरा साहार यात्राय अतिनीत]

श्रीहरिपद चट्टोपाध्याय प्रणीत ।

[श्रीभूतनाथ दास द्वारा सुरे लये गठित]

२२ संस्करण ।

कलिकाता

७६ नं० कलेज स्ट्रीट

भट्टाचार्य एण्ड सन्स एर पुस्तकालय हईते

श्रीदेवेन्द्रनाथ भट्टाचार्य कर्तृक प्रकाशित ।

१९०९

मूल्य १॥० टाका ।

কলিকাতা

৮১ নং কলেজ ষ্ট্রীট, "পঞ্চপতি প্রেসে"

শ্রীঅবিনাশচন্দ্র বসু দ্বারা মুদ্রিত।

গ্রন্থকারের বক্তব্য ।

১। আনন্দের বিষয়, যে উদ্দেশে পদ্মিনী রচিত হইয়াছিল, তাহা পূর্ণ হইয়াছে। সেই পদ্ধতিক্রমে দুর্গাসুর রচিত হইল। এক্ষণে পদ্মিনীর স্থায় ইচ্ছা পাঠকপাঠিকার রুচিসঙ্গত হইলে শ্রমসার্থকতা জ্ঞান করিব।

২। গীতাভিনয়ে ও নাটকে একটুকু পার্থক্য আছে, তথাপি দুর্গাসুর গীতাভিনয় হইলেও নাটকত্ব রাখিতে বহু প্রয়াস পাইয়াছি। সাধারণের কিরূপ রুচিসুন্দর হইয়াছে জানি না, তথাপি বিজ্ঞ পাঠকপাঠিকা একটুকু অনুশীলন করিবেন।

৩। প্রথম অভিনয়ে যে সকল পাত্রপাত্রীগণের দ্বারা এই গীতাভিনয়ের উজ্জ্বলতা বৃদ্ধি হইয়াছিল, তাহাদের সহিত আমার এই গ্রন্থের বিশেষ সম্বন্ধ আছে, তজ্জন্ত—তাহাদের নাম আমি গৌরবের সহিত গ্রন্থশেষে সম্বন্ধ করিলাম।

পোঃ—কল্যাণপুর)

মেঃ—হাওড়া

গ্রন্থকার ।

•

•

নাট্যোল্লিখিত ব্যক্তিগণ

পাত্র

বিষ্ণু, মহাদেব, নারদ, অষ্টগোপাল, ইন্দ্র, পবন, জয়ন্ত ।

রুক্ষাসুর	পাতালরাজ ।
ভূর্গাসুর	ঐ পুত্র ।
দনুকেতন	ভূর্গাসুরের সেনাপতি ।
ব্যঙ্গনেশ্বর	দস্যু ।
সুকামা	রুক্ষাসুরের বিশ্বস্ত অনুচর ।
মান্দাররাজ	সুরজার পিতা ।
চণ্ডপ্রচণ্ড	ভূর্গাসুরের দূত ।
গোরক্ষনাথ ও করঙ্গনাথ	কান্দোড়রাজ্যের রাজর্ষি ।
অনঙ্গনাথ	গোরক্ষনাথের পালিত পুত্র ।

দেবদূত, সন্ন্যাসিগণ, দানবদূত, দানবসৈন্যগণ, পল্লীবালক-
গণ, বন্দীবালকগণ ইত্যাদি ।

পাত্রী

ভগবতী, অষ্টতারিণী বা অষ্টশক্তি, যোগিনীগণ, জয়া, বিজয়া, শচী ।			
সুরজা	ছদ্মবেশিনী কালরাত্রি ।
কৃত্তিকা	গোরক্ষনাথের স্ত্রী ।
বাকুলি	করঙ্গনাথের কন্যা ।
পূর্ণিকা	ভূর্গাসুরের মাতা বা শক্তিসম্বৃত্তা দেবী ।
বিলাসিনী	ঐ বধিরা পরিচারিকা ।
মাদলা (ভিলকন্যা)	ভূর্গাসুরের স্ত্রী ।

সখীগণ, নর্তকীগণ ইত্যাদি ।

শ্রীযুক্ত হরিপদ চট্টোপাধ্যায় প্রণীত

শ্রেণীবলী ।

শ্রীবীর-পতন বা জনা	(অভয় দাসের যাত্রায় অভিনীত)	১।০
মাতাকর্ণ	"	১।০
কালকেতু	"	১।০
পদ্মিনী	(সুন্দর বাঁধান, মথুর সাহার যাত্রায় অভিনীত)	১।।০
শ্রীহলাদ-চরিত্র	"	১।০
কুম্বাসদ রাজার হরিবাসর	"	১।০
শুকদেব-চরিত	"	১।০
ভৃগু-চরিত	"	১।।০
লবণ-সংহার	(সুন্দর বাঁধান, রামলাল চাটুর্ঘ্যের দলে অভিনীত)	১।০
শেষ শ্রেভাস বা ষড়বংশ ধ্বংস	(সুন্দর বাঁধান)	১।।০
মহীরাবণ	১।০
কালাপাহাড়	(গিরিশ চাটুর্ঘ্যের যাত্রায় অভিনীত)	১।০
হার	(নীতিপূর্ণ গল্পগুচ্ছ)	৫০
অলোকচতুরা	(গার্হস্থ্য উপন্যাস)	৫০
চালতার অঞ্চল	(১নং খোস্গল্প)	১০
খাসা দই	(২নং খোস্গল্প)	১০
পাঁচোয়ার সিং	(নক্সা)	৯০
সত্যনারায়ণ	(ব্রতকথা)	৯০
আদর্শপত্র-দলিল		১০
ভালপত্রের চণ্ডী	(পুঁথি)	৫০



দুর্গাসুর ।

প্রথম অঙ্ক ।

প্রথম গর্ভাঙ্ক ।

[পাতালরাজ্য—শয়নকক্ষ]

রুক্মাসুর শায়িত, পূর্ণিকা পদসেবায় ও বিলাসিনী
তাম্বুল নিষ্পেষণে নিযুক্তা ।

পূর্ণিকা । ছেলেটা দিন দিন যেন গুঁকিয়ে যাচ্ছে ; তেমন পূর্ণি-
মার চাঁদের মত বাছার সোনার মুখ, সে মুখচক্রে যেন বর্ষার
মেঘে সর্বদাই ঢেকে রেখেছে ! ননীর মত কোমল শরীর,

তা যেন দিন দিন অস্থিকঙ্কালসার হ'চ্ছে ! বাছার যে কি ভাবনা, মনে যে কি আশুণ, তা কারও কাছে কোনরূপে প্রকাশ ক'রচে না ! সর্বদাই বিষন্ন, সর্বদাই হা-হতাশ, সর্বদাই অশ্রুমনস্ক, সর্বদাই বিষন্নবৈরাগ্যা ! হা ভগবন্ ! এ তোমার কি খেলা ! বংশের মধ্যে একটী রত্ন দিয়ে—বৃদ্ধবৃদ্ধার অস্তিমের একটি অবলম্বন দিয়ে তার প্রতি তোমার এত বিড়ম্বনা কেন ? (দীর্ঘশ্বাস ত্যাগ) ।

রুক্মাসুর । অদৃষ্ট ! পূর্ণিকা, সকলই পোড়া অদৃষ্টের বিড়ম্বনা ! ভগবানের বিড়ম্বনা কিছুই নাই পূর্ণিকা ! হতভাগ্য আমরা কর্মের নির্যাতন উপভোগ ক'রছি । তা না হ'লেই বা এ বৃদ্ধবয়সে সুখের পুত্র লাভ ক'রে, কোথায় অস্তিমের পথ প্রশস্ত ক'র্ব ; বিষয়কর্ম ত্যাগ ক'রে, ভগবদারাধনার কালাতিপাত ক'র্ব ; পার্থিবচিন্তায় অবসর গ্রহণ ক'রে, অপার্থিবধন পরমবস্তু পুরুষোত্তমের চরণচিন্তা ক'র্ব, তা না হ'য়ে একি ? পুত্রের ভাবনাই ভাবতে ভাবতে আমাদের জীবনান্ত হ'ল !

পূর্ণিকা । তাই ত নাথ ! কি হবে ? এ পুত্র জনকজননী প্রার্থনা করে কেন ?

রুক্মাসুর । মহিষি ! ওকথা বল না ; বংশে সুপুত্র জন্মগ্রহণ ক'রলে, পিতামাতার সৌভাগ্য ত দূরের কথা, উর্দ্ধগ সপ্তম-পুরুষ পর্য্যন্ত সৌভাগ্যশালী মনে করেন। সেই পুত্রের হস্তে একগণ্ডু জলপানের জন্ত, তাঁরা স্বর্গের মন্দাকিনীবারি

দুর্গাসুর ।

৩

তাছল্য ক'রে, সতত উদ্গ্রীব হ'য়ে থাকেন । পূর্ণিকা !
সকলই নিজ নিজ কর্মের ফল ।

বিলাসিনী । (স্বগতঃ) কুম্ভোফল—তা শুয়ে শুয়ে কুম্ভো-
ফলের কথা কেন ? তা বটে, ঐ যে বলে না, “গেরস্ত যায়
শুতে, আর বিধাতা বলে শশা চুরি ক'রতে !” এও ঘ'টেচে
তাই । রাজারাগী শোবে, পাঁচটা ফষ্টি নষ্টি ক'র্বে, তা না
হ'য়ে, ফষ্টি নষ্টির কথা কি—কুম্ভোফল ? তা হবে, রাজারাজড়া-
দের বুঝি কুম্ভোর মধ্যেও কিছু মিছু ফষ্টিনষ্টি আছে ! তবু
একটা ফষ্টি নষ্টি শেখা গেল—কুম্ভোফল—

পূর্ণিকা । বিলাসিনি ! কি ব'ক্চিস্ মা ?

বিলাসিনী । মা—মা—তা মাশখশুরের কাছে ঘোমটা ত দ্বিতেই
হয় ; নৈলে যে বেহায়া ব'ল্বে গো !

পূর্ণিকা । এ কালার সঙ্গে কে ব'ক্বে ? বিলাসিনি, তুই পান
ছেঁচ ।

বিলাসিনী । (স্বগতঃ) আমাকে ছেঁচুডামাগী বলা হ'ল ! বলুক,
বিধি বিচার ক'র্বে ।

দুর্গাসুর । আমি তাই অনেক ভাব্চি, মহিষি ! আমরা না হয়
এখনও জীবিত থেকে, দুর্গের আমার ভালমন্দের প্রতি দৃষ্টি-
পাত ক'র্চি, কিন্তু আমাদের অবর্তমানে দুর্গের আমার
কি হবে ! কে বাছার মন বুঝে, দেহ বুঝে তার প্রতিকারের
চেষ্টা ক'র্বে ?

পূর্ণিকা । তাইত, বাছার আমার কি হ'ল নাথ !

রুক্মাসুর । তাও আবার ভাবি মহিষি ! আমি একদিন কাগড়া-
ধিপতি প্রভুপুত্র গোরক্ষনাথের বিরুদ্ধে দুর্গের গুপ্ত-মন্ত্রণা
বুঝতে পেরে, দুর্গকে যৎপরোনাস্তি ভৎসনা করি ; আমার
তিরস্কারে বাছা ত্রিস্রমাণ হ'য়ে রৈল । তাই ভাবি মহিষি !
আমিই কি বাছার হুঁতাবনার কারণ হ'লাম !

পূর্ণিকা । কেন নাথ ! বাছাকে আমার তিরস্কার ক'রেছিলে ?
তাই বোধ হয়, বাছা দিনরাত্রি ধ'রে ভারে । সেই ভাব-
নাতেই বাছা আমার দিন দিন শুকিয়ে যাচ্ছে ! পায়ে ধরি
নাথ, বাছাকে তুমি আর কখন মুখ ক'র না ।

রুক্মাসুর । পূর্ণিকা ! দুর্গ আমার জন্মমূর্তার সন্ধিস্থান । অনেক
স্নানায়, অনেক তপশ্চায় আমি দুর্গধনের চাঁদমুখ দর্শনের
অধিকারী হ'য়েছি । সে দুর্গকে কি আমি অল্প কারণে
তিরস্কার ক'রেছিলাম ? অনেক ক্রোড়ে—অনেক হুঃখে,
প্রাণের কাতরতায় হৃদয়ের উদ্বেগ সম্বরণ ক'রতে না পেরে,
প্রাণের প্রাণ,—আত্মার আত্মা দুর্গধনকে আমি ভৎসনা
ক'রেছিলাম ! প্রিয়ে পূর্ণিকে ! তুমিই বা না জান কি ?
যখন আমি দেবরাজ অমরশ্রেষ্ঠ ইন্দ্রকর্তৃক রিতাড়িত হ'য়ে,
ক্ষুব্ধবারণোগ্রাণী মুষ্টিমেয় অন্নের অন্ত ত্রিজগতের দ্বারে
দ্বারে ভ্রমণ ক'রেও তাহা প্রাপ্ত হই নাই ; যখন আমি ইন্দ্রভয়ে
ভীত হ'য়ে, চকিতপ্রাণা সঙ্ঘর্ষিণী পূর্ণিকা তোমাকে ধর্মভয়ে
পরিত্যাগ ক'রতে না পেরে, তোমার সহিত অনেক বীর-
স্বায় স্নানস্নানান্তে বঞ্চিত হ'য়েছিলাম, তখন বল দেখি পুণ্য-

বতি ! কে আমাদের মত বিপন্ন শক্রভয়গ্রস্ত অনাথকে
 আশ্রয় প্রদান ক'রে রক্ষা ক'রেছিল ? কে সেই বিপদকালে
 আমাদের কোন্ মোহনমন্ত্রে বিমুগ্ধ হ'রে, স্বর্গের ঘোর সংগ্রামে
 ভীমপরাক্রমী শক্রত্রাস দেবরাজ ইন্দ্রকে পরাজিত ক'রে
 স্বরাজ্যে প্রতিষ্ঠিত ক'রেছিল ? সে দিন মনে হয় কি ? যে
 দুর্দিন গিয়েচে, সেই ঔদাসাময় নিত্যবাপী দুর্ভাগ্যের রাজত্বের
 কালে যে কি ভাবে অতিবাহিত ক'রেচ, তা মনে হয় না কি ?
 স্মরণ কর পূর্ণিকা, সেই কাঙ্গড়াধিপতি প্রভু সোমনাথের
 কথা ! সেই চিরহাস্তময় ফুলকৌমুদীস্নাত বিমলহৃদয় পুণ্যবান
 বীরকেশরী সোমনাথ যখন আমাদের দুর্বস্থা দর্শন ক'রে,
 হাস্তপ্রফুল্লবদনে বীরগর্বে ব'ল্লেন,—“শরণাগত অতিথি, ভয়
 নাই। কাঙ্গড়াধিপ সোমনাথ, ভীত আশ্রিত শরণাগত
 ব্যক্তির পিতা। পিতার নিকট আসিয়াছ, পুত্রের চিন্তা
 কি ?” সেই পিতা সোমনাথ, আমাদের উভয় দম্পতির জন্ত
 তৎক্ষণাৎ আজ্ঞামূলস্থিত সুবিশাল বাহতে ভীষণ ক্ষুরধার
 তরবারি কোষমধ্য হ'তে বহিষ্করণ ক'রলেন ; সহসা তাঁর
 বীরকুলমূলভ ঈষৎ আরক্তিম চক্ষুগল সুরাগে আরক্তিম
 জ্বাকুসুমবৎ লোহিত হ'য়ে উঠল। দেহের লোমকূপ সকল
 ক্ষীত হ'রে, প্রকৃত বীরমূর্তির পরিচয় প্রদান ক'রতে লাগল,
 মনে হয় কি পূর্ণিকা ! সেই পিতার প্রসাদে আজ আমরা
 রাজারানী, সেই পুণ্যাথার রূপানুগ্রহে আজ আমাদের
 পাতালরাজ্য। হায় ! কালচক্রে—নিয়তির তীব্র পীড়নে

সেই পিতা আজ স্বর্গীয় । তাই সে বংশের নিন্দা আমার পক্ষে
বজ্রাঘাত । আমার প্রাণের প্রাণ দুর্গের মুখে সেদিন সেই
বংশের নিন্দা, আর প্রভুপুত্র গোরক্ষনাথের প্রতি অশ্রদ্ধার
কথা স্বকর্ণে শুনেছিলাম ব'লে, অতি হুঃখে দুর্গকে আমি
তিরস্কার ক'রেছিলাম ; নতুবা আর অন্য কোন কারণে নয়
মহিষি ! তাই কি দুর্গ আমার সেই চিন্তা করে ?

বিলাসিনী । (স্বগতঃ) এমন সময় আবার চিনির পানা কোথা
পাই বল দেখি ! বুড়োবুড়ীর সব অবাক্ কাণ্ড, এই পান
থেন্টলাচ্চি, হুকুম হ'ল চিনির পানা । নাও, এখন নিয়ে এস
চিনি, নিয়ে এস জল, কর পানা ।

পূর্ণিকা । আবার কি ব'ক্‌চিস্ ?

বিলাসিনী । বুঝতে পেরেচি, চিনির পানা ত ?

পূর্ণিকা । তোমার মাথা ।

বিলাসিনী । মাথাঘসা ? তাই ভাল, আমি মনে ক'রেছিলাম,
চিনির পানা । তাই যাই বাছা, তার জন্ত এত বকাবকি
কেন, এখনি এনে দিচ্চি । (স্বগতঃ) লোকে বলে আমি
কালী ; ভগবান্ পাঁচজনকে কানা করে, তাহ'লেই আমার
মনের আপশোষ যায় ।

[প্রস্থান ।

পূর্ণিকা । মাগী নিজের মনেই আছে ! মরণ আর কি, কি শুনে
মাথাঘসা আনতে চ'ললেন । যাক্, (রাজার প্রতি)
বাছাকে ডেকে, তার মনের কথা ভাল ক'রে শোন না

দুর্গাস্তর

৭

কেন ? আমার যে ছাই কিছুতেই মন বুঝে না। দুর্গের মুখ দেখলে আমার কাণা আসে।

রুক্মাসুর। তাই ত কি করা যায় মহিষি ! ভগবান্ এ বৃদ্ধ বয়সে আবার কি বিপদেই ফেললেন ! যাই হ'ক্, দুর্গকে একবার এইখানে আহ্বান কর। তুমি এবং আমি উভয়েই তাকে বিশেষ যত্ন ক'রে জিজ্ঞাসা করি এস। হায় ! এমন কি আশুন যে, সে আশুন নির্বাণ হবার নয়। পরিচারিকাকে বল, এইক্ষণে স্কাকামাকে আহ্বান ক'রে ল'রে আসুক। আর যাবার সময় বন্দিবালকগণকে যেন ব'লে যায়, তারা আমার শয়নকক্ষে এসে, প্রভু সোমনাথরচিত তারাবিষয়ক সংগীত করে। (স্বগতঃ) হায় ভগবন্ ! এ বৃদ্ধবয়সে বিশ্রামেরও একটুকু অবসর দিলে না, কেবল ঐহিকচিন্তাতেই শরীর জীর্ণ ক'রলে !

পূর্ণিকা। তাহ'লে আপনি একটু বিশ্রাম করুন, পরিচারিকাকে একবার দেখি।

[প্রস্থান।

রুক্মাসুর। মা গো দাম্ভায়ণি ! মঙ্গলময়ি ! পুত্রের স্মৃতি দে মা ! এই যে বন্দিবালকগণ দ্বারেদেশে ! মায়ের নামোচ্চাসে সকলেই প্রমত্ত ! গাও, গাও, মাতৃভক্তসন্তান, গাও গাও—তোমাদের পিককণ্ঠধ্বনি ক্ষুধাতপ্ত রুক্মাসুরের তপ্ত প্রাণ স্তনীতল ক'রুক্।

বন্দিবালকগণের প্রবেশ ।

বন্দিবালকগণ ।

গীত ।

আমরা মায়ের নামে তুলেছি নিশান ।
 বাগ হারারে মা হারাইনি, ক'রুছি মায়ের নামগান ।
 ভয় পেলে ভাই মা মা বলে ছুটে যাই,
 মা জগৎ জুড়ে স্নেহের হাসে, অস্তর মোদের দেয় সদাই,
 (আমাদের মা মা মা, আমরা মায়ের মা আমাদের,
 আমাদের মা মা মা)
 এমন যাদের মা র'য়েছে, তাদের কিসের মান অপমান ।
 আর রে ছুটে মায়ের ছেলে, মা মা বলে যাই কোলে,
 আমরা যে মায়ের ধনে সবাই ধনী, ভেবে কেন দেখনা মূলে,
 মায়ের দুধে মানুষ আমরা, আমরা যে মায়েরি সন্তান ।
 নদীর জল বনের ফল, শীতল বাতাস,
 তোমার জীবনতরে ধরা'পরে আছে বারমাস,
 মা যে ছেলের দুধ যুগিয়ে, সাজিয়েছে এ সোনার বাগান ।
 মাতৃভক্ত হও রে ছেলে মাতৃভক্ত হও—
 ভয়ে ভয়ে কিসের বিবাদ, মা ছাড়া ত নও,
 এখন সব হ'য়ে এক মন, লও রে মার কোলে স্থান ।

কল্পাস্তর । অহো ধনু পিতা সোমনাথ ! তোমার হৃদয়ের কথা,
 তোমার রচিত সঙ্গীতেই প্রকাশ পেয়েচে । এমন মাতৃভক্ত—
 মাতৃঅহুরক্ত মা হ'লে কি শরণাগত অতিথি ছবু'ত্ত কল্পা-
 স্তরের উপকারের জন্ত, নিজের জীবনের মারা বিসর্জন দিলে,

তুমি স্বয়ং অস্ত্রধারণ কর ? হায় হায় ! আমরা কি অন্ধ !
 আমরা আজ মাতৃভক্তি ভুলে, ভ্রাতৃআনুরক্তি বিসর্জন দিয়ে,
 স্বার্থের পাত্ৰকা লেহন কর্চি । আমরা সব এক মায়ের সন্তান,
 কিন্তু এক ভ্রাতৃভাবের অভাবে পথভ্রান্ত পথিকের মত ইতস্ততঃ
 পরিভ্রমণ কর্চি । গম্যপথ কোথায় প'ড়ে র'য়েছে ! স্বর্গীন্দ্র
 পিতৃদেব, ক্রমা কর ! তোমার আদেশপথের বহুদূরে আমি ;
 কিছুতেই নিকটবর্তী হ'তে পার্চি না, ক্রমা কর । গাও,
 প্রভু সোমনাথের রচিত আর একটা সাহিত্যিক শ্রামাসঙ্গীত
 গাও । অহো আজ আমার সৌভাগ্যপ্রভাত !

বন্দিনালকগণ ।

গীত ।

মা তুই কার ঘরের গো পাগলিনী ।
 হ'য়ে ত্রিলোকেশী, হ'লি এলোকেশী,
 তার আবার মা উলঙ্গিনী ।
 কখন মা শান্তিরূপা কান্তিময়ী রাজরাণী,
 আবার কখন বা শবাকুড়া খড়্গধরা কপালিনী ।
 কখন ভয়া, কভু অভয়া, এ ভাব তোর জানে কে জননি,
 তুই ষাছকরের মেয়ে ঘটে না, তাই দয়াময়ী কভু পাষণী ।

রুক্মাস্তর । (স্বগতঃ) তাই বটে রে তাই বটে, ভাবাভাবেই
 সব ঘটে । তা না হ'লে, আজ রুক্মাস্তরের পুত্র রুক্মাস্তরের
 প্রভুপুত্রের বিদ্রাচরণে মগ্ধণা কর্বে কেন ? যাও বৎসগণ !
 মধ্যো মধ্যো এসে আমার এইরূপে নীতল কর ।

[বালকগণের প্রস্থান ।

হুঁতাবনা ! হুঁতাবনার হুঁত আমার দিন দিন জীর্ণ শীর্ণ হ'চ্ছে !
 সে হুঁতাবনা কি ? মনে কত সন্দেহই হয় । মনে হয়, হিংসা-
 পরবশ হুঁত আমার প্রভুপুত্র গোরক্ষনাথের যশঃশ্রীদর্শনে
 তার প্রতিকূলব্যবহারে বাধা পেয়ে, একরূপ ভাবনাগ্রস্ত
 হ'য়েছে ; তাহ'লেই বা তার প্রতিকারের উপায় আছে
 কি ? স্নেহাক্র পিতারদ্বারা পুত্রের সে উপকারের আশা করা
 যায় না কি ? করা গেলেও রুক্মাসুরের স্ত্রায় পিতার দ্বারা
 সে আশা করা যায় না । এই যে স্নেহকাতরা পূর্ণিকা স্বয়ং
 হুঁতকে ল'য়ে আসছে । এস হুঁত ! দেখ্চ, পিতৃপ্রাণ কিরূপ
 স্নেহাক্র ! এহেন সাধের পুত্র যদি পিতৃ-অবাধ্য হয়, তাহ'লে
 বল দেখি প্রাণাধিক, পিতৃপ্রাণে কিরূপ আঘাত লাগে ? এস,
 আমার নিকটে এস ।

পূর্ণিকা, দুর্গাস্তর, স্ককাম্য ও পরিচারিকার প্রবেশ ।

হুঁত । (পিতাকে প্রণাম) ।

রুক্মাস্তর । (আলিঙ্গনপূর্বক) বল স্নেহের মাণিক ! বল আমার
 সাধনাতপস্তার দুর্লভরত্ন ! কি বিষাদে তোমার মুখখানি
 সততই বিষন্ন ? কি অভাবকণ্টকে তোমার অক্ষতহৃদয়
 এতাদৃশ বিক হ'য়েছে যে, সেই তীব্রযন্ত্রণায় তুমি সর্বদাই
 অস্থির—চঞ্চল ! কি দুঃখে এত দুঃখিত হ'য়েচ যে, সেই দুঃখ-
 কালিমার আজ তোমার পূজ্য পিতামাতারও হৃদয় পর্য্যন্ত
 কালিমালঙ্ঘিত ! বংশের ক্রবধন ! তুমি তোমার পিতা-

মাতার বহু আরাধনার ফল । সেই ফল কীটদষ্ট হ'লে, বল দেখি প্রাণাধিক ! তোমার পিতামাতার প্রাণে কিরূপ যাতনা অনুভূত হয় ? আজ আমরা উভয়েই তোমার জন্ম বিশেষ অনুতপ্ত—ভীষণ ক্লেশ অনুভব ক'রছি । কেন বৎস ! এ পার্থিবজগতে—এ স্নেহের অঙ্কে তোমার ত কোন অভাব নাই ! তুমি এখন স্নেহাচলের হৃর্ভেদ্য প্রাচীরমধ্যে মহাসুখে নিরুদ্ধেগে নিদ্রা যাচ্, সহসা সে নিদ্রাতঙ্গ তোমার কে ক'রলে ? বল জীবনসর্বস্ব ! কি ল'য়ে তোমার এ দারুণ মনোমালিন্য দূর হয়, তাই গ্রহণ কর ! ঈশ্বরপ্রসাদে প্রভু পিতা কান্ধড়াধিপতি সোমনাথের করুণাবলে আমাদের ত কোন বিষয়ের অভাব নাই । ধনবল, সৈন্তবল, বাহুবল,—যে বল বিনিময়ের আবশ্যক হবে, সেই বলে সে অভাব ত তুমি অক্লেশে দূরীকরণ ক'রতে পার । তবে বৎস ! বৃথা কেন অভাবের ভীষণ তাড়না সহ ক'রে, পিতামাতার প্রাণে ব্যথা দাও ? দুর্গ ! তুই যে এখন এ বৃদ্ধবৃদ্ধার একমাত্র ভরসা ; কোন কারণে তোকে বিষন্ন দেখলে, সেই সঙ্গে যে এ বৃদ্ধবৃদ্ধার পরিশিষ্ট পরমায়ু বহির্গমনের উপক্রম হয় ! পুত্রের পিতা হও নি ত বৎস ! তাহ'লে জানতে যে, পিতাপুত্রের সম্বন্ধসূত্র কিরূপ হুশ্ছেদ্য । (রোদন) ।

র্গিকা । কি হ'য়েচে বল না বাবা ! মহারাজ তোর সব অভাব পূর্ণ ক'রবেন । কেন চাঁদ ! ভেবে ভেবে স্বাস্থ নষ্ট কর ? তেমন সোনার বর্ণ কেমন বিস্ত্রী বিবর্ণ হ'য়েচে,

দেখ্চিন্ না ? কেন দুর্গ ! আমরা জোর কি ক'রেচি যে,
আমাদিগে তুই এমন ক'রে কষ্ট দিচ্চিন্ ?

দুর্গ । মা ! ক্ষমা কর । আমি ত তোমাকে ব'লেচি, আমার
হৃদয়ের আগুন, এ জন্মে যাবার নয় । ধনবলে, সৈন্ত
বলে, বাহুবলে এ আগুন নির্ঝাপিত হবে মা ;—বিশ্বব্রহ্মাণ্ডে
এত সলিল নাই যে, সে আগুন নির্ঝাপিত হ'তে পারে ।
উঃ, কেন আমি জন্মে ম'রেছিলাম না !

পূর্ণিকা । বল্ চাঁদ ! তোর মায়ের দিবা, তুই বল্ না, কি
হ'রেচে ? (হস্তধারণ) ।

দুর্গ । মা, ক্ষমা কর, সে কথা তোমাদের নিকট আমার সম্পূর্ণ
অপ্রকাশ্য,—অকথ্য । হা ধিক্ রূপজমোহে ! উঃ আমার
এই ক্ষণেই মৃত্যুই শ্রেয়ঃ । যা হবার নয়, যা সম্পূর্ণ দুরাশা !
যে সে ছরাকাজ্জার বশবর্তী, তাকে মূর্থ ভিন্ন পণ্ডিতগণ আর
কি আখ্যা প্রদান করবে ? হায় ! কি কালক্ষেপে আমি মান্দার-
রাজ্যে উপস্থিত হ'য়েছিলাম ! কি কালরাক্ষসীবেলার
সে রাক্ষসী প্রতিমা দর্শন ক'রেছিলাম । উঃ ! কি ছরাকাজ্জা ।
কি আগুন ! সে আগুন অনন্তব্যাপী ! তার ভীষণ লোল শিখা !
শিখা ব'ল্ না, মা, সে দাহনে হৃদয় জলে যাচ্ছে ! সে আগুন
চিরদিনই জল্ব ;—সে জ্বালায় আর নিবৃত্তি নাই । তোমার
অগণিত ধনৈশ্বর্য্য, সেনা, বাহন, বিশালরাজত্ব সে আগুনে দিলে
সকলই ভস্ম হবে, তথাপি সে জ্বালায় কিছুই উপশম হবে না ।
মা, তাই বলি, আমাকে ক্ষমা কর ! তোমার আদেশে নির্ভজ্জ

হ'রে, একপ্রকার সকল মনোবেদনা প্রকাশ ক'রেচি, আর না,আমায় ক্ষমা কর ! বিদায় দাও, আমি সংসার হ'তে বিদায় প্রার্থনা কর্চি। দুর্গনাম সংসার হ'তে চিরদিনের জন্ত মুছে যাকু। আর যেন কেউ দুর্গনাম মুখে না আনে।

রুদ্ৰাসুর। দুর্গ! প্রাণধন! স্থির হ,—ঐর্ষ্যাধারণ কর। সময়ে লব হবে, আমি তার প্রতিবিধান ক'রব। এতদিন তোমার বিষাদের কারণ জ্ঞাত ছিলাম না ব'লেই, আমি তার প্রতিবিধানে সমর্থ হইনি; এখন কারণ যখন বুঝেচি, তখন আর ঐর্ষ্যা হবার কোন কারণ নাই। আমি মান্দাররাজ্য চিনি, আর মান্দাররাজ এবং তাঁর রূপলাবণ্যবতী কন্তা সুরজামাকেও চিনি। দেবীকুমারী সুরজা দেবীতাবাপন্ন। মানবকে পতিত্বে বরণ ক'রবেন, এই তাঁর প্রতিজ্ঞা। তাতেই তোমার হুরাশা। কিন্তু বৎস! অদৃষ্ট আর দৈব সকল সময় কার্যদর্শী হয় না। পুরুষকারের প্রয়োজন হয়। দেখ, বৃদ্ধের পুরুষকার, আর তোমার অদৃষ্ট-দৈববল সহযোগী হয় কি না? সুকাম্য—

সুকাম্য। প্রভু—

রুদ্ৰাসুর। তুমি এই মুহূর্ত্তে মান্দাররাজ্যে যাত্রা কর। মান্দাররাজকে আমার বিশেষ অভিবাদন জানিয়ে, তাঁর কুমারী কন্তার সহিত সাক্ষাৎ ক'রবে। আর আমার পুত্র দুর্গের রূপ, ধন, জন, বাহন, ঐর্ষ্যা ও রাজত্বের বিষয় সেই কন্তার নিকট লবিশেষ বর্ণনা ক'রবে! ব'লবে, "দেবি, তুমি দুর্গকে পতিত্বে বরণ ক'রলে, উপস্থিত ত পাতালরাজ্যের শাটরাণী

হবেই, ভবিষ্যতে ইন্দ্রাণীরও আশা ক'রতে পার । এ বিষয়ে
তঁার অভিমত কি, শীঘ্র আনয়ন ক'রবে ।

সুকাম্য । কোন পত্রাদি—

রুক্মাসুর । কোন পত্রাদির প্রয়োজন নাই । প্রভু সোমনাথের
আশীর্বাদে রুক্মাসুরের নামাভিজ্ঞানই যথেষ্ট !

সুকাম্য । যে আজ্ঞা । (স্বগতঃ) ধন্য পুত্র ! তোমার হুঁশা-
সুআশা, পিতামাতার নিকট আর বিবেচ্য নাই ।

[প্রশ্নান ।

রুক্মাসুর । কেমন বৎস ! তোমার মনোবিকার তাহ'লেই দূর
হবে ত ? বৎস ! চিত্তচাঞ্চলা দূর কর । এখন চল, রাত্রি
প্রভাতপ্রায় ! মাগের আরাধনার কাল উপস্থিত । পূর্ণিকা !
পূজার আয়োজনাদি ক'রে দাও, আমি স্নানার্থে চ'ললাম ।

[প্রশ্নান ।

পূর্ণিকা । চলুন । তাইত, প্রভাত হ'য়ে গেচে ! বাবা দুর্গ ! আর
ভাবনা কি বাবা ! বিলাসিনি ! শীঘ্র গৃহকার্য্য ক'রে নে ।

[প্রশ্নান ।

দুর্গ । ভাবনা ! ভাবনা উপশমের এখন যথেষ্ট কাল প্রতীক্ষা
ক'রতে হবে । যদি দেবী সুরজাকেই লাভ করি, তাহ'লেই কি
দুর্গাসুরের চিন্তাজরের বিচ্ছেদ হবে ? আরও যে আমার বিষম
চিন্তা ; গোরক্ষনাথের পিতা স্রোমনাথের অনুগ্রহে আমাদের
পাতালরাজ্য ! কি ঘৃণা ! যেদিন কাঙ্গড়াধিপতি সোমনাথের
বংশ ধ্বংস ক'রতে পার্ব, যেদিন গোরক্ষনাথের—করক্ষনাথের

নাম চিরদিনের জন্য জগদ্বাসী বিস্মৃত হ'য়ে যাবে, সেইদিন—
সেইদিন দুর্গাসুরের ভাবনার তরু সমূলে উৎপাটিত হবে ।
নতুবা যে কণ্টকে দুর্গাসুরের হৃদয় বিদ্ধ, সে কণ্টকের রক্ত
কখন আরোগ্যলাভ ক'র্বে না । দেখি জগদীশ ! তোমার
নির্দিষ্ট ইচ্ছা কোন্‌কালে পূর্ণ হয় ? আর এক বিষম প্রতি-
হিংসা, পিতা ইন্দ্রকর্তৃক পরাজিত হন । সেই ইন্দ্রকে স্বর্গচ্যুত
ক'র্ব । সেই ইন্দ্র চিরদিন আমার শরণাগত হ'য়ে থাকবে ।
আজই স্বর্গরাজ্য আক্রমণ ক'র্ব ; পিতাকেও এ কথা ব'ল্বে
না । ইন্দ্রাসন অধিকার ক'রে, পিতাকে এই শুভসংবাদ
প্রদান ক'র্ব ! সৈন্যগণ ! প্রস্তুত হও, আজ হ'তে দুর্গাসুর
কার্যক্ষেত্রে অবতীর্ণ ।

[প্রস্থান ।

দ্বিতীয় গর্ভাক্ষ ।

[বনপথ ।]

রঘুনাথজী, শ্যামলাল, আনন্দস্বামী, মোহনলাল,
জ্ঞানানন্দ প্রভৃতি সন্ন্যাসিগণের প্রবেশ ।

সকলে ।

গীত ।

মা হ'য়ে ঐ উষারাগী মুখ ধুস্তে দেয় শিশিরজল ।

পাখীর ডাকে ছেলের ডাকে উঠ' রে ছেলের কাজে চল ।

মা দেয় ঐ নখিন হাওয়ার হাত বুলায়ে গার,
 ভাল বেসে ফুলের বাসে, চৌদিকে মা ছড়িয়ে দেয়,
 আশীষ পেয়ে মায়ের ছেলে, হাসে খল খল—
 ছাড়ে শয্যাগুল ।

রাঙা ফুল ফুটলো বাগানে, প'ড়তে মায়ের রাঙা পার,
 রাঙা রবি উঠলো গগনে, গাইতে মার মহিমার,
 মায়ের ছেলে মা মা রবে, জাগনা রে ছুমগুল ।

কালি কুলাও, দেবী কুলাও, জয় মা মঙ্গলচণ্ডি ! জয় মা
 দুর্গতিনাশিনি ! হর হর শঙ্কর হরে মুরারে ।

রঘুনাথ । আজ কি এত প্রভাতে উঠেচি যে, স্নানাদি প্রাতঃ-
 কৃত্য ক'রে এলাম, তবু ত সুশীল গোরক্ষনাথ করুণাথ
 আস্চেন না ।

মোহনলাল । নিশ্চয়ই তাই, ততক্ষণ প্রভু জ্ঞানানন্দ ! আপনি
 একটি ব্রহ্মসঙ্গীত গান করুন । আপনার পবিত্র মুখের
 ব্রহ্মসঙ্গীত অতি মধুর—অতি উপাদেয় ।

জ্ঞানানন্দ । উত্তম । আমারও সৌভাগ্য ।

গীত ।

কি দিয়ে আঁকিব তোমার সে ছবি ইচ্ছাময় ।
 যে ছবি অনিলেখনলে শিখরিসলিলে সর্ব্বময় ।
 জ্ঞানের অতীত ধ্যানেতে না পাই, ভক্তজন বুঝি ইচ্ছামত তাই,
 মাঝাইল তোমা জগৎগোসাই, মনোময় সাজে মনোময় ।

মধুর ভাবের যারা হে ভিখারী, সাজাইল তারা ত্রিভঙ্গ মুরারি
করে বাঁশি দিবে বামেতে কিশোরী, সাজাইল রূপ মধুময় ॥

(প্রভু হে সে রূপের তুলনা নাই, সেরূপ সদাই নবীন সদাই নবীন,
নব নটবর হে—) ॥

বীর ভক্ত যারা তারা বীরচায়ে, সাজায়েছে প্রভু বীর-অলঙ্কারে,
পুত্ররক্তপানে খড়্গ মার করে, কি ভীষণ সাজ দয়াময় ॥

(প্রভু হে সকল ত তোমার ছবি, তুমি কখন নারী কখন পুরুষ,
কখন হও বহুরূপ) ॥

কেহ নিরাকারে তোমায় পূজা করে,

কোথা নিরাকার তুমি ত সাকারে,

আকারে ভ্রমিছ প্রতি ঘরে ঘরে, সবি ভব খেলা লীলাময় ॥

(প্রভু অধম আমি যাও জ্ঞানের আলো,

তাই ল'য়ে তোমার দেখ'ব জ্যোতি, ওহে ও জ্যোতির্নয়) ॥

শ্রামলাল । অতি মধুর—অতি মধুর ! নিরাকার ব্রহ্মোপাসনা এরি
নাম ।

রঘুনাথ । এই যে ভক্তিমান্ গোরক্ষনাথ আর করঙ্গনাথ । রংস !
তোঁমাদের বিলম্ব দেখে আমরা মনে করছিলাম যে, বোধ হয়
আমাদিগে বিস্মৃত হ'য়েচ ।

পুষ্পপাত্র লইয়া গোরক্ষনাথ ও করঙ্গ-
নাথের প্রবেশ ।

গোরক্ষনাথ । প্রভুরা ত সেরূপ আশীর্বাদ করেন নাই যে, প্রভু-
দের সেবা ক'রতে সোমনাথবংশের একটা ক্ষুদ্র কীটও এক
মুহূর্তের জন্ত বিস্মৃত হবে । (করঙ্গনাথ'সহ প্রণাম)

সন্ন্যাসিগণ । ধর্ম্মে মতি এবং দীর্ঘজীবন লাভ কর ।

করঙ্গনাথ । প্রভু ! আমাদের ত বিলম্ব হয় নাই, আমরা নির্দিষ্ট সময়েই উপস্থিত হ'য়েছি ।

শ্রামলাল । সত্যই তাই, আমরা আজ অতি প্রত্যাশে গাত্রো-
থান ক'রেছিলাম ; তজ্জন্মই বিলম্ব বোধ হ'ছিল । এক্ষণে
বৎস ! পূজার সময় আগত, পূজার পুষ্প দাও ।

গোরক্ষনাথ । (পুষ্পপাত্র প্রদানপূর্ব্বক) গ্রহণ করুন ।

শ্রামলাল । ধন্য গোরক্ষনাথ ! তোমরাই ধন্য ! যে কঠিন ব্রতা-
চরণে তোমরা দুই ভ্রাতা কার্য্যনৈপুণ্য প্রদর্শন করাচ্ছ, ইহা
প্রত্যেক ধর্ম্মজীবীর আদর্শ । বৎস ! পার্থিবধামে এর পুর-
স্কার নাই, অনন্ত আলোকময় স্বর্গধামে তোমাদের অক্ষয় পুর-
স্কার রক্ষিত আছে, একদিন সে দিন আসবে, যে দিন সেই
অক্ষয় পুরস্কারমালায় তোমরা দুই ভ্রাতা শোভিত হবে ।
যাও বৎস ! রাজধানী অভিমুখে গমন কর । এক্ষণে আমা-
দের কার্য্য আমরা করি গে ।

গোরক্ষনাথ ও করঙ্গনাথ । প্রণাম গ্রহণ করুন ।

(উভয়ের প্রণাম)

সকলে । ব্রত পূর্ণ হ'ক বৎস !

[গোরক্ষনাথ ও করঙ্গনাথ ব্যতীত সকলের প্রস্থান ।

গোরক্ষনাথ । ভাই করঙ্গনাথ ! প্রভাতে পুষ্পচরন ক'রে সন্ন্যাসি-
গণকে প্রদান ক'রলে, সন্ন্যাসিগণ যথার্থই পরম পরিতুষ্টি লাভ

দুর্গাস্তর ।

৯

করেন। দেখলে ভাই, কিরূপ অকপটহৃদয়ে আমাদের দুইভ্রাতাকে আশীর্বাদ ক'রলেন।

করঙ্গনাথ। স্বর্গীয় পিতা ভাই এই ব্রত অবলম্বন ক'রেছিলেন। সন্ধ্যের অমুঠানে বাস্তবিকই একটা আনন্দ উপস্থিত হয় দাদা !

সুকাম্যের প্রবেশ ।

সুকাম্য। ভাই ত কোথায় এলাম ! পথ ভ্রম ঘটেচে কি ! ভাই ত, বলি মহাশয় ! মান্দাররাজ্য যাবার কি এই পথ ?

গোরক্ষনাথ। না, ইহা কাক্কেড়রাজ্য।

সুকাম্য। কাক্কেড়রাজ্য ? একটু দাঁড়াও বাবা ! আগে প্রণাম করি। (প্রণাম) আহা, ইহা আমার প্রভুর প্রভুর রাজ্য। পবিত্র রাজ্য ! এ রাজ্যের নামে আমাদের স্মপ্রভাত হয়। ভাল, এ রাজ্যের রাজধানীটা কোন্ পথে ? এও আমাদের জানা রাজ্য ! এখানকার রাজার সঙ্গেও পরিচিত আছি।

করঙ্গনাথ। আপনি কোথা হ'তে আসছেন ?

সুকাম্য। বহুদূর হ'তে ! তোমরা তা জানবে না। তোমরা কাক্কেড়রাজধানীর পথটার কথা বললে দাও। আমাকে এখনি মান্দাররাজ্যে যেতে হবে।

গোরক্ষনাথ। আপনি কি কেবল পথ জানবার জন্য কাক্কেড়-রাজধানীতে যাবেন, না অন্য কোন কারণ আছে ?

সুকাম্য। না এমন কোন কারণ নাই, তবে রাজধানীতে

গেলে প্রভুর প্রভুর বাসভূমি দর্শন করা হবে, আর আপন গন্তব্যপথের পরিচয়টা বিশেষরূপে পাওয়া যাবে ।

করঙ্গনাথ । আপনার প্রভুর নাম কি ?

সুকাম । আমার প্রভুর নাম কাঙ্গোড়প্রভুর দাস । আমার প্রভু এই ব'লেই নিজের নামের পরিচয় প্রদান করেন ।

গোরক্ষনাথ । করঙ্গনাথ ! সেই মহাত্মা কে ?

করঙ্গনাথ । আমার বোধ হয়, পাতালরাজ রুক্মাসুর । সেই মহাত্মাই পিতার অতি প্রিয়পাত্র ছিলেন এবং পিতা তাঁর বিপদকালে যথেষ্ট উপকার করেন ।

সুকাম্য । আজে হাঁ, আজে হাঁ, আপনারা ?

গোরক্ষনাথ । তোমার প্রভুর প্রভুপুত্র !

সুকাম্য । (পদতলে পতিত হইয়া) মার্জনা করুন । অপরাধ ক্ষমা করুন । আমি নারকী, প্রভুদের নিকট আত্মাপলাপ ক'রেছি । ক্ষমা ক'রতেই হবে, তা নৈলে অধীন ছাড়বে না ।

গোরক্ষনাথ । অপরাধ কি ভদ্র ! তোমার অদ্ভুত প্রভুভক্তি দেখে, আমরা উভয় ভ্রাতাই সন্তুষ্ট হ'রেছি । যাক্, তাই নয় ক্ষমাই ক'রলাম । কিন্তু মতিমান্ ! আপনার এত শীঘ্র মান্দাররাজ্যে যাবার প্রয়োজন কি ?

সুকাম্য । প্রভুর প্রভুপুত্রের নিকট আমার গোপন করবার কিছুই নাই ! বিশেষতঃ আপনারা সাক্ষাৎ ধর্ম্মীবতার । ভবে গুহুন, প্রভো ! আমার প্রভুপুত্র কোন কারণে মান্দার-

রাজ্যে গমন করেন, তথায় মান্দাররাজতনয়াকে দর্শন ক'রে তিনি তাঁর রূপে লালায়িত হ'য়েচেন । বোধ হয় মান্দাররাজ-তনয়া আমার প্রভুপুত্রকে পতিত্বে বরণ ক'রতে প্রস্তুত নন, তাই প্রভুর আদেশে রাজকন্য়ার নিকট প্রভুপুত্রের রূপৈশ্বর্যা-গুণাবলীর প্রলোভন প্রদর্শনের জন্তই আমার মান্দাররাজ্য গমনের উদ্দেশ্য ।

গোরক্ষনাথ । তাহ'লে তুমি দূতপদে বরিত হ'য়েচ ?

সুকাম্য । আজ্ঞে—কি করি, প্রভুর আদেশ ।

গোরক্ষনাথ । দূত ! ঐ সঙ্গে কি আমার একটি আদেশ প্রতিপালন ক'রবে ? যদি আপত্তি না থাকে, তাহ'লে ঐ সঙ্গে আমারও একটি আদেশ পালন ক'রলে, আমি পরম সুখী হব ।

সুকাম্য । সে কি প্রভু ! দাস অবনতমস্তকে তাহা প্রতিপালন ক'রবে । আজ্ঞা করুন !

গোরক্ষনাথ । দূত ! আমিও শু'নচি, মান্দাররাজকুমারী সুরজা-সুন্দরী অতি গুণবতী ও রূপবতী ; সুতরাং আমিও তাঁর প্রার্থী । তবে তুমি তোমার প্রভুপুত্রের রূপৈশ্বর্যাগুণাবলীর যেরূপ প্রলোভন সংগ্রহ ক'রে গমন ক'রচ, আমার তাহা সম্পূর্ণ অভাব । সুতরাং তোমার সহিত তাহার কিছুই আমি প্রদান ক'রতে সক্ষম হ'লাম না । তবে এইমাত্র সেই কুমারীকে বল যে, কাজোড়াধিপতি ধনশূণ্য গোরক্ষনাথ তোমার প্রার্থী । যদি তুমি তাহাকে পতিত্বে বরণ কর,

তাহ'লে রুক্মাসুরের পুত্র দুর্গাসুরের ঞ্চার তোমাকে তিনি
ঐহিকসুখে সুখিনী ক'রতে পারবেন না । তবে তোমার
পারলৌকিক সুখের জন্ম তিনি সর্বদাই প্রস্তুত থাকবেন ।

সুকামা । যে আজ্ঞে ! আজ ধন্য হ'লাম ! প্রভুর প্রভুপুত্রের
আদেশ প্রতিপালন ক'রে জীবনকে সার্থক ক'রব !

করঙ্গনাথ । এই পথে—মান্দাররাজ্যে যাবার সুবিধা ! আপনি
এই পথেই গমন করুন !

গোরক্ষনাথ । আমি এই পথেই অপেক্ষা ক'রব, মান্দাররাজকন্টার
যে রূপে অভিমত হবে, তাহা জ্ঞাত হওয়া আমার বিশেষ
আবশ্যক ।

সুকামা । যে আজ্ঞা ! দাসের প্রণাম গ্রহণ করুন । (প্রণাম)

গোরক্ষনাথ ও করঙ্গনাথ । অভীষ্ট পূর্ণ হ'ক । এক্ষণে আমরা
চ'ললাম ।

[উভয়ের প্রস্থান ।

সুকামা । আহা, কি চাক্র কমনীয় মূর্তি ! মন্থথ যেন নিজের
অঙ্গ হারিয়ে এই কাঙ্ক্ষোড়রাজ্যে এসে ছই মূর্তিতে উদয় হ'য়ে-
চেন । ইনি আবার কে ? বেটা অণ্ডাবক্রমুনি না কি ?

ব্যঞ্জনেশ্বরের প্রবেশ ।

ব্যঞ্জনেশ্বর । ওহে ঘটক বাবাজি ! প্রাতঃপ্রণাম বাবা ! মান্দার-
রাজ্যে যাচ্ছ ত, ঐ সঙ্গে আমারও বাবা ঘটকালীটা ক'রে
এস ! দেখ বাবা, কাজ যদি হাসিল ক'রতে পার, রীতিমত

বকসিস্ পাবে ! আমাকে চেন ত, আমার নাম বাঞ্ছনেশ্বর !
ধনকুবের, ধনকুবের ! মান্দাররাজকন্যা আমার গলায় যদি
মালা দেয়, বুঝলে কি না, একবারে পাটরাণী, গয়নায় রাস-
মঞ্চ ক'রে দোব । আর আমার রূপের কথাও ব'লবে, তবে
এ বাঁকাচলনটার কথা ব'লো না, আর যদি বল, তাহ'লে
একটু আধ্যাত্মিকভাবে ব'লবে, বুঝলে একটু গোলমালে
গোছের ব'লবে, বুঝলে ?

সুকাম্য । আজে—তা বৈকি ! বেলা অধিক হলে আস্চে, এখন
একটু রসিকতা রাখুন, অনেক দূর যেতে হবে ।

বাঞ্ছনেশ্বর । বকসিস্—বকসিস্ পাবে ! দেখ, আমার এ ছোটখাট
শরীরটা দেখে অগ্রাহ্য ক'র না ! আমি একটা বেন তেন
লোক নই । আমার মাথায় চাক ঘুর্চে ! বুদ্ধির দৌড়ে আমি
সব চিন্ ! তাবাবা নারাজ হ'চ্ছ কেন ? এর ওর ঘটকালীটা
ক'রতে পারবে, আর আমার বেলাই একবারে মরিয়া হ'লে
চ'লেচ ? কাজ কিন্তু ভাল ক'রুচ না বাবা ! আমার কথাটাও
পায়ে ক'রে নিয়ে যাও ।

সুকাম্য । মহাশয় ! ওরূপ কথা ব'ল্চেন কেন ?

বাঞ্ছনেশ্বর । মদনের হাঁপায় ! শুনেচি, রাজকুমারী অতি রূপ-
বতী । তাই এত বাবা ! দয়া হ'ল ? ব'লবে ত ?

সুকাম্য । এত ক'রে যখন ব'ল্চেন, তখন ব'ল্ব বৈ কি ।

বাঞ্ছনেশ্বর । ব'ল্ব বৈ কি নয়, একটু গুছিয়ে গুছিয়ে, যাতে
বিদ্যায়তীর মনটা আমার দিকে টলে—এমন ক'রে বুঝলে ?

একটু আধ্যাত্মিক ভাবে—বুঝ্লে—হা—হা—হা ! বুঝ্লে ?
বুঝ্লে পেয়েচ ? হা হা—বুঝ্লে ?

সুকামা । (বাঙ্গভাবে) আজ্ঞে তা বৈকি, তা বৈকি, বুঝিয়ে
ব'ল্বে বৈকি ! হা—হা—হা—সে কি—মশায় ! হাঃ হাঃ ।

[উভয়ের প্রশ্নান ।

তৃতীয় গর্ভাক্ষ ।

[উপবন]

সুরজা ও সখীগণের প্রবেশ ।

সকলে ।

গীত ।

বালিকা ফুলের মত হও ।

ক'রে ফুলের মত কোমল হিয়ে, সবার সমান আদর লও ॥

ফুলের মত হাসি কর, ফুলগন্ধের গুণ ধর,

আপনি ফোট আপনি শুকাও কারও ধার না ধের,

আমোদিনী—হও ফুলরাণী,

দেবতা এসে নিধন পারে, তুমি আর কারো নও ॥

১ম সখী । সুরজা, তোমার এ গানটার বোন রসকস নাই । যেন
একটু মেঠোমেঠো ।

সুরজা । কেন, এমন ফুল, তার গন্ধ, ফুট্চে, শুকোচে—কত মনো-
হর ভাব, এমন গানে তুমি রস পেলে না ?

১ম সখী । রস থাকবে না কেন, তবে কি জান, শুকনো শুকনো !
মধো ছ'একটা কথায় একটুকু আধটুকু রস আসছিল, শেষচরণে
একটা দেবতাকথা নিয়ে এসে, সব রসটুকুই সেখানে তুমি
নিঙুড়ে ফেলেচ ।

২য় সখী । ঐ দেবতাকে আত্মদানের কথা বুঝি সুবল্লি ?

৩য় সখী । কেন বেশ ত, দেবতা বর হবে, মন্দ কি ?

১ম সখী । আ মূরে যাই, রূপে বাগান আলো ক'রে আছিস
কিনা ? রূপ দেখে দেবতা আহাৰ নিদ্রা ভুলে গেছেন ?

৩য় সখী । আমিই না হয় দেখতে কাল, কিন্তু সুরজাদিদির রূপই
বা মন্দ কি ! অনেক দেবতার ঘরে এমন আলোকরা ধন
অতি অল্প ।

সুরজা । রূপে কি আসে যায় বোন সুবল্লি ! রূপ ত ছ'দিনের,
বিশেষঃ স্ত্রীলোকের । এ রূপের বড়াই অজ্ঞস্ত্রীলোকেরাই
ক'রে থাকে ।

১ম সখী । তা বটে বোন, কিন্তু এই রূপেই আবার পুরুষ পাগল
হ'য়ে পড়ে ।

সুরজা । তাকে আর পুরুষ বলে না সুবল্লি ! সে পুরুষত্ব হারিয়ে
কাপুরুষ হ'য়েই এমন করে । যে পুরুষের দূরদর্শন নাই,
সে আবার পুরুষ ?

১ম সখী । 'ও সব বনের কথা, ঋষিতপস্বীর কথা । তা বোন, মন ত আর বন নয় ? মনের কথা তাই কি ?

সুরজা । সুবল্লি ! তোর দোষ নাই বোন, আমাদের জাতির এমনি অধোগতিই বটে ! আমরা নিজে নিজেই লক্ষ্মীনামে কলঙ্ক দিয়েছি । আমাদের মনকে আমরাই স্বাধীনতা দিয়ে দুর্লভ নারীকূলে চিরদিনের জন্ম কালি পেড়েছি । সে কালি-সহজে যাবে না । ভগিনি ! আমরা যদি নিজের মনকে নিজে বাঁধতে পারতাম, রূপের মোহে আত্মকুল বিসর্জন না দিতাম, সংযমব্রতে আপনার হৃদয়কে সর্বদা উন্নত রাখতাম, বল দেখি তা কত সুন্দর হ'ত ? এ সংসারবাস আর সে নিত্য-বৈকুণ্ঠ প্রভেদ কি থাকত ? লোকে একটা লক্ষ্মীর রূপাবলে সংসারে কত উন্নতি করে—আর সে প্রতি ঘরে ঘরে লক্ষ্মীর আবাসস্থল হ'লে—সংসারীর আর অভাব কি ছিল ? হাহা-কার—নিরাশার চীংকার চিরদিনের জন্ম সংসার হ'তে চ'লে যেত' । এ সংসারে এসে এমন ক'রে কারেও কাঁদতে হ'ত না ।

১ম সখী । সুরজা, তবে কি তুমি সংসারে রূপটা কিছুই নয় ব'লে বল ?

সুরজা । কেন সুবল্লি, তা ব'লব কেন ? রূপ যদি কিছুই না হবে, তবে প্রকৃতিদেবী নব নব বেশে সজ্জিত হন কেন ? রূপ চক্ষুর তৃপ্তি ! মনের মোহকারী ।

২য় সখী । আচ্ছা, সুরজা ! রাগ ক'রিস না বোন ! তোমার একটা কথা ব'লব, তবে বলি—রাগ ক'রবে না ?

সুরজা । কখন না । রাগ ক'র'ব কেন, রাগ এত সস্তা ক'রলে
বাস ক'র'ব কি করে ।

২য় সখী । তবে বলি,—আচ্ছা তোমার যদি একটা খুব কাল কুচ্-
কুচে বর হয় ? তুমি তাকে পছন্দ কর ?

সুরজা । তিনি যদি দেবস্বভাবাপন্ন হন, তাহ'লে সুরজার তিনি
আরাধ্য বস্তু !

১ম সখী । অবাক্ অবাক্ ! বলি রাজকুমারি ! এমন সুন্দর
রূপযৌবন অভাগার পারে চেলে দেবে ? একটুকুও মায়ী
মমতা হবে না-?

সুরজা । এবারে রাগ ক'র'ব সুবল্লি ! আমার রূপযৌবনে
কারো অধিকার নাই ! আমার এ রূপযৌবন সংগুণের
দাস । সুতরাং আমি তাঁর দাসী । আমি স্বামীর রূপ চাই
না, ধন চাই না, ঐশ্বর্য্য চাই না, চাই তাঁর কেবল দেবহুপ্রাপ্য
মন । যে মনে তিনি স্বর্গে যেতে পারবেন, যে মনে তিনি
আমার সরল ব্যবহারে আমাকে স্বর্গে যাবার সঙ্গিনী ক'রতে
পারবেন, সেই দেবাত্মাই আমার সর্ব্ব স্ব । তিনিই আমার
আরাধ্য ! তিনিই আমার অভীষ্টপুরুষ ।

সখিগণ । ধন্য, ধন্য সুরজা ! আমাদের পরীক্ষা শেষ হ'য়েচে ।
সুরজা, আমরা মানবী নই, মায়েরু আদেশে—এতদিন
তোমার পরীক্ষা ক'র'ছিলাম ! এখন পরীক্ষাপাশমুক্ত হ'লে ।
অতুই তোমার মনোমত স্বামীর নির্দেশ পাবে । তাকেই

বরমালা দিয়ে মায়ের সেবিকা হ'রে, আনন্দে সংসারযাত্রা
কর। (বেশপরিবর্তন ও দেবালার আবির্ভাব)

দেববালাগণ ।

গীত ।

সই মে মে নে আসচে লো তোর নেংটা দিগম্বর ।

ভাবের ভাঙে বিভোল পাগল ভাষে না কারু আপন পর ॥

সাধের বাসর কালি হবে, দেবতার ফুল দেবতা নেবে,

তুই আপন মনে সে চরণে—স্বাস দান কর—

আজ মায়ের বরে মিল্‌লো লো, তোর মনের মত গুণের বয় ॥

[প্রস্থান ।

সুরজা । কি হ'ল, কি হ'ল, স্বর্গীয়বিদ্যতে যে চোখ ঝলসে
গেল ! সুবল্লি, সুরমা, সুষমা, সুরজা—তোমরা আমার সঙ্গিনী
নও ? ছলনা ক'রে মানবী সঙ্গিনীরূপে মা মহামায়ার আদেশে
আমায় পরীক্ষা করতে এতদিন এ সংসারপক্ষে অবস্থান ক'র-
ছিলে ? দেবি ! দেবি ! না জেনে শুনে, না বুঝতে পেরে
কত অপরাধ ক'রেচি, সে পাপের অবধি নাই, তার শেষ নাই,
কি হবে—মা মঙ্গলচণ্ডিকে ! কি হবে মা দক্ষনন্দিনি, নন্দি-
নীর পাপের প্রায়শ্চিত্ত কি হবে মা ! দেবি ! আমি আপনা-
দের পদে জ্ঞানকৃত কোন অপরাধ করিনি, মার্জনা কর ।
মা—মা—আমায় পাপ নিশ্চি মা ! (প্রণাম)

সুকাম্যের প্রবেশ ।

সুকাম্য । (স্বগতঃ) এ উপবনবেদিকার নন্দিনীয়ে মা গণেশজননী—
না মান্দাররাজনন্দিনী সুরজাদেবী ? মায়ের অল্পম অলৌকিক

সৌন্দর্য্যশ্রোত কোন্ সৌন্দর্য্যগিরিবিনিঃসৃত হ'রে এমন
মৃদুমন্দ মধুরভাবে বিশ্বপ্রাঙ্গণ প্লাবিত ক'রচে মা ! রূপে যেন
অনন্তপ্রাণী স্মৃশীতল হবার জন্ত অবগাহন ক'রতে "মা মা" বলে
ছুটে আস্চে ! মাগো—বিশ্বের রূপ সব চুরি ক'রে, এমন সাধের
বিশ্ব তোমর শ্রীহীন ক'রে রাখতে হয় ? দেখ্ দেখি মা, তোমর
বিশ্বের রূপ ! যে রূপে বিশ্ববাসী রূপশালী, আজ তাদের সে
রূপের কত পরিবর্তন ঘ'টেচে ! দেখ মা ! সে অন্তর—অনেক
অন্তরে গিয়ে প'ড়েচে, সে তেজঃ—অনেক প্রভাশূণ্ড হ'য়েচে !
প্রভাময়ি, তোমার বিন্দু প্রভা আজ বিশ্ববাসীর হৃদয়ে ছড়িয়ে
দাও মা ! সেই প্রভায় বিশ্বের মোহতামসচ্ছন্ন জীবন্তলী
প্রভাসিত হ'ক্ ! আপনার রত্নকে আপনারা:চিত্তে পারুক ।
আপনার বস্তুকে আপনার ক'রে নিস্বার্থদেবতার অর্চনা
করুক । যাক্, এক্ষণে মাকে কিরূপে প্রভুর আদেশ ব্যক্ত
করি ! কৈ—পশ্চাত্তে যে মন্দাররাজ স্বয়ং ছিলেন, তিনি
কোথায় গেলেন ! ওঃ বুঝেচি, তিনি আমার মাতৃভক্ত দেখে
নির্জনে মাতৃপূজা করবার জন্ত অবসর প্রদান ক'রেছেন ।
(প্রকাশে) মা !

সুরজা । কে আপনি ?

সুকাম্য । সন্তান ।

সুরজা । আপনি এখানে কিরূপে এলেন ?

সুকাম্য । মায়ের কাছে ছেলে যেমন ক'রে যায় মা !

সুরজা । প্রহরীরা আপনাকে কিছু বলে না ?

সুকামা । মায়ের নামে যমে যখন কিছু বলে না, তখন সামান্য

প্রহরী তোর ছেলেকে কি বলবে মা !

সুরজা । আপনার আগমনের উদ্দেশ্য কি ?

সুকামা । প্রভু আদেশ পালন ক'রতে ।

সুরজা । কে আপনার প্রভু ? তাঁর কি আদেশ ?

সুকামা । আমার প্রভু পাতলাধীশ্বর রুক্মাসুর, তাঁর আদেশ—

তাঁর পুত্র দুর্গাসুরকে আপনি পতিত্বে বরণ করুন । মা !

দুর্গাসুর প্রবলপ্রতাপাশ্রিত মহীপতি । তাঁর রূপের বর্ণনা

সামান্য মানব হ'লে বর্ণনা ক'রতে আমি অক্ষম । সাক্ষাৎ

কন্দর্প ব'লেও বোধ হয় অভ্যক্তি হবে না । ধনের ত

কথাই নাই, তাঁর পিতা রুক্মাসুর কুবেরকে পরাজয় ক'রে,

অলকাপুরীর সমুদায় ঐশ্বর্যই পাতালে আনয়ন ক'রেছেন ।

কুবেরভাণ্ডার এক্ষণে ধনশূন্য, পাতাল রাজকোষ সর্বদাই

ধনপরিপূর্ণ ; দাসদাসী পরিচারিকা পিপীলিকাশ্রেণীর মত

সর্বদাই পরিভ্রমণ ক'রচে । রাজপুরী ইন্দ্রপুরী অপেক্ষাও শ্রেষ্ঠ ।

সৈন্যবলের আধিক্যে পৃথিবীর প্রায় সমুদায় রাজ্যবর্গই দুর্গা-

সুরকে করপ্রদান ক'রে করদরাজ নাম গ্রহণ ক'রেছেন ।

আর মা ! দুর্গাসুর একজন প্রকৃত মহাযোদ্ধা ! তাঁর বাহু-

বলের অবধি নাই ! আপনি তাঁকে স্বামিত্বে বরণ ক'রলে উপ-

স্থিত ত পাতালরাজ্যের পাটরাণী হবেনই, আবার ভবিষ্যতে

ইন্দ্রাণীরও আশা ক'রতে পারেন । দুর্গাসুর একজন যথার্থ

প্রণয়ী, আপনাকে যথার্থ ভালবাসেন । তিনি এ কথা ব'লে-

চেন, মান্দাররাজতনয়া আমাকে বরমালা প্রদান ক'রলে,
তাঁকে আমি যথেষ্ট সম্মানের সহিত সততই পর্যবেক্ষণ ক'রব
সুরজা । আপনি দূত ? দূতবর ! আর না যথেষ্ট হ'য়েচে, আমি
আপনার প্রভুপুত্রের আত্মগরিমা শোনা অপেক্ষা নরকযন্ত্রণা
অধিক ভালবাসি । এ কথা আপনার প্রভুপুত্রকে ব'লবেন ।
তখন বিবাহ ত অনেক দূরের কথা ।

সুকাম্য । ক্ষমা কর মা ! কি ক'রব, প্রভুর আজ্ঞার এমনি অধম
আমি, মায়ের মনেও আজ ব্যথা দিতে হ'ল ।

সুরজা । দূতবর ! আপনি দূত, আপনি নিরপরাধ ! কিন্তু
আপনার প্রভুপুত্র দুর্গাসুরের ছুরাকাজ্জার কথা আমার অতি
শ্রুতিকঠোর, তাই আপনাকে আমার উচ্চশ্রুতি গুণ্ডে
হ'য়েছিল, আমাকে ক্ষমা ক'রবেন ।

সুকাম্য । মা—

সুরজা । কেন বাবা ?

সুকাম্য । আমি দূত, তাতে শাস্ত্রবিহিত আমার সর্বদোষই
ক্ষমাই ! আবার আমি সন্তান, আপনি মাতা, সুতরাং তাতেও
আমার যথেষ্ট স্বাধীনতা আছে, কেন না মায়ের কাছে ছেলের
স্বাধীনতা সর্বক্ষণই ।

সুরজা । সে স্বাধীনতার সুখ বিবেচনা কর, মুক্ত প্রাণে গ্রহণ
ক'রতে পার ।

সুকাম্য । মা ! পূর্বে আমার প্রভুর আদেশ প্রতিপালন
ক'রেছি, কিন্তু এক্ষণে আমার প্রভুর প্রভুপুত্রের আদেশটা

প্রতিপালন ক'রলেই আপনাকে কৃতার্থশ্রু জ্ঞান করি ।
মায়ের ছেলে তা হ'লেই মায়ের নিকট হ'তে হাস্তে
হাস্তে বিদায় গ্রহণ ক'রতে পারে । দেখিস্ মা, যেন রাগ
ক'রিস্ নে ।

সুরজা । মুক্তকণ্ঠে বল বাবা ! তোমার প্রভুর প্রভুপুত্র কে ?

সুকাম্য । কাঙ্গোড়াধিপতি প্রভু সোমনাথের বংশধর পরম ধর্ম-
পরায়ণ শ্রায়বান্ পুণ্যবান্ সরলপ্রাণ গোরক্ষনাথ । মা ! আমি
প্রভুর আদেশে দূতরূপে ষৎকালে মান্দাররাজ্যভিমুখে আস্-
ছিলেম, তৎকালে সেই জ্যোতির্শ্রয় মহাপুরুষের সহিত
আমার সাক্ষাৎ হয় । ক্রমে পরিচয় হ'ল, এবং আমার প্রমু-
খাৎ আমার প্রভুর আদেশবার্তা শ্রুত হ'য়ে, অতি ধীরভাবে
ও বিনয়সহকারে সেই মহাপুরুষ ব'ললেন, “দূতবর ! তুমি
যখন মান্দাররাজ্যে মান্দাররাজতনয়া সুশীলা গুণবতী সুরজা-
দেবীর নিকট গমন ক'রচ, তখন দেবীপ্রতিমাকে আমার
কথা ব'ল যে, কাঙ্গোড়েশ্বর ধনশ্রু গোরক্ষনাথও আপনার
প্রার্থী । আরও ব'ল, দেবী যদি আমাকে পতিত্বে বরণ
করেন, তাহ'লে ধনৈশ্বর্যবান্ রুক্মাসুরের পুত্র দুর্গাসুরের শ্রায়
যদিও আমি তাঁহাকে ঐহিকস্থে কোনরূপে স্থিচনী ক'রতে
পারব না সত্য, তবে তাঁর পারলৌকিকস্থের জন্ত আমি
সর্বদাই প্রস্তুত থাকব ! এ বিষয়ে তাঁর অভিপ্রায় কি,
আমার এসে সংবাদ দিবে”—মা—

সুরজা । (স্বগতঃ) নিশ্চয়ই এই মানবই দেবতাবাপন ! মায়ের

সঙ্গিনীগণ ইন্দ্ৰিতে নিশ্চয়ই এঁকে আমার পতি নির্দেশ
ক'রে গেলেন । মা, তোমার নির্বাচিত ধন - আমার আরা-
ধনার বস্তু আমি এঁকেই পতিভাবে গ্রহণ ক'রলাম !
ধর্ম সাক্ষী হও, অস্তরের অস্তরতমপ্রদেশে উদয় হ'য়ে সাক্ষী
হও, দরিদ্র গোরক্ষনাথই আমার স্বামী । তাঁর বাক্যে
ধনগর্বের পরিচয় নাই, আকাঙ্ক্ষার বাষ্পলেশও নাই,
কথাগুলি কত সরল, কত প্রাজ্ঞ ! এই ত মহাপুরুষের
বাক্য ! যথার্থই মহাপুরুষ তিনি, তিনিই আমার পতি ।
(প্রকাশে) দূতশ্রেষ্ঠ ! যাও, এক্ষণেই আপনি আপনার প্রভুর
প্রভুপুত্রকে সংবাদ দিন্‌ গে যে, মান্দাররাজতনয়া অগ্ন হ'তেই
আপনার দাসী হ'ল । লও দূতবর ! দরিদ্রার স্নেহোপহার
স্বরূপ এই আপনাকে আমার কণ্ঠহার প্রদান ক'রলাম ।
আমি পিতাকে ব'লে, অগ্নই কাজোড়যাত্রার আরোজনাদি
করি গে । আপনি এক্ষণে মান্দারে আতিথ্যসংকার গ্রহণ
ক'রে, পরে স্বদেশযাত্রা করুন ।

[প্রস্থান ।

সুকাম্য । যে আজ্ঞা মা ! আজ আমার গৌরীদর্শন হ'ল ।
মারের বিবাহসম্বন্ধ স্থির ক'রে চ'ল্লেম । হিমালয়রূপী
মান্দাররাজ তুমিও সার্থক, আর নারদরূপী সুকাম্য তুমিও
সার্থক । তবে মা, নারদরূপী সুকাম্যের এই ত্রীপদে নিবেদন,

কৈলাসে গিয়ে ঈশানী হ'য়ে যেন এ সব খেলা ভুলে যাস
না । জয় মা শঙ্করি !

[প্রশ্নান ।

চতুর্থ গর্ভাক্ষ ।

[কঙ্গোড়—রাজসভা]

(সিংহাসনে স্বর্গীয় সোমনাথের পাছুকা স্থাপিত)

ছত্রহস্তে গোরক্ষনাথ, চামরহস্তে করঙ্গনাথ,

রঘুনাথজী, শ্যামলাল, আনন্দস্বামী,

মোহনলাল, সুখসত্র, জ্ঞানানন্দ,

প্রভৃতি সন্ন্যাসীগণ আসীন ।

সন্ন্যাসীগণ ।

গীত ।

আনন্দে ঠারয়ো । ভেইয়া, আনন্দে ঠারয়ো ।

পাথর মাণিক সাথ্ মে ভেইয়া কিয়া ভেদ বাতারো ॥

কালমেজ্জা তার পাথর মাণিক সন্নি হোবে চুর,

ক্যা ওয়াস্তে মায়কাকাজর পিহ্ মকে ঘরণন কর দুর্,

ছনিয়া বুটা মারা বুটা ভেইয়া খাও আউর খেলায়ো ॥

সকলে । প্রভু সোমনাথজী কি জয় ! জয় প্রভু সোমনাথজী

কি জয় ! জয় প্রভু সোমনাথজী কি জয় ।

গোরক্ষনাথ । স্বর্গীয় ব্রহ্মর্ষি পিতার এই জয়দ্রুতি অনিলসলিল-
পরিবেষ্টিত অনন্তকোটি সৌরব্রহ্মাণ্ডে পরিধূনিত হ'ক ।

করক্ষনাথ । স্বর্গীয় পিতৃদেব ! আপনার অক্ষয় অমর আত্মা—
নিত্যব্রহ্মলোকে পুণ্যের স্বর্ণসিংহাসনে নিত্যব্রহ্মানন্দ উপভোগ
করুক ।

গোরক্ষনাথ । জগন্মঙ্গলময়—মূর্তিমান্ জ্যোতির্ময় পূর্ণব্রহ্ম !
আপনি নরমূর্তিতে মর্ত্যধামে পিতৃরূপে প্রত্যক্ষদেবতা !
আমরা আজ ব্রষ্টভাগ্যে জ্যোতিকর্ষ ব্রহ্মস্বরূপ হারিয়ে: বাল-
কের স্তায় রোদন ক'রুচি ।

করক্ষনাথ । পিতঃ ! জানি, যে জাহ্নবীর স্রোত একবার সাগর-
সঙ্গমে সন্মিলিত হ'য়েচে, তা আর ফিরে আসবে না ; যে দ্রুত-
সঞ্চারী বায়ুহিল্লোল একবার অনন্তে মিশিয়ে গেছে, তার
তরঙ্গাঘাতের আর আশা নাই, তবু দেবতার দেবতা—প্রত্যক্ষ
দেবতা পিতৃদেব ! কোথায় তুমি ? মেহার্জকণ্ঠে উত্তর দাও ?
সে চির উদার চিরসৌম্যশাস্তমূর্তি কিছুতেই ভুলতে পার্চি
না । সেই নগ্নপদ-জটাবঙ্কল—সেই অগ্নিস্থলিঙ্গময় অক্ষিযুগ্ম,
পিতা—পিতা—সেই কন্দরনিঃসৃত ধরবেগা গুরুগম্ভীরা
তরঙ্গিণীর গঙ্গাদনাদী অভিঘাতের স্নিগ্ধ কণ্ঠভাষা, আর কি
শ্রুতিমূলে প্রবিষ্ট হবে না ? হা হর্ভাগ্য ! তুমিই আমাদের
অযত্নাগত রত্নকে প্রত্যাখ্যান ক'রেচে !

গোরক্ষনাথ । ভাই, বুদ্ধিশূন্য লোকেরাই অকিঞ্চিৎকর মায়ী-
প্রলোভনে উন্মত্ত হয় । যেরূপ সমুদ্রপতিত দৈবমিলিত হুই

তৃণ কালক্রমে তরঙ্গাঘাতে পৃথক হ'য়ে যায়, তদ্রূপ পিতামাতা,—
 স্ত্রীপুত্র—আত্মীয়পরিবার—জ্ঞাতীগণের মহামিলন যে, কখন
 দৈবাশ্রিত, কখন চিরবিরহের অনন্তপারে অবস্থিত, তা কে
 ব'লতে পারে ? একদিন দৈবাধীনে আমরা সকলে একত্রে
 মিলে, আনন্দের হাতে শান্তির কোমলছায়ায় সুখতৃপ্তি অনুভব
 ক'রেছিলাম, আবার কয়েকদিন পরে সেই সকলের মধ্যে
 কয়েকটাকে হারিয়ে ফেলে, তাদের বিরহবেদনা মৌনভাবে
 সহ ক'রছি। এই ত ভাই, লীলাবিলাসরতী মহাশ্রুতির মহা-
 লীলার রঙ্গমঞ্চ ! এই বিশ্বনাটকের সংযোগবিয়োগরূপ অঙ্ক-
 গর্ভাকের নির্দিষ্ট স্থান নাই ; এর যেখানে সেখানে ষবনিকা-
 পতন ! ভাই, বীতশোক হও, আমাদের পিতা যখন নখর
 মনুষ্যদেহ ত্যাগ ক'রে ব্রহ্মলোকে অশরীরী ব্রহ্মরূপ প্রাপ্ত হ'য়ে
 চেন, তখন তাঁর জন্ম শোক করা বৃথা। এক্ষণে পিতৃআদেশ
 শিরোধার্য্য ক'রে, পিতৃআদিষ্টধর্মপালনই আমাদের কর্তব্য।

রঘুনাথ। বৎস গোরক্ষনাথ ! তোমার সত্বপদেশ মহার্ঘ ও অমূল্য।
 কিন্তু বৎস ! সেই স্বর্গীয় মহদাত্মা মতিমান্ মহাপুরুষের কথা
 একবার স্মৃতিপথাক্রম হ'লে আমাদেরও সংযতাত্মা নীরবে
 অশ্রুবির্জ্বলন ক'রতে থাকে। হায় ! আমরা নরাধম, তাই আমরা
 সেই মহাসাধুসঙ্গ হ'তে চিরবঞ্চিত হ'য়েছি। করক্ষনাথ—তুমি
 বাছা,—কাঁদ, আমরাও বাছা, তোমার সঙ্গে কাঁদি। আমাদের
 অশ্রু সেই স্বর্গীয় মহাপুরুষের গায়নের কুমুমআস্তরণ হ'ক্।
 তিনি তাতে বিশ্রামলাভ করুন।

শ্রামলাল । রঘুনাথজি ! স্বর্গ কার নাম ? কোন্ স্বর্গে সেই
মহাপুরুষ আজ অবস্থান ক'রচেন, তা জান ?

রঘুনাথ । জানি শ্রামলাল, এই যশোকীর্তিই জীবজীবনের
মহাস্বর্গ ।

শ্রামলাল । এস রঘুনাথজি, পথে এস ; তাঁর সেই যশোকীর্তি
চিরদিনের জন্ত অক্ষুণ্ণ রাখাই এখন তাঁর স্বর্গের সুখবিশ্রাম
এবং আমাদের পরমধর্ম । স্মৃতরাং শোকাক্ত হ'য়ে অশ্রু
পরিত্যাগে তাঁর স্বর্গসুখবিশ্রাম ভঙ্গ করা আমাদের কখন
কর্তব্য নয় । যাতে তাঁর শ্রায়রাজ্য যথাবিহিতভাবে জগ-
তের আদর্শরাজ্যরূপে চিরপরিণত থাকে এবং তাঁর রাজ্যস্থ
প্রজাগণ শ্রায়দণ্ডের অধীনতা স্বীকারপূর্বক সকলে পরম
শ্রায়বান্ পুণ্যবান্ গুণবান্ হন, তারি বিধান করি এস ।
তাঁর জন্ত শোককাতরতা প্রকাশ অপেক্ষা, তাঁর আদিষ্টকর্ম
নির্বাহ করাই তাঁর ভক্ত অনুগতের মহাধর্ম ।

গোরক্ষনাথ । ইহাও পিতৃভক্তি ! পিতা পুনঃ পুনঃ ব'লেচেন—
কখন কর্তব্যকার্যের অবহেলা ক'রো না । মা আমাদের
করুণাময়ী জননী, আবার কখন ভয়ঙ্করী পুত্রঘাতিনী পাষণী ।
মায়ের এক করে বরাভয়, অপর করে ভীমদর্শনা খড়্গকাতি !
অশ্রুত্যাগে পিতৃভক্তির বলসুচিত্র প্রদর্শিত হ'লেও, আমাদের
কর্তব্যকার্যের তাচ্ছল্য প্রকাশ হ'চ্ছে ; ইহাও আমাদের
কর্তব্যক্রটিবশতঃ মহাপাপ ।

মোহনলাল । কর্তব্যেরও ক্রটি হ'চ্ছে, অথচ এ রোদনেরও অর্থ
বুঝি না । কার জন্ত রোদন ? ভাই রে—

গীত ।

কেন কিসের কারণ কররে রোদন ।
কে কার পিতা কে কার মাতা, এ যে পথের দেখা পথের আলাপন ।
ভিন্ন ভিন্ন স্থানের তৃণ কন্দুশ্রোতে মহামিলন,
আবার নূতন শ্রোতে কেউ কারুতে থাকে না ভাব আপন আপন ।
আস্টি কোথা যাচ্ছি কোথা, কোথা কার বাসের ভবন,
মহা ঘুমে ঘুমিয়ে তুমি মাঝে মাঝে দেখ্চ স্বপন ॥

সুখসত্র । মোহনলাল, এ মহাঘুম কবে ভাঙবে ভাই ! এ মহা-
ঘুম না ভাঙলে—

গীত ।

এ যে পাগল হ'ত হয় রে ।
একি মায়াসূত্র, পত্নীকন্ডাপুত্র, হ'য়েচি একত্র,
কি বন্ধন বিষময় রে ।
কথার কথায় বলি কেউ নয় আমার,
কিন্তু হৃদয়মাঝে আমার আমার,
এই কালকূট বিষে, ঘ'টল বিষম দিশে,
মা হারিয়ে শেষে, হেরি ভুবন শূন্যময় রে ।

জ্ঞানানন্দ । সুখসত্র ! সেই মায়ী ছেদনের জন্তই আমাদের সন্ন্যাস
ব্রত । কন্দুযুদ্ধে মায়ী জয় করাই আমাদের ধর্ম । সে যুদ্ধে
বিরত হও না ভাই, চল—

গীত ।

কর জ্ঞানধনুকে আকর্ষণ মাকে যাব জিন্তে ।
 বসিয়ে কি কর, ভক্তিশর ধর, হবে না কালের গর্জন শুন্তে ।
 করি সাধনামদিরা পান, কর বীরাচারে স্বাধিষ্ঠান,
 থাক কেন অচেতন, মায়ের পূজার পদ আন্তে ।
 পড়ি বিষয়কুস্তিপাকে, সদা ঘুরে জীষ তারি পাকে,
 দোষে দয়াময়ী মাকে, তারাই হেন রণ না পারে জিন্তে ।

করঙ্গনাথ । মহাপুরুষ ! পিতারও সেই মহাব্রত ছিল । সেই
 মহাব্রত উদ্‌ঘাপন ক'রে অমরদেবতা অমরধামে চ'লে গেছেন ।
 আশীর্বাদ করুন, আমরাও যেন সেই ব্রতপথে অগ্রসর হ'তে
 পারি ।

গোরক্ষনাথ । ভাই, কাঞ্জোড়বাসী প্রজাগণ কোনকালে অনবস্ত্রের
 কোন কেশ না পায়, এই হ'চ্ছে আমাদের সেই ব্রতের ধর্ম ।
 তারপর সকলেই যাতে ধর্মপরায়ণ, গ্রাম্যানুগত, সত্যবাদী,
 জিতেন্দ্রিয়, সংযতাত্মা হ'য়ে মনুষ্যনাম ধারণ করতে পারে,
 এই ইচ্ছে আমাদের সেই জীবনব্যাপী মহাব্রতের শেষ লক্ষ্য ।
 ঐশ্বর্যালিপ্সা, দুরাকাঙ্ক্ষা রাজধর্ম নয় । রাজা শান্তিরক্ষকমাত্র ।
 এই ব্রত পালন ক'রলে আমাদের পিতৃআদিষ্ট ধর্ম প্রতিপালন
 করা হবে ।

শ্রামলাল । তাহ'লেই কাঞ্জোড়রাজ্য স্বর্গরাজ্য । সেই রাজ্যের
 তোমরা দুইভ্রাতা দুই ইন্দ্র । সেই রাজ্যের অধিবাসিগণ
 দেবতাস্বরূপ ।

রঘুনাথ । শ্যামলাল ! হঠাৎ কাতরনাদে রাজসভা আলোড়িত
ক'রলে কে ? আর্ভধ্বনি ক্রমেই নিকটবর্তী ব'লে অনুভূত
হ'চ্ছে ।

গোরক্ষনাথ ও করঙ্গনাথ । তাই ত—যেন অতি পীড়িতকণ্ঠ !
অতি মর্শভেদী রোদন !

মোহনলাল । ঐ যে—ঐ যে—খল্যাবলুপ্তিত হিরণ্ময় মূর্তির স্মায় এক
অনুগম কিশোরবয়স্ক সুকুমার এইদিকে উন্মার্গগতিতে উর্দ্ধ-
শ্বাসে ছুটে আসছে ! আহা হা, যেন আনন্দের তেজোরশ্মি
আজ বিবাদভঙ্গে বিমলিন বিবর্ণ বিশ্রী ! কে তুমি সুরশিশু !
এত ক্লিষ্টকণ্ঠেবরে রোকস্মান হ'য়ে কোথা হ'তে আস্চ ?

ক্রতপদে অনঙ্গনাথের প্রবেশ ।

অনঙ্গনাথ । (রোদনস্বরে) মহাশয় ! ক্ষমা করুন ! ক্ষমা
করুন ! আমার পরিচয়ের প্রয়োজন নাই । আর কিয়ৎ-
কাল অপেক্ষা ক'রলে এই দুর্ভাগ্যের সকল পরিচয়ই জগ-
তের ইতিবৃত্তে জলস্তাকরে স্পষ্ট দেখতে পাবেন । এক্ষণে
বলুন—এই স্বর্গীয় প্রভু সোমনাথরাজসভায়, কোন্ মহাপুরুষ
তাঁর আত্মজ চিরউদার গোরক্ষনাথ ? তাঁকেই আমার
প্রয়োজন ।

রঘুনাথ । বালক, কি জন্তু তাঁকে প্রয়োজন প্রকাশ কর ।
এইখানেই তিনি অবস্থান ক'রচেন ।

গোরক্ষনাথ । স্বামী রঘুনাথ ! বালক বিপন্ন, আমাকে কেবল

অনুসন্ধান ক'রচে, এস্থলে বালকের নিকট সরলহৃদয়ে সকল কথা প্রকাশ করাই মহাত্মার কর্তব্য । বালক ! আমিই সেই দীন গোরক্ষনাথ । এক্ষণে বল, কি উদ্দেশ্যে এ দরিদ্রের নিকট সমুপস্থিত হয়েচ ? তোমার পরিচ্ছদ ও দৈহিক অবস্থা দেখলে, বাস্তবিকই হৃদয়ে একটা ব্যাকুলতা এসে উপস্থিত হয় । বল বৎস ! আর এ অবস্থার দীনদরিদ্র-কেই বা তোমার প্রয়োজন কি ?

অনঙ্গনাথ । আপনি—আপনি সেই প্রভু সোমনাথের বংশধর গোরক্ষনাথ ? (প্রণাম) পদধূলি দিন । জন্ম সার্থক হ'ল ! মহাত্মন ! আমি আপনার নিকট অতি বিপদে পতিত হ'য়েই এসেছি । রক্ষা করুন, আমাকে একটা ভিক্ষা দিন ।

গোরক্ষনাথ । ভিক্ষা ? এ দরিদ্রের কি আছে বৎস যে, তোমার আমি ভিক্ষাদানে সক্ষম হব ?

অনঙ্গনাথ । বালকের সহিত ছলনা করা আপনাদের ঞ্চার মহা-পুরুষের ধর্ম্য নয় ।

গোরক্ষনাথ । বালক, আমি কিছুমাত্র ছলনা করি নাই । সত্যই আমি দরিদ্র,—নামমাত্র রাজ্যেশ্বর ! আমার পিতৃআদেশ, রাজভাণ্ডার তুচ্ছ মণিমাণিক্যে অলঙ্কৃত রেখ' না ; হ্রলভ ধর্ম্যধনে অনুক্ষণ পূর্ণ রেখ । তজ্জন্ম আমি পিতৃআজ্ঞাপালনে সর্বদাই যত্ববান্ ! বালক, স্মৃতরাং আমি দরিদ্র কি না, তোমার বালকবুদ্ধিতেই মীমাংসা কর ।

অনঙ্গনাথ । সত্য, তা জানি ব'লেই ত আপনার নিকট এসেছি ।

আমি আপনার নিকট ধনঅর্থ ভিক্ষা ক'রতে আসি নাই ।
আপনি যা দিতে সমর্থ হবেন, আমি তাই ভিক্ষা প্রার্থনা
ক'রছি ।

গোরক্ষনাথ । উত্তম, তাহ'লে প্রস্তুত আছি ।

অনঙ্গনাথ । ভিক্ষা,—আপনার পিতৃপ্রদত্ত স্কুরধার তরবারি
শীঘ্র আপনি বাহির করুন !

গোরক্ষনাথ । কেন বৎস !

অনঙ্গনাথ । এই ভিক্ষা ! ভিক্ষকের এই প্রার্থনা ।

গোরক্ষনাথ । (তরবারি বাহির করিয়া) তাই ক'রলাম ।

আর কি ?

অনঙ্গনাথ । ঐ স্কুরধার অস্ত্র—এই হতভাগ্যের স্বন্ধে শীঘ্র
নিপতিত হ'ক্ ! (স্কুরপ্রদান)

গোরক্ষনাথ । অতিথি বালক ! গোরক্ষনাথ ঘাতুক নয় । অথবা
এখন একরূপ দক্ষ্যবৃত্তি শিক্ষা করে নাই যে, গৃহাগত অভ্যা-
গতের শিরশ্ছেদের জন্য পিতা সোমনাথের পবিত্র তরবারি
গোরক্ষনাথের নিকট রক্ষিত ।

অনঙ্গনাথ । আপনাকে ঘাতুক বা দক্ষ্য বিবেচনা ক'রে, আমি
এখানে আসি নাই । মহাপুরুষ ! শুনেছিলাম, আপনি অতি
পরোপকারী সদাশয় মহাত্মা ! পয়ের কষ্ট আপনার হৃদয়ে
শেলের ত্যায় বিকৃত হয়, আর ভিখারী অতিথির প্রতি আপ-
নার অপার কৃপা ।

গোরক্ষনাথ । এ সকলের মধ্যে যে কোন একটা গ্রহণ ক'রতে ইচ্ছা হয়, বল, মুক্তপ্রাণে প্রদান ক'রব ।

অনঙ্গনাথ । এর অতিরিক্ত ত আপনার নিকট কিছু প্রার্থনা করি নাই । একমাত্র আপনার দয়া—এই আমার প্রার্থনা ।

গোরক্ষনাথ । দয়া কার নাম বৎস ! একজনের দুর্লভ প্রাণনাশে কি দয়া ?

অনঙ্গনাথ । তা বটে, আপনার এ দয়ায় লৌকিক নির্দয়তার পরিচয় হ'তে পারে, কিন্তু আমার যথেষ্ট উপকার করা হয় । মহাত্মন ! সেই দয়া প্রকাশ করুন । মহাপুরুষ ! এ অস্ত্র-বেদনারকালে আপনার এ দয়ার পুরস্কার কখন বার্থ হবে না ।

করঙ্গনাথ । বৎস ! তোমার এমন কি বেদনা যে, আত্মপ্রাণনাশে ব্যস্ত হ'য়েচ ?

অনঙ্গনাথ । শুনে কাজ নাই ; যদি এ অবস্থায় দয়ার পাত্র না হই, তাহ'লে আপনাদের নিকটও আমার এই শেষ বিদায় ।
(প্রণাম) ভিক্ষার আবশ্যক নাই, বিদায় দিন ।

(প্রস্থানোত্তোগ)

গোরক্ষনাথ । না অতিথি বালক ! (হস্তধারণপূর্বক) বক্ষে ছুরিকাঘাত ক'রে, নিষ্ঠুরের মত আমাদিগে ত্যাগ ক'রে যেও না ।

অনঙ্গনাথ । উঃ, আপনারা অতি নিষ্ঠুর ! ক্ষতস্থানে কেবল লবণসংযোগ ক'রছেন । এতে কি আপনাদের ধর্ম পালিত হ'চ্ছে ?

রঘুনাথ । বালক ! শোকে উন্নত হ'য়েচ, তা বুঝেচি ; কিন্তু কি ক'র্ব, সকলই ত নির্দিষ্ট ঈশ্বরনীতি ।

অনঙ্গনাথ । বুঝেচেন মতিমান্ ! অন্তরের বেদনা কি, তা বুঝেচেন ? তবে—তবে আমার স্বন্ধে তরবারিপ্রদানে দোষ কি ? আপনারা ত প্রত্যেকেই এক একটা দয়ার পূর্ণাবতার ! তবে সে দয়ার বিন্দুসত্ত্বা কই ? হৃভাগোর তপ্তকর্মে কি সে দয়াও আজ ভঙ্গসাৎ হ'ল ! অলস্ত অগ্নিময় কটাহে কি বিন্দু সলিল স্থানপ্রাপ্ত হ'ল না ? তাই বটে,—তবে আর কেন, এখন আসি । আমার ত্যাগ করুন ।

গোরক্ষনাথ । বালক, প্রাণ অতিশয় কাঁদে । বোধ হয় তোমার মর্ম্মস্পর্শী যন্ত্রণা অপেক্ষাও গোরক্ষনাথের হৃদয়ের যন্ত্রণা কোন অংশে নূন হবে না । আচ্ছা, অল্প পরিচয়ের প্রয়োজন নাই ; কেবলমাত্র বল, তোমার এ যন্ত্রণার মূলীভূত কারণ কে ?

অনঙ্গনাথ । (গোরক্ষনাথের হস্ত ছাড়াইয়া ক্রুদ্ধ সিংহশাবকের আয়) কে ? কে ? আর কে ? পুতিময় নরকের বিষ্ঠাকুমি আর কে ? থাক্ থাক্, কাজ নাই, মাতৃআদেশ ।

করঙ্গনাথ । তুমি ক্ষত্রিয় ?

অনঙ্গনাথ । পিতা ক্ষত্রিয়, আমি শূগাল ! সিংহগুহার আমি শূগাল হ'য়ে জন্মগ্রহণ ক'রেছিলাম ।

গোরক্ষনাথ । সে দোষ তোমার, কর্তব্যকর্মে অবহেলার আত্ম-মানি মাত্র ।

অনঙ্গনাথ । (পুনঃ ক্রুদ্ধ হইয়া) পূর্বেই ব'লেচি, মাতৃআদেশ,
আমি স্বয়ং কারও কোন ঘণাবাজকের পাত্র নই ।

করঙ্গনাথ । বালক, মাতৃনিন্দা ক'রো না, মা তোমার কি
আদেশ ক'রেছিলেন ?

অনঙ্গনাথ । সেই পিতৃমাতৃঘাতী পিশাচের সহিত অসিচালনা
ক'রো না !

গোরক্ষনাথ । নিশ্চয়ই তোমাকে দুর্বল বিবেচনা ক'রে—তিনি
এই আদেশ প্রদান করেন ।

অনঙ্গনাথ । তাই, তাই মহাপুরুষ তাই ! আমি বালক, আর
সেই পিতৃঅবাধ্য বংশভঙ্গ দুর্গাসুর অতি বলবান্, তা দেখেই
মা আমায় শেষবাক্য ব'ল্লেন, “বৎস ! মাতৃআদেশ লঙ্ঘন
ক'রো না, আমরা ত সংসারের সকল সাধই পূর্ণ ক'রে চ'ল-
লেম । তুমি মাত্র পিতৃপুরুষগণের জলগণ্ডূষদানের ভরসা
রইলে, পলায়ন কর, আত্মরক্ষা কর ।” আমি ক্ষত্রিয়—আর
ক্ষত্রিয়ধর্ম প্রতিপালন ক'রতে পারলাম না । ভীক কাপুরুষের
মত চক্ষের সম্মুখে পিতামাতার “পবিত্র শোণিতে দুরাচার
করঞ্জিত দেখেও, তার প্রতিহিংসা গ্রহণ ক'রতে পারলেম না ।
পিতৃপুরুষগণের পবিত্রবংশের সম্মানতরু আমা হেন কাপুরুষ
হ'তে চিরদিনের জন্ত যেন ভূতলশায়ী হ'রে গেল ! আমি
কুলাস্তার আপনার অসার তুচ্ছ ঘৃণিত অপদার্থ জীবনীশক্তি
ল'রে—ধীরেধীরে সে স্থান হ'তে প্রস্থান ক'রলেম । (রোদন)

গোরক্ষনাথ । বালক রে ! তাই প্রাণে এত গোড়া অঙ্গার

ল'য়ে, আমার নিকট প্রাণনাশের ভিক্ষা প্রার্থনা ক'রছিলে ।
এস চাঁদ ! আমার বুকেও তোমার বুকের ঐ দগ্ধ অঙ্গার
কতকপরিমাণে ঢেলে দাও ? (ক্রোড়ে গ্রহণ) তোমার
হৃদয়নিহিত যন্ত্রণাজ্বালা তুইভাগে বিভক্ত হ'য়ে যাক । তাহ'লেও
তোমার অনেক হৃদয়বেদনার উপশম হবে ।

অনঙ্গনাথ । আঃ—প্রাণ নীতল হ'ল ! আপনার পবিত্র কক্ষে
উঠে, আমি যেন আজ পবিত্র গঙ্গাবক্ষে অবতরণ ক'রেছি ।
আমার সকল যন্ত্রণার শান্তি হ'চ্ছে । মহাপুরুষ ! আপনি
আজ হ'তে আমার পিতা ।

গোরক্ষনাথ । বালক ! আমারও পুত্রাদি ব'লতে আমার স্নেহ-
রাজ্যের অধীশ্বর কেহই নাই ; আজ হ'তে তুমিই আমার সে
স্থান অধিকার ক'রলে । আজ আমি তোমাকে পুত্রভাবেই
গ্রহণ ক'রলাম ।

জ্ঞানানন্দ । ধন্য গোরক্ষনাথ ! ধন্য তোমার মহদাত্মা ! সংসারে
আর সাধু কে ভাই,—মহাত্মা কে ভাই ?

গীত ।

সাধু ব'লে আর করে সংসারে ।

ও যার পরের দুঃখে হৃদয় গলে, পরকে করে আপন কোলে,

পরের তরে আপন প্রাণে কানে হাহাকারে ।

পর নিয়ে যার আপন ঘর, ভেদ নাই যার পরস্পর,

সেই ত সাধু পুরুষবর, আশ্রয়ৎ সর্বভূত যার অন্তরে ।

হয় না সাধু মূঢ়ে আধি, পদ্মাসনে ব'সে থাকি,

সাধু করম কর্মে দেখি সাজে সাধু অনেক দূরে ।

করঙ্গনাথ । দাদা, পরমধার্মিক রুক্মাসুরের ঔরসে এমন বংশ-
ভঙ্গ জন্মগ্রহণ ক'রেচে ! বালক ! তোমার পিতামাতা দুর্গা-
সুরের নিকট কি জন্তু অপরাধী ?

(গোরক্ষনাথের মুখের প্রতি করঙ্গনাথের দৃষ্টি)

গোরক্ষনাথ ভাই করঙ্গনাথ ! বালককে সে কথা জিজ্ঞাসা
ক'রচ কেন ? পাপাত্মা দুর্গাসুর কারও কোন অপরাধ গ্রহণ
ক'রে কি তার দণ্ডের ব্যবস্থা করে ? সে ছুরাত্মা ধনলোভী,
ঐশ্বর্যলোভী, রূপলোভী পিশাচ । আমার নিশ্চয় বোধ
হ'চ্ছে—এই অনাথবালকের মাত্র পিতামাতা যখন দুর্গাসুর
কর্তৃক হত হ'য়েচে, তখন দুর্গাসুর নিশ্চয়ই বালকের মাতার
রূপাক্ত হ'য়েই এ দুষ্কর্ম সাধন ক'রচে ! এই আমার অভ্রান্ত
অনুমান, কেমন বালক ?

অনঙ্গনাথ । আপনি অসুখ্যামী, আপনি স্বয়ং দুষ্কর ! সব ব'লতে
পারেন, আপনার অভ্রান্ত অনুমান কখন ভ্রান্তিমূলক হ'তে
পারে না ।

করঙ্গনাথ । দাদা ! তাহ'লে কি ভীষণ লোমহর্ষণ ঘটনাই সংসা-
ধিত হ'য়েচে ! উঃ, কি ভীষণ অত্যাচার ! মা ব্রহ্মময়ি !
হাঁমা এও সব ব'সে দেখ্চিস্ ! লীলাময়ি ! এ আবার তোর কি
লীলা মা ! বালক ! মহাদাশ্রম পেয়েচ, মহাত্মার হৃদয়রূপ
মহাদুর্গে আশ্রয় লাভ ক'রেচ, আর কোন চিন্তা নাই ।
ভয়শূন্যহৃদয়ে অবস্থান কর, একদিন এমন দিন আসবে যে, এ

প্রতিহিংসা ঈশ্বরনিয়মেই সাধিত হবে। বালক, এক্ষণে তোমার পিতৃ-পরিচয় দিতে কোন আপত্তি আছে কি ?
 অনঙ্গনাথ। পিতা, পিতার পরিচয়—(চক্ষু ছল ছল হওন)
 গোরক্ষনাথ। থাক করঙ্গনাথ ! সময়ে পরিচয় গ্রহণ কর্ব।
 ভাই ! ভ্রাতাচ্ছাদিত অগ্নিদর্শনেই ত যথেষ্ট পরিচয় পাওয়া যাচ্ছে !

দ্রুতপদে স্কাম্যের প্রবেশ।

স্কাম্য। (অভিবাদনপূর্বক) প্রভুর প্রভু মহারাজরাজেশ্বর সম্রাট সার্কভোমের জয় হোক !
 গোরক্ষনাথ। আসুন, দূতবর ! আপনি এত শীঘ্র মান্দাররাজ্য হ'তে প্রত্যাবৃত্ত হয়েছেন ? আপনার সর্কঙ্গীণ কুশল ত।

স্কাম্য। যাত্রাকালে যে মহাপুরুষের চরণ দর্শন ক'রে, মান্দার যাত্রা ক'রেছিলেম, তাঁর আশীর্বাদে অকুশল কি হ'তে পারে ? দাসের সর্কঙ্গীণই কুশল ! আর দাস প্রভুর যে আজ্ঞা মস্তকে বহন ক'রে মান্দারযাত্রা ক'রেছিল, দাস সে আজ্ঞাও প্রতিপালন ক'রে এসেছে।

গোরক্ষনাথ। দূতবর ! সুরজাদেবীর অভিপ্রায় কি ?

স্কাম্য। দেবী মা সুরজা প্রভুর কথা শুনে তখন হ'তেই আপনার শ্রীপাদপদের দাসী হ'য়েছেন ; তিনিও মান্দার হ'তে গত কল্য কাঙ্গোড় যাত্রা ক'রেছেন।

গোরক্ষনাথ। দূতবর ! দরিদ্রের এমন কিছু ধনঅর্থ নাই যে,

তোমায় তাই দিবে তোমার তৃপ্তিসাধন ক'রব ; তবে পিতা সোমনাথের এবং আমার আশীর্বাদনির্ম্মালা গ্রহণ কর ।

সুকাম্য । পরম সৌভাগ্য, প্রভুর প্রভুর অযাচিত মঙ্গলময় আশীর্বাদ লাভ করলেম । এক্ষণে প্রণাম করি । (প্রণাম) আমাকে শীঘ্র পাতালযাত্রা ক'রতে হবে, আমার প্রভু বোধ হয়, আমার জন্ম অতিশয় উদ্ভিগ্ন আছেন । দেখবেন প্রভু, যেন অধীন চিরদিনই আপনাদের এরূপ স্নেহাশীর্বাদনাতে সর্বদা প্রস্তুত থাকে ।

[প্রস্থান ।

করঙ্গনাথ । দাদা, দেবী কি স্বয়ং এইস্থানে আসছেন ?

গোরঙ্গনাথ । দূতবর ত সেই কথা ব'ললেন ভাই !

করঙ্গনাথ । আর্ধ্য ! দেবীর এ শুভযাত্রার কান্দোড়রাজ্যের পরম সৌভাগ্য ব'লতে হবে, কিন্তু এ সৌভাগ্য-ঘবনিকার অভ্যস্তরে যেন একটা ঘন কুম্ভ মেঘচ্ছায়াও দৃষ্টিভূত হয় ।

রঘুনাথ । বৎস করঙ্গনাথ ! আমরা এর কোন বিবরণই অবগত নই, ব্যাপার কি ?

করঙ্গনাথ । প্রভু রঘুনাথ জি ! আমরা গত কল্য আপনাদের আশ্রম হ'তে যখন প্রত্যাবৃত্ত হই, তখন পশ্চিমধ্যে পাতালরাজ রুদ্ৰাসুরের পুত্র দুর্গাসুরের মান্দাররাজ্যাভিমুখী এই দূতের সহিত আমাদের সাক্ষাৎ হয় । কথার প্রসঙ্গে জানা গেল, দূত দুর্গাসুরের বিবাহসম্বন্ধের জন্ম দুর্গাসুরের ধনৈশ্বর্য্য, রূপের

প্রলোভন ল'য়ে মান্দাররাজতনয়ার নিকট গমন ক'রচে ।
 আর্ঘ্যও সেই প্রসঙ্গে রহস্যচ্ছলে ব'ল্লেন, দূত, আমার ত
 ধনৈশ্বর্য্য নাই, তবে যদি মান্দাররাজকন্যা পারলৌকিক সম্পদ-
 লাভের বাঞ্ছা করেন, তাহ'লে তিনি আমাকে পতিত্বে বরণ
 ক'রলে, আমি পরম সুখী হই । দূত সে সংবাদ ল'য়ে মান্দার-
 রাজতনয়ার নিকট গিয়েছিলেন, তাতে মান্দাররাজকুমারী
 আর্ঘ্যের দাসী হ'তে স্বীকৃতা হ'য়ে, গতকল্য কাঞ্চোড়যাত্রা
 ক'রেচেন, দূতের মুখে ইহা প্রকাশ । তাতেই ব'ল্ছিলাম,
 যদি এই ঘটনা সত্য হয়, তাহ'লে ক্রুরহৃদয় দুর্গাম্বর কখনই
 আমাদের প্রতি ভবিষ্যতে সহ্যবহার ক'রবে না ।

রঘুনাথ । বৎস করুণাথ ! তুমি যথার্থই অনুমান ক'রেচ ।

কিন্তু এখন তার উপায় কি ?

শ্রামলাল । ঈশ্বরের যা অভিপ্রেত, তাই হবে ! যদি ঘটনা সত্য
 হয়, তাহ'লে ইহা অলৌকিক, নিশ্চয়ই ঐশ্বরিক । স্মরণ্য
 তদ্বিষয়ে তোমার আমার ইষ্টানিষ্ঠের বিষয় দেখবার কোন
 অধিকার নাই ।

গোরক্ষনাথ । ইচ্ছাময়ের ইচ্ছাই পূর্ণ হবে । আপনি কে ?

ভিক্ষুকবেশে মান্দাররাজের প্রবেশ ।

মান্দাররাজ । ভিক্ষুক ।

গোরক্ষনাথ । কি উদ্দেশ্যে আগমন ক'রেচেন ভিক্ষুক ?

মান্দাররাজ । ভিক্ষুক একটা দানবজের অনুষ্ঠান ক'রেচে ।

করঙ্গনাথ । ভিক্ষুক, তুমি যে বড় হাসালে, ভিক্ষুকের আবার
দানযজ্ঞ ?

মান্দাররাজ । তাতে কি ভিক্ষুক অপরাধী ?

গোরক্ষনাথ । না, না ভিক্ষুক, তবে কি না জানেন, রাজরাজে-
ন্দ্রেই যজ্ঞাদির অনুষ্ঠান করেন ।

মান্দাররাজ । বোধ হয়, রাজরাজেন্দ্রগণ সে যজ্ঞাদির মহাতৃপ্তি
উপভোগ ক'রতে পারেন না ।

করঙ্গনাথ । সে মহাতৃপ্তি ভিক্ষুক কি উপলব্ধি ক'রবে ভিক্ষুক !

মান্দাররাজ । একদিন এ ভিক্ষুকও রাজরাজেন্দ্রের গায় বহু যাগ-
যজ্ঞাদির অনুষ্ঠানে কাতর হয় নি ; তাই ব'ল্‌চি ।

গোরক্ষনাথ । আপনি রাজা ছিলেন ? তবে ভিক্ষুকবেশে কেন
মহাত্মন ?

মান্দাররাজ । তৃপ্তির জন্ম । এতেই যেন আমার মহাতৃপ্তি ব'লে
বোধ হয় ।

করঙ্গনাথ । আপনি মহাত্মা ! মহাভাগ ! যদি মহাযজ্ঞে আপনি
পূর্বে সুখশান্তি না পেয়ে থাকেন, তাহ'লে ত আপনি এখন
দরিদ্র, এ অবস্থায় আপনার সম্পূর্ণ অর্থাভাব । মহাপুরুষ, তবে
এ যজ্ঞ আপনার পূর্ণ হবে কিরূপে ? আবার দানযজ্ঞ !

মান্দাররাজ । মহারাজ ! দানযজ্ঞ ব'লেই ভিক্ষুকের সাহস, নতুবা
অল্প যজ্ঞ হ'লে আমি ভরসা ক'রতে পারতাম না ।

গোরক্ষনাথ । আপনি দানযজ্ঞে কি দান ক'রবেন ?

মান্দাররাজ । আমার রাজরাজেন্দ্রের অবহাতেই আমি একটা রত্ন

প্রাপ্ত হই । সেই রত্নটির এত মূল্য যে, তৎকালে আমার রাজ-
কোষ বিনিময় ক'রলেও সে দুর্লভরত্নের মূল্য হ'ত না । রত্নটি
মহামূল্য বিবেচনা ক'রে, আপনার নিকটেই অতি যত্নে
রক্ষা করি । ক্রমে রত্নটি রক্ষণাবেক্ষণে বুঝলাম যে, আমার
রাজ্য ত অতি তুচ্ছ, আমার নিজের জীবন বিনিময় ক'রলেও
সে রত্নের সদৃশ হ'তে পারে না । তাই মহারাজ, এ ভিক্ষুক
অবস্থাতেও সেই রত্নটিকে এখন ত্যাগ ক'রতে পারি
নাই । রত্নটিকে বুকের মধ্যে রেখে ভিক্ষাবৃত্তি অবলম্বন
ক'রেছি । এখন বিবেচনা ক'রছি, মানবজীবন অস্থায়ী,
সুতরাং আজ দানযজ্ঞের অনুষ্ঠানে আমার সেই অমূল্য
জীবনাদপি শ্রেষ্ঠ রত্নটিকে কোন যোগ্য পাত্রের সম্প্রদান
ক'রব । তাই আপনার নিকট এসেছি মহারাজ !

গোরক্ষনাথ । আপনার সে দানযজ্ঞের অভাব কি মহাপুরুষ !

মান্দাররাজ । কোন অভাব নাই, কেবল একটা অভাবের জগুই
আপনার দ্বারস্থ হ'য়েছি । সেই অভাবটি পূর্ণ হ'লেই ভিক্ষকের

চিরবাহিত দানযজ্ঞটি সম্পূর্ণ হয়

গোরক্ষনাথ । স্বীকার ক'রলাম, আপনার সে অভাব প্রাণ
দিয়েও পূর্ণ ক'রব ।

মান্দাররাজ । ধীমান্ ! আমার এ দানযজ্ঞে সুযোগ্য দানগ্রহীতারই
অভাব । আপনি এখন আমার সেই অভাব পূর্ণ ক'রলেন ।

মহারাজ ! এক্ষণে আপনার জন্ম হ'ক । আপনার রাজত্ব
প্রাপ্ত হ'ক । এস মা ভিক্ষকের চিররক্ষিত রত্ন !

আজীবন যার স্নেহরাজ্যের রাণী থেকে, চির-গরবিনী আমো-
দিনী হ'য়ে কালাতিপাত ক'রেচ, (রাজসভার বাহিরে গমন
ও সুরজাকে লইয়া পুনঃপ্রবেশ) এস মা ! তার আজ পার্থিব
দানযজ্ঞ পূর্ণ ক'র্বে এস । ধর্মদেব ! পুরোহিতরূপে আমার
সম্মুখে দণ্ডায়মান হ'ন ! আজ আমি যোগ্য দানগ্রহীতায় লাভ
ক'রেচি । আজ তোমার সম্মুখে আমার শোণিত-অস্থিরূপিণী
কল্যাণীনন্দিনী মাকে উপযুক্ত পাত্রে সম্প্রদান ক'রে, মানব-
জীবনের মহাতৃপ্তি লাভ ক'র্ব । এস কুমার, সোমনাথবংশের
বংশধর গুণধর মহাপুরুষ ! এই লও, ভিক্ষুকের চতুর্দশবর্ষ-
ব্যাপী অতি যত্নের অমূল্য হ্রলভ রত্নটী তোমায় সম্প্রদান ক'রে,
আমার অতি সাধের দানযজ্ঞ সম্পূর্ণ ক'র্লাম । (কণ্ঠাদান)
আজ হ'তে এ রত্ন আমার নয়, তোমার । দেখ' মহাপুরুষ !
ভিক্ষুকের অতি সাধের রত্নটির যেন কখন অনাদর ক'র না ;
এই ভিক্ষুকের নিবেদন । তুমি এর সুখহুঃখের চিরসহচর-
রূপে পাপপুণ্যের সহযোগী হ'য়ো । থাক মা ! ভিক্ষুকের
বহু আদরের আদরিণী জননি, থাক মা, সহকারে ব্রততীর
ভ্রায়, দেহগত ছায়ার ভ্রায়, সততই কুমারের অনুবর্তিনী থেক' ।
কুমারের সুখহুঃখে আত্মানুগত মহাযাতনা অনুভব ক'র ।
আশীর্বাদ করি, তোমার সীমন্তের সিন্দূরবিন্দু অনন্তব্রহ্মাণ্ডের
স্থায়িত্বকালব্যাপী অক্ষতভাবে রক্ষিত হউক । আসি মা !
স্নেহের কনকপ্রতিমা, এতদিন ভিক্ষুকের গৃহে স্নেহভালবাসার
কুন্দ পূজার তৃপ্তিময়ী ছিলে, আজ হ'তে রাজরাজ্যেশ্বরের রাজ-

অট্টালিকায় মহতী ভালবাসার মহাপূজা ল'য়ে, আমোদিনী
হ'য়ে বিরাজ কর । আমি মা, বিসর্জনের শোকাশ্রু ল'য়ে,
সেই প্রতিমাশূণ্ড ভগ্ন কুটার দর্শন করি গে ।

[দ্রুতপদে প্রস্থান ।

সন্ন্যাসিগণ । মরি কি সুন্দর দৃশ্য ! চকিতে যেন এক অমানুষিক
ব্যাপার সংঘটিত হ'য়ে গেল !

রঘুনাথ । বৎস গোরক্ষনাথ ! আজ আমাদের কান্ধোড়ে বৈকুণ্ঠ-
বাসিনী লক্ষ্মীর আগমন হ'য়েচে । শীঘ্র মাকে অন্তঃপুরে
ল'য়ে যাও । ইনিই সেই মান্দাররাজকন্যা মা সুরজাদেবী ।
করক্ষনাথ । নিশ্চয়ই তাই, মান্দাররাজ তিক্ষুকের বেশে আজ
কন্যাদানযজ্ঞ সম্পন্ন ক'রলেন ।

গোরক্ষনাথ । দেবি ! আমাদের অনুমান সত্য ত ?

সুরজা । প্রভু ! উনিই আমার পিতা মান্দাররাজ ।

গোরক্ষনাথ । অহো ! আজ আমার কি সুপ্রভাত ! ঈশ্বরানুগ্রহে
আজ আমি দুইটা রত্ন প্রাপ্ত হ'লাম ! দেবি ! মহাত্মা মান্দার-
রাজের আদেশক্রমে তুমি আমার কখন অনাদরের
পাত্রী হবে না । চিরদিনই কান্ধোড়রাজের স্নেহভালবাসার
একখানি দেবীপ্রতিমারূপে আদরঅভ্যর্থনার চির অধি-
কারিণী হ'য়ে থাকবে । বৎস অনঙ্গনাথ ! তুমি আজ মাতৃ-
শোকে কাতর হ'য়ে, অতিশয় রোদন ক'রেচ ! লও বৎস !
সেই মর্মান্তিক বিষাদের শেষ সমাপ্তির একখানি হর্ষপ্রফুল্ল-
তার কোমল শয্যা ! সেই কোমল শয্যায় শয়ন ক'রে,

অনন্তকাল ক্রীড়া কর গে। বালক! যে স্নেহময়ী জননীর
জন্ত তুমি কাতর; আশা করি, দৈবানুকূলে তুমিও আজ সেই
করুণাময়ী জননী প্রাপ্ত হ'লে। দেবি! তুমি কুমারকে
পুত্রনির্কিশেষে যত্ন ক'র'। এই অনাথ পিতৃমাতৃহীন বালক
আমার আশ্রিত, আমি পুত্রভাবে বালককে গ্রহণ ক'রেছি,
তুমিও আজ পুত্রভাবে গ্রহণ কর।

অনঙ্গনাথ। পিতা! মা ত মানবী নয়! মা যে দেবী। দেবী-মা,
আমি মায়ের স্নেহ পেলেম না, তবে তোমার স্নেহ কেমন
ক'রে পাব মা!

সুরজা। কুমার, যেমন ক'রে জগতের মা বুকে ক'রে ছেলেকে
স্নেহ করেন, আমিও তোমায় তেমনি বুকে ক'রে স্নেহ ক'রব।

অনঙ্গনাথ। তুই আমায় মায়ের মত ভালবাসবি কি মা?

সুরজা। তার চেয়েও ভালবাসব; কুমার, তোমার মা তোমায়
দশমাস দশদিন পেটে ধ'রে, বহু যাতনা ভোগ ক'রে যে
ভালবাসা দেখিয়েছেন, আমি তোমায় বিনা কষ্টে লাভ ক'রে,
কেন তার চেয়েও ভালবাসা দেখাতে পারব না চাঁদ!

অনঙ্গনাথ। মা, কষ্টের ধনকেই ত লোকে অধিক যত্ন করে।

সুরজা। ভুল কুমার, কষ্টের ধনে চিরকালই মনে কষ্ট থাকে।
তুমি যে আমার বিনা আয়াসের ধন। মহাপুরুষগণ নিমন্ত্রিত
ব্যক্তি অপেক্ষাও অতিথির সম্মান অগ্রে রাখা করেন,
কুমার! তেমনি তুমি আমার অযাচিত মাগিক।

অনুনাথ । মা, তবে তুমি আমার একবার কোলে লও । আমি
একবার তোমার কোলে গিয়ে ঘুমোব ।
সুরজা । এস মাণিক, আমিও তোমার কোলে ল'য়ে, আমার
নারীজন্ম সার্থক করি বাবা ! (ক্রোড়ে গ্রহণ)

কৃত্তিকা ও বাস্কুলির প্রবেশ ।

বাস্কুলি ।

গীত ।

ঐ মা ঐ দেখ্ গো চেয়ে ।

ফুটন্ত মলিকার মত ছেলে কোলে কাদের মেয়ে ।

পা নয় ত রক্তজ্বা, নগরে শশীর আভা,

মধুর গঠন কিবা, যেন গোটা গায়ে মধু গেছে ছেয়ে ॥

চাঁচর কুস্তলরাশি, চরণে লুটিছে আসি,

মুখখানি হাসি হাসি, যেন জোছনার জলে এল নেয়ে ।

কৃত্তিকা । মা বাস্কুলি ! যা ব'লেছিলি, তাই মা ! মা কমলাই ত
বটেন ! রূপে যে রাজসভা আলো হ'য়ে গেছে ! মরি রে !
দেবীর কি লাভ্যপ্রতিভা ! (অগ্রসর হইয়া) প্রভু ! বাস্কুলি
বালিকা, বালিকা অন্তঃপুরে গিয়ে ব'লে, "জেঠাইমা !
আজ রাজসভার বৈকুণ্ঠ হ'তে মা লক্ষ্মী এসেচেন ।" তাই
অন্তঃপুর হ'তে ছুটে এলাম । প্রভু !- ইনিই কি সেই বৈকুণ্ঠ-
বাসিনী হরিপ্রিয়া রমা ?

রঘুনাথ । না মা, বালিকার ব'লেতে ভুল হ'য়েচে । উনি বৈকুণ্ঠ-
বাসিনী কিরোদনন্দিনী কমলা নন; উনি হিমগিরিকুমারী

স্বয়ং মা গৌরী, আজ পিত্রালয় হিমালয় ত্যাগ ক'রে, কৈলাসে
প্রভু গোরক্ষনাথের বাম অঙ্গে পরিশোভিতা হ'য়েছেন। আর
দেখ মা, স্বয়ং কুমারও মায়ের কোলে শোভা পাচ্ছে! তুমি
মা জহ্নু কুমারী সুরধুনী! এখন উভয়ে কান্ধোড়রূপ কৈলাস-
রাজ্যের রাজরাণী হ'য়ে, আমাদের কান্ধোড়রাজ্যকে পবিত্র
ক'রতে থাক।

গোরক্ষনাথ। দেবি! ইনিই সেই মান্দাররাজকুমারী সুরজাদেবী।
আমাকে পতিত্বে বরণ ক'রেছেন। আর এই অপরিচিত
পিতৃমাতৃহীন ক্ষত্রিয়কুমারকে আমি পুত্রভাবে গ্রহণ ক'রেছি।
(সুরজার প্রতি) আর দেবি! তুমিও গুন, ইনি আমার
পূর্বপত্নী মহাসতী-কৃত্তিকা দেবী।

সুরজা। দেবি! আমি আপনাকে প্রণাম করি। (প্রণাম)

কৃত্তিকা। (মুখচুষনপূর্বক) না দেবি! তুমি আমাকে প্রণাম
ক'র না; তুমি কান্ধোড়ে সাক্ষাৎ গৌরী এসেচ।

সুরজা। না দেবি! আমি আপনাদের দাসী এসেছি। আপ-
নাদের পদসেবার মাত্র এক পরিচারিকা এসেছি। আপনাদের
পদসেবা ভিন্ন এ দাসীর আর এ কান্ধোড়ে কোন অধিকার
নাই।

কৃত্তিকা। ছিঃ ছিঃ পাগলিনি, একথা কি ব'লতে আছে? তুমি
দাসী হবে কেন,—তুমি আমার ভগিনী। এতদিন আমি একা-
কিনী প্রভুর পদসেবা ক'রতাম; তাতে ক্রটি অনুভব ক'রে,
মনে মনে অসুখিনী হ'তাম, আজ হ'তে ভগিনী, তোমার লাভ

ক'রে, সে মনের অসুখ দূর ক'রতে পার্ব । দুই ভগিনী
মিলে প্রভুর পদসেবা ক'রে, প্রভুর সন্তোষবিধান ক'রতে
পার্ব । এস ভগিনি ! আমার কোলে এস ! এস কুমার !
তোমাকেও আমি বুকে ক'রে নি এস ! (ক্রোড়ে গ্রহণ)

বান্ধুলি । জেঠাই মা, তাহ'লে গৌরী-মা এখন হ'তে আমাদের
বাড়ীতে থাকবে ত ?

কৃত্তিকা । মা, তোমার গৌরী-মা, তোমার জেঠাই মা হ'লেন !

বান্ধুলি । জেঠাই মা ! আর এ—

কৃত্তিকা । তোমার দাদা—

বান্ধুলি । ছিঃ, না, ওকে আমি দাদা ব'লব না !

কৃত্তিকা । কি ব'লতে চাও মা ?

বান্ধুলি । যা হয় একটা কিছু ব'লব,—ভাই ব'লেই নয় ডাকব !

ভাই, খেলতে যাবে ? চল না ভাই ।

অনঙ্গনাথ । মা, যাব কি ?

সুরজা । এস বাবা ! (ক্রোড় হইতে অনঙ্গনাথের অবতরণ)

বান্ধুলি । তোমার আগে আমি আমার সব খেলাঘরগুলি দেখাব
চল ।

[অনঙ্গনাথ সহ প্রস্থান ।

কৃত্তিকা । প্রভু ! তবে আমরা অন্তঃপুরে যাই ?

অনঙ্গনাথ । যান দেবি ! আর কেন ? এ দিকে সভাভঙ্গেরও সময়
অতিবাহিত হ'য়েচে । আর্ঘ্য ! সভাভঙ্গের আর বিলম্ব কেন ?

গোরক্ষনাথ । না, আর বিলম্ব কি ভাই ? আগে প্রভুদিগে ল'য়ে
অতিথিশালার যাই চল । আসুন ।

শ্যামলাল । চলুন, আজ যেন কান্ধোড়রাজ্যে এক যুগান্তর
হ'য়ে গেল ! সব দৈনন্দিক লীলা ! সব অমাণুষিক খেলা !
চিত্রপটের মত দাঁড়িয়ে দাঁড়িয়ে সব দেখে গেলাম । সিকান্তে
কিছুই আনতে পারলাম না । এক্ষণে চলুন—জয়—

সকলে । জয় সোমনাথজী কি জয় ! জয় প্রভু সোমনাথজী কি
জয় !

[সকলের প্রস্থান ।

পঞ্চম গর্ভাঙ্ক ।

[বনপথ]

ব্যঞ্জনেশ্বরের প্রবেশ ।

ব্যঞ্জনেশ্বর । সারা রাতটাই বাবা রূপসীর জন্ত মশা চাপড়ে
কেটে গেল ! গোরচোর বেটা এখন ত আসচে না ! সটকাল
না কি ? এত সরু আওয়াজে বিনয় ক'রে আমার কথাটা পারে
ক'রে নিরে যাও ব'লে—বেটাকে তোষামোদ ক'রলাম, বেটা-
এত নিমক্‌হারামি ক'র্বে ? একবার ব'লেও যাবে না ? কি
নিমক্‌হারাম, বেটা কি নিমক্‌হারাম ! তাইত গা, বেলাও ত
চের হ'ল ! মান্দাররাজ্য আর কয় ঘণ্টার পথ ? প্রভাতে

বাহির হ'লে ত এতক্ষণ এসে প'ড়'ত ! ভাব ত কিছু বুঝতে পার'চি না । বেটা যে রকমের লোক, শেষে নিজেই না সে কর্ম্ম সেরে আসে ; তাই ভাব'চি ! তাহ'লে কি ক'র্ব ! বেটার মুণ্ডু এক চাপড়েই এখানে গুঁড়ো ক'র্ব ? আর যদি দুর্গাসুরকেই সে রমণী আপনার রূপযৌবন দান করে, তাহ'লে ? তাহ'লেই গোলযোগ । কিন্তু বাবা, আমি ব্যঞ্জনেশ্বর ! আমি পাঁচটা নিরে একটা মেওয়া বাবা ! আমি বাবা কারো তোয়াক্কা রাখি না ; সহজে যে দুর্গাসুরকে ছেড়ে দোব, তা হবে না । যেমন তেমন ক'রে সে রূপসীকে আমার চ ই ! তাকে পান সাজাবই সাজাব ! আচ্ছা, মনে কর মান্দাররাজের মেয়ে আমার পরিবার হ'ল—আমি তার পরমগতি প্রাণপতি হ'লাম, তাহ'লে—তাহ'লে ব্যঞ্জনেশ্বর, “উছ'-ছ তা নে নে না” হরগৌরী মিলন ! দেখাই যাক ! আর জঙ্গলীবেটা গোরক্ষনাথ—তার কথা ত আমার রূপকথাই ব'লে বোধ হয় । বেটা বলে কি না, আমি ঐহিকের সুখ দিতে পার'ব না, পরকালের সুখ দোব । একবারেই গঙ্গাজল ! রূপসীর মন একেবারে ট'লে গেল আর কি ! যাক, তার জন্ম কিছু নয়—তবে—দুর্গাসুর—ঐটেই যা একটু ভয় ! দেখি মা দক্ষিণেশ্বর পঞ্চানন্দ কি করেন ! তা আমার রূপেশ্বরের কথাই রূপসীর মনটা ট'লুতেও পারে, এত একটা বেশ মগজে আস'চে ! কিন্তু এ বেটা গরুচোর ক'র্লে কি ? একবার থপ'রটা দিয়েও গেল না ! ঐ না—বেটা চ'লেচে ! সে বেটাই ত ! চল'চে দেখনা, যেন

একবারে তীর ! ওরে বেটা তীরন্দাজের বেটা তীরন্দাজ !
আজ মেজাজ যে ভারি গরম রে বেটা ! একবারে কোন
খোঁজখবর নাই, চ'লে যাচ্চিস্ যে ?

সুকাম্যের প্রবেশ ।

সুকাম্য । কেও—মহাপুরুষ না কি ? ভুল হ'য়েছিল দাদা !

যাক্, তাহ'লে এখন আসি ?

ব্যাঞ্জনেশ্বর । আসি কি রে নচ্ছার—

সুকাম্য । কেন সংবাদ ত পেয়েচ টাঁদ ?

ব্যাঞ্জনেশ্বর । বেটা উন্মাদ না কি ?

সুকাম্য । এ বেটা উন্মাদ না কি !

ব্যাঞ্জনেশ্বর । খবরদার, মুখ সামলে কথা ক'ঙ্গ ।

সুকাম্য । সাবধান, আমি রাজদূত, আমার অপমানে রাজশাস্তি
আছে ।

ব্যাঞ্জনেশ্বর । এ বেটা আচ্ছা লোক ত ?

সুকাম্য । তুমি বেশ ভদ্রসন্তান ত !

ব্যাঞ্জনেশ্বর । (স্বগতঃ) না—গরমে কাজ পাওয়া যাবে না,
নরমেই যাই । (প্রকাশ্যে) ভায়া, রাগ ক'রলে না কি ?

সুকাম্য । না মাণিক, বন্ধুত্ব ক'রচি ।

ব্যাঞ্জনেশ্বর । তা বন্ধু, কিছু মনে ক'রো না ; তবে কি জানলে
দাদা, সেই রূপসীর জন্য প্রাণটা বড় উদ্বিগ্ন আছে কি না,
জানলে ! তা জানলে ভাই, তাই পারে করে যে কথাটা নিরে

যেতে ব'লেছিলাম, সেই কথাটা জানলে,—তার কি হ'ল দাদামণি ।

সুকাম্য । তুমি এত আহাম্মক হে, এততেও বুঝতে পার্চ না ?
ব্যঞ্জনেশ্বর । না বন্ধু ! আমি যেন গোলোকধাঁধার ঘুর্চি । স্বজনি
রে, প্রকাশ ক'রে বল ?

সুকাম্য । না আর বিলম্ব করা হবে না, প্রভু আমার বড় উদ্বিগ্ন
আছেন । তা বন্ধু ! সে আশা ত্যাগ কর, মান্দাররাজকন্যা
প্রভু গোরক্ষনাথকেই পতিত্বে বরণ ক'রেচেন ! বোধ হয়, মা
আমার এতক্ষণে কান্দোড়রাজ্যে এসে উপস্থিত হ'য়েচেন ।
এখন সে আশা ত্যাগ ক'রে, গৃহে ফিরে যাও । আমি
চ'ললাম ।

[প্রস্থান ।

ব্যঞ্জনেশ্বর । অঁ্যা—অঁ্যা ! (কিষ্কণ নীরব থাকিয়া) ছুঁড়ি নিশ্চ-
য়ই বেইমান ! ক'রলে কি গা ! গেল এলতলা বেলতলা, শেষ
ক'রলে কি না শেওড়াতলা ! অঁ্যা অঁ্যা ! ছুঁড়ি পরকালের
ধাঁজে প'ড়ে, সর্ব্বথটা খোয়ালে গা ! উছ উছ—বড় কাঁটা
বিধুলে রে—বড় কাঁটা । কনকনানির চোটে প্রাণ অস্থির
বাবা ! পোড়াকপালে জঙ্গলী বানুরে গোরক্ষনাথের কপালে
জুটলো অমন সোনার চাঁপা, আর আমরা সব চুষলাম কলা-
চোপা ! না—না—না—সহ হবে না—বিষ খাব, গরল খাব,
আগুন খাব, জলে ঝাঁপ দোব, নিরে এস দড়ি—গলার দড়ি
দোব ; প্রাণ চাই না । এ প্রাণের সিকিপরগাও দাম নেই !

গোরক্ষনাথ—কাজ ভাল ক'রলে না । আমার মুখের গ্রাস তুমি কেড়ে খেয়েচ ! আমার জীবনের রক্ত তুমি শোষণ ক'রেচ । আমি তোমার মুখের গ্রাস কেড়ে খাব ! আমি তোমার বুকের রক্ত শোষণ ক'র্ব, তবে আমার নাম বাঞ্ছনেশ্বর । 'যাই হ'ক, দুর্গাসুর যখন সে রমণীলাভে বঞ্চিত, তখন গোরক্ষনাথের প্রতিহিংসাসাধনের এই আমার মাহেক্রয়োগ । দেখি জঙ্গলি—তুমি মানুষের হাতে প'ড়ে কেমন শিক্ষা না পাও ? ওকি—কিসের কোলাহল শোনা যাচ্ছে—যেন মৈত্রের জয়ডঙ্কা । যাক, এখানে আর থাকা হ'চ্ছে না, এই মুহূর্তেই আমি পাতালে দুর্গাসুরের আশ্রয় নিতে চ'ললাম ! উহ, বড় কাঁটা, বুকে বড় কাঁটা রে ।

[বেগে প্রস্থান ।

(নেপথ্যে—জয় দানবরাজ দুর্গাসুরের জয়, জয় দানবেশ্বর দুর্গাসুরের জয় !)

ষষ্ঠ গর্ভাঙ্ক ।

[অমরাবতী—অস্তঃপুর]

উদ্ভ্রাস্তভাবে শচীর প্রবেশ ।

শচী । নিশ্চয়ই আমার ভাগ্যের পরিণতি অতিশয় শোচনীয় হ'য়ে প'ড়েছে । ঐ যে দানবের বিজয়ইন্দুভি মুহূর্তে আকাশ-

প্রদেশ ভেদ ক'রচে ! ঐ যে দানবসৈন্তের হলহলা ক্রমশঃই নিকটবর্তী হ'চ্ছে ! তবে আর দেবতাদের জয়ের আশা কোথায় ? বোধ হয়, সে আশা আর নাই ! তাই ত ! কি হবে ? আহা, না জানি কুমার জয়ন্ত আমার এ অসহায় অবস্থার কত ক্লেশ উপভোগ ক'রচে । বাছার গাত্র না জানি কতই ক্ষতবিক্ষত হ'য়েচে ! কে আর সেখানে আছে যে, বাছাকে দেখে,—বাছার সে অবস্থায় সেবাশ্রুশ্রী ক'রচে । অহো—ভাগ্য রে—না জানি দেবরাজই বা এ অবস্থায় কি ক'রচেন ! আমার যে প্রাণ কেঁদে কেঁদে উঠ'চে ! আর যে আমি স্থির হ'তে পার'চি নে ! ওরে, তোরা কে আছিস্, অতি শীঘ্র আমার যুদ্ধসংবাদ এনে দে । নয় বল, আমি তোদের রাণী হ'য়েও সে যুদ্ধস্থলে ছুটে যাই । আমার বাছাকে দেখে আসি, দেবরাজের সেবাশ্রুশ্রী ক'রে আসি ।

(নেপথ্যে) ইন্দ্র । কৈ পুলোমনন্দিনি ! শীঘ্র বাহিরে এস ! শীঘ্র কুমারকে ধর ।

শচী । অ্যা—দেবরাজের কণ্ঠস্বর নয় ! কুমারকে ধর বলে আহ্বান ক'রলেন নয় ? দেবরাজ—

(নেপথ্যে) ইন্দ্র । হাঁ দেবি ! শীঘ্র এস—আমি একা কুমারকে ধ'রতে পার'চি না ।

শচী । কৈ, কোথায় আপনি ? কৈ আমার কুমার জয়ন্ত ?

জয়ন্তের ক্ষতবক্ষধারণ ও রক্ষণপূর্বক

ইন্দ্রের প্রবেশ ।

শচী । কৈ—এই যে কুমার ! বাপ জয়ন্ত আমার ! বাপ রে—
একি রে ! (ধারণ)

ইন্দ্র । দেবি ! এই ইন্দ্রত্বের পরিণাম ! রাজভোগৈশ্বর্য্য-বিলা-
সের এই অপরিহার্য্য তৃপ্তি ! সুখলিপ্সার এই অন্তিম দৃশ্য !
তুচ্ছ ইন্দ্রত্বের আকাঙ্ক্ষায় আজ পিতা হ'য়ে প্রাণাধিক পুত্রের
এই মর্মান্তিকী যন্ত্রণা দেখতে হ'চ্ছে । প্রিয়ে ! উভয়ে ইন্দ্র-
ত্বের গৌরবরত্নে যেমন পরমসুখ অনুভব ক'রেছিলাম, আজও
তেমনি উভয়কে সেই ইন্দ্রত্বের পাশবযন্ত্রণা বুক পেতে সহ
ক'রতে হ'য়েচে । মৃত্যু এর অপেক্ষা অনেক গৌরবের বস্তু
ছিল । কিন্তু হায় ! ভগবানের লীলারাজ্যে এ অভাগাদের
মৃত্যুও নাই ! হায় ! কুমার অনেক দানবযুদ্ধে আহত হ'য়েচে
সত্য, কিন্তু আজ দুর্গাস্মরণের ঞ্চায় কোন যুদ্ধে এত তীব্র
আঘাতপ্রাপ্ত হয় নাই ! কুমারের এখনও চৈতন্য হ'চ্ছে না !
কিন্তু আমিও আর অপেক্ষা ক'রতে পারি না ! দেবি !
তুমি কুমারের শুশ্রূষা কর, ক্রমেই দানবসৈন্য নিকটবর্তী
হ'চ্ছে, আমি একবার আসি । (গমনোদ্ভূত)

শচী । এ অবস্থায় আপনি আবার কোথায় যাবেন ?

ইন্দ্র । রণশ্রান্ত দেবকুল বিপন্ন হ'য়ে পলায়ন ক'রেচে ! রণক্ষেত্রে
মাত্র একটা দেবতাও নাই, দানবসৈন্য পুরী আক্রমণ ক'রতে

আস্চে—তাই যাব, ছবৃত্ত দানবদিগে প্রতিনিবৃত্ত ক'রতে
তাই যাব ! নতুবা দেবি ! ইন্দ্রত্বের সহিত দেবের মানসস্তম
সব যাবে ।

জয়ন্ত । মা, আমায় একটু বাতাস কর ।

শচী । দেবেন্দ্র ! কুমারের চৈতন্য হ'য়েচে ।

ইন্দ্র । তুমি কুমারকে গুশ্রযা ও রক্ষা কর, আমি আর বিলম্ব
ক'রতে পার্চি না । শক্রসৈন্য অতি নিকট ।

জয়ন্ত । পিতঃ ! আমিও যাব ।

ইন্দ্র । কুমার ! তুমি এখন ক্লান্ত আছ, দুর্ধর্য দানব এখন রণমত্ত ।
তোমার এ অবস্থায় পুনর্বার রণযাত্রা সম্ভব নয় । আমি
আসি বৎস—

জয়ন্ত । না পিতঃ ! আপনিও ত রণক্লান্ত আছেন, আমি বিশ্রাম-
লাভ ক'রেচি, আপনি একটু রণক্লান্তি দূর করুন ।

ইন্দ্র । কুমার ! ইন্দ্রত্ব বিলাসিতার কৈশোর আনন্দ নয়,—সুখ-
শান্তির বিচ্ছিন্ন নির্যাতন মাত্র । কঠোর সাধনায় এই ইন্দ্রত্ব-
পদ লাভ, আবার কঠোর পরিশ্রমে এই ইন্দ্রত্বপদ রক্ষা,
উভয়েই কঠোর । সুখের জন্ম এই ইন্দ্রত্বপদের সৃষ্টি হয় নাই ।
কুমার ! শাস্ত হও, আর আমি বিলম্ব ক'রতে পার্চি না ;
ঐ সৈন্যের পদশব্দ শ্রুত হ'ছে—(গমনোত্ত)

বেগে পবনের প্রবেশ ।

পবন । দেবরাজ ! আর নয়, আর আশা নাই । রণক্ষেত্রে
জনপ্রাণীও নাই, সকলেই অন্তর্দান হ'য়েচে ! দানবসৈন্য

অনরাবতীর **অতঃপরমধ্যে** প্রবেশ করবার উপক্রম
ক'রেচে ।

ইন্দ্র । যন, বরুণ, কুবের, চন্দ্র, অশ্বিনাকুমার প্রভৃতি এঁরা
কোথায় ?

পবন । এঁরা সকলেই কাপুরুষের প্রতীমূর্তি হ'য়েছেন; অস্ত্র
তাগ ক'রেছেন, পলায়ন ক'রেছেন ! আপনাকে কুমার ও
ইন্দ্রাণীকে ল'য়ে পলায়ন ক'রতে আদেশ দিয়েছেন !

ইন্দ্র । তাঁরা চিরদিনই ইন্দ্রকে সংসারচক্ষে কাপুরুষউপাধি প্রদান
করেন, তাঁরা এ ক্ষেত্রে যে ইন্দ্রকে পুনর্বার কাপুরুষতার
পরিচয় দিতে অনুজ্ঞা প্রকাশ ক'রবেন, তার আর বিচিত্র
কি ? না পবন ! ইন্দ্রের আর ইন্দ্রত্বের প্রলোভন নাই ।
ছার ইন্দ্রত্ব যায় যাক, কিন্তু আর কাপুরুষ হ'তে পারব না !
দেবতার জন্তু চিরদিনই নিজের পুরুষত্ব বিসর্জন দিয়ে
আস'চি, ইন্দ্রনাম একটা কলঙ্কের কালি ক'রে রেখে'চি !
তবুও যাঁদের সুখবিলাসের পরিতৃপ্তি নাই, আজ তাঁদের জন্তু
ইন্দ্র ক্ষণমূহূর্ত্ত চিন্তা ক'রবে না । পার, তুমি আমার পশ্চাৎ
অনুসরণ কর, না পার অনুরোধ নাই, যেতে পার । কুমার !
বিশ্রামলাভ কর, আমি চ'ললাম । (গমনোত্ত) ।

পবন । (বিনয়সহকারে) দেবরাজ ! অনুগত পবনের অনুরোধ
রক্ষা করুন । আর বুদ্ধে কোন ফল নাই, বরং বিষোৎপত্তির-
হেতু আছে । কেবল নিজদেহের নির্যাতনমাত্র ।

ইন্দ্র । তাহ'লেও ইন্দ্রের গৌরব ! বীরনামের গৌরব !

দেবনামের গোরব ! সম্মুখবুদ্ধে ইন্দ্রের ইন্দ্র দূর হ'লেও
ইন্দ্রের চরিত্রগত কলঙ্কের আরোপ হবে না ।

শচী । তাহ'লেও, যশোখ্যাতির প্রলোভনে নিজের আত্মাকে
কষ্ট দেওয়া কোন্ মহানুভবের কর্তব্য দেবরাজ ! যদি ষুক্র
ক'রেও ইন্দ্রের আশা না থাকে,—আমাদের পরাজয়ই অবশ্য-
স্তাবী হয়, তাহ'লে সে বীরকীর্তিগোরবে লাভ কি আছে নাথ !
পবন । দেবি ! দানবসৈন্তে চতুর্দিক পরিবেষ্টিত ! কিছুতেই
সে দানববাহে কেহই প্রবেশ ক'রতে পারবে না ।

ইন্দ্র । তা হ'তে পারে, কিন্তু তা ব'লে নারীর স্তায় অন্তঃপুরে
অবস্থান ক'রে, চিরসম্মান বিসর্জন দিতে পারি না ।

জয়ন্ত । পিতঃ ! তা কি হ'তে পারে ? চলুন, আমি বেশ বিশ্রাম-
লাভ ক'রেচি, আর আমার কোন কষ্ট নাই । কোথায়
হুর্ভুগণ ! কোন্ স্থানে পবনদেব !

ইন্দ্র । কুমার ! আত্মত্যাগই বীরপুরুষের মহালক্ষণ ! বিলাসিতা-
সুখশান্তি বীরের নয়, ভীরু কাপুরুষের চিরভূষণ । দেবি !
নির্ভীকহৃদয়ে অবস্থান কর ; এ হুর্দেবের সময় কুমারই
আমার অনুসঙ্গী হ'ল । (গমনোচ্ছত)

জয়ন্ত । থাক মা, অমরাবতীর জয়লক্ষি, সুস্থমনে থাক ; আমরা
এখনি আবার ফিরে আসছি । (গমনোচ্ছত)

দ্রুতপদে দূতের প্রবেশ ।

দূত । দেবরাজ ! ঘোর সর্বনাশ উপস্থিত ! দানবগণ অমরাবতীর
ধনাগার লুণ্ঠন ক'রচে ! ধনরক্ষক আত্মভাবে কোমাগারদার

উন্মুক্ত ক'রেচে । কাতারে কাতারে দানবসৈন্য অস্ত্রঃপুর-
 দ্বার হ'তে কোষাগার পর্য্যন্ত ছেয়ে ফেলেচে ! কিছুতেই
 আর কোষাগার রক্ষা ক'রতে পারা যাবে না ।

জয়ন্ত । চল দূত ! রক্ষার উপায় নাই ? কিন্তু রক্ষা ক'রতে হবে ।

অগ্রসর হও—

[দূতের অভিবাদনপূর্বক প্রশ্নান ।

ইন্দ্র । এস কুমার ! আর অপেক্ষা ক'র না—(গমনোচ্ছত)

শচী । (পদধারণপূর্বক) কোথায় যাবেন নাথ ! রক্ষা করুন !
 দাসীর কথা শুনুন ! কুমার ! দেবরাজকে আর উৎসাহ
 দিস্ নে ! ছার ইন্দ্রের জন্ত কুমুমকোমল শরীরে আর
 ব্যথা নিস্ নে ।

পবন । মা ! শূন্যে পাচ্ছেন ত ? দানবসৈন্যের কোলাহল ! তারা
 অস্ত্রঃপুরমধ্যে নিশ্চয়ই প্রবেশ ক'রচে ! মা, আর বিলম্ব
 ক'রবেন না ; কুমার আর দেবরাজকে ল'য়ে গুপ্তদ্বার দিয়ে
 শীঘ্র পলায়ন করুন ! আমি এখন আসি, দেববালাগণকে
 ল'য়ে দানবাত্যাচার হ'তে রক্ষা করি গে ।

[প্রশ্নান ।

শচী । নাথ ! তাই ত, আর ত থাকা যায় না । বিপুল দানব-
 অনীকিনীমধ্যে আমাকে কিরূপে রক্ষা ক'রবেন ? বীরকীর্তির
 অনুরোধে শেষে আবার অভাগিনীকে হয়ত দানবগৃহে বন্দিনী
 থাকতে হবে । দেবরাজ ! এ বীরখ্যাতির অনুরোধ ত্যাগ

করুন ! পায়ে ধরি, দাসীর কথা শুনুন, এখন যাতে রমণীর
সম্মান থাকে, তাই করুন ! শীঘ্র পলায়ন করি আসুন !
ইচ্ছাময়ের ইচ্ছা অবশ্যই পূর্ণ হবে ।

ইন্দ্র । দেবি ! উদ্গ্রীব হ'য়ো না । ইচ্ছাময়ের ইচ্ছা অবশ্যই পূর্ণ
হবে । হা বিশ্বাসঘাতক দেবগণ ! আজও ইন্দ্রকে তোরা
সংসারচক্ষে এত ঘণিত ক'রলি ! চিরকলঙ্কিত ইন্দ্রনাম আর
সংসার হ'তে যাবে না ! পলায়নই ইন্দ্রের কার্য্য ! কাপুরুষতাই
ইন্দ্রের কর্ম্ম ! ধিক্ ইন্দ্রত্বে ! ধিক্ রাজত্বে ! সংসারে কোন
বীর আর যেন রাজা না হয় । যার বীরত্ব ধীরত্ব গাভীর্য্য সক-
লই সৈন্য ও প্রজার প্রতি নির্ভর, সেই পরমুখাপেক্ষী অধ-
মের শ্রেষ্ঠত্ব কোথায় ? কুমার ! যেমন কাপুরুষের ঔরসে জন্ম-
গ্রহণ ক'রেচ, সেইরূপ কাপুরুষত্ব শিক্ষা কর । এক্ষণে
বীরভূষণ ভাগ কর, গৈরিকবসন পরিধান ক'রে চল
কুমার, অরণ্যবাসী ঋষিতপস্বী আদি জীবজন্তুকে ইন্দ্রত্বের
পরিণাম প্রদর্শন করাই গে ! এই রাজত্বের এই সুখ, এই
ইন্দ্রত্বের এই অহিম, এই সুখশান্তিবিলাসিতার এই পরি-
ণাম ! কিন্তু হৃদয়ে প্রতিজ্ঞা কর, এই ইন্দ্রত্বের অভিলাষ-
যজ্ঞ আর দেবতার দ্বারা পূর্ণ ক'র্ব না । যদি নরলোকে
গিরে নরের সাহায্যেরও প্রয়োজন হয়, তাও শ্রেয়ঃ, তথাপি
ভীরু দেবতার সাহায্য লব না । সাধনাতপশ্রায় যুগযুগান্তর
অতিবাহিত ক'রেও যদি ইন্দ্রত্বপদ লাভ না হয়, তাহ'লেও
আর দেবতার সাহায্য গ্রহণ ক'র্ব না ।

শচী । নাথ ! ঐ যে দানবগণের বিজয়পতাকার শীর্ষদেশ দেখা
যাচ্ছে ।

ইন্দ্র । কুমার ! দেবীকে ল'য়ে অগ্রবর্তী হও, আমি কাষায়বসন
সংগ্রহ ক'রে, শীঘ্রই তোমাদের সহিত মিলিত হ'চ্ছি ।

[প্রশ্নান ।

জয়ন্ত । ধিক্ দেবতার ! আহুসুখে সুখী অধম প্রাণি ! তোমাতে
আর পশুতে কোন প্রভেদ আছে কি ?

[সকলের প্রশ্নাম ।

সপ্তম গর্ভাঙ্ক ।

[কৈলাস—বিশ্বতলবেদিকা]

যোগিনীগণ ও ভগবতীর প্রবেশ ।

যোগিনীগণ ।

গীত ।

মা জেগেচে মা জেগেচে আজ আমাদের জাগরণ ।

ঘুম ভেঙেছে, মৌহ গিয়েছে, চিনেচি গো কে কেমন ।

কারো চোখ-রাঙানি শুন্ব না, থাক্‌ব না আর কারো কেনা,

বুঝে নোব কষ্ট ঘ'সে রাঙতা কি খাঁটিসোনা,

কেউ কইলে এক কথা, শুনিয়ে দোব দশ কথা,

সার আমাদের মার চরণ,

ভরসা মোদের মার চরণ ;

জ্ঞাশা মোদের মার চরণ ।

মা ঘুমিয়ে ছিল ব'লে, ব'ল'ত লোকে মা-মরা ছেলে,
 তাই স'য়েচি দশের কথা, কইনি কথা কেউ মেলে,
 এখন মার কোল পেয়েচি, আর কারেও ভয় করি কি,
 যার নামে ভয় পায় শমন,
 যার পালারে ভয় পেয়ে শমন ;
 জয় কালীনামে ভয় পায় শমন ॥

ভগবতী । আমার জাগিয়ে তোদের যে কি আনন্দ মা, তা
 তোরাই জানিস্ । একটু ঘুমাতে দিলি না ! সদাই “জাগ মা
 জাগ মা কুলকুণ্ডলিনী” ব'লে আমার অস্থির ক'রে তুলেচিস্ !
 জেগে কি হ'ল মা । আমার জাগালি, কিন্তু তোরা নিজে
 জাগলি কোথা ? তোরা যে ঘুমের ঘোরে এখনও হতচেতন !
 তবে আমার শুধু জাগিয়ে তোদের কি হ'ল মা ! ঘুমিয়ে-
 ছিলাম, কিছুই দেখতাম না, এখন জেগে মা ; বড়ই প্রাণ
 কাঁদচে ! তোদের ভাব দেখে আমার প্রাণ বড়ই ব্যাকুল
 হ'য়েচে ! আমি জাগলাম, তোরা যদি ঘুমিয়ে থাকবি,
 তাহ'লে আমার জাগরণের কি সুখ হ'ল ? আমি জেগেচি,
 তোরাও জেগে হেসেখেলে বেড়া, তাহ'লে ত আমার জাগ-
 রণের সুখ হয় । তা না হ'লে আমি জাগলাম, আমার ছেলে
 সব ঘুমিয়ে রৈল ! মা, ঘুমের আর একটা নাম মৃত্যু !
 সস্তানের সে অবস্থায় মায়ের প্রাণে যে কি কষ্ট হয়, তা তোরা
 বুঝবি কি ক'রে ? জেগেচি মা, আজ . বিশ্ব জাগুক !
 জেগেচি মা, আজ ছেলে সব জেগে উঠুক । তা না হ'লে এ-
 জাগার সুখ কিছুই নাই । যাও মা, আজ এই জাগরণে

বিশ্বের মহাজাগরণ হ'ক্ ! নিদ্রিতসন্তান জাগ্রত হ'য়ে, মায়ের কোলে ব'সে মহাশক্তি লাভ করুক ।

[যোগিনীগণের প্রশ্নান ।

জাগরণে কত আনন্দ, তা সন্তানে কতদিনে বুঝবে ? আমি মা থাকতে তবু সন্তান এত ঘুমায় কেন ? আমি মা হ'য়ে তাদের জগ্ন ভাবি, তবু মোহাক্স সন্তান কোন্ কুহকে মা ভুলে নিজেদের সর্বস্ব হারায়, তা বুঝতে পারি নে । আমি শুধু ভেবে মরি । মা আর ছেলের কত প্রভেদ ! ছেলের প্রাণ যদি এমনি মায়ের জগ্ন ভাবত, তাহ'লে এই বিষেপোরা মোহের সংসার, সূখায় গড়া সোনার সংসার হ'য়ে দাঁড়াত ! এই যে, সদানন্দ আস্চেন !

মহাদেবের প্রবেশ ।

মহাদেব । না এসে আর থাকতে পারি কৈ মহাশক্তি,—থাকতে পারি কৈ ? তাই শ্রদ্ধা কর আর না কর, আস্তেই হয় । নিৰ্জনে ত পাবার উপায় নাই । সূত্রাং প্রাণের কথা আর প্রকাশ করা হয় না ! সকল কথাই চেপে রেখে, মুখের কথা প্রকাশ ক'রে চ'লে যেতে হয় ; তাই আজ একটুকু নিৰ্জনে দেখে এলাম !

ভগবতী । নিৰ্জনে এত আনন্দ কেন সদানন্দ !

মহাদেব । নিৰ্জনে প্রাণের কপাট খুলে যায় । প্রাণের আবরণ খুললেই আনন্দ, আনন্দময়ি !

ভগবতী। আবরণ খুলে গেলে আনন্দ হয় না কি ?

মহাদেব। যে কারণে দেহের আবরণ খুলে উলঙ্গিনী হ'য়ে
র'স্মেচ, তার আনন্দ কি বুঝ নাই মহাদেবি !

ভগবতী। আমি তোমার আধ্যাত্মিক কথা বড় ভালবাসি না
সদানন্দ ! সরলভাবে—তুমি স্বামী আমি স্ত্রী, তারই নির্জন
আনন্দের কথা ব'ললেই সকল আপদ্বালাই চুকে যায়।
যাক্, আজ এখন কি প্রাণের কথা ব'লবে বল সদানন্দ !

মহাদেব। ব'লব. হৃদয়ের কথা ব'লব—তবে বলি, খেলায় আর
কত জাগবে মহাদেবি !

ভগবতী। কি ক'রব ?

মহাদেব। চল না একটুকু ঘুমিয়ে পড়ি।

ভগবতী। (পদধারণ) পায়ে ধরি সদানন্দ ! আর একটুকু জেগে
থাকি, আর ঘুমাতে পারি না, তুমি কতদিন আমার ঘুমিয়ে
রেখেছিলে তার দেখি ? জেগে আমি বড় আনন্দ পাচ্ছি,
সদানন্দ ! ঘুমানার চেয়ে জাগাই ভাল।

মহাদেব। পাষাণি ! সাধের ঘুম ছেড়ে জাগরণে এত শান্তি
পাও ? সত্যি তুমি পাষাণী। ভাবুক করি তাই তোমায়
পাষণতনয়া ব'লে বলে।

ভগবতী। কেন, পাষণতনয়া ব'লে কি তোমার সঙ্গে কোন
নিষ্ঠুর ব্যবহার ক'রেচি ?

মহাদেব। ক'রেচ কি না, একটু ভেবে দেখলেই ত সবই দেখতে
পাবে ভাবময়ি !

ভগবতী । মনে ত কিছু আসে না ! তুমি বরং আমার সহিত অনেক নির্দয় ব্যবহার ক'রেচ ; আমার জাগরণে তোমার কষ্ট হয়, আমার হাসিতে তোমার ক্রোধ হয়, আমার আনন্দে তোমার দুঃখ হয়, কৈ আমি তোমায় কখন তেমন ক'রেচি ?

মহাদেব । সে অনেক দূরের কথা ভবরাণি ! ক'রেচ কি না ক'রেচ, তা কি জান না ? এক সদানন্দের প্রতি ক্রোধ ক'রেই ত একদিন কুমুমনির্মলহাসিনী করুণাময়ী লীলাবিলাসিনী তুমি, ক্রোধক্ষুরিতাধরা কঠোর জগদ্বীতিদায়িনী মদবিহ্বলিতাক্ষী দশমহাবিচারূপ ধারণ ক'রেছিলে ? মনে হয় না কি ? এই দুর্ভাগ্য শিবের প্রতি ক্রোধ ক'রেই ত শুভ্ররূপে শ্রীপদে কোটী কোটী বিধের সৃষ্টি ক'রেছিলে ? এগুলো কি পাষণীর কার্য নয় পাষণি ? যাক্, আর সমুদ্র মন্থনে প্রয়োজন নাই, এখন জিজ্ঞাসা করি, আর কতদিন জাগবে দেবি !

ভগবতী । কেন সদানন্দ ! আমার জাগরণে তোমার এত কষ্ট কেন ?

মহাদেব । আর পারি না দেবি ! তোমার জাগরণে খেলা, সে খেলায় বিশ্ব ত্রাসিতকম্পিত । তাই তারিণি ! তোমায় আর একটি কথা জিজ্ঞাসা করি, জেগে খেলায় এ পুতুলগড়াই বা কেন, আবার সে পুতুল ভাঙ্গাই বা কেন ?

ভগবতী । (সহাস্ত্রে) তা বৈকি, তার চেয়ে ঘুমিয়েই থাকি ।

মহাদেব । জেগেই বা কি হ'ল ?

ভগবতী। কেন সদানন্দ ! জাগরণে না হ'ল কি ? বাপ হ'ল
মা হ'ল, ছেলে হ'ল, মেয়ে হ'ল, প্রাণে স্বাধীনতা এলো ;
আর তোমার সঙ্গে ঘুমিয়ে থাকলে আমার কি হ'ত ? এমন
সাধের খেলার সুখ কি আমি পেতাম ?

মহাদেব। লীলাচঞ্চলে ! এই তোমার সুখ ? যে সুখজলধির
বেলাভূমি হুঃখতাপের ঘোর অরণ্যানী, যে হাসির শেষে
দিগন্তহারা রোদনের ধ্বনি, যে আনন্দের হাটে হতাশ
হাহাকারের ঔদাস্তময়ী বিপণি, যে সুজল সুফল শ্রামল
প্রাপ্তরে ভীমা ভীষণ মরীচিকা কুহকিনী, সেই খানেই
তোমার সুখ ?

ভগবতী। ওটা নয় হুঃখই হ'ল, কিন্তু সুখ কি কোথাও দেখতে
পাও না সদানন্দ ! যখন গৌরীমূর্তিতে “মা মা” ব'লে স্নেহময়ী
জননীর কোমল অঙ্কে উঠি, যখন কিশোরী হ'য়ে রসপ্রবণ
যুবকের রসরঞ্জিনী অর্দ্ধাঙ্গিনীরূপে জীবনসঙ্গিনী হই, যখন
আবার প্রোঢ়ে পুত্রের মাতা হ'য়ে, স্নেহভালবাসার একখানি
জাগ্রত প্রতিমারূপে সংসারে অবস্থান করি, বল দেখি
সদানন্দ, তখন সুখের না হুঃখের ? তখন তোমার
স্বল দৃষ্ট কোথায় থাকে ? তখন বুঝি চোখ দুটো বুজিয়ে
ঘুমাতে থাক ?

মহাদেব। না, না দেবি ! যে ঘুম তুমি ভাজিয়ে দিয়েচ, সে ঘুম
কি আর তোমার ত্যাগ ক'রে ঘুমাতে পারি ? লীলাবতি !
আমার সাধের ঘুম যে তোমা:বিনা হয় না ! তোমার ত্যাগ

দুর্গাস্তর ।

ক'রে যখন আমি ঘুমাতে চেষ্টা করি, তখনই যে সব নিরাশ
হতাশার শূন্যময়ী ছবি দেখি ! আর আশ্রয় পাই না শক্তি,
আর কুল পাই না শক্তি, সাহস পাই না শক্তি। সব, যেন
হারিয়ে ফেলি। সব যেন আমার পক্ষে খড়্গকর হয়,—আর
আমার সে সাধের ঘুম কোথায় চ'লে যায় ! সর্বনাশী স্মৃতি
আসে—আর আমার জলিয়ে পুড়িয়ে মারে।

ভগবতী । কেন সদানন্দ ! আমি নৈলে কি তোমার সাধের ঘুমে
এত ব্যাঘাত ঘটে ?

মহাদেব । আত্মশক্তি ! তুমি আমার শয্যা, আমি তোমার
শায়িত ; আমি বারি, তুমি আমার আধার ! এখন বোঝ
দেবি, তুমি নৈলে আমি কে ?

ভগবতী । প্রভু ! প্রভু ! তবে আমি কে ?

মহাদেব । তুমি ধ্যানময়ী, জ্ঞানময়ী, জ্যোতির্ময়ী, যোগময়ী
যোগেশ্বরী ।

ভগবতী । যোগীশ্বর ! চিন্তামণি ! সদানন্দ ! কেন বাড়াচ্ছ ?

মহাদেব । তুমি নিজের মহিমার মহিমাময়ী, আলোকময়ী,
তেজোময়ী । আমি কুল কণা, তুমি বিরাটরূপিণী । তুমি
নৈলে আমার পূর্ণতা কি ?

ভগবতী । আমি দাসী, তুমি প্রভু । প্রভু ! আমি ত্রীচরণের
দাসী । (প্রণাম)

মহাদেব । আমি শব্দ তোমার ত্রীপদের কিঙ্কর । (প্রণাম)

নারদের প্রবেশ ।

নারদ ।

গীত ।

মা, কি খেলা গো আপন ভাবে ।

ওমা কে কার দাস, কে কার দাসী, আমি ভেবে পাই না কোন ভাবে ।

ওমা দাস ব'লে ঘুমাই গে চল, দাসী ব'লে থাক্ব জোগে,

আবার কখন দাসী ঘুমালে মা, দাস ডাকে জাগ জাগ রবে ॥

তোদের ঘুমান জাগরি ভাব মা পায় না যোগী আপন যোগে,

আবার এখন দেখি তোরাও আকুল, তোদের কোথায় যে কুল বল্ মা তবে ।

দাসের কথা শোন মা শ্রীমা, জাগিস্ না মা ঘুমা এবে,

ওমা তুইও ঘুমা আনরাও ঘুমাই. যেন ঘুমের কামাই হয় না ভবে ॥

ভগবতী । কে বাবা, নারদ এসেচ ?

মহাদেব । কেন নারদ, আজ অকস্মাৎ কৈলাসে আসার কি

প্রয়োজন হ'ল ?

ভগবতী । কেন নারদ, মুখখানি এত কালিমাময় বিষাদমাখা ?

কেন বাবা, কি হ'য়েচে ?

নারদ ।

গীত ।

কি আর হবে মা শ্রীমা । (ওমা ইচ্ছাময়ী ব্রহ্মময়ী গো)

তোর ইচ্ছাবীজের সাধের তরু, আজ বুঝি হ'ল অকালে ধূলিসাৎ ওমা ।

ভগবতী । নারদ ! আমার ইচ্ছাবীজের সাধের তরু কে অকালে

ধূলিসাৎ ক'রচে ? ব্যপ্ রে ! তা কি কখন হ'য়ে থাকে ?

আমার ইচ্ছার গতিরোধ ক'রতে পারে, এমন ত কখন দেখি ..

না, নারদ !

নারদ ।

গীত

ওমা তাজ ছলনা ছলনামরি, কার সনে মা ছলনা গো ।

ওমা যে ছলনায় জগৎখানায়, গ'ড়েচ মা বল না গো ॥

(ওমা তোর যে আদরের আদরনিধি,

যাদের তুই প্রাণ দিতে মা হ'স্ না কাতর,

যাদের শত অপরাধেও করিস্ না অপরাধী,

তোর সেই প্রাণের প্রাণ প্রাণপুত্র মা)

তোর সাধের ধরা দিলে রসাতলে মা ॥

ভগবতী । বাপ নারদ ! আমার পুত্রগণের দ্বারা আমার সাধের
বিশ্ব রসাতল যেতে ব'সেচে ? কেন নারদ, কিসে কি
হ'ল ? কেন তুমি আজ আমায় এমন কথা ব'ল্চ ? তা কি
কখন হয় ? আমি তাদের মা, মায়ের সাধের জিনিষ পুত্রে
নষ্ট ক'র্চে কেন বাবা ! তুমি কি কারণে আজ এমন কথা
ব'ল্চ ?

মহাদেব । তবে স্বেযোগই বা ত্যাগ করি কেন ? ভবসুন্দরি !
খেলায় যেমন খেলিয়েচ, তাই নারদ সেই কথা ব'ল্চে ।

ভগবতী । ভবনাথ ! ব্যঙ্গ ভিন্ন কি থাকতে পার না ? আমি
কি খেলায় খেলনার পুতুল নষ্ট করি ? সুলবুদ্ধি ! তাহ'লে
আমি খেলব কি ল'য়ে ?

মহাদেব । খেলা ত তোমার পুতুল নয়, খেলা তোমার ইচ্ছা ।
ঐ ইচ্ছাটুকু ত নষ্ট কর না যে, আর সাধের খেলা খেলতে
পারবে না ! হাঁ নারদ, যা দেখেচ, তাই তোমার গর্ভ-

ধারিণীকে বিশদরূপে ব্যাখ্যা কর । নৈলে তুমি পরীক্ষায় ত
উত্তীর্ণ হ'তে পারবে না ।

ভগবতী । হাঁ বাপ নারদ ! তুমি কি দেখেচ বল ?

নারদ । গীত ।

দেখিনু মা হৈমবতী, শৃঙ্গ অমরাবতী—ইন্দ্রশৃঙ্গ ইন্দ্রালয় ।

স্মরিলে জননি, ভীষণ কাহিনী, এখনো মা বন্ধ বিদরয় ॥

(ওমা শ্মশান এখন ইন্দ্রভবন,

সে সাধের নন্দন স্নিজনকানন হ'য়েছে মা)

ওমা তোর এক সন্তান, দুর্গাস্তর নাম, দুষ্টবুদ্ধি দুরাশয়,

ঐর্ষ্যাকুহকহলে, ভ্রাতৃত্ব ভুলে, সুধাকূপে বিষ উগরয় ॥

(ওমা দেখ্ মা চেয়ে, আজ তোর সাধের ইন্দ্রের কি হ'য়েছে,

সে যে পত্নীপুত্র সনে, ফিরে বনে বনে,

তার দুঃখ দেখে মা পশুপাখী কাঁদে,

আমাদের যোগীর প্রাণও মা কেঁদে উঠে)

বল্ বল্ একি খেলা মা হরমনোরমা ॥

ভগবতী । হাঁ নারদ ! এর জন্ত তুমি এত কাতর হ'য়েচ ?

নারদ । হাঁ নারদ, এখন ত প্রলম্ব হয় নি, এখন ত ইন্দ্র প্রাণ-

ত্যাগ করেনি, এখন ত শচীর সতীত্ব নষ্ট হয়নি, এখন ত

দেবকুল দুর্গের পদসেবার নিযুক্ত হয়নি, তাহ'লে আর হ'য়েছে

কি ? এর জন্ত তুমি এত কাতর হ'য়েচ ?

ভগবতী । ভবনাথ ! এত ব্যঙ্গ কেন ? সকল পুত্রই কি মায়ের

সমান হয় ? না হয় দুর্গ আমার একটু অর্থলোভী অত্যাচারী,

তা আর হ'য়েছে কি ? আমি তার মা, আমি তাকে ব'লে

ক'রে দোব এখন, সে আর এমন কাজ ক'র্বে না। তাতে আর ব্যঙ্গ কিসের ? ছেলে ছুঁট হয়, তা তার শাসনও তা আছে। আমি তাকে শাসন ক'রে দোব, তাতে তোমাদের এত বিক্রপ কেন ? তোমার উপহাস আমার ভাল লাগে না। কেন, দুর্গ আমার মন্দ ছেলে কি ? সে আমার স্বাবলম্বনপুরুষ-কার। নারদ ! তুমি তাতে চিন্তা ক'র না ; আমার ছেলে কখন মন্দ হবে না। তবে যে সে এ সব অত্যাচার ক'রে, বিশ্বের অশান্তি স্থাপন ক'রেচে, সে তার রক্তের তারল্যে,— বুদ্ধির দোষে। চিরদিন এ রক্ততারল্য থাকবে না, আর বুদ্ধির দোষও থাকবে না ; সময়ে সব হবে। তার অল্প ভাবনা কি ? এস বাবা নারদ ! আজ তুমি আমার সঙ্গে এস। তোমার সঙ্গে আমার অনেক কথা আছে ; নির্জনে ব'সে ব'ল'ব। ও বামদেবের ব্যঙ্গই চিরকাল ! সব ছেলেই কি আর সমান হয় ?

[নারদের হস্তধারণপূর্বক প্রস্থান।

মহাদেব। দেবি ! ধন্য তুমি মা, আর ধন্য তোমার ছেলে ! এই মা ছেলে নিয়ে, অখিলবিশ্বের মহাখেলার আর নিবৃত্তি নাই। ভালবাসার মহাকেন্দ্রের আকর্ষণে এই অনন্ত পরিধিময় অখণ্ড সৌরব্রহ্মাণ্ড নিয়তই বায়ামাণ। দেবি ! তুমি তার নিরঙ্কী, তাই তোমার বারম্বার নমস্কার করি।

[প্রস্থান।



দ্বিতীয় অঙ্ক ।



প্রথম গর্ভাঙ্ক ।

পাতাল—রাজসভা ।

সুকাম্যকে বন্ধনপূর্বক দনুকেতন ও

ছুর্গাসুরের প্রবেশ ।

ছুর্গাসুর । দনুকেতন ! তুমিই এই প্রতারক বিশ্বাসঘাতক দূত
সুকাম্যের দণ্ডনীতির ব্যবস্থা কর। আমি এরূপ নীতিহীন
কৃত্যের বিচারতার গ্রহণ ক'রতেও আপনাকে ঘৃণা বোধ
করি ।

সুকাম্য । কুমার ! আমার কোন অপরাধ নাই, কেবল আপনার
পিতার প্রভুপুত্র বলেই তাঁর আজ্ঞা মন্তকে ধারণপূর্বক
বহন ক'রে গিয়েছিলাম এবং আপনার কথা অগ্রেই বা
সুরভাদেবীকে ব্যক্ত করি । যদি এ বিবাহে অসম্মত হ'লে,
তারপর আপনার প্রভুপুত্রের কথা উল্লেখ করি ।

দুর্গাসুর । শুন্চ দহুকেতন ! এখনও এর নির্যাতন ক'রলে না ? শুন্চ ? আমার প্রভুপুত্র কৃতব্র বিশ্বাসঘাতকের কথা শুন্চ ? নরাদম ! এখনও রসনাকে নিজ আন্তে রেখে বাক্য নিঃসরণ করিস্ ! আমার প্রভুপুত্র সেই অরণ্যজাত বনমনুষ্য—গোরকনাথ আর করুণাথ ! কেমন ? আমার প্রভু সেই সাঁওতাল অসভ্য ভণ্ড সোমনাথ ! কেমন ? কি বল্বে, তুই পিতার অতি প্রিয়পাত্র, তা নৈলে এতক্ষণ দেখুতিস্ যে, দুর্গাসুর কিরূপে বিশ্বাসঘাতক প্রতারক কৃতব্র চণ্ডালের পাপের প্রায়শ্চিত্ত দান করে। দহুকেতন ! আমার আর কোন বক্তব্য নাই, শীঘ্র পাপাত্মার দণ্ডের ব্যবস্থা কর ।

দহুকেতন । কুমার ! পাপাত্মা স্বকাম্য যেরূপ গার্হিত আচরণ ক'রেচে, তাতে এর প্রাণদণ্ডেরই ব্যবস্থা ! কিন্তু বৃদ্ধ মহারাজ এ কথা শুন্লে আমাদের প্রতি অতিশয় অসন্তুষ্ট হবেন ।

দুর্গাসুর । তাঁর সে অসন্তুষ্টির আমি কোন ভয় রাখি না । দুর্গাসুর কারও অনুগ্রহের ভিত্তি নয় । দহুকেতন ! তুমি বল কি, পাপাত্মা আমার সহিত যেরূপ ব্যবহার ক'রেচে, তাতে এর প্রাণদণ্ডের বিধান ক'রলেও আমার গাত্রজ্বালায় তবুও উপশম হবে না । ইচ্ছা হয়, শিকারী কুকুর দ্বারা এর সর্কাজ কতবিকৃত করে লবণের ছিটা প্রদান করি ; অথবা কোন শিকারী পক্ষীর চঞ্চুতে এর সর্কাজের সমুদায় মাংস খণ্ডিত করে কঙ্কালমাত্র অর্পণই রাখি ! উঃ ! দহুকেতন ! আমি আর সহ ক'রতে পারি না ! তুমি পাপাত্মাকে ত্যাগ কর ।

আমি এই দণ্ডেই পাপাত্মার সেই দণ্ডের ব্যবস্থা প্রদান করি
দাও । (ধারণপূর্বক) আরে নরককুমি বিশ্বাসহস্তা ! পিতা
তোকে কি এই জন্ত মান্দাররাজকন্তার নিকট প্রেরণ
ক'রেছিলেন ? (পদাঘাত)

সুকাম্য । কুমার ! ক্রোধ ত্যাগ করুন । রাজনীতির গাভীর্ষ্য
ধারণ করুন । এখনও আমার বিশ্বাস করুন । নিতান্ত
তরলপ্রকৃতির বশবর্তী হ'য়ে, বিমল রাজধর্মের শীর্ষদেশে
পদাঘাত ক'রবেন না ! এ পদাঘাত আমাকে নয়, এ পদাঘাত
আপনাদের রাজধর্মে,—এ পদাঘাত আপনাদের পবিত্র পিতৃ-
পুরুষগণের অকলঙ্ক সন্মানে । এখনও সাবধান হ'ন ।

দম্বুকেতন । দেখ সুকাম্য ! তুমি স্বয়ং সাবধানে থাক । তুমি
বয়োবৃদ্ধ এবং বৃদ্ধ মহারাজের অতি প্রিয়পাত্র, তাই এখনও
রাজকুমারের নিকট রক্ষা পেয়েচ ; নতুবা তোমাকে এই
মুহুর্তে তোমার আত্মীয়পত্নিনকে শোকের সাগরে ভাসিয়ে
দিরে, ইহলোক ত্যাগ ক'রতে হ'ত, তা জান ?

সুকাম্য । দম্বুকেতন ! তোমার রাজকুমার ত আমাকে পদাঘাত
ক'রে, সে সকলেরই সন্মান রক্ষা ক'রেচেন ।

দম্বুকেতন । তথাপি বাক্যপ্রয়োগ ক'রতে তোমার লজ্জা হ'চ্ছে
না ?

সুকাম্য । প্রভুর অঙ্গপ্রহণে যে সে লজ্জা অনেকদিন হ'তেই
সুকাম্য বিসর্জন দিয়েচে ! আর লজ্জা হুর করি নাই,
দম্বুকেতন ! যেদিন এ মন্তক প্রভু কল্পাসুরের নিকট নত

হ'লেচে, যেদিন তাঁর অন্ন এই দক্ষ উদরে স্থান দিলেচি,
সেই দিন হ'তে লজ্জা কেন, মান, সম্মম, অমূল্য জীবন পর্য্যন্ত
এই দানববংশরূপ কালসাগরে সকলই বিসর্জন দিলেচি ।

নতুবা—

দনুকেতন । অতি স্পর্ধা তোমার সুকাম্য—নতুবা তুমি কি
ক'রতে ?

সুকাম্য । কি ক'রতাম—তা তোমার ত্রায় চাটুশ্রিয় নীচ ঘণ্য
শৃগালের নিকট তা আমার বক্তব্য নয় । তুমি স্থির হ'রে
থাক ।

দুর্গাসুর । (পদাঘাতপূর্ব্বক) তুই নিজে স্থির হ'রে থাক । দনু-
কেতন ! এখনও সহ ক'রচ ? তোমার রক্তমাংস ভগবান্ কি
দিয়ে সৃষ্টি ক'রেচেন ? বোধ হয় পুষ্প অপেক্ষাও কোমলতার
সৃষ্ট ! নতুবা এ পিশাচের দুর্কাক্য তুমি কিরূপে সহ ক'রচ ?
দনুকেতন ! অসি কোষমুক্ত কর ! চণ্ডালের মস্তক শীঘ্র ভূমি-
লুপ্তিত কর ।

সুকাম্য । কুমার ! এখনও ব'ল্চি, ধৈর্য্যধারণ করুন । আমি
আপনার পিতার অন্নগ্রহণ করি ব'লেই, একবার নয়, দুইবার
পদাঘাত সহ ক'রে, এখনও হৃদয়কে আকুলিত করি নাই ।
কিন্তু ক্রমে যেন ধৈর্য্যরাজ্যের বহিসীমায় এসে প'ড়্চি !
মা ব্রহ্মময়ি ! হৃদয়কে অস্থির করিস্ না মা !

দুর্গাসুর । দুর্নিবার ! তা না হ'লে ক্রমে কি ক'রতে পারিস্ ?

দনুকেতন ওনুচ ?

সুকাম্য । শুধু দম্বুকেতন কেন, আজ এ সত্যভিত্তির অণুপন্নমাণু পর্য্যন্ত শুনে! তবে তারা নিদ্রিত । কেউ কোন কথা বাগ্‌চে না! কিন্তু এ ঘুম যখন ভাঙবে, কুমার! তখন তুমি শুনেবে, তাদের সহস্রকোটীবদনে তোমার কিরূপ কোটিসহস্র কুংসা! তখন তুমি দেখবে, তারা অলস্ত কৃতান্তের ন্যায় এক একটা দণ্ডায়মান হ'য়ে, তোমার এই কৃতপাপের প্রায়শ্চিত্ত প্রদানে কিরূপ বন্ধপরিকর হ'য়েচে! তখন তুমি জানবে, তরলবুদ্ধি ক্রোধপরবশ ছর্নীতিপরায়ণ মূর্খের কি শোচনীয় পরিণাম! কুমার! আজ তোমার এ কদর্য ব্যবহার দেখে না কে? যাদের হৃদয়ে কিছুমাত্র শক্তি আছে, যাদের হৃদয়ে কণাপরিমাণ ধর্ম্মাংশ আছে, তারাই দেখে; আর যারা চাটুপ্রিয়, ক্রুর, পরসুখদেষী, হিংসক দম্বুকেতন, তারাই আজ অন্ধ! তারাই আজ পরপদপাদুকালেহন-সুখে আত্মবিস্মৃত হ'য়েচে!

দম্বুকেতন । সুকাম্য! সাবধান হ'তে পারলে না, মৃত্যুই কি তোমার বাঞ্ছনীয়?

সুকাম্য । দূর—শক্তিশূত্র পরপদলেহী চাটুকায়! দূর হও । দৃষ্টির বহির্দেশে দূর হও । বিক্‌নররূপী শৃগাল! কি বলবে, আজ আমার বন্ধনাবস্থা; তা না হ'লে বেধাতাম, সংসারে অর্থ-মোভী চাটুকারের পরিণাম কি!

দম্বুকেতন । সুকাম্য! আশিষ্ট আজ বিশ্বাসঘাতক কৃতান্তের পরিণাম কি বিশেষরূপে দেখাতে পারতেন, তবে কি বলবে—

কুমার এখনও স্বাধীন হন নাই, আর বৃদ্ধ মহারাজের তুই একমাত্র অতি প্রিয়পাত্র ।

দুর্গাসুর । ছিঃ দনুকেতন ! তুমি তার জন্য এখনও ভীত আছ ?
ভয় কি ? যা হয় কর । পাতালরাজ্যের একটা পণ্ডিত্যার
তুমি পূর্বাগর বিবেচনা ক'রচ ? ধন্য তোমার বিবেচনা !
আমি নাই বা স্বাধীন হ'লাম, আর পরাধীনই বা কিসের ?
পিতা ? পিতার ভয়ে তুমি পাপাত্মার বিচারভার হস্তে নিচ
না ? পিতাকে কিসের ভয় ? দুর্গাসুর এখন আর বালক
নাই, আজ স্বীয় বাহুবলে পিতৃজয়ী স্বর্গপতি বাসবকে পরা-
ভূত ক'রে এসেচি, তা তুমি জান ? পিতাকে সম্মান করি
বলেই তাঁর সম্মান, নতুবা দুর্গাসুর কারও কৃপা বা অনুগ্রহপ্রার্থী
নয় । যাও, আজই তার ব্যবস্থা ক'রব । তুমি এখন পাপিষ্ঠকে
আমার গুপ্ত অন্ধকূপকারাগারে বন্দী ক'রে রাখ গে !
আজই পিতৃভয় নিবারণের ব্যবস্থা ক'রে, পাপাত্মার দণ্ডের
ব্যবস্থা ক'রব । উঃ, কি প্রতারণা ! অর্থলোভী পিশাচ সব
ক'রতে পারে, এদের অসাধ্য আর কিছুই নাই । যাও—
বিলম্ব ক'রচ কেন ? দনুকেতন ! আজই আমি সকল বিধান
ক'রব ! দুর্গাসুর আর কারও বাধ্যবাধকতা স্বীকার ক'রবে
না ! যাও, যাও—নরপণ্ডকে আমার সম্মুখ হ'তে ল'রে
যাও । যাও—যাও—পাপাত্মাকে দেখলে আমার মস্তিষ্কের
বিকৃতি ঘটে ! যাও—যাও—সেই ভীষণ অন্ধকূপে নিয়ে যাও—
যে অন্ধকূপ দুর্গাসুরের সৃষ্টি ! যা তুমি আমি ভিন্ন ব্রহ্মা,

বিষ্ণু, মহেশ্বরেরও অনধিগম্য ; সেই স্থানে ল'য়ে যাও, বন্দী
ক'রে রাখ গে ! তারপর যা হ্রদ করা যাবে ।

দনুকেতন । সুকাম্য ! কুমারের আদেশ ! আমি আজ্ঞাকারী
মাত্র ! এক্ষণে চল ।

সুকাম্য । আচ্ছা, প্রস্তুত আছি । সুকাম্যের হৃদয় এত ক্ষুদ্র নয়
যে, মৃত্যুতে কাতর হবে । তবে কুমার ! এ নিশ্চয়ই
ব'ল্‌চি, সুকাম্যের এ নির্যাতনে একদিন না একদিন প্রলয়-
বিষাগ্নি জ্ব'লবেই জ্ব'লবে । সে প্রলয়বিষাগ্নিতে নিশ্চয়ই
বৃদ্ধ মহারাজের বংশ লোপ হবে ! সুকাম্যের এ তপ্তাভিশাপ
কখন ব্যর্থ হবে না । চল্‌ দনুকেতন—এ পাপমূর্তি আর
চক্ষে না দেখাই ভাল ।

[দনুকেতন সহ প্রস্থান ।

দুর্গাসুর । দনুকেতন ! শীঘ্রই আমার সহিত সাক্ষাৎ ক'র ।
আজ তোমার সহিত আরও আমার কতকগুলি গুপ্তমন্ত্রণা
আছে । গোরক্ষনাথ ! ভূজঙ্গশিরস্থ মণি অপহরণে কি একটুও
সঙ্কুচিত হ'লে না ? যথার্থই বন্যপশু ব'লে, বন্যপশুর স্তায়
বুদ্ধি ! আজ তোমার বিবাহবিলাসোৎসবেই রণযজ্ঞের
অনুষ্ঠান ক'রতে হবে ! একদিনের জন্তও সুরজার রূপ-
সৌন্দর্য উপভোগ ক'রতে হবে না । সুরজা মণিমুক্তা,
রাজরাজেশ্বরের গলদেশেই শোভা পায়, বন্যপশুর গলে কখন
শোভা পাবে না, এ তুমি নিশ্চয় জেন ! আর সুরজা, তুমিও
জেন—তোমার অদৃষ্টে বিধাতা কখন সুখ ব'লে শদার্থ প্রদান

করেন নাই । তুমি যেমন রূপগর্বে দুর্গাস্তরকে অপমানিত
ক'রেচ, তদ্রূপ দেখবে একদিন তোমাকেই দুর্গাস্তরের সেবা-
দাসীরূপে তার পরিচর্যাসাধন ক'রতে হবে ! যাক্, এখন কি
করি ? আমার সুখপথের কণ্টক একমাত্র পিতা ! বৃদ্ধের অন্বে-
ষিতিক উপদেশ আমার যেন তপ্তশলাকার স্থায় বোধ হয় । উঃ !
কি করি ? ভগবান্ কি বৃদ্ধের মৃত্যুও লিখেন নাই ? এত
জীবের অকালমৃত্যু হয়, কিন্তু সময়োচিত মৃত্যু কৈ ? যার মৃত্যু
যে নিজে প্রার্থনা করে,—সাধারণে প্রার্থনা করে ; তার সে
প্রার্থনা পূর্ণ হয় না ? উঃ ! কি অবিচার ? যদি ভগবানের এ
অবিচার হয়, তাহ'লে সে অবিচারে জীবের অপরাধ কি ?
পাপ কি ? নিন্দা কি ? ঘৃণা কি ? সামাজিকতাই বা কি
আছে ? আর একটু চিন্তার প্রয়োজন ! যা হয় আজই
ক'রব ! যাক্, চণ্ডপ্রচণ্ডকে যে মর্ত্য হ'তে একটা বরান্দিনী
আনতে প্রেরণ ক'রলাম, সে চণ্ডপ্রচণ্ড ত আজও ফিরে
এল' না ! এরই বা কারণ কি ? বোধ হয়, বৃদ্ধ পিতা তাকে
নিশ্চয়ই নিবারণ ক'রে, অন্য কার্যে প্রেরণ ক'রেচে । পাপ-
বুদ্ধি পিতাই আমার ঘোর প্রতিদ্বন্দ্বী ! ওকি—একটা বামা-
কণ্ঠ নয় ? কে চীংকার করে ?

(নেপথ্যে) মাদলা । ও মিন্‌সে ! তু মোরে ছাড়ি দে ! মোর
জাতি যাবে ! তোরে মু গোড় করি ! মোর ধরম আছে,
মোর বাপের ইজ্জিত আছে ! তুই বেইমানি ক'রিস্ নি
মিন্‌সে !

(নেপথ্যে) চণ্ডপ্রচণ্ড । দেখ সুন্দরি ! আমি তোমার ভালই ক'রছি,
তোমাকে পাতালের রাজকুমার দুর্গাসুরকে ডালি দোব ! খুব
সুখে থাকবে, গা-ভরা গয়না পাবে । এখন ভাল চাও ত
চল, আর বেশী দূর নাই, ঐ রাজসভা ! (আকর্ষণ)

মাদলা । তুই ত খুম মদ রে ! এখন ঘাশে এনে মোরে কড়া
কথা কইচিস্ ! মোদের ঘাশে ত ইসি ধরম নয় ! তুই
মোকে ফুলের মালা দিবি ব'লে কোথাকে আন্নি বোল
দেখি ? দেখ, তুই বড় বেইমান !

চণ্ডপ্রচণ্ড । সুন্দরি ! দিনকতক আমাদের রাজকুমারের সঙ্গে
তুমি প্রণয়ভালবাসা কর, তখন তুমিই দেখবে কে বেইমান !
বেইমান পুরুষ কি স্ত্রী ? এখন সহজে চল, মিছে কেন
ব'ক্চ ? তুমি এখন আমাদের কায়দায় এসেচ, কোথাও যেতে
পারবে না—তাই ব'ল্চি, চল—ঐ দেখ, আমাদের রাজ-
কুমার ।

দুর্গাসুর । রাজসভার বহির্দেশে কে ?

চণ্ডপ্রচণ্ড ও মাদলার প্রবেশ ।

চণ্ডপ্রচণ্ড । প্রভু ! অনুগত দাস । (অভিবাদন) এই দেখুন,
অধীন কার্যসম্পন্ন ক'রে এসেচ ।

দুর্গাসুর । চণ্ডপ্রচণ্ড ! এর যথোচিত পুরস্কার পাবে । একণে
তুমি যেতে পার ।

চণ্ডপ্রচণ্ড । বে আঙ্গ, অধীন এতেই কৃতার্থ ।

[প্রশ্নান ।

হুর্গাসুর । এস সুন্দরি ! নিকটে এস, এত ত্রিয়মাণা কেন ?
আমি কে জান ? পাতালেধর হুর্গাসুর ! আমিই সম্প্রতি
স্বর্গ জয় ক'রে, ইন্দ্রসিংহাসন লাভ ক'রেছি । আমার ভজনা
কর, চিরদিন প্রীতির সহিত পরমমুখে থাকতে পারবে । ভয়
ক'র না ; ভয় কি ?

মাদলা । কেন ভয় ক'রব রেজা, তোর চেহারা ত বড় বিষ্টি
আছে ! (একদৃষ্টে দৃষ্টিপাত)

গীত ।

দাশ হ'তে আনু বিদ্যাশে যু কি দ্যাখ'নু রে ও সহি ।
মোর পরাণ কিনু কিমন কিমন করে, কি যিনু অদল বদল করে সহি ।
আঁখু মোর জোড় না লাগে, লাজমান মুলুকমে ভাগে,
মোর আদি মোদা প্রেমকলিটি, ফুটলো সহি, রৈল না সহি ।
বঁধু যিনু পরশপাথর, দুমড়ে নিলেক হিরের পর,
মুই পিছলে গিনু আছাড় থিনু, মোর বাকু সরে না কিবা কহি ।

দেখ্ রেজা, তোরে দেখে মোর ভয় ত হ'চে না ।

হুর্গাসুর । ভয় কিসের প্রিয়ে ! তুমি যেমন আমার দেখবে,
আমি তোমার তার শতগুণ অধিক দেখব ! হুর্গাসুরের স্বয়ম-
রাজ্যের তুমি একমাত্র অধিষ্ঠাত্রী থাকবে । আমি প্রতিদিন
তোমার সৌন্দর্যের পূজা ক'রব । এস, তুমি আমার নিকটে
এস ! (ধারণোত্তত)

মাদলা । ইঃ, তু মোর হাত ধ'রিস্ নি রেজা, আমি তোকে খুব ভাল দেখেচি, তুইও মোকে ভাল দেখেছিস্ । তুই শুদর লোক আছিস্, তুই দেবতা আছিস্ ! তুই মোর ধরম খোয়স্ নি রেজা । তু মোরে আগে বিয়ে কর, তারপর মোর হাত ধ'রিস্ ! দেখ্ রেজা, আমি তোকে মোর সব্বিই দি়েচি ! আর মোর ঘাশে মা বাপ কিচ্ছুটা মনে প'ড়্চে না । আমি যেন স্বগ্গে এসেছি, তুই যেন রেজা সগ্গের রেজা !

দুর্গাসুর । সুন্দরি ! তুমি নিশ্চয়ই মায়াবিনী, এক মুহূর্ত্তমধ্যে আমার হৃদয়কে তুমি একেবারে মোহিত ক'রেচ । তোমার রূপসৌন্দর্যের মধুরতা অপেক্ষা তোমার কণ্ঠের মাধুর্য আরও অধিক । আমি যেন আপনাকে আপনি হারিয়ে যাচ্ছি ।

মাদলা । আমি শুনেচি রেজা, পুরুষমানুষে আগে এমনি ক'রে মেলামানুষকে ভালবেসে কোঁপার মাঝে পোরে, তারপরে তাকে আঁখের নোরে ভাসায় ! দেখিস্ রেজা ! তুই ত মোকে তেমনটি ক'রবি নি ?

দুর্গাসুর । সুন্দরি ! আমি ভালবাসার শপথ ক'রছি, এ জীবনে তোমার আমার কখন বিচ্ছিন্ন হবে না ।

মাদলা । কবে বিয়ে হবে রেজা !

দুর্গাসুর । এই ত বিবাহ সুন্দরি ! গুরুকর্মতেই নয় বিবাহ হ'ক্ না !

মাদলা । ইঃ ইঃ, তা কি হয় রেজা । এক ঐহিকের সুখের লাগি

পরজনম খোঁয়াব ? মোর মা-বাগ শুনে কি ব'লবে রেজা !
 বিয়ে না হ'লে—কি ক'রে ভালবাসা হবে রেজা !
 দুর্গাসুর । তবে আজই বিবাহ হবে ! চণ্ডপ্রচণ্ড—

চণ্ডপ্রচণ্ডের প্রবেশ ।

চণ্ডপ্রচণ্ড । আজ্ঞা করুন ।

দুর্গাসুর । তুমি এই সুন্দরীকে ল'য়ে, আমার বিলাসকাননের পুষ্প-
 প্রকোষ্ঠে স্থান দাও গে । আর আজই যাতে বিবাহ হয়,
 এই প্রস্তাবনা আমার মাতার নিকট ক'রবে । তাহ'লে এস
 সুন্দরি ! আমি কণেক পরেই তোমার সহিত সাক্ষাৎ ক'রব ।
 কোন চিন্তা ক'র না ! দুর্গাসুরের তুমি একমাত্র হৃদয়রাজ্যের
 রাণী ।

মাদলা । তুই তাহ'লে শিগ্গির ক'রে আসিস্ রেজা ! তোকে
 ছেড়ে যেতে যেন মোর মোন সর্চে না ! দেখিস্ রেজা !
 আসিস্ রেজা ! তোকে দেখতে না পেলে, মুই টিক্তে
 পারব না ।

[মাদলা ও চণ্ডপ্রচণ্ডের প্রস্থান ।

দুর্গাসুর । মরি মরি ! বালিকার হৃদয় কি সরল ! পবিত্রতার
 স্বচ্ছ স্ফটিকও হীনতা স্বীকার করে । তুষারধবল হিমগিরি
 যেন এই বালিকার পবিত্রতা দর্শনের জন্য সমুন্নতহৃদয়ে দণ্ডায়-
 মান । সৌন্দর্য্য যেন পবিত্রতার সনে আবৃত ! চণ্ডপ্রচণ্ড !
 তোমার আমি বিশেষ পুরস্কৃত ক'রব, তুমি আমার মনোমত

হৃদয়প্রদান ক'রেচ। বোধ হয়, সমস্ত পৃথিবীর মূলে এমন একটি অমূল্য বস্তু মিলে না। ধন্য ভগবন্! আমার উত্তপ্ত আলাময় হৃদয়, আজ যথার্থই শান্তির ত্রিধারায় ধন্য। ভবিষ্যজীবনের একটি শান্তি পেলাম, কিন্তু আরও একটি অশান্তি! সেইটী আমার আশালতার কাণ্ড, আবার তার শাখা আছে। সেই লতার কাণ্ড সোমনাথবংশের নাম, আর তার শাখা বৃদ্ধ পিতার অনৈতিক কথা! এই দুইটীই সমূলে উৎ-
 টিত না হ'লে, দুর্গাসুরের হৃদয় কখন হৃদয় হ'তে যাবে না! কৈ, এখনও ত দনুকেতন আস্চে না! তবে কি দনুকেতন সুকাম্যকে অন্ধকূপে রাখতে গিয়ে, পিতার সম্মুখে পতিত হ'য়েচে? না, তা ত হবার কোন সম্ভাবনা নাই; তবে বিলম্ব হ'চ্ছে কেন? এই যে দনুকেতন! ও আবার পশ্চাতে কে? একজন বক্রগতি ঋগ! এ আবার কোথা হ'তে এল? দনু-
 কেতন, তুমি এলে, তোমার পশ্চাতে কে?

দনুকেতন ও ব্যঞ্জনেশ্বরের প্রবেশ ।

ব্যঞ্জনেশ্বর । হজুর! আমি একজন হাড়গোড়ভাঙ্গা "দ" ।

দুর্গাসুর । তা ত দেখতেই পাচ্ছি ।

ব্যঞ্জনেশ্বর । হজুর! কি দেখতে পাচ্ছেন ?

দুর্গাসুর । তুমি একজন "দ" তাই দেখতে পাচ্ছি ।

ব্যঞ্জনেশ্বর । হজুর! শুধুই দ-ই দেখতে পাচ্ছেন । কিন্তু দ-য়ের

অর্থ কি কিছু দেখতে পাচ্ছেন ?

দুর্গাসুর । কি হে দনুকৈতন ! এ লোকটা কি পাগল না কি ?

ব্যঞ্জনেশ্বর । না হুজুর ! তবে এবার হব' হব' হ'য়েচি বটে ।

দনুকৈতন । কুমার ! পথিমধ্যে এ ব্যক্তির সহিত আমার সাক্ষাৎ !

নিজেই যাচকের গ্রাম কুমারের দর্শনযাত্রা ক'রলে ! তাই

সঙ্গে আনমন ক'রোচি ; আর এ ব্যক্তি বড়ই বিচক্ষণ ! কথা-

বার্ত্তায় আমার ত তাই অনুমান হ'য়েচে । তাই কুমারের

উপস্থিত কার্যের সুবিধার জন্মই—

দুর্গাসুর । তা ত বুঝতে পার্চি, কিন্তু এ ব্যক্তির ত কথার তাৎ-

পর্য্য কিছুই বুঝতে পার্চি না । তুমি কি ব'ল্চ ?

ব্যঞ্জনেশ্বর । আমি ত ব'ল্চি—আপনি ত শুনবেন না । বলি,

এই দ-য়ের মধ্যে কি কিছু দেখতে পাচ্ছেন ?

দুর্গাসুর । মধ্যে আবার কি আছে ?

ব্যঞ্জনেশ্বর । দলের কুয়োয় আগুন দাউ দাউ ক'রে জ্ব'ল্চে !

ভয়ঙ্কর আগুন ! সর্ব্বাঙ্গ জ্ব'লে পুড়ে ছাই হ'ছে ! উপরে

মাংসটী দেখতে পাচ্ছেন, কিন্তু ভিতরের হাড় কয়খানা আর

নাই । হুজুর ! মা বাপ্ ! সব ক'রতে পারেন, এর বিচারটা

আগে করুন । তাই এসেচি !

দুর্গাসুর । এ দুর্দশা তোমার কে ক'রলে ?

ব্যঞ্জনেশ্বর । যার লাহস আছে, জরসা আছে, শুক আছে, যে

ক'রতে পারে, সেই ক'রেচে । হুজুর ! আমি খোঁড়া মানুষ ;

তগবান্ আমাকে বেয়েচেন, তাই বে কখন পারি, সেই

আমাকে মেরে যার । হুজুর ! তুমি এর মা বাপ, তুমি এর

কিনারা কর । আমি তোমার কেনা দাস হ'রে থাক্ৰ !
 দেখবেন যে, এ খোঁড়া আপনার কত কাজে লাগে । হুজুর !
 আমার কান্না আস্চে, আমি একটু কেঁদে নি । (রোদন)
 দুর্গাসুর । দলুকেতন ! ব্যক্তিটী বড়ই মর্মান্বিত হ'য়েচে । ওহে
 আগন্তুক ! তোমার শত্রু কে, তাই বল !

ব্যঞ্জনেশ্বর । (চতুর্দিক অবলোকনপূর্বক) এখানে কেউ
 নাই ত !

দুর্গাসুর । কেন, এখানে তোমার কাকে ভয় ?

ব্যঞ্জনেশ্বর । আজে—তেমন নয়, তবে—তবে—আপনার নিষ্-
 টেই বা বলি কেমন ক'রে ! তবে আপনার তেমন প্রকৃতি
 নয় ! আপনি নিরপেক্ষ ! কারও পক্ষ হ'য়ে কখন কোন
 কথা কন না, ভায়মতই কার্য ক'রে থাকেন ; তবে জানলেন
 কি না, আমার যে শত্রু, সে শত্রু পাতালরাজ বুদ্ধ মহারাজের
 পরম মিত্র ! এমন কি, তিনি তার স্ত্রী আপনার প্রাণকে
 সিকিপয়সাও দাম ধরেন না ! তাই—তাই—তাই—হুজুর—
 ব'লতে কেমন হ'চ্ছে—

দুর্গাসুর । কে—গোরক্ষনাথ আর করঙ্গনাথ ?

ব্যঞ্জনেশ্বর । আজে—আজে—আপনি কে হুজুর—আপনি হর
 দেবতা ঈশ্বর, না হর গণবিদ্যার বিশেষ মাতকর—এ না
 হ'য়েবার না ! হুজুর, আমার ক্রটি ধ'রবেন না ; আমি
 আপনাকে প্রত্যক্ষের পর প্রণাম ক'রছি । (প্রণাম) আপনি
 কে, তা আমার ব'লতে হবে ? আপনি সহজ নন ! ও, আমরা

অন্ধ ! আমরা মূর্খ ! তাই ছজুরের সহিত এতক্ষণ সমানভাবে কথাবার্তা ব'লছিলাম ।

দুর্গাসুর । তোমাকেও একজন মহাপুরুষ ব'লে আমার ত বোধ হ'চ্ছে । বলি, সেই পাপাত্মা গোরক্ষনাথ, তোমার সহিত কিরূপ শত্রুতা ক'রেচে ?

ব্যঞ্জনেশ্বর । (দীর্ঘনিশ্বাস ত্যাগপূর্বক) ছজুর ! সে কথা আর জিজ্ঞাসা ক'রবেন না ! আমার ক'ল্জে ভেঙ্গে দিয়েচে । ম'রে যাব ! ব'ল্তে গেলেই, এখনি একটা বিয়োগান্ত নাটক হ'য়ে প'ড়বে, এখনি সকলেই কাঁদতে কাঁদতে ঘরে ফিরে যাবে । ছজুর ! তাহ'লে আর আমার প্রতিহিংসা সাধন করা হবে না ! তবে একদিন ব'ল্ব—এখন আপনি মা-বাপ, আপনি যা হয় করুন ! তবে—আমি এ কথা ব'ল্চি, আমি আপনার কেনা দাস হ'য়ে থাকব ! ছজুরের জন্ত এ প্রাণ সর্বদাই নিযুক্ত থাকবে ! তাতে প্রাণ যাক্ আর থাক !

দুর্গাসুর । আচ্ছা পারবে ?

ব্যঞ্জনেশ্বর । ও কি কথা ব'ল্চেন ?

দুর্গাসুর । ব'ল্চি, যা স্বীকার ক'রলে, তা পারবে ?

ব্যঞ্জনেশ্বর । ছজুর ! আমার বাপমার ঠিক আছে, আমি বাওয়াডিমের নই ! আমার যে কথা, সেই কাজ ।

দুর্গাসুর । উত্তম ; আচ্ছা, আজ হ'তে আমি তোমায় বন্ধ ব'লে গ্রহণ ক'রলাম ।

ব্যঞ্জনেশ্বর । হুজুর ! আমি যে ক্ষেপে যাচ্ছি ! (গদগদভাবে)

আমি কুমারের বন্ধু !

দুর্গাসুর । বন্ধু,—বন্ধু করে বলে তা জান ?

ব্যঞ্জনেশ্বর । তা আর জানি কি ক'রে, এ পর্য্যন্ত ত আর বন্ধুত্ব

ক'রতে পারলাম না । ও একটা বিশেষ বাধাবাধি হুজুর !

বন্ধুত্ব কি জানেন ? প্রাণকে বন্ধক রাখা ।

দুর্গাসুর । হোঃ, হোঃ, সতাই ব'লেচ বন্ধু ! যাক্, এখন আমার

প্রধান কার্য্য, পাপাত্মা বন্ধুদ্রোহী গোরক্ষনাথের জীবন নষ্ট !

কেমন বন্ধু ! কি বল দনুকেতন ?

দনুকেতন । তা আর ব'লতে ?

ব্যঞ্জনেশ্বর । দেখুন, আপনি ত একজন বিজ্ঞলোক, আপনাকে

অধিক বলাই আমার ধৃষ্টতা ! তবে কি জানলেন, পাপাত্মা

গোরক্ষনাথ লোকও নিতান্ত সহজ নয় ! কুহক-মন্ত্র জানে,

সেই মন্ত্রে—

দুর্গাসুর । না—না বন্ধু, ভুল ক'রেচ, গোরক্ষনাথ আর করঙ্গ-

নাথ, এরা দুজন সোমনাথের দুই কণ্ঠা ! জান ত স্ত্রীলোকের

মোহিনীশক্তি অধিক—

ব্যঞ্জনেশ্বর । (মুখ সিট্কাইরা) দা-ঠাকুর ! আমার বড় পেট

কনাচে—

দুর্গাসুর কি হ'ল হে ?

ব্যঞ্জনেশ্বর । আজ্ঞে, ঐ মেয়েমানুষের কথা হ'লেই আমার বড়

পেট কুনায় !

দুর্গাসুর ! হোঃ, হোঃ, (হাঃ) দনুকেতন ! ভায়া আমাদের এদিকে বিশেষ রসিক আছেন ! থাক ভাই ! এখন ও প্রসঙ্গ ত্যাগ কর, যাতে দুরাগ্না গোরক্ষনাথের ধ্বংস হয়, অগ্রে তারই মন্ত্রণা কর । দনুকেতন ! তুমিই অগ্রে বল, পাপায়া গোরক্ষনাথের নির্ঘাতন কিরূপে করা কর্তব্য ?

রুক্মাসুর, পূর্ণিকা ও বিলামিনীর প্রবেশ ।

রুক্মাসুর । আবার শুন্চ পূর্ণিকা, পুত্রের মন্ত্রণা ? কুসন্তান কুলাঙ্গারের কথা শুন্চ ? রাজি ! এ পুত্রস্নেহ এবার হ'তে চিরদিনের জন্য বিসর্জন দাও । আমি একরূপ বংশভঙ্গ্য ছর্ভু পুত্রের মুখাবলোকনও করি না । দুর্গ ! চণ্ডাল পিশাচ দুর্গ ! কালসর্প ! তুই আমার ঔরসে জন্মগ্রহণ না ক'রে, হিংস্র শার্দূলঔরসে জন্মগ্রহণ ক'রেছিলি না কেন ? তাহ'লে ত ঈশ্বরদত্ত অপত্যস্নেহে আজ আমাকে কলঙ্কারোপ ক'রতে হ'ত না ! ঘৃণ্য পশু ! কার সিংহাসনে আজ উপবেশন ক'রেচিস্, তা জানিস্ ! কার রাজত্বে আজ আপন প্রভুত্ব পরিচালনা ক'রচিস্, তা জানিস্ ! কার রক্তে আজ যুবক-বীরনাম ধারণ ক'রেচিস্, তা জানিস্ ! সকলই যে সেই স্বর্গীয় মহাপুরুষ পিতৃস্থানীয় সোমনাথের অনুগ্রহে । তাঁরই অনুগ্রহে যে পাতালরাজ্যের যাবতীর জীবের শোণিত—প্রাণ । তাই আজ সেই কৃতজ্ঞতা প্রকাশের জন্ত আমার বংশের পশু একজন, এই সকল গুপ্তমন্ত্রণা ক'রুটে ! আর একটা কি না

ভীলরমণী এনে, তাকে বন্দী ক'রে রেখেচে ! এই কি রুক্মা-
সুরের বংশগৌরবের কার্য্য—নাখ্যাতি বীৰ্য্য ! আর না, যথেষ্ট
হ'য়েচে ! স্নেহের বশবর্তী হ'য়ে, তোর অনেক অত্যাচার সহ
ক'রেচি, অনেক কলঙ্ক গাত্রে লেপন ক'রেচি ! আরও একটী
কথা জিজ্ঞাসা করি, চণ্ডাল ! আমার পরম হিতৈষী সুকামাকে
তুই না কি কারাবন্দী ক'রেচিস্ ? সুকামা কোথায় বল্ ?
শীঘ্র সুকামাকে আনার এনে দে ! দুর্গ ! আমি বর্ত্তমানে
পাতালে আবার রাজা কে ? আমি বর্ত্তমানে আমার উপর
কার্য্য করে, এমন শক্তি কার ? দূর হও অকৃতজ্ঞ বংশপশু !
এই মুহূর্ত্তে তুমি আমার রাজা হ'তে দূর হও !

পূর্ণিকা । মহারাজ ! করেন কি ? কাকে কি ব'ল্চেন ? কাকে
দূর হ'তে ব'ল্চেন ? কাকে—

বিলাসিনী । কোথা কাক গো—দূর মুখপোড়া কাক—(শিষ
দেওন) এমন সময়ে আবার কাক গো—

রুক্মাসুর । দূরে যা বিলাসিনি । মহিষি ! তুমি স্থির হ'য়ে থাক ।
দূর হ'তে ব'ল্চি, নিজের পুত্র—না—না—পুত্র নয়—বংশের
রক্ষসকে ! যে রক্ষসকে তুমি নিজের রক্ত দিয়ে এতদিন
পোষণ ক'রে এসেচি ! যাকে আমি এতদিন বিষকুন্তপয়োমুখ
সদৃশ জ্ঞান ক'রে, নিজেরও অপরিণামদর্শিতার বিশেষ পরিচয়
দান ক'রে এসেচি, সেই কুলাঙ্গার পাপিষ্ঠ দুর্গকে । হায় হায় !
মহিষি ! এখনও আমার মৃত্যু হ'ল না কেন ? মা ব্রহ্মময়ী
দারা ! এ দুর্গাচার কত পাপ ক'রেছিল মা, তাই তাকে এত

যন্ত্রণাজালে জড়িয়েচ ? দেবি ! আর যে এ বৃদ্ধবয়সে সহ
ক'রতে পারি না, নিতান্ত অসহ হ'য়েচে । নারায়ণি !
পরিত্রাণ কর ! যেমন অনেক সাধ্য সাধনা আরাধনা ক'রে
পুত্রের কামনা ক'রেছিলাম, তেমনি পুত্র পেয়েচি ! তেমনি
শান্তি হ'য়েচে মা ! আমার পুণ্য পুত্রে প্রকাশ পেয়েচে !
পাপাত্মা ছরাত্মা আমি—তাই মা, আজ আমার এই সব বিড়-
ম্বনা ! এর চেয়ে নিষ্পুল্ল নিৰ্ব্বংশ থাকা সহস্রগুণে শ্রেয়ঃকল্প
ছিল ! ধিক্ এ হেন পুত্রে ! ধিক্ এ হেন বংশশৃগাল ইতর
নিকৃষ্ট জীবকে ! যাও নীচ ! শীঘ্র আমার রাজত্ব হ'তে
বহিষ্কৃত হ'য়ে যাও ! আমার পবিত্র উচ্চ সিংহাসন জম্বুকের
উপবেশনের স্থান নয় । দম্বুকেতন ! কোথায় সুকাম্যকে
আমার বন্দী ক'রে রেখে এসেচ, মুক্ত ক'রে দাও গে !
আর তুমিও আমার রাজ্য হ'তে ঐ মূর্খের সহিত বহিষ্কৃত
হ'য়ে যাবে । আমার রাজ্য পিশাচের ক্রীড়াভূমি নয় !
আমি জীবিত থাকতে থাকতে যখন এই সব শোচনীয় ঘটনা,
তখন আবার আমার অবর্তমানে যে কি ভয়ঙ্কর ব্যাপার
সংঘটিত হবে, তা আমি এখন হ'তেই দিবানয়নে দেখতে
পাচ্ছি । মহিষি ! চল, অন্তঃপুরে যাই । আমি অগ্নি
আমার রাজ্যের সুবন্দোবস্ত ক'রে দেব । পাপাত্মা কুলাঙ্গার
দুর্গ, ভবিষ্যতেও যাতে আর আমার রাজ্য উপভোগ ক'রতে
না পারে, তারই ব্যবস্থা ক'রব । মহিষি ! দণ্ডায়মান কেন ?
পুত্রস্নেহ ! জ্বাঞ্জলি দাও—জ্বাঞ্জলি দাও । মেহের প্রতিমা

দুঃখসাগরে বিসর্জন—বিসর্জন দাও ! এ পুত্র থাকার চেয়ে
না থাকাই ভাল ! এ পুত্রকে পুত্র বলে পরিচয় দেওয়া
অপেক্ষা নিষ্পুত্র বলে আখ্যাগ্রহণ করা অনেকগুণে শ্রেষ্ঠ ।
চল মহিষি ! পাপাত্মার মুখদর্শনেও আমার কষ্ট বোধ হ'চ্ছে
যাও দুর্গ ! রাজ-আজ্ঞা, তুমি অতীত আমার রাজ্য হ'তে বহি-
ষ্কৃত হবে ! যাও দলুকেশন ! জীবনের ইষ্টানিষ্ঠের প্রতি
এখনও দৃষ্টিপাত ক'র ! এস মহিষি !

[বেগে প্রস্থান ।

পূর্ণিকা । বিলাসিনি, তুই আমার দুর্গকে একটু বুঝিয়ে সুঝিয়ে
আয় । বাবা দুর্গ—একটু বুঝিয়ে কাজ কর বাবা ! আমি
যাই—মহারাজ আজ অতিশয় ক্রোধান্বিত হ'য়েছেন । মা
ব্রহ্মময়ি ! রক্ষা কর মা !

[প্রস্থান ।

বিলাসিনী । কি বুঝিয়ে সুঝিয়ে দিব গো ! তা কুমার ! একটু
বুঝিয়ে সুঝিয়ে দাও না ! রাজা রাগ ক'রেছেন, রাণী-মাও
ব'লছেন, একটু বুঝিয়ে সুঝিয়ে দিলেই ত হয় বাবা ! কি
বাবু ! আজকালের ছেলে—বাপ মার কথা শুনে না ! একটু
বুঝিয়ে সুঝিয়ে দেওয়া ত ? তা দিলেই ত হয় । নয় বল বাপু,
কোথা গর্ত আছে, আমিই বুঝিয়ে সুঝিয়ে দিয়ে আসি !

দুর্গাসুর । দেখ্ বিলাসিনি—দূর হ'য়ে যা !

বিলাসিনী । দূর ত ! তা একটু দূর ব'লে কি বুঝিয়ে সুঝিয়ে
দেওয়া হবে না ? তা আমি যাচ্ছি, আমায় দেখিয়ে দাও ।

দুর্গাসুর । যাও চণ্ডালিনি । আমার সম্মুখ হ'তে দূর হ'য়ে যাও ।

(পদাঘাত)

বিলাসিনী । ও বাবা রে—(স্বগতঃ) মর মুখপোড়া—মুখ-
পোড়াকে ভূতে পেয়েচে না কি ? মরণ তিড়বিড়িনি দেখ্চি
যে ! যায় আর কি ! এঁড়ে পোড়ার মুখের আক্কেল
দেখলে গা ! যাই রাণীমাকে বলি গে—আজই আমি
ইস্তফা দোব—ঝিগিরি ত আর জুটবে না !

দুর্গাসুর । বন্ধু ! এই আমার যন্ত্রণা ! দনুকেতন ! এই দারুণ
কণ্টক ! উঃ, অনেক সহ ক'রেচি !

ব্যঞ্জনেশ্বর । হুজুর দেবতা ! তা না হ'লে নিশ্চয়ই অপদেবতা !
এ সহ কি বীরপুরুষে সৈতে পারে ! অনুমানে ত বোধ
হ'চ্ছে—এই ব্যক্তিই আপনার পিতা ।

দুর্গাসুর । পিতা—না—না ওর সঙ্গে একটা উপ দাও, উপপিতা
ব'লতে পার । পিতা হ'লে পুত্রকে কি এ সকল দুর্কচন
ব'লতে পারে ? উঃ, অনেক সহ ক'রেচি ! এখন দনুকেতন !
বন্ধু ! যা হয় এর ব্যবস্থা কর ।

দনুকেতন । কুমার ! আমি এখন রাজ্যবহিক্ত ।

দুর্গাসুর । কে—তুমি বহিক্ত ? তুমি কি একা বহিক্ত ?
আমি নই ? আমিও যে বহিক্ত । তাঁরই ব্যবস্থা কর !

দনুকেতন । সবই পারি ! কিন্তু আপনার পিতা !

দুর্গাসুর । আমার পিতা ! কখনই আমার পিতা নয়, নিশ্চয়ই

ব্যতিক্রম আছে ! আমি ব'ল্চি, আমার পিতা নয় ! না,
 তুমি পারবে না ! বন্ধু ! কি ব'ল্বে, উপায় আছে কি ?
 ব্যাঙ্গনেশ্বর । কেন থাকবে না ?
 দুর্গাসুর । বল বন্ধু ! কি উপায় বল ?
 ব্যাঙ্গনেশ্বর । যা ব'ল্বে, পারবে ?
 দুর্গাসুর । নিশ্চয় ! প্রাণবিনিময়েও তা সাধন ক'রব ।
 ব্যাঙ্গনেশ্বর । তবে চল ।
 দুর্গাসুর । চল ।

[সকলের প্রশ্নান ।

দ্বিতীয় গর্ভাঙ্ক ।

[পুষ্পবাটিকা]

মাদলার প্রবেশ ।

মাদলা ।

গীত

ঐ লাগর যার মুচুক্ মুচুক্ হৈসে ।
 আয় রে লাগর আয় রে আয়, মোর কাছে ঘেসে ঘেসে ॥
 তুয়া লাগি ভেবে মোর কল্জে গেল খ'সে,
 জুটলো এসে হাঁপকাশ গুরে লয়া লাগর মিন্‌সে ॥
 লো বুয়ে রে ও লাগর, মুই ঠাণ্ডা হই কিসে,
 হাঁরে লাগর অভাগীর গুত, তু মোর এই ক'রু শুনে ॥

লাগর ত মোর এখনও আস্চে ক না ! মুই যিন কিমন হ'য়ে
গেচ্চি । মোর বরাতটা কিন্তু কোত্ত ভাল, রেজা লাগরটা
মোর মনের মত্ত হ'য়েচে বটেক ! রূপ লয় ত যেন কাম-
ধনুটী । কথাটী ত নয় যিন কোকিল পাখলাটি ! মোরে
সেত্ত ভালবাসেক বটে ! মুই সে ভালবাসাতে মোর নিজে
দেশ বাপম্মাকে সব পাথর চাপা দিয়েচি বটেক ! ই, ই, মোরে
রেজা কত্ত ভালবাসেক ! এদেশের মেয়ামানুষগুলো
মোকে লিয়ে কত্ত লাচনা করে—এ যিন মোর পুর্তন দেশ
হ'য়ে গেচে বটেক ! একবার রেজাকে দেখে—মোর মনটী
যিন কিমনটী হ'য়ে গেছেক ! এখনও কেন রেজা আস্চে ক
না ! এ লাচনাওলিরা মোরে ব'ল্লেক—এখন তোর রেজা
আস্বেক—এই ত আবার লাচনাওলিরা আলেন !

নর্তকীগণের প্রবেশ ।

নর্তকীগণ ।

গীত ।

কিশোরি ভাব্না কিসের বল্ ।

তোর ভাসা ভাসা চাউনিখানি কেন ছল ছল ॥

আঁচরে বয়ান ঢেকে, আহা উহ থেকে থেকে,

হতাশে কার আশে, এত হ'য়েচ চঞ্চল ॥

আস্চে লো তোর লয়া লাগর, রসরাজ গুণের সাগর,

তোরে প্রেমটি দিবে, মনটী নেবে, সে জানে লো অদল বদল ॥

মাদলা । বোনটী সব, মোর মনটী বড় কাঁদ্চে ক ! রেজা কতক্ষণে

আম্বেক বোনটী সব ! ঐ রেজা আস্ছে না ? ই, ই, মোর
বোড্ড লাজ আইছে ।

দুর্গাসুরের প্রবেশ ।

দুর্গাসুর । (স্বগতঃ) ভয়ঙ্কর লোমহর্ষণ ঘটনা ইথে !

যদি ঘটে সেই হত্যাকাণ্ড অদ্ভুত ব্যাপার,

কি হবে তাহার ?

ব'লেছে বাঞ্জন, অতি সংগোপনে সাধিবে সে কাজ !

কিন্তু হায় পিতা সে ত, পিতৃহত্যা করিব কেমনে ?

লোকে কিবা কবে ? ধর্ম নয় গেল রসাতল,

পিতাপুত্র সম্বন্ধসকল দিনু নয় দূরে,

কিন্তু লোকে কিবা কবে, কেমনে দেখাব মুখ !

অহো ! হইল কাতর প্রাণ, কি করি এখন !

কি করিব ? নিষ্ঠুর নিষ্ঠুর পিতা—

দিয়াছে যে অতি মর্ষব্যথা—সে ব্যথার নাহি উপশম !

হ'ক্ হ'ক্ সেই ভীম ঘটনা ভীষণ !

দুর্গাসুর, আজ নিশ্চল পাষণ—

অটল জড়ের মত রহিবে দাঁড়িয়ে ।

হ'য়ে যাক্ অলক্ষিতে—যুগান্ত প্রলয় !

কৈ রে সুন্দরি ! আন্ সুরা—আন্ সুরা—

দে রে মধু—করি মধুপান, তপ্তপ্রাণ করি সুশীতল ।

মাদলা । কেন রেজা ! মুখখানা তোর ভারি ভারি দেখ্চি

বটেক ! কেন রেজা—তুই যিন তখনকার চেয়ে এখন
কিমন হ'য়ে গেচিস্ বটেক ?

দুর্গাসুর । না, না রে সুন্দরি ! কিছু নয়—কিছু নয়,

মধুপান করি আয় সকলে মিলিয়া ।

উঠুক তরঙ্গে আনন্দলহরী !

বোস রে সুন্দরি ! আমার নিকট,

প্রাণের শঙ্কট কর দূর । (মাদলার সহিত উপবেশন)

দেরে দে নর্তকি—দেরে মধু—(সুরাপান)

কর নাচগান—তৃপ্ত কর ব্যাকুলিত প্রাণ ।

নাচ গাও—নাচ গাও—মাতাও মেদিনী !

তালে তালে উঠুক উঠুক তায় মৃদঙ্গের ধ্বনি,

নাচ গাও—নাচ গাও—বিলম্ব ক'র না,

হ'ক্ তৃপ্ত জীবনের অতৃপ্তকামনা ।

নাচ গাও—নাচ গাও, বাহবা—নাচ গাও—নাচ গাও,

কর মধুপান, নাচ গাও—নাচ গাও—কর শক্তিদান ।

নর্তকীগণ ।

গীত ।

এবার ওজন ক'রব রে প্রাণ প্রেমের ভালবাসা ।

কাঁটায় কাঁটায় বুখে নেব, আমার মাল নয় বানে ভাসা ।

তুমি রে প্রাণ পাকা কওয়াল,

ঘর্ষা পড়েন চাপিয়ে দিয়ে, কন্মতি কর মাল,

লোকমানের আর ভয় খাব না, ক'রে নেব মাজাঘসা ।

দুর্গাস্তর । বাহবা বাহবা, আবার, আবার গাও—

ওজন করিয়া লও প্রেমিকপ্রণয়,

মূল্য তার কত হয় দেখ লো সুন্দরি !

উছ মরি—মরি অকস্মাৎ কে করে রোদন ?

ঐ শোন ঐ শোন মেঘের গর্জন !

ঘোর আর্তনাদ বজ্রপাত হয় মুছমুছ,

পাকসাটি ছুটে পক্ষীকুল—

কে—কে—গুরুশুশ্রূ গুরুগুপ্প লম্ববান্—

কে তুমি বিরাটরূপ ?

ভয়ঙ্কর—অস্তি ভয়ঙ্কর—ধর ধর কে আছ কোথায় !

মাদলা । কেন রেজা—কেন রেজা—এমন ক'রেছিস্ কেন

রেজা ? কি হ'ল রেজা ?

দুর্গাস্তর । কে—সুন্দরি ! না না কিছু নয় ! কিছু নয় !

স্থির হও প্রিয়ে ! কিছু নয়, কিছু নয় ।

(স্বগতঃ) উঃ, কি ভয়ঙ্কর !

নিশ্চয়ই এ মুহূর্তে পিতার মৃত্যুর কাল !

নিশ্চয়ই এ মুহূর্তে পিতার রোদন !

হায় হায়, কি করিমু ! এত কি রে পাষণ ব্যঞ্জনেশ্বর ?

নাই কি রে প্রাণে বিন্দুমাত্র দয়া !

পাষণের সনে কিরে ক'রেছি বন্ধুত্ব আমি ?

না না—তাও কি সম্ভব হয় ? ক্রোধে নয়—

বলিয়াছি তারে—পিতৃহত্যা কর মোর—

তা বলে কি পারে কেউ অধম নিষ্ঠুর হেন—
 বন্ধুপিতাপ্রাণ নাশিবারে ? পারে—পারে—
 আছে তার প্রতিহিংসা লইতে শত্রুর !
 আছে তার প্রাণে দাগা বড় ভয়ঙ্কর !
 পারে তাই সেই রাগে অনর্থ ঘটাতে !
 হায় হায় ! বুদ্ধিদোষে পিতৃহত্যা করিলাম আজ !
 পিতা—পিতা ! জলপিণ্ডস্থলে—রক্তপিণ্ড দিল তোমা—
 অধম কুপুত্র মরি ! কি করি—কি করি !
 স্থির আর থাকিবারে নারি—কি করি কি করি—
 বিষম অশান্তিজালে জড়িত পামর ! কি করি কি করি ।
 (প্রকাশ্যে) গাও গাও গাও রে সুন্দরি !
 গাও গাও—
 দাও—দাও—মধু (সুরা পান) গাও গাও—

নর্তকীগণ ।

গীত ।

নিয়ৈচি একটু রসান, দিয়েচি একটু রসান ।
 পারবে না আর রসিক বঁধু দিতে রে প্রাণ গা-ভাসান-
 ভাঙাচোরা ছুড়ান প্রাণ ঝালিয়ে নিয়ৈচি,
 আনু করা বন্ধুমেয়ে যাবে এমনি ক'রেচি,
 আস্মানে ফুল ফোটাই মোরা, আমরা কামের ফুলবাণ ।

দুর্গাসুর । সুন্দর, সুন্দর সব ! সকলি সুন্দর !

কিন্তু ছুদিমাঝে মোর ঘোর কালমেঘ—

আচম্বিতে ছাইল সবেগে—অন্ধকার—
 দৃষ্টিশূন্য অন্ধসম হইল মহমা !
 কি হইল—ঐ ঐ পুনঃ সেই বজ্রনাদ—
 বিহ্যতের বেগে আচ্ছিন্নে সবেগে—
 সেই বৃদ্ধ—শুরু কেশ শুরু শ্মশ্রু শুরু গুণ্ড -
 শুরু বসনে আবৃত কার—সেই—সেই—পিতা যেন—
 অহো, কি ভীষণ—ভীষণ কাতরকণ্ঠ—
 শোন কহে কিবা বৃদ্ধ—“কর দুর্গ, রক্ষা আজ মোরে !”
 ঐ যেন তুলেছে ভীষণ অসি কৃতান্ত বাঙ্কনেশ্বর,
 পিতা অশ্রুশূন্য গৃহে, অনাবৃত কায়ে !
 অহো, ঐ ঐ অশ্রু—উলঙ্গ রূপাণ !
 থাক্ থাক্ আহে বন্ধু—কর কি কর কি তুমি ?
 পিতা ও যে—পিতৃহত্যা ক’র না আমার !
 যাও চ’লে—যাও, কাজ নাই আর
 পিতা, পুত্রে চিরদিন অশ্রাব্যের তরে,
 করে তিরস্কার, তা ব’লে কি পুত্র কভু পিতৃহত্যা করে ?
 না না—গুনিলি না কথা—
 ঐ ঐ রক্তগঙ্গা হইল অচিরে—
 পড়িল পিতার মুণ্ড—খসিল গগন হ’তে
 সূর্য্য চন্দ্র যেন, হাঁরে হাঁরে ও ছর্ভ—
 কি করিলি তুই ! পিতা মোর—
 তাই হত্যা করিলি অধম !

আন্ খড়া, সেই খড়া তোর রক্ত পিইব দানব !
মাদলা । হাঁ রেজা ! হাঁরে ! তুই কি বুচ্চিস্ ? অমন কিন
ক'ব্চিস্ রেজা ! তোকে দেখে যে মোর ডর লাগে রেজা !

দুর্গাসুর । ভয়—ভয়--ভয়, ভয় হ'তে আমি অতি ভয়ঙ্কর !

বজ্র, অগ্নি, কালসর্প, এ হ'তে ভীষণ আমি,

স'রে যাও স'রে যাও সম্মুখ হইতে—

দূরে যাও—দূরে যাও করিব দংশন,

প্রাণ যাবে—প্রাণ যাবে নিকটে এস না,

করি মানা প্রাণ ল'য়ে পলাইয়া যাও !

কি কি গেলি না রাক্ষসি ! পিতৃহন্তা আমি—

চেন নাই কেহ দুর্গাসুরে—পিতৃহন্তা আমি—

রাক্ষস দানব, সংসার গ্রাসিব ব'লে এসেছি সংসারে !

যাও প্রিয়ে ! স'রে যাও কুমুম আগারে—

যারে স'রে চণ্ডালিনী বিলাসিনী নর্তকীমণ্ডলী—

এখনও প্রাণ লয়ে পলাইয়া যারে ।

মাদলা । রেজা—হাঁরে—(একপার্শ্বে দণ্ডায়মান)

[নর্তকীগণের প্রস্থান ।

দুর্গাসুর : এখনও অশনিবাণী কুরধার খড়া সম—

গাত্রে স্পার্শে মোর, এখনও বলি বারম্বার—

আর বার কোন নাই কথা ! কৈ কোথা

এস বন্ধুবর ! করিয়াছ অসাধ্য সাধন,

কৈ দমুকেতন ! এস সব পিশাচের অনুচর

পিশাচনিকর, এস সব বন্ধু মিলি করি আঁ পিশাচের সভা !

দেখুক জগৎ, দেখুক আকাশ শূন্য—

সাগর ভূধর, দেখুক, দেখুক সব জগতের নরনারীগণ,

দেখুক বিশ্বের জীব দেখুক উৎসুকভরে

পিশাচের রাজা দুর্গাসুরে—কৈ—কৈ সব ?

কেন এত হ'তেছে বিলম্ব, এখন কি হয় নাই কার্য্য শেষ ?

রক্তাক্ত কলেবরে রক্তরঞ্জিত অসি হস্তে

ব্যঞ্জনেশ্বরের প্রবেশ ।

ব্যঞ্জনেশ্বর । (উচ্চস্বরে)

দাও—দাও দ্বার ছেড়ে দাও—পথ কর পরিষ্কার !

এই শেষ কার্য্য !

বন্ধু ! এই শেষ কার্য্য করিয়াছি শেষ !

দুর্গাসুর । (চক্ষু ফিরাইয়া) হইয়াছে শেষ !

একেবারে করিয়াছ শেষ ! অহো দেখিতে পারি না,

আরে আরে ও ছর'ভ ! কোন্ কার্য্য করেছিস্ শেষ ?

ব্যঞ্জনেশ্বর । কোন্ কার্য্য ! কোন্ কার্য্য বলিব কেমনে !

ভাষা অভিধানে সে কার্য্যের হয় না বর্ণনা,

জীবের নীরস জিহ্বা বলিতে পারে না ।

দেখে লও—বুঝে লও—এই রক্তে—এই রক্তে

সেই কার্য্য কিনা ? এই রক্ত—এই রক্ত তার !

তার সেই উষ্ণ-রক্তে সুরঞ্জিত সর্কাক আমার ।

দুর্গাসুর । অহো ! কি অকৃতজ্ঞ নরাধম তুই রে বর্কর !

কি করিলি বন্ধুদ্রোহী বিশ্বাসঘাতক ?

কার রক্তে তোর দেহ সুরঞ্জিত আজ ?

ব্যঞ্জনেশ্বর । দেখ রাজা ! খঞ্জ বলি করিও না ঘৃণা,

আমি খঞ্জ বলি হৃদয় আমার খঞ্জ নহে কভু !

এ হৃদয়ে আছে বল, আছে দয়ামায়া ।

কার রক্ত জান না কি চণ্ডাল পিশাচ !

যার রক্তে জনম তোমার, যার রক্তে আজ দুর্গাসুর—

হ'য়েছ বাসবজয়ী ত্রিলোকের রাজা,

যার রক্তে তুমি পরাক্রমী মহাবলবান্—

হতমান্—ইহা তার রক্ত—নিজরক্ত চিনিতে পার না ?

দেখ দেখ রাজা, ভাল ক'রে পরীক্ষা করিয়া,

দেখ দেখ নিজরক্ত নয় কি না ইহা ?

দুর্গাসুর । আমারই রক্ত ! আমারি শোণিত !

এ শোণিতে আমার জনম, এ শোণিতে দেখেছি ভুবন,

এ শোণিত মোর শিরার শিরার, মজ্জায় মজ্জায় !

এ শোণিতে অস্থিমাংস মোর হ'য়েছে গঠন !

রে পিশাচ—সেই দুর্গাসুরশোণিতরাশিতে,

তোর অঙ্গ বিভূষিত আজ ?

সিংহের শোণিত আজ শৃগালের দেহে ?

কঁদীর শোণিত আজ ভেকের শরীরে ?

অসম্ভব ! অসম্ভব ! সব বিপরীত !

বিচিত্র ঘটনা, যদি সত্য হয়—চণ্ডাল—চণ্ডাল তুই—
 অকৃতজ্ঞ পশু ! আম নরাধম ! তবে—
 কিছুতেই মোর হস্তে আজ পাবি না নিস্তার !
 ব্যঞ্জনেশ্বর । দুর্গাসুর ! দুর্গাসুর ! আমি যদি পশু হই,
 তুই পশুর অধম !
 আমি যদি হই রে চণ্ডাল—
 তাহ'লে পিশাচ, চণ্ডালের বিষ্ঠাকৃমি তুই !
 পশু, চণ্ডাল হইতে পারি—
 কিন্তু অকৃতজ্ঞ নহি রে পামর !
 তুই নিজে অকৃতজ্ঞ—তা না হ'লে—
 যার দত্ত অমূল্যজীবন,
 যার রক্তে লভিলি জীবন—সেই পিতা—
 পরম আরাধ্য পূজ্য মাননীয় পিতা—
 তারে হত্যাহেতু নিয়োজিত কেন করিবি আমার ?
 এত স্বার্থ তোর, এত তোর বিলাসকামনা,—
 এত তোর স্বাধীনতা প্রাণে, এত তোর উদ্ধতস্বভাব !
 ধিক্ ধিক্ তোরে, পশু নই আমি, পশু তুই নিজে ।
 দুর্গাসুর । পশু আমি ? অঁা অঁা, আমি তোরে ক'রেছি প্রেরণ !
 আমি তোরে ব'রেছি পিতারে নাশিতে !
 আমি ? আমি ? আমি ? হাঁ হাঁ, আমি পশু—
 আমিই বটে ! আমিই ত সুকাম্যে দিছি কাশ্মাধারে,
 আমিই ত গোরকনাথেরে করিবারে নির্যাতন,

করিতেছিলাম মন্ত্রণা বিস্তার !
 আমিই ত পিতৃতিরস্কার শুনে,
 বাধা পেয়ে প্রাণে, ব'রেছিহু আমাসম,
 এক পশুঅবতারে পিতৃপ্রাণনাশে !
 আমিই ত কারণ তাহার !
 সেই পশু আমি—সেই পশু তুই !
 হুই পশু—ভাই ভাই হুই পশু মোরা !
 আর ভাই ! আর ক্রোধ নাহিক আমার !
 আর ভাই, হুই ভেয়ে সেই রক্ত করি মাথামাখি !
 হুই প্রেত সাজিব হু'জনে, হুই প্রেত রব এ ভুবনে !
 হুই প্রেতে প্রেতকার্য্য দেখাব কিরূপ !
 সেই প্রেতকার্য্যে ত্রিবিধ কাঁপিবে,
 কত জীব কত রূপে অকালে মরিবে,
 অভিশাপরূপ সাগরহিল্লোলে ভাসিব হু'জনে মোরা ।
 এইরূপে আমাদের প্রেতকার্য্য হবে সমাপন ।
 আর ভাই, প্রাণভ'রে করি আলিঙ্গন !
 চল্—চল্—সুকামোরে দ্বিধাশিত করি,
 পিতৃশোকজ্বালা আজ করি অবসান !
 তারপর চিরশত্রু মোর—নামে যার রক্ত উষ্ণ হয়,
 সেই পাশায় গোরক্ষনাথেরে—
 না—না—এই সঙ্গে হবে আজ পিতার তর্পণ !
 সাজ সৈন্তসং—সাজ সাজ সবে,

ধাও ধাও ধরবেগে কাক্কেড়-আহবে ।
 এ পিতৃশোণিত শুকাতে দোব না,
 এই রক্তে—শক্ররক্তে পিতার তর্পণ,
 সাজ সাজ অচিরায় সাজ সৈন্তগণ !
 চল ভাই, চল যাই এই প্রেতসাজে,
 ছুই প্রেতমূর্তি মোরা এই বিশ্বমাঝে ।

[ব্যঞ্জনেশ্বরের হস্তধারণপূর্বক বেগে প্রস্থান ।

বেগে পূর্ণিকার প্রবেশ ।

পূর্ণিকা । কোথা যাম্ কুসন্তান ! যাম্‌নে যাম্‌নে !
 এখনও ফিরে শোন্—আমি রে বিধবা,
 দেখে যা রে বিধবামায়েরে !
 ক'রেছিম্ মোরে তুই ছুধিনীরমণী,
 তবু রে মায়ের প্রাণ হয়নি চঞ্চল,
 তবু রে দুর্ভাগ্যপুত্র, মঙ্গলের তরে
 তোর আমি ফিরি ঘারে, তবু আমি—তবু
 ওরে ফেলি নাই একফোঁটা অশ্রুণীর ।
 পাছে ঘটে অমঙ্গল তোর ! তাই বলি—
 কুসন্তান ! এখনও শোন্ মোর কথা,
 অথথা অত্মারূপে কারও প্রাণে দিস্ না বেদনা ।
 মার রেহ অমূল্যরতন—করিস্ না করিস্ না তারে—
 হিংসাবিষে পরিণত ! শোন্ দুর্গ ! শোন্ দুর্গ !

এখনও বলি শোন্-হার হার, না শুনে বারণ,
 কি করিব—আমি—আমি চণ্ডালিনী—
 পুত্রস্নেহে সকল ভুলিহু !
 পতিহত্যা পাপিষ্ঠের প্রতিহিংসা নারিহু সাধিতে ।
 ধিক্ পুত্র—ধিক্ হেন স্নেহ !
 প্রাণেশ্বর ! প্রাণেশ্বর !
 কোথা প্রাণেশ্বর ! কোথা গেলে তুমি ?
 অপঘাতে মৃত্যু হ'ল তব—আমি তব নারী—
 আমি তার প্রতিহিংসা নারিহু সাধিতে !
 অহো ! স্নেহ এত কঠিন পাষণ, কে জানে সংসারে ?
 কোথা গেল অবোধ কুমার !
 কোথা গেল—তবু প্রাণ তার পানে ধার পিছে পিছে ।
 যাই—যাই—শোন্ হুর্গ—শুনে যা রে একবার ।

[প্রস্থান ।

তৃতীয় গর্ভাঙ্ক ।

[প্রাঙ্গণ]

দুর্গাস্তর, দমুকৈতন ও ব্যঞ্জনেশ্বরের প্রবেশ ।

দুর্গাস্তর । প্রথমতঃ পিতৃহত্যা, দ্বিতীয়তঃ সূকাম্যসংহার,
 দুই নরমেধযজ্ঞ পূর্ণ আজ সখে !

এবে পূর্ণ কর, আর এক মহাযজ্ঞ মোর ।
 ধ্বংস কর কাজোড়নগরী, ধ্বংস কর গোরক্ষনাথেরে ।
 সৈন্তগণ হইয়াছে অগ্রসর—
 আচ্ছা, সেই ভার আমার উপর,
 তোমরা দু'জনে, আর এক আশা মোর করহ পূরণ ।
 যাও দুইজনে অতি সংগোপনে—
 কাজোড়ের রাজপুরীমাঝে—নিশাযোগে ।
 গুনিয়াছি সেই বামা নিশাশেবে—
 একাকিনী দেবগৃহে স্বামিমূর্তি করিয়া স্থাপন—
 করে পূজা স্বামীর চরণ ।
 শোন বন্ধুগণ ! সেইকালে—বাহুবলে—
 তার কেশ করি আকর্ষণ আনিবে ছুরারে মোর !
 ব্যঞ্জনেশ্বর । না, না, না,—কেশে ধরা হবে না—
 তেমন সুন্দরী বামা—আকর্ষণে কেশ নষ্ট হবে ।
 নেড়ী হ'য়ে যাবে—তাকি হয় বন্ধু—
 প্রাণে বাবা, একটুও রসকস নেই দেখিছি যে ।
 দুর্গাহর । আচ্ছা, যে কোন প্রকারে আন তারে,
 ক্ষতি নাহি তার । যাও যাও বিলম্ব না সয় ।
 দলুকোতন । চলুন মহাশয় !
 ব্যঞ্জনেশ্বর । রও বাবা দয়াময় !
 হু হুটো খুন করিয়াছি আজ,
 একটু ভিরিয়ে নি—

(স্বগতঃ) রকম সকম দেখ্চি যা, সে রমণী পেলেও যা—না
পেলেও তা ! তবু যা হ'ক্ পথে দেখা শোনা, ঐ সময়েই ভাগ
গিয়া ব'লে সুন্দরীকে বনে নিঃর ঢুকব'—(প্রকাশে) একটু
জিরিয়ে নি ।

দুর্গাসুর । না না তা হবে না—

ব্যাগ্নেশ্বর । তা হবে না, তবে এস ভায়া, দি চৌচা দৌড় । বন্ধ
ভুমিও যাও ।

[উর্দ্ধ্বাঙ্গে প্রশ্নান ।

দলুকেশ্বর । কুমার ! আমি তবে চ'ললাম । ওহে ভদ্র ! একটু
দাঁড়াও ।

[প্রশ্নান ।

(নেপথ্যে) ব্যাগ্নেশ্বর । তা হবে না বাবা, আজ চোর চোর
বাজি, দেখাব তোজের বাজী ।

দুর্গাসুর । আর কেন ? সকল কণ্টক হইল ত দূর ।

তবে পিতৃহত্যা—

কিন্তু একপক্ষে হ'য়েছে সুবিধা !

যাই—সৈন্তগণ বহুপূর্বে ক'রেচে গমন ।

[প্রশ্নান ।

চতুর্থ গর্ভাক্ষ ।

[কৈলাস]

ভগবতী ও নারদের প্রবেশ ।

ভগবতী । দেখলে নারদ ! আমি সন্তানকে কতরূপে বুঝাই ?
নিশ্চয়ই দুর্গ আমার, আমার শক্তি পূর্ণিকার কথায় এবার
সুশান্ত হবে । এখন মিষ্ট কথায় বুঝাচ্ছি, এর পর তিরঙ্কার
ক'রে বুঝাব ! আমার ছেলেকে সুপথে আনতে আমি কোন
কালে বিস্মৃত হই নি বাবা !

নারদ ।

গীত ।

মা, মায়ের প্রাণ এমনি বটে ।

আমি প'ড়েছি শ্রামা ঘোর সঙ্ঘটে ।

ছেলের শত অত্যাচারে মায়ের প্রাণ হয় নি চঞ্চল,

তাই ত ছেলে হয় মা নষ্ট ভেবে নিজে মহাবল,

একি তোর কলকাটি গো পাষণবেটি,

কি খেলা এর অন্তর্ঘটে ।

এত ক'রে ঘোঝাও বেটি, তবু ছেলে শোনে না,

আবার তুই নাকি মা ইচ্ছামরী, তোর সৃষ্টি জীববাসনা,

তবে আজ অবোধ ছেলের পেয়ে, কি ভুলাও মা কথার নাটে ।

ভগবতী । নারদ ! তুমি ত আমার অবোধ ছেলে নও যে,
ভুলে যাবে বাবা ! আমি এখনও দুর্গের জন্ত কত ক'রুচি

দেখ্বে চল ! তবে দুর্গ, এখন আমার কথা শুন্চে না, তাই
নিরপরাধ গোরক্ষনাথের সহিত বিবাদ ক'রতে চ'লেচে ।
তা যাক্ না, যখন বুঝতে পারবে যে, না, এতে গোরক্ষনাথ
অপরাধী নয়, তখন মার কথা তার মনে প'ড়বে, তখন আর
তার অশ্রুভাব থাকবে না । চল নারদ ! আজ আরও
তোমার সঙ্গে আমার অনেক কথা আছে । এস বাবা !

[উভয়ের প্রশ্নান ।





তৃতীয় অঙ্ক ।



প্রথম গর্ভাঙ্ক ।

[উদ্ভান]

রঘুনাথ, শ্যামলাল, মোহনলাল, আনন্দস্বামী, জ্ঞানানন্দ,
সুখসত্ত্ব প্রভৃতি সম্মানসিগণের প্রবেশ ।

সকলে ।

গীত ।

দিন বাবে দিন রবে না ।

আলোক বাবে অঁধার হবে, অঁধার বাবে আলোক হবে,

আলোক অঁধার, অঁধার আলোক, ভেদাভেদ কি বল না ।

প্রাণের হাসি লুকিয়ে বাবে, প্রাণের বিষাদ বিকাশ পাবে,

বিষাদ আমোদ, আমোদ বিষাদ, ভেদাভেদ কি বল না ।

আমি হ'য়ে তুমি বাবে, তুমি গিয়ে আমি হবে,

তুমি আমি, আমি তুমি, তুমি আমি ভেদ কি বল না ।

আনন্দ রহো ! আনন্দ রহো ! আনন্দ রহো !

অনঙ্গনাথের প্রবেশ ।

অনঙ্গনাথ । দেখুন ঠাকুর ! আজ আপনাদের সঙ্গে আমার একটা বিষম ঝগড়া আছে ।

রঘুনাথ । কেন ভাইজি ! আমরা তোঁর কাছে কি দোষ ক'রেছি ভাই !

অনঙ্গনাথ । দোষ করেন নি ? অনেক দোষ ক'রেছেন ! আপনারা কেমন খোলাগারে, ছাইভস্ম মেখে আনন্দ ক'রে বেড়াচ্ছেন, আমাকে ত তা আপনারা ক'রতে দিলেন না ? তবে দোষ ক'রলেন না কেমন ক'রে ?

মোহনলাল । পাগুলাটা, তাই তুই আমাদের সঙ্গে ঝগড়া ক'রবি ? ভাইটা, তুই যে রাজপুত্র ! দিনকতক বাদে তুই ত আবার কাকোড়ের রাজা হবি ! রাজা কি ছাইভস্ম মাখে ? তবে মণিয়ুক্তার সৃষ্টি হ'রেচে কেন দাদা ! এ সব ভাই, সন্ন্যাসীর সাজ !

অনঙ্গনাথ । তবে আমি রাজা হব' না ; আমি সন্ন্যাসী হব' ।

শ্রামলাল । পাগুলাটা, তুই যদি সন্ন্যাসী হবি, তাহ'লে এত বড় রাজাটা, এতগুলো সন্ন্যাসীকে কে প্রতিপালন ক'রবে দাদা !

অনঙ্গনাথ । কেন, আমিই ক'রব । আমার বাপ ত রাজা, আবার তিনি ত সন্ন্যাসী ।

রঘুনাথ । যে বয়সের যে ভাই ! তুমি বালক, বালকে সন্ন্যাসী সাজলে, হয় সেই বালককে পাগল ব'লবে, নয় সং ব'লে লোকে হাসবে ।

অনঙ্গনাথ । তা পাগল ব'লে বলুক, সং দেখে হাসে হাসুক !
 তবু আমি আপনাদের মত হব' । দেখুন ঠাকুর ! আমার
 সন্ন্যাসী হ'তে বড় সাধ হয় ! আহা, আপনারা কেমন
 আনন্দে দিন কাটান ! আপনাদের কোন চিন্তা ক'রতে হয়
 না । আপনাদের কোন ভাবনা নাই । আমি সেদিন তাই
 রাজপরিচ্ছদ খুলে ফেলে, আপনাদের মত সাজে সেজেছিলাম,
 বাবা আর আপনিই ত কেবল আমাকে আবার রাজপরিচ্ছদ
 পরিয়ে দিলেন ! কেন ঠাকুর ! আমি আপনার কাছে কি
 অপরাধ ক'রেছি বলুন দেখি ? কেন আমাকে আবার রাজ-
 পরিচ্ছদ পরিয়ে দিলেন ?

রঘুনাথ । ভাইটা পাগুলা রে পাগুলা শ্রামলাল !

অনঙ্গনাথ । হাঁ আমি পাগল । তবু আমি আপনাদের সাজ
 প'রব ! মাথায় জটা রাখব, গায়ে ছাইভস্ম মাখব, হাতে
 চিম্টে নোব, "আনন্দ রহো আনন্দ রহো" ব'লে লোকের দ্বারে
 দ্বারে মহানন্দে ঘুরে বেড়াব । এতে যদি পাগল সাজতে হয়,
 তুও ভাল ! এ পাগলেও আনন্দ আছে, এ পাগলেও হৃদয়ে
 শূন্যশক্তি আছে ।

মোহনলাল । কেন ভাইটা, তুই এমন সোনার সংসারে আনন্দ
 পাস্ না ?

অনঙ্গনাথ । না, না ঠাকুর ! এ সংসারে আবার আনন্দ কোথা ?
 সবটুকু আনন্দ ত আপনারা অধিকার ক'রে নিয়ে আছেন,

আবার আনন্দ কোথায় রেখেচেন যে, আমরা সেইখানে
আনন্দ পাব' ?

শ্রামলাল । আনন্দপাস্ না ? “নাম কর, নাম কর” তাহ'লেই
আনন্দ পাবি পাগুলাটা !

অনঙ্গনাথ । নাম ক'র্ব, —কার নাম ক'র্ব ?

রঘুনাথ । দুর্ পাগল, নাম ক'র্বি কার, তা জানিস্ না ?
ভগবানের নাম ক'র্বি !

অনঙ্গনাথ । ভগবানের নাম ত কৃষ্ণ ?

মোহনলাল । হাঁ ভাই ! সেই যমুনাতটচারী কালিন্দিরমণ কার্ণ-
বরণ শ্রীকৃষ্ণ । প্রার্থনা কর দাদা ।

গীত ।

বল কৃষ্ণ বড় মিষ্ট কথা, বল কৃষ্ণ কালীরকালদমন হরে ।

মুকুন্দ মাধব, মাধব মাধব, যাদব কেশব যদুনন্দন মুরারে ।

ডাক ভাই রে, ডাকার মত ডাক সেই রাধানাথে,

মৌনে, ধানে, জ্ঞানে, তুমি, পুরক, কুঙ্ক, রেচক, যোগপ্রাণায়াম,

সে যে যোগীর যোগালয়ের গুণনিধি,

তারে চিন্লে না আজও হরবিধি,

আসার সুখসম্পত্তি, কিছু নয় ছার আসক্তি,

পদে পদে তার বিপত্তি,—দেখায় সুখমরীচিকা:—

(গুরে বড় তৃষ্ণার সময় সে দেখায় মরীচিক ।)

জীব ভ্রান্ত হ'রে ছুটে জলের আশায়,

সে ত জল নয়—জল নয়, অনলকণা তাম, হার হার রে—

(তখন সেই নাম বিনে আর গতি নাই ভাই)

মাধব মধুসূদন, কেশব কেশীমর্দন, ব্রহ্ম মাং কালকালীরহরে ॥

ভজনলাল । তখন ধ্যান ক'রতে হবে ।

(এমন দিন আনবে তোমার,)

ওরে কুল না হেরে সে অকূলে, অনন্তপাথার—

ঘোর বৈতরণীপারে যেতে, সেই বংশীবটমূলে—

কাল কালিন্দীকূলে কেলীরত সেই কিশোর নটবরসাজ,

ত্রিভঙ্গেতে অঁকা বাঁকা, চুড়ায় রাখা শিখিপাথা,

অলক। তিলকায় শোভে ব্রজরাজ,

অতি কমকম পরিপাটী, পরণেতে পীতধটি,

গলকটিবেড়া বনফুল সাজ ।

করেতে মোহন বাঁনী, অধরে সুধার হাসি,

বামে কিশোরী যেন হারিয়েচে লাজ ।

(ভাব কি ভাব রে, যারা ভাবের ভাবুক তারাই জানে,

এ যে যোগসমাধির শেষের ভাব রে,—

যারা ভোগ ক'রেচে, এ যে তাদেরই সন্তোগ)

সুখসজ । এ যে ভক্ত-হৃদে নিত্য লীলা, নিত্য প্রভুর নিত্য খেলা,

তুই ভক্ত হৃদি বৃন্দাবন, সেই বৃন্দাবনে ভক্তসনে,

তুর সহ নিশিদিনে, মধুর মধুর মহামিলন,

শিবের রূপ সাধনার নাই প্রয়োজন, মধুচক্রের মক্ষির পতন,

প্রেমময়ের প্রেমমধু পিরে হবি অচেতন,

(যখন থাকবে না অহং ভাব রে, তুই আপন ভাবে হবি বিশোর,

তোর পক্ষেত্রিয় শিশুবে গিরে শ্রীচৈতন্যে)

অনকনাথ । এ নাম ক'রলেই আনন্দ পাব ।

রঘুনাথ । এ নাম ক'রলেই আনন্দ পাবি ।

অনঙ্গনাথ । জটা, ছাইভস্ম, চিম্টে কিছুই চাই না ?

রঘুনাথ । কিছুই চাই না ভাইটা, কিছুই চাই না ।

অনঙ্গনাথ । না কিছুই চাই না বৈকি, জল তুল্ব, কলস না থাকলে জল থাকবে কিসে ?

রঘুনাথ । হো হো, শ্রামলাল ! ভাইটার কথা শুন্নি, ভাইটার কথা শুন্নি ?

শ্রামলাল । ভাইটা ! জল রাখতে হ'লেই কলসীর আবশ্যক বটে, কিন্তু কলসীটা প্রস্তুত ক'রতে হবে ত । তা নৈলে কলসী কোথা পাবি ভাইটা ।

অনঙ্গনাথ । তা হ'লে কলসী কোথায় পাব, তাই ব'লে দিন । ভগবানের নাম ক'রতে হ'লে, জটা, ছাইভস্ম, চিম্টে আবশ্যক, আবার সেই ছাইভস্ম চিম্টে জটা নিতে গেলে তার কাজও আবশ্যক ; ব'লে দিন কি কাজ ক'রলে এই সকল জিনিষ পাওয়া যাবে ?

রঘুনাথ । ভাই রে ! সংসারে এসেচ, সংসারের কাজ কর, সংসারের অভাব মোচন কর, তাহ'লে এই সকল জিনিষের আশ্রয়ী হবে । ক্ষত্রিয়কুলে জন্মগ্রহণ ক'রেচ, ভাই, ক্ষত্রিয়োচিত কার্য প্রতিপালন ক'রে, কৰ্মকাণ্ড সমাপ্ত ক'রে লও ; তবে জ্ঞানকাণ্ডে প্রবেশ ক'রবে । এই দেখু ভাই, বাগাডো ফুল কুটেচে, এরা ঈশ্বরের কার্যে প্রয়োজন হবে ; তবু কেমন বায়ুহিলোলে খেলা ক'রচে, আপনার সুপন্ন সংসারের জীবকে

বিতরণ ক'রচে ! এরই নাম কর্ম দাদা, এরই নাম কর্ম !

এস শ্রামলাল ! আমরা পূজামন্দিরে প্রবেশ করি গে ।

শ্রামলাল । চলুন ।

সকলে । আনন্দ রহো, আনন্দ রহো ।

[অনঙ্গনাথ ভিন্ন সকলের প্রস্থান ।

অনঙ্গনাথ । সংসারে এসেচি, সংসারের কাজ ক'রতে হবে,

তা না হ'লে, ভগবানের নামের অধিকারী হওয়া যায় না ।

কিন্তু সংসারের কাজ ক'রতে ক'রতে যদি আমার জীবনের

সীমা অতিবাহিত হয়, তাহ'লে কি হবে ? তাহ'লে ত এ

জন্মে ভগবানের নাম করা হ'ল না ! ও কে আসে ? বান্ধুলি

নয় ! আমার বাল্যজীবনের আমোদিনী প্রাণের আনন্দদায়িনী

প্রিয়তমা বান্ধুলি ! বান্ধুলি বালিকা, কিন্তু জানে প্রোঢ়া,

বান্ধুলিকেই এ কথা জিজ্ঞাসা করা যাক । এস ভগিনি !

আজ তোমাকে একটা কথা জিজ্ঞাসা করবার জন্ত বড়ই

উদ্বিগ্ন হ'য়েচি ।

বান্ধুলির প্রবেশ ।

বান্ধুলি । অনঙ্গ ! আর তুমি ত ভাই বালক নও, এখনও তুমি

আমার কথা জিজ্ঞাসা ক'রে কাজ ক'রবে ?

অনঙ্গনাথ । বান্ধুলি ! কি শুভক্ষণে তোমাতে আমাতে শুভদৃষ্টি

হ'য়েছিল, তা বলতে পারি না । দেখ বান্ধুলি, তোমার কোন

কথা জিজ্ঞাসা না ক'রে ক'রতে গেলে আমি যেন সে কাজে উৎসাহ পাই না । কেন বল দেখি বাকুলি !

বাকুলি । আমি যে অনঙ্গনাথের মন্ত্রী হই গো ! তাই ত মন্ত্রীর মন্ত্রণা না পেলে, রাজার কাজে মন লাগে না ।

অনঙ্গনাথ । সত্যই বাকুলি, তুমি যদি স্ত্রীলোক না হ'য়ে, আমাদের মত পুরুষ হ'য়ে জন্মগ্রহণ ক'রতে, তাহ'লে নিশ্চয়ই আমি তোমার মন্ত্রী ক'রে কাঙ্কোড়রাজ্যের শোভাশ্রী বর্ধন ক'রতাম ।

বাকুলি । অনঙ্গ ! তুমি নিতান্ত অবোধের ঞ্চয় কথা ব'ল্চ কেন ? আমি যদি পুরুষ হ'য়েই জন্মগ্রহণ ক'রতাম, তাহ'লে কাঙ্কোড়ে আমিই ত রাজা হ'তাম । তাহ'লে যে অনঙ্গ, তোমা-কেই আমার মন্ত্রী হ'তে হ'ত !

অনঙ্গনাথ । বেস, তাহ'লে তোমার রাজ্য আমি একদিনেই উৎসর্গ দিতে পারতাম । আমাকে মন্ত্রী ক'রলে, তোমার রাজ্যের উন্নতিশ্রী শীঘ্রমধ্যেই আমি দেখাতে পারতাম ।

বাকুলি । অনঙ্গ, "সংসারে যে বড় হ'তে চায়, সে কথা আপনাকে বড় ব'লে পরিচয় দেয় না," তোমার মন্ত্রী বাকুলি এটা বেস জানে । যাক্, এখন কি কাজে আবার মন্ত্রণার ওজন হ'য়েচে বল ? মন্ত্রী উপস্থিত । রাজাবাহাদুর ! আদেশ করুন ।

অনঙ্গনাথ । বাকুলি ! সংসারের কাজ ক'রে ভগবানের নাম ক'রতে হয়, কিন্তু সংসারের কাজ ক'রতে ক'রতে যদি আমার মৃত্যু ঘটে, তাহ'লে ভগবানের নাম ত করা হয় না ?

বাকুলি। সংসারের কোন কাজ অনঙ্গ!

অনঙ্গনাথ। সংসারের যে সকল কাজ আছে।

বাকুলি। জীবনব্যাপী কাজ, না দৈনিক কাজ?

অনঙ্গনাথ। জীবনব্যাপী কাজ, তাই মনে কর।

বাকুলি। তা হ'তে পারে না, অনঙ্গ! সংসারে এমন অনেক

কাজ আছে, যা দুইজীবনে সম্পন্ন করা যায় না। এক জন্ম

কেন, হয় ত কোটীজন্মেও শেষ হয় না। তাহলে কি দুই জন্ম

বাদ দিয়ে ভগবানের নাম ক'র্বে? তা নয় অনঙ্গ! সংসারের

দৈনিক কাজ ক'রে, ভগবানের নাম ক'রতে হয়। এইরূপে

ভগবানের নাম ক'রতে ক'রতে ইহজন্মের কাজ যখন শেষ

হবে, তখন সংসার হ'তে বেরিয়ে প'ড়ে অবিশ্রান্ত ভগবানের

নাম ক'রতে হয়। কেন, সেদিন ত তোমার নিকটেই বাবা

ব'লছিলেন, পঞ্চাশ বৎসর পর্য্যন্ত সংসারে থাকবে, তার পর

বানপ্রস্থে যাবে। অনঙ্গ, এ ত সেই সকল কথার রূপান্তর মাত্র।

অনঙ্গনাথ। হাঁ মন্ত্রিমহাশয়! তবে আর ব'লছিলাম কেন?

বাকুলি। হাঁ রাজাবাহাদুর! কথায় কথায় এত রাজভোলা হও

?

অনঙ্গ। আমার রাজ্যের মধ্যে বাকুলি বলে একটি একরূপ

স্ত্রীলোক আছে যে, তাকে চোখে চোখে না রাখলে আমার

মতিভ্রম ঘটে।

বাকুলি। তাহলে সেই মেয়েটা বড় চুষ্ট রাজাবাহাদুর! তার

রাজনিয়মে কিছু কঠিন সাজা হওয়া উচিত।

অনঙ্গনাথ । নিশ্চয় ! আজই তাকে সাজা দোব । এই এখনি
দিচ্ছি । (বাকুলির করধারণপূর্বক) “আজ তুমি সন্ধ্যা না
হওয়া পর্যন্ত, এ উদ্যান হতে কোথাও যেতে পাবে না !” এই
রাজা-বাহাহরের আজ্ঞা ।

বাকুলি । যে আজ্ঞা মহারাজ !

অনঙ্গনাথ । তবে মন্ত্রিমহাশয় ! আজ আমি আপনাকে একটি
রাজোপচৌকন দোব, নেবেন ত ?

বাকুলি । রাজার আজ্ঞায় যখন রাজ্য শাসিত হয়, তখন রাজার
আজ্ঞা তাচ্ছল্য ক’রলেও ত রাজদণ্ড হতে পারে ।

অনঙ্গনাথ । এ রাজ্য মন্ত্রিতন্ত্র-প্রণালীর অধীন, সুতরাং রাজার
আদেশ—মন্ত্রীমহাশয়ের আদেশের উপর নির্ভর ।

বাকুলি । তাহ’লে মন্ত্রীর আদেশ—রাজদণ্ড উপচৌকন মন্ত্রীর পরম
গৌরবের সামগ্রী । রাজদণ্ড সামগ্রী মন্ত্রী সাদরে গ্রহণ ক’রবে ।

অনঙ্গনাথ । তাহ’লে আসুন মন্ত্রিমহাশয় ! আপনি এই স্থানে দণ্ডা-
য়মান হউন, আমি আপনাকে কুসুমমালিকায় মধুর বিনোদ-
সজ্জায় আজ সজ্জিত করি ! কান্দোড়রাজ্যের মন্ত্রী
অনঙ্গনাথের মন্ত্রী কুসুমসজ্জায় সজ্জিত হ’লে, কিরূপ
মুগ্ধকর—প্রীতিকর হয়, তাই দেখবার একান্ত বাঞ্ছা ।

(বাকুলিকে কুসুমসজ্জায় সজ্জিত করণ)

বাকুলি । রাজাবাহাহর ! কেমন হ’য়েচে ত ? তাহ’লে এবার
মন্ত্রীর তুচ্ছ উপচৌকন বোধ হয়, মহারাজের আদরের সামগ্রী
হবে না ?

অনঙ্গনাথ । না, না, তা কি হয় মন্নিমহাশয় !

বান্ধুলি । তাহ'লে আসুন, এ রাজ্য যখন আপনার, এবং মন্ত্রীও
যখন আপনার, তখন এ রাজ্যের সকল বস্তুই আপনার ।
সুতরাং আপনারই দত্ত কুমুমমালিকা আপনার শ্রীপাদপদ্মে
অর্পণ করি, আপনি সাদরে গ্রহণ করুন ।

(মালিকা প্রদান)

বান্ধুলি ।

গীত ।

ধাও রে কুমুমমালা আমার প্রভুর পায় ।

আদর যতন পাবে হ'তে আদরিণীকায় ॥

সোহাগে দিবে কোমল কর,

আদরে ধরিবে হিয়ার'পর,

তুমি হাসিবে নাচিবে খরে খর,

তোমার মনের মত কত কথা কহিবে তোমায় ।

অনঙ্গনাথ । গ্রহণ ক'রলাম, আবার আপনাকে প্রদান ক'রছি ।

(প্রত্যর্পণ)

গোরক্ষনাথ ও করঙ্গনাথের প্রবেশ ।

গোরক্ষনাথ । ভাই করঙ্গ ! বালকবালিকার নির্দোষ প্রমোদ,

কি প আনন্দকর দেখ্‌চ ? কুমার অনঙ্গ যেন শক্তিকুমার

কার্ত্তিকেশ্বর, আর মা বান্ধুলি আমার যেন চিরকুমারী দেবসেনা !

একটা জ্যোতির ছইটা পুরুষপ্রকৃতি ভিন্ন মূর্তিতে অবতীর্ণ-

হ'য়ে, এই কান্দোড়রাজোষ্ঠানে অলোকললামভূত সৌন্দর্যের
লীলাচঞ্চল মধুরিমা বিস্তার ক'রচে ! দেখ ভাই করঙ্গনাথ,
হুটার যেন একটা প্রাণ ! দুটা যেন একটা হ'য়ে গেচে !
পরস্পর যেন এক আত্মা হ'য়ে বাল্যের মধুর কাল আপনা-
দের আয়ত্ব ক'রে ফেলেচে ! কুমার কুমারীর গলদেশে পুষ্প-
রচিত বিনোদকোমল হার পরিয়ে দিচ্ছে, আর কুমারী হাশ্ব-
প্রফুল্লনলিনীর স্বায় স্থিরদৃষ্টে কুমারের হাশ্বপূর্ণ বদনমাধুরী
দর্শন ক'রচে ! আ-মরি মরি—

করঙ্গনাথ । আর্ঘ্য ! আমরা নিশ্চয়ই পূর্বজন্মের স্মৃতিবলে
কুমারকে প্রাপ্ত হ'য়েছিলাম ! কুমার যেন একখানি আনন্দের
নির্মল চিত্র । বাছার হৃদয়ে এ পর্য্যন্ত আমি কোন দিন
কোন কালিমার রেখা দর্শন করি নাই ! সর্বদাই প্রফুল্ল,
সর্বদাই আনন্দের লীলানুপুর যেন বাছার পদে মুখরিত !
আমি কুমারকে দেখলে, আপনাকে আপনি আত্মবিস্মৃত হ'য়ে
পড়ি । কুমার যেন আপনার ঔরসজাত পুত্র বলে বোধ
হয়, নতুবা এমন আত্মজড়িত মধুর আনন্দ কুমার হ'তে
উপস্থিত হয় কিসে আর্ঘ্য !

গোরঙ্গনাথ । ভাই করঙ্গ ! আমারও যেন তাই কে হ'য় ।
যা হ'ক, তোমার বলি শোন, মা বাকুলিকে আমি কুমারকে
অর্পণ ক'রতে ইচ্ছা করি, এ বিষয়ে তোমার কি কোন
আপত্তি আছে ভাই !

করঙ্গনাথ । আর্ঘ্য ! আপনি যেন জ্যোতিষগণনার আমার

হৃদয়ের গুপ্ত কথা সহসা বাহির ক'রে দিলেন । আমি
প্রায়ই এ বিষয়ে চিন্তা করি ; সময় ও সুবিধা পাই না ব'লেই
আপনাকে এতদিন কোন কথা প্রকাশ করি নাই । আর্ধ্য !
একগেই সে গুপ্ত কার্য সমাধা ক'রতে আমার ইচ্ছা ।

অনঙ্গনাথ । (চমকিতভাবে) আপনারা এসেচেন ? বাকুলিকে
আমি ফুলের মালা দিয়ে সাজিয়ে দিচ্ছি, বাকুলি ফুল বড়
ভালবাসে ।

করঙ্গনাথ । বাবা, তুমি আমাদের ফুলরাজা, আর বাকুলি
আমাদের ফুলরাণী । তাই তোমাদের বাল্যজীবনে এত
ফুলময়ী ভালবাসা ।

বাকুলি । না বাবা, অনঙ্গ রাজা হ'য়েচে, আর আমি তার মন্ত্রী
হ'য়েচি । অনঙ্গ রাজা হ'লে আমাকে ফুলের মালা নজর
দিলে, আর আমিও রাজার সম্মানের জন্ত ফুলের মালা নজর
দিচ্ছিলাম ।

গোরক্ষনাথ । কেন মা, অনঙ্গ আমার রাজা, আর তুমি মা
আমার রাণী ।

বাকুলি । না জেঠামশায়, অনঙ্গ আমার মন্ত্রী ক'য়েচে, অনঙ্গ
ক'রে "বাকুলি, আমি রাজা হ'লে, তোমায় আমি মন্ত্রী ক'রব !"

গোরক্ষনাথ । কুমার তোমায় মন্ত্রী ক'রবে, আর আমরা তোমায়
রাণী ক'রব ।

অনঙ্গনাথ । না বাবা, বাকুলির যুক্তিপরাশর্ষ খুব ভাল । আমি
ওর যুক্তিপরাশর্ষ নিয়েই কাজ করি ।

করুণনাথ । দয়াময় নাথ ! তুমিই সত্য । কে কোথায় হ'তে
বালকবালিকার হৃদয়ক্ষেত্রে, ভবিষ্যৎ আনন্দের উৎস
স্থাপন ক'রে, এ বালাজীবনকে তাদের এত অমৃতময় ক'রে
তুললে ? দয়াময় নাথ ! এ সকলই তোমার লীলা ! এই
কল্প করুণানিদান ! এ বালকবালিকার কাব্যময় জীবন যেন
দীর্ঘকালব্যাপী হয় । কিসের কোলাহল ? আর্ঘ্য ! গুহন,
গুহন ! দেবীর কণ্ঠস্বর নয় ?

বেগে কৃত্তিকা ও সুরজার প্রবেশ ।

কৃত্তিকা । কোথা প্রভু ! প্রাণের দেবর !

কে আছ কোথায় ? অকস্মাৎ ঘটিল প্রলয় !

সুরজা । নাথ ! ভীমদরশন দম্বা দুইজন,

পূজাগৃহে আগমন করিল সহসা,

করিলাম ভরে চীৎকার, তথা হ'তে দিঙ্গি, হ'লে আগুসার,

ছরাচার দম্বা ক্রতপদে প্রবেশিল অই দূরবনে !

নাথ নাথ, এখনও কণ্টকিত গাত্র মোর !

কৃত্তিকা । প্রভু ! প্রভু ! ভয়ঙ্কর রাক্ষস তাহারা,

দৃষ্ট অভিশ্রোয়ে এসেছিল পূজার মন্দিরে ।

গোরুনাথ । ভাই রে করুণ, চল যাই চল ভাই দেখি

একি অভ্যাপাত ঘটে অকস্মাৎ !

করুণনাথ । যাও দেবি ! অন্তঃপুরে ; যাও মা বাবুলি,

যাও দেবি কুমারে শইরা !

[ক্রতপদে সতকৃত্যে অস্থান ।

দ্বিতীয় গর্ভাক্ষ ।

[বমপথ]

নেপথ্যে—দম্বুকেতন ও ব্যঞ্জনেশ্বর । এখনও পলায়ন ক'রে
আত্মরক্ষা কর । নতুবা খড়্গাঘাতে প্রাণের আশা ত্যাগ
কর ।

নেপথ্যে—ছদ্মবেশী ইন্দ্র ও জয়ন্ত । যোগীগণের তপোপ্রভার
প্রাণ তাদের নিজ আয়ত্নের মধ্যে । তাদের বীরদণ্ডে
যোগীর প্রাণ ভীত নয় ।

দম্বুকেতনকে বন্ধনপূর্বক ইন্দ্র ও ব্যঞ্জনেশ্বরকে
বন্ধনপূর্বক জয়ন্তের প্রবেশ ।

ব্যঞ্জনেশ্বর । ও বাবা কেউটের বাচ্চা, এবার ছেড়ে দাও, তোমার
বিষ, বড় জ্বর বিষ বাবা, এমনি ডংশেচ—প্রাণ একেবারে
চীৎপাং হবার যোগাড় ধ'রেচে বাবা !

দম্বুকেতন । হুর্ভু ! জান নাই বে, আমরা কে ? এখনও
চ, নিজের কুশলের জন্তু আমাদেরিগে বিনা আপত্তিতে
পা ত্যাগ কর ।

ইন্দ্র । হার, সেই পরিচয়ই আমরা চাই ।

দম্বুকেতন । সে আশা বৃথা !

বল পাগায়া, তোরা কে ? কি জন্তু দেবী হুরদার
ওঁর হুর্ভু প্রবেশ ক'রেছিলি বল ?

ব্যঞ্জনেশ্বর । আজ্ঞে—আমরা মানুষ, একপদ । হুজুর দেখতেই পাচ্ছেন ! তবে ও লোকটা আগে চার ঠ্যাংয়ে ছিল, এই হুজুর-দের সাক্ষাৎ পেতেই দুঠ্যাংয়ে হ'য়ে হামলাচ্ছে ! আমি ঠিক দুঠ্যাংয়ে মানুষ হুজুর ! তবে একটা ঠ্যাং বেটোকরে গেচে ।

জয়ন্ত । পাপবুদ্ধি ! এখনও কৃত্রিমতা পরিত্যাগ কর, বেস সরল-ভাবে সরল কথায় উত্তর দান কর ।

ব্যঞ্জনেশ্বর । হুজুর, একটু আলুগা দিন, নৈলে কথা ঠেকে ঠেকে যাচ্ছে, বেস সরলভাবে উত্তর দাও না !

ইন্দ্র । চোর ! এখনও ব'ল্‌চি সত্যপরিচয় দান কর !

দম্বুকেতন । পরিচয় পাবার সম্ভাবনা নাই, তজ্জন্ত তোমার ইচ্ছামত ব্যবহার ক'রতে পার, তার জন্ত আমরা কাতর নই ।

ব্যঞ্জনেশ্বর । দয়াময় ! গতিক বড় ভাল নয় ! এ দুটো নিশ্চয়ই অপদেবতা, নতুবা বাবা—বনমানুষের রাজ্যে এমন কিম্বুত বেয়াড়া বলবান্ মেলা হুজুর ! যা হয় একটা ব'লে ফেলে পালাই এস ।

জয়ন্ত । হুয়ায়ন্ ! এখনও ব'ল্‌চি—সত্যপরিচয় দে ।

(ক্রন্দন)

ব্যঞ্জনেশ্বর । হুজুর ! আর টিপন্ দিও না বাবা, তোমার আঙুলের গাঁট শালপিয়ালের গাঁট হ'তেও বড় শক্ত ! বড় দৌড়েচি, একটু জিরেন দাও বাবা !

ইন্দ্র । সৌভাগ্য ! পাপাত্মাগণকে এই অশোকবৃক্ষে বন্ধন ক'রে, এদের মস্তক বিধ্বং কর ।

জয়ন্ত । আর অদূরদর্শিগণ ! এইবার নিজকৃত পাপকার্যের
পরিণাম দর্শন ক'রবি আর ।

ব্যঞ্জনেশ্বর । বাবা—আমাকে কেন জুলুম ক'রচ ? আমি ত
ব'লতে রাজি আছি । কেবল ঐ চারঠেংয়ে বেটা আমার
গর্দানটা দেওয়াচ্ছে ! এক কাজ কর, ঐ বেটাকে আগে
ছেড়াং দাও, তারপর গোলামকে বা ব'লবে, তাই ক'রবে ।

জয়ন্ত । তুই ওকে ভয় ক'রচিস্ কেন ? তুই প্রকাশ কর না ।
দনুকেতন । বালক, বীরের প্রাণ এত লঘু নয় যে, তোমার
অসির ভয়ে নিজপ্রতিজ্ঞা বিস্মৃত হবে ।

ইন্দ্র । ধিক্ ধিক্ চণ্ডাল, ব'লতেও লজ্জা হ'চ্ছে না ? নিশা-
যোগে নিঃশব্দে উদ্যানমধ্যে প্রবেশ করাই ত বীরের লক্ষণ !
বীরাত্মার সদ্যবহার ! সৌভাগ্য, দুর্ভাগ্যকে আর আশ্রয়
দেওয়া বিহিত নয়, শীঘ্র পাপাত্মার শিরশ্ছেদন কর ।

জয়ন্ত । আর ছবু'ত্ত—ভীক ! এখনও আত্মপরিচয় দে । এই
দেখ—সুদীর্ঘ শাগিত লম্বিত অসি, তোদের রক্ত
পানের জন্ত এবার আমার হস্তে কোষোন্মুক্ত হ'য়ে নৃত্য
'রচে !

ব্যঞ্জনেশ্বর । ও বাপ্ রে ! বুজো বাবা ! ও বাবা রে—কি
চক্চকে তলোয়ার রে ! ক'ল্চি বাবা—প্রাণটার মেরো
না, ব'ল্চি বাবা ! বলি দয়াময় ! আর সাম্ভাতে পারলেয় না ।

ইন্দ্র । শৃগালশাবক ! এখনও আত্মসম্বরণ কর ! তুমি কাল
বে কার দোতা কার্যে আজ নিয়োজিত ? এখনও

সাধন হও; এ প্রাণের ভক্ত বিধাসঘাতকতার কার্য
কর' না !

ব্যঞ্জনেশ্বর । কিসের বিধাসঘাতকতা হে ! আমার প্রাণটা তা
ব'লে জলাঞ্জলি দিয়ে চ'লে যাই ! বলে—আপনি বাঁচলে
বাপের নাম ! আমিই যদি ম'লাম, তাহ'লে কি আমার
পুণ্য নিয়ে ধুয়ে ধাব ! না বাবা—ব'ল্‌চি, তলোয়ারটা
আমার দিকে ঝুঁকিও না—বুজোও বাবা !

জয়ন্ত । বল শীঘ্র বল ! আজ তোদের অন্তে তোদেরই জীবন
সংহার ক'র'ব ।

ব্যঞ্জনেশ্বর । ও বাপ্‌ রে ! ব'ল্‌চি বাবা ! ওগো, কে কোথায়
আছ গো, রক্ষা কর গো, ওগো ছটো ভূত এসে আমাদের
কন্দ ধ'রেছে গো ! ও বাপ্‌ রে—এদেশ ভূতের মুলুক রে !

জয়ন্ত । বল হুশয় ! শীঘ্র বল ।

ব্যঞ্জনেশ্বর । ও বাবা গো—মেলে গো—রক্ষা কর গো ! এ
কোন মুলুক গো—মারলে গো—প্রাণ যায় গো—

গোরক্ষনাথ ও করঙ্গনাথের বেগে প্রবেশ

উভয়ে । ভয় নাই, ভয় নাই ! আর্জ, ভীত, শরণাগত ব্যক্তির
প্রাণদণ্ড এ রাজ্যে কখন হয় না । ভয় নাই, ভয় নাই !

দহুকেশন । মহাশয় ! আসুন ! এরা আমাদের প্রতি অস্ত্রায়
অত্যাচার ক'র'চেন ।

ব্যঞ্জনেশ্বর । হুজুর—মা বাপ—রক্ষা কর হুজুর !

গোরক্ষনাথ । (ইন্দ্রের প্রতি) মহাশয় ! আপনারা কে ?

ইন্দ্র । আপনি কে ?

করঙ্গনাথ । ইনি কাঙ্কোড়রাজ প্রভু-সোমনাথের জ্যেষ্ঠপুত্র
গোরক্ষনাথ ।

ইন্দ্র । আশীর্বাদ করি, তোমারা দীর্ঘজীবন লাভ কর । বৎস !
এই দুই পাপাত্মা অণু তোমাদের রাজ্যে নিশাযোগে
মা সুরজাদেবীর পূজার মন্দিরে গুপ্তভাবে প্রবেশ করে ।
পরে ঐ অদূর বৃক্ষমধ্যে আত্মগোপন ক'রে লুক্কায়িত
থাকে । আমরা সন্ন্যাসী, সোমনাথ রাজসভায় গমন ক'র-
ছিলাম । রাজ্যে মধ্য সভরবামাকণ্ঠের ধ্বনি শুনে
পাপাত্মাগণকে ধৃত ক'রেছি । এদের প্রাণনষ্ট ক'রতে
চাই না, কেবল আত্মপরিচয় দান ক'রতে ব'ল্ছি ।

করঙ্গনাথ । তোমরা আত্মপরিচয় দান কর না কেন ? তাহ'লে
উনি যা ব'ল্চেন, সবই সত্য ?

ব্যগ্নেশ্বর । হুজুর, হাতে পাতে যখন ধ'রেচে, তখন না ব'ল্-
সেই কি বিশ্বাস ক'রবেন ?

গোরক্ষনাথ । সুতরাং আত্মপরিচয় দান ক'রে অমূল্যপ্রাণ
ব'লে পরিচয় দাও ।

দম্বকেতন । আমাদের প্রভুর নিষেধাজ্ঞা ।

গোরক্ষনাথ । ওঃ বুঝেছি, তাহ'লে তোমরা সেই বংশভঙ্গ পিতৃ-
হত দুর্গাসুরের অনুচর ।

ব্যগ্নেশ্বর । হুজুর মা বাপ ! যখন বুঝেছেন, তখন—

গোরক্ষনাথ । হাঁ—তখন আর দণ্ডের ব্যবস্থা কেন ? সত্যই
ব'লেচ, পিশাচের দাস পিশাচাধম ! দিন্ মহাশয় ! ওদিকে
পরিত্যাগ করুন । ভীত, আর্ত, শরণাগত ব্যক্তি সহস্র অপ-
রাধী হ'লেও, তার প্রাণদণ্ডের ব্যবস্থা হ'তে পারে না ।
আপনারা তেজোময় মহাপুরুষ ! আপনাকে আমরা প্রণাম
করি । (উভয়ের প্রণাম)

জয়ন্ত । (বন্ধন মোচনপূর্বক) দূর হও, চোর লম্পট !
ব্যঞ্জনেশ্বর । ছজুরের মঙ্গল হ'ক্ ।

[দনুকেতন ও ব্যঞ্জনেশ্বরের প্রস্থান ।

করক্ষনাথ । আপনারা ?

ইন্দ্র । বৎস ! আমরা বানপ্রস্থী সন্ন্যাসী ।

গোরক্ষনাথ । আপনারা নির্ঝিকার মহোত্তম, অত্ন যে হৃদয়ে
যে রূপ সাহসিকতা ও পরোপকারিতা প্রদর্শন করেছেন,
তা দেবতা ভিন্ন অন্য হৃদয়ে সম্ভব হ'তে পারে না । একপে
দাসের বাটীতে পাণ্ডাঅর্থাৎ গ্রহণ ক'রলেই দাস চরিতার্থ লাভ
করে ।

ইন্দ্র । বৎস ! তোমার সৌজন্তে যথেষ্ট পরিতোষ লাভ ক'রলাম ।
সৌভাগ্য, এঁরাই সেই সোমনাথবংশের গুণধর নীতিবান্
মহাপুরুষ ! এরাই এই মর্ত্যধামে অমর দেবতা !

জয়ন্ত । মহানুভব যোগীন্দ্র ! আজ মহাপুরুষদর্শনে, ~~আজ~~
চম্বচম্ব পরিভ্র হ'ল । বাস্তবিকই এরা ঈশ্বরানুগৃহীত তত্ত্ব

বীরাত্মা । এঁদের অমানুষিক তেজোদৃশ্য কলেবর ধর্শন
ক'রলেও মহাপুণ্যের সঞ্চারণ হয় ।

ইন্দ্র । বৎস ! সেই জন্তই আমি আজ তোমার ল'য়ে কাছোড়-
রাজধানীতে আগমন ক'রেছিলাম । আমাদের পরম সৌভাগ্য
যে, পশ্চিমধ্যে মহাত্মাগণের সহিত সাক্ষাৎ হ'ল ।

(নেপথ্যে—তূর্য্যধ্বনি)

গোরক্ষনাথ । ভাই করঙ্গ ! অকস্মাৎ অদূরে তূর্য্যনিবাদ উত্থিত
হ'ল কেন ভাই ?

করঙ্গনাথ । পুনরায় যেন শ্রুত হ'চ্ছে !

(নেপথ্যে—পুনঃ তূর্য্যধ্বনি)

ইন্দ্র । মহাত্মাগ ! এ নিশ্চয়ই দুর্গাসুরের তূর্য্যধ্বনি ! গাপাত্মা
নিশ্চয়ই পুরী আক্রমণ ক'রছে !

জরস্তু । ঐ গুহুন—অস্বারোহীসৈন্তের অশ্বখুরনিবাদ !

(নেপথ্যে—জয় দুর্গাসুরের জয়)

গোরক্ষনাথ । উপায় ! ভাই করঙ্গ উপায় ! আমাদের ত বুদ্ধ-
সজ্জার কোন আয়োজনাদি নাই ! উপায় ?

করঙ্গনাথ । নিরুপায়ের উপায়—বল—সহায় সকলই সেই নিরু-
পায়ের উপায়—মধুসূদন ! দাদা, মধুসূদন আছেন, তিনি
রক্ষা ক'রবেন ।

গোরক্ষনাথ । তিনি ভিন্ন এ দীনদরিদ্রগণের উপায় নাই তা
হানি, তথাপি ভাই, আমাদের কার্য্য আমাদের করা ত
কর্তব্য । কর্তব্য ক'রতে এসে যুগ্ম সময়ে সকল কর্তব্যের

ফল অর্পণ ক'রে কৰ্ম ক'ৰতে হবে। ভাই করুণ, সে কৰ্মের
উপায় কি? ঐ শোন—ঐ ভাই, আবার সেই জয়
ঘোষণা ক'রচে!

(নেপথ্যে—জয় দুর্গাস্তরের জয়)

ইন্দ্র। বৎস গোরক্ষনাথ! চতুর্দিকই দানবসৈন্তে পরিপূর্ণ
হ'য়েচে! আর তুমি এ স্থান হ'তে বহির্গত হ'তে পারবে
না!

গোরক্ষনাথ। যোগিবর! তাহ'লে উপায়? পিতা সোমনাথের
অন্তঃপুর বোধ হয়, তাহ'লে দানবসৈন্তে পরিবৃত!

করুণনাথ। তাহ'লে নিশ্চয়ই তাই! মধুসূদন! কি ক'রলেন!

জয়ন্ত। আপনারা কাতর হবেন না, আমরা আছি; আমরা
আপনাদিগে রক্ষা ক'র্ব। আমরা আজীবন ফলমূলসেবী
হ'লেও অস্ত্রবিচার নিতান্ত পরাঙ্গুথ নই! যোগীন্দ্র! আপনার
আদেশমাত্র অপেক্ষা!

ইন্দ্র। বৎস! তুমি আমার প্রধান শিষ্য! বিপন্নকে রক্ষা করা
আমাদের যোগীজীবনের ধর্ম! একগে সেই ধর্ম রক্ষার
সুযোগমুহূর্ত উপস্থিত হ'য়েচে! পরোপকাররূপে ম'রত
উদ্‌যাপনের এই শ্রেষ্ঠ সময়। যাও বৎস! অগ্রসর হ'রে যাও,
আততায়ী ছব'ত্ত দানবসৈন্তগণকে পদদলন ক'রে, মহাপুরুষ-
গণকে শক্রশূত্র কর গে যাও! আনুন—আমরা ততক্ষণ এই
সকীর্ণ বনপথমধ্যে গমন করি।

জয়ন্ত। তাই আপনারা আনুন, আমি সন্মুখের পথ অবরুদ্ধ

ক'রে শত্রু-আগমনের পথ রুদ্ধ ক'রে দণ্ডায়মান থাকি গে !
দেখি, কোন্ শক্তিমান্ এ পথে প্রবেশ করে ?

[প্রশ্নান ।

নেপথ্যে— জয় সোমনাথজী কি জয়, জয় সোমনাথজী কি জয় !
করুণনাথ । আর্ধ্য ! আমাদের চির পৃষ্ঠপোষক সন্ন্যাসিগণ
জয় ঘোষণা ক'রচেন ।

ইন্দ্র । শুধু জয় ঘোষণা নয় বৎস ! ওঁরা সকলই সন্মুখ যুদ্ধক্ষেত্রে
অবতীর্ণ হ'য়ে, আপনাদের যোগীজীবন পরোপকার ব্রতে
সার্থক ক'রচেন । চল বৎস, আর অপেক্ষা কর' না ! আর
আমাদের কোন ভয় নাই, আমার প্রধান শিষ্য সৌভাগ্য
একাই সন্মুখের পথ রোধ ক'রতে সমর্থ হবে । স্মতরাং এ
পথে আর কোনরূপে শত্রুভয় নাই । আমি আপনাদিগে
ল'য়ে নিরাপদে অন্তঃপুরমধ্যে প্রবেশ ক'রতে পারব ! সেই
স্থানে আপনারা যুদ্ধসজ্জায় সজ্জিত হ'য়ে শত্রুসমরে প্রবিষ্ট
হ'তে পারবেন । কোন ভয় নাই, যতক্ষণ এ বৃদ্ধ যোগীর
ক্ষেত্রে বিন্দুমাত্র শোণিতবিন্দু বর্তমান থাকবে, ততক্ষণ আপ-
নারা নিরাপদ জানবেন । এক্ষণে শীঘ্র চলুন ।

গৌরুনাথ । দয়াময় ! তুমিই সত্য ! লীলাময় ! এ তোমার
কি লীলা ?

করুণনাথ । মধুসূদন ! তুমিই জান দয়াময়—এ গভীর ঘটনার
রহস্য কি ?

[সকলের প্রশ্নান ।

তৃতীয় গর্ভাক ।

[বুদ্ধক্ষেত্র]

নারীদের প্রবেশ ।

নারদ ।

গীত ।

আর “মা মা” বলে ডাকব না, দেখ চেয়ে শ্রীমধুসূদন ।
 মায়ের সকল ছেলে সমান বলে—হয় ধরার অতি প্রলয় ঘটন ।
 জাগ জাগ জাগ হরি আর কত হে নিদ্রা বাবে,
 বোগনিদ্রা পরিহর নভেতবাং ভীম রবে, (দয়াময় হে)
 ধর বিরাটরূপ ওহে চিদানন্দরূপ, স্বরূপে কর বিশ্বপালন ।
 বারে বারে কতবার, ডাকিব হে দামোদর,
 সর্বাস্তর্থাঙ্গী হরি তুমি ত জান অস্তর,
 (প্রকুহে তুমি যে ভক্তাঙ্গী শ্রীগোবিন্দ)
 ভক্ত স্বপনে শয়নে জাগরণে সদাই ভাবে তোমার কীর্তন ।
 (অন্তর্ধান)

বিষ্ণুর প্রবেশ ।

বিষ্ণু ।

গীত ।

ভক্ত ভয় নাই—ভয় নাই আর ।
 মায়ের কোমল কোলে “মা মা” বলে ডাক রে বাপ অনিবার ।
 সে পাষণের কি হয় বলে বাপ, তার পাষণ বুক নয়,
 “মা” নামে তার পাষণ হিয়ে অমনি বিগলিত হয়,
 ভয় ছেলের সে ভাই মা হ’য়েছে, দেয় না পরে ছেলের তার ।

আপনি ছেলে মানুষ করে পায় না জানতে অপর কেউ,
আপনি মারে—আপনি ধরে—আপনি কাঁদে—আপনি তুলে হাসির চেউ,
মায়ের ছেলে ছেলে মায়ের, মা ছেলের ভাব বোঝা চাঁদ চমৎকার ।

(অন্তর্ধান)

দুর্গাস্তর ও দানবসৈন্যগণের প্রবেশ ।

দুর্গাস্তর । ধাতু সবে এই পথে অতি দ্রুতবেগে,
প্রজ্বলিত প্রলয়ের পাবকের প্রায়—
ভয় কর কাঙ্ক্ষাডনগরী ! পুরীমাঝে
নাই শত্রু দৃষ্ট গোরক্ষ-করঙ্গনাথ ।
শুশ্রূষা দক্ষকেতন ব্যঞ্জনেধরে—
ধৃত করিবারে গেছে দৃষ্ট এই পথে ।
ওনিরাছি, এই পথ ব্যতিরেকে ভিন্ন পথ নাই—
পুরী প্রবেশিতে ।
তাই বলি অনায়াসে ধৃত হবে চিরশত্রু মোর !
শোন শোন সৈন্যগণ ! কর প্রাণপণ,
আজ যদি এই রণে জয়ী হও সবে,
সম্রাটগৌরবে হবে সবে অলঙ্কৃত,
বখোচিত পুরস্কার পাইবে তোমরা ।
হও হও স্বরা আশুরান ।

সৈন্যগণ । জয় দুর্গাস্তরের জয়, জয় দুর্গাস্তরের জয় ।

(পুনর্দর্শন)

সন্ন্যাসিগণের প্রবেশ ।

সকলে । জয় সোমনাথজী কি জয়, জয় সোমনাথজী কি জয় ।

রঘুনাথ । পাবে না পাবে না কভু এই পথে যেতে,

অসংখ্য যোগীর প্রাণ এই পথে সদা,

যাবে যাও ব্রহ্মরক্ত করিয়া দর্শন ।

দুর্গাসুর । ব্রহ্মরক্ত ! এই ভয় দেখাও ব্রাহ্মণ !

পিতৃরক্ত এইকার্যে ক'রেছি গ্রহণ,

পিতৃরক্তে ব্রহ্মরক্তে দুর্গাসুর প্রাণ,

সে ভয়ে কাতর নই, সৈন্তগণ ! হও আশ্রয়ান !

শ্রামলাল । এত ঘৃণা দুর্গাসুর ! সন্ন্যাসী বলিয়া—

ভাবিও না মনে কভু নিতান্ত দুর্বল ।

কন্দমূলফলসেবী ঋষির প্রতাপ,

জান না কি অল্পবুদ্ধি ভ্রমতি পামর !

দেখ্ শক্তি, দেখা শক্তি দেখি কে কেমন,

ও ভয়ে কাতর নয় যোগীর জীবন ।

দুর্গাসুর । ভাল ভাল, ভাল কথা ! সন্মুখে তোমার—

বিস্তৃত কর্ণের ক্ষেত্র রয়েছে পড়িয়া,

দেখাও দেখাও সবে স্বীয় স্বীয় তেজ,

কথায় কি ফল বল বাচালের সম,

অস্ত্রমুখে পরাক্রম হোক পরিচয় ।

রঘুনাথ । হোক পরিচয় ! অরাজক ভাগ্যকল,

বিধির লিখন, নিয়তিনির্ভরক যাহা—

যাটবে নিশ্চয়, তাহে নাহি করি ভয় ।

দুর্গাস্তর । আর আর দুর্গাস্তরগণ ! নয় পথ কর পরিষ্কার !

দানবসৈন্যগণ । জয় দুর্গাস্তরের জয় ।

সন্ন্যাসিগণ । জয় জয় সোমনাথজী কি জয় ।

(উভয় পক্ষের যুদ্ধ)

রঘুনাথ । এক পদ হটিব না কভু,

একবিন্দু রক্তকণা থাকিতে এ হৃদে ।

দনুকেতন ও ব্যঞ্জনেশ্বরের প্রবেশ ।

দনুকেতন । আসিয়াছি মহারাজ ! প্রণাম চরণে !

সৈন্যগণ ! আজপ্রভুধন কর পরিশোধ !

দানবসৈন্যগণ । জয় মহারাজ দুর্গাস্তরের জয় ।

ব্যঞ্জেস্বর । হাঁ হাঁ, কর রণ—কর রণ,

এই পথে করহ গমন !

এই পথে আছে সেই দুর্গাস্তরগণ !

সন্ন্যাসিগণ । একপদ অগ্রসর হইতে দিব না,

যতক্ষণ এই দেহে থাকিবে চেতনা ।

জয় মহাপ্রভু সোমনাথজী কি জয় !

জয় মহাপ্রভু সোমনাথজী কি জয় !

দুর্গাস্তর । দনুকেতন, ব্যঞ্জেস্বর !

লও সৈন্য পশ্চাৎগায়েতে !

ব্যাহাকারে অস্ত্ররাশি কর বরিষণ !
 অহো অতি ভয়ঙ্কর রণ !
 অগণিত তরবার, হইতেছে চুরমার—
 সন্ন্যাসীর ষষ্টির আঘাতে,
 দানবসেনানী পতিত তাহাতে ।
 কর প্রাণপণ, কর প্রাণপণ,
 অহো অতি ভয়ঙ্কর রণ—
 কে আসে ও তপ্ত যেন সুবর্ণতপন,
 মহা ভীমবল চক্ষের পলকে—
 শত শত সৈন্যমুণ্ড স্বক্ৰুচ্যুত হর !
 যাও যাও হুঁরা পশ্চাতে উহার,
 রক্ষা কর দানবসেনানী !

[দক্ষুকেতন কিয়দংশ সৈন্য লইয়া প্রস্থান ।

ছদ্মবেশী জয়ন্তের প্রবেশ ।

জয়ন্ত । যাও যাও শূন্যপথ ! শূন্যকুন্ড !
 বারি আশা নাহিক তথার ।
 কর রণ ! কর রণ !
 রঘুনাথ । কে তুমি বালক । অগ্রে হও অগ্রসর,
 রক্ষা কর সোমনাথ নাম,
 রক্ষা কর ব্রহ্মাশ্রিত তাপসনিচরে ।
 তিষ্ঠিতে না পারি আর কেহ,

অবসন্ন দেহ, অহো যার প্রাণ,
 দুর্গাসুর ! দুর্গাসুর ! এখনও হ'রে সাবধান,
 বিনাদোষে ঋষিনাশে পাপ উপার্জন,
 করিস্ না করিস্ না ছুঁ, করি রে বিনয় ।

অরুণ । আইস পশ্চাতে মোর তাপসনিচয়,
 নাহি ভয়—দুর্গের কৃতান্ত আমি হ'য়েছি উদয় !
 আর আর পিতৃহত্যা বংশের অঙ্গার,
 দেখি দেখি কত বল ধ'রিস্ হৃদয়ে !
 শুধু নয় শুধু নয় যষ্টির আঘাত !
 এই দেখ তরবারি যমের দোসর !
 আজ হবে রণক্ষেত্রে বলাবল পরীক্ষা সবার,
 পিতৃহত্যা পাতকের প্রায়শ্চিত্ত হবে সমাহিত !
 (ঘোরতর যুদ্ধ ও সন্ন্যাসিগণের পলায়নোত্তম)

রঘুনাথ । উঃ উঃ, ভীষণ সময়,
 আর তিষ্ঠিতে না পারি কেহ !
 যার প্রাণ—ভগবান !
 রক্ষা কর' দরিদ্র সাধুরে !
 কিছু নাহি জানে তারা,
 একমাত্র শ্রীচরণে তব ভিখারীত্বজন ।

শ্রামলাল । রঘুনাথ, দিব প্রাণ ! যেওনা যেওনা,
 তাপসের অসার জীবন, বিসর্জনে কতি নাহি হবে,
 দুর্গাসুর ! দুর্গাসুর—নেরে প্রাণ তুই—

ভিক্ষা দিয়ে যারে শুধু দীনহীন সোমনাথবংশধরে ।
 জয়ন্ত । ভয় নাই, ভয় নাই, একাই যুঝিব,
 শুধু পৃষ্ঠদেশ মোর রক্ষা কর সবে ।
 মোহনলাল । আর নাই আশা, পার্শ্বদেশ ঘেরিয়া আসিছে,
 কি হবে উপায়, মধুসূদন ! মধুসূদন !
 রক্ষা কর দীনহীনগণে !
 শ্রামলাল । উঃ, যায় প্রাণ ! ভীম অস্ত্রাঘাতে—

(পতনোন্মুখ ও রঘুনাথ কর্তৃক ধারণ)

• কতিপয় দানবসৈন্যের পুনঃ প্রবেশ ।

দানবসৈন্যগণ । জয় দুর্গাসুরের জয় !
 রঘুনাথ । কর হত্যা—ব্রাহ্মহত্যা কর ছুরাচার !
 জয়ন্ত । ব্রাহ্মণ ! পশ্চাতে থাকহ মোর—
 ব্রাহ্মণ চণ্ডাল জ্ঞান রণক্ষেত্রে নয় । (ঘোর যুদ্ধ)
 পাও যদি ভয়, প্রাণ ল'য়ে কর পলায়ন ।

ছদ্মবেশী ইন্দ্রের প্রবেশ ।

ইন্দ্র । সৌভাগ্য—সৌভাগ্য ! কর রণ পরহিত ব্রতে !
 অটল নিশ্চলসম থাক নির্ভীকহৃদয়ে ।
 যায় প্রাণ যায় যাক—একদিন মরণ নিশ্চয়,
 তবু জীবনের ব্রত বৎস ! লজ্বন ক'র না !
 তাপস নিচয়, যেওনা যেওনা,

আসিছেন রণক্ষেত্রে সাধুবর গোরক্ষকরজনাত নিজে,
 দেখাও ব্রহ্মণ্যতেজ, দেখাও বিক্রম,
 তপোবল নহে, বাহুবল করহ বিস্তার !
 স্তম্ভাসংহ হ'য়েছে জাগ্রত, জাগাও বসুধা,
 জাগাও মায়েরে, জাগরে আপনি ।
 জেগে কর মহারণ—জয়ধন আপনি আসিবে গৃহে,
 রিপুমোহে হও'না মোহিত !
 সাহসে করিয়া ভর,
 ক্রমে হও অগ্রসর,
 বীরপুত্র বীর সবে কেন পাবে ডর ?
 যেবা যে ভাবেতে পার যুঝ সেই ভাবে ।
 সৌভাগ্য—সৌভাগ্য বৎস ! আমিও ধরিনু অস্ত্র—
 আয় আয় তরাচারগণ ! (যুদ্ধ)

দুর্গাস্তর । ওকি ওকি—কাল অগ্নি এল কোথা হ'তে !

কর রণ—কর রণ ।

দনুকেনের পুনঃ প্রবেশ ।

দনুকেন । মহারাজ ! মহারাজ !

শূত্রপথে শত্রু পূর্বে করিয়াছে পলায়ন ।

এই দুই মহাশত্রু তব !

এই দুই নীচাশয় হ'তে বহু অপমান ল'তেছি আমরা !

তা না হ'লে সুরজা-সুন্দরী কোন্ কালে—

তব বামে শোভিত অচিরে !

বধ এরে, বধ এরে ! (বৃদ্ধ)

জয়ন্ত । বোঝা যাবে—বীর পরাক্রম ! (বৃদ্ধ)

রঘুনাথ । হায় হায় কি করি এখন !

হায় হায়, শ্রামলাল ভবধাম করিল বর্জন !

গোরক্ষনাথ ও করঙ্গনাথের প্রবেশ ।

গোরক্ষনাথ । কই কই কোথা শ্রামলাল !

হায় শ্রামলাল ! প্রভু, আমাদের তরে—

অকাতরে অমূল্যপরাণ দিলে বিসর্জন আজ ।

থাক্ রণ, থাক্ রণ ! দুর্গাস্তর ! দুর্গাস্তর !

থাক্ রণ, থাক্ রণ ! কেন বল্ কিসের কারণ,

হেন রণ ? অহো, ব্রহ্মহত্যা রাজস্ব আমার,

ব্রহ্মরক্তে ভাসিল ধরণী, ধিক্ ধিক্ কুলমানি,

কোন্ লোভে এ অধর্মে করিলি আহ্বান ?

কোন্ স্বার্থে এ অনর্থে করি নিমন্ত্রণ,

এ অস্ত্রঅতিধিকৃষ্ণা করিলি পূরণ ?

কিবা চাই তোর, কি আকাঙ্ক্ষা তোর বল্ ?

দিব তাই, চাস্ রাজ্য, চাস্ প্রাণ নে রে বিনায়াসে,

করিস্ না, করিস্ না আর ব্রহ্মগাত্ৰ কত,

আর না দেখিতে পারি নররক্ত স্রোত !

ক্ষান্ত হ'ন সাধুবর ! বিনয় আমার,

কান্ত হ'ন্ ঋষিশিশু ! কাজ নাই রণে,
 এরি নাম রণ ? এই রণে জয়লাভ ?
 অসংখ্য প্রাণীর প্রাণ দিবে জলাঞ্জলি,
 পুষ্পাঞ্জলি দিব আমি জয়লক্ষ্মীপদে ?
 কাজ নাই, কাজ নাই—পরাজয় করিহু স্বীকার,
 আর কিবা আছে প্রয়োজন ?
 ভাই রে করকনাথ ! দেখ্ চেরে ভাই !
 প্রভু আর নাই, তুচ্ছ রাজ্য-বিলাসের তরে আমাদের,
 ব্রাহ্মণকুমার—নিজ প্রাণ:দিয়ে জলাঞ্জলি—
 চিরতরে ছেড়ে মোরে গেছে স্বর্গধামে !
 হার হার—ধিক্ ধিক্ আমাদের !
 পিত্তা সোমনাথবংশে এমনি কুপুত্র মোরা—
 জন্মেছিলু ভাই !

করকনাথ । দাদা, কাজ নাই, কাজ নাই আর রণে !
 দুর্গাসুর—পরাজয় করিহু স্বীকার !
 এ কান্দোড় আজ হ'তে রহিল-তোমার !
 আমরা সন্ন্যাসীপুত্র বাইব বিপিনে !
 কাজ নাই—কাজ নাই ছার রাজ্যধনে ।
 ফলমূলে চিরদিন পূর্যাব উদর,
 কাজ নাই আমাদের সুন্দর নগর !
 কাজ নাই আমাদের এ রাজত্ব নাম,
 কাজ নাই আমাদের নামপ্রাধিকায় ।

যাও তুমি হৃষ্টমনে কাস্ত দিয়ে রণে,
 সন্ন্যাসীর পুত্র মোরা পশিব কাননে !
 কেন রে এ ছার রাজ্যে শোণিতের ধারা,
 আজ বাদে কাল হবে শ্মশানের পারা ।
 জীবনের পরিণাম যখন মরণ,
 তবে তার লাগি কেন প্রাণীর নিধন ?
 এক প্রাণ সুখআশে অপরে বিনাশ,
 তাতে কি মিটিবে তব সাধের বিলাস ।
 যাও হুর্গ ! যোড়করে করি রে বিনয়,
 বৃথা জীবহত্যা কভু উচিত ত নয় ।

হুর্গাসুর । ধিক্ ধিক্ নরপশু—এত প্রাণে আশা,
 এত প্রাণে মায়ামাথা—এত ভালবাসা ?
 এত যদি প্রাণে মায়া তবে দক্ষমান,
 সুরজারূপসী আনি কর্ পদে দান !

করুণাথ । কি কি, এত স্পর্ধা তোর ওরে রে শৃগাল,
 ভুজঙ্গের শিরোমণি লহিতে বাসনা ?
 ধিক্ ধিক্ ধিক্ মোরা বংশের অঙ্গার,
 এ কথা গুনিতে হ'ল শ্রবণবিবরে ?
 আর্ঘ্য ! শোন শোন অনাৰ্যের কলুষ-বচন !
 হ'ক্ নরহত্যা, হ'ক্ জীবন পতন !
 যাক্ যাক্ রসাতলে বিরাট বহুধা,
 খ'সে যাক্ চন্দ্রস্বর্ঘ্য কক্ষত্রই হ'রে,

আকর্ষণী গ্রহি সব হউক শিখিল,
তবু তবু জীবনের প্রতিহিংসা লব,
মরিয়া মরিয়া তবু প্রতিহিংসা লব !

দুর্গাস্তর । কি রে ও পিশাচ—গোরক্ষ !

ধাকে যদি মত—আনু হুঁরা সুরজাস্তরী !

গোরক্ষনাথ । ওঃ, এত স্পর্ধা ! ক্ষতি নাই ভাই !

কর রণ ! যান সবে—মমপক্ষে আছেন যাহারা,

আমরা দু'জন থাকিব সমরে শুধু—

বোঝা যাবে আজ সাধনার বল,

বোঝা যাবে মায়ের মহিমা,

গাও গাও মায়ের জয় ! মায়ের জয় !

[ধোরতর যুদ্ধ, দুর্গাস্তর এবং দানবসৈন্যের প্রস্থান ।

সকলে । জয় মায়ের জয়, মায়ের জয় ।

ইন্দ্র । বীরবর ! ধনু শক্তি, ধনু শক্তি !

আত্মশক্তি এসমা তোমারে ।

হেন বীরপনা দেখি না নরনে কতু ।

গোরক্ষনাথ । তাপসকুমার ! আজ্ঞা তব নারিনু পালিতে ।

ছার শক্তি—বেই শক্তি মার পুত্র নাশে !

মার সাধের সাজান বিশ্ব—নরাধম পুত্র আমি,

আমা হ'তে সেই সাজান উত্তান আজ শ্রীভট্ট হইল !

আমা হ'তে নররক্তে পুঙ্গিল ধরনী ।

ধিক্ ধিক্ মোরে—ধিক্ ধিক্ সোমনাথবংশে এতদিনে ।
হায় পিতা ! কেন হেন বংশ রেখে গিয়েছিলে ?

(রোদন)

করুনাথ । আর্ঘ্য ! রোদনে কি ফল আর ?

বিধাতার ইচ্ছা হইল পূরণ !

রঘুনাথ । বৎস ! এ সময় রোদনের নয় । এক্ষণে যাতে শ্রাম-
লালের সংকার হয়, তারই উপায় বিধান কর ।

গোরুনাথ । চলুন, মহাপুরুষ ! আপনিও অল্প অধীনের
আশ্রমে পাণ্ডুঅর্ঘ্য গ্রহণ ক'রে অধীনকে ধন্য ক'রবেন চলুন ।

ইন্দ্র । বৎস ! অদূরেই আমার আশ্রম, তোমার ভক্তিশ্রদ্ধায়
আমার যথেষ্ট পাণ্ডুঅর্ঘ্য গ্রহণ করা হ'য়েছে । এখন চ'ল্লেম,
অল্প এক সময় তোমার আতিথ্য গ্রহণ ক'রব । বৎস !
সৌভাগ্য ! এক্ষণে আশ্রমাভিমুখে চল । যাও বৎস, তোমরাও
শীঘ্র মৃতদেহের সংকার কর গে যাও । আর এও ব'লে
যাচ্ছি ; নিশ্চিত্ত থেকো না । দুর্গস্ত দুর্গাস্তর যে, রণে পরাজিত
হ'য়ে নিশ্চিত্ত থাকবে, তা বোধ হয় না ! ক্রুরহৃদয় দুর্গ হরত
অল্পই আবার বুদ্ধসজ্জায় সজ্জিত হ'য়ে, শীঘ্রই তোমার ক্রমণ
ক'রবে । তোমরা সর্বদাই প্রস্তুত থেক' ।

[জয়ন্ত ও ইন্দ্রের প্রস্থান ।

গোরুনাথ । প্রণাম করি মহাপুরুষ ! অধীনকে স্মরণ রাখবেন ।

নেপথ্যে—ইন্দ্র । বৎস ! সে বিষয়ে নিশ্চিত্ত থাক ।

রঘুনাথ । হা গোবিন্দ, ক'রলে কি ! এক্ষণে এস ভাইসকল,—

বন্ধুসকল, আমাদের একত্র সম্মিলিত একটি দৃঢ়বন্ধনী আজ ভগবানের ইচ্ছায় শিথিল হ'য়ে গেছে ; সেই শিথিলবন্ধনীকে একপে অগ্নিদাহ ক'রে, সংসারশ্মশানে "তুমি কার কে তোমার" এ সঙ্গীতের পুণ্যময়ী ধ্বনি স্মৃতিচিহ্নস্বরূপ স্থাপন করি গে যাই চল । (শ্রামলালের মৃতদেহ উত্তোলন-শূর্যক)

সকলে ।

গীত ।

তুমি কার কে তোমার (এই) ভবরঙ্গভূমিমাঝে ।
সবক অভিনয়ের যথা, যখন থাকে যে যার সাজে ।
অভিনয় সাজ হ'লে, যে যার স্থলে সে যার চ'লে,
তবে কেন মনের ভুলে, ঘুরে বেড়াও মিছার কাজে ।
মিছে রে প্রপঞ্চমায়া, মিছে রে কাঞ্চনকায়া,
সকলি ক্রমের ছায়া, ভোজের বাজী আতসবাজে ।

[সকলের প্রস্থান ।

চতুর্থ গর্ভাঙ্ক ।

[বনপ্রান্তর]

ভগবতী ও মহাদেবের প্রবেশ ।

মহাদেব । কে, কি হ'ল ! আত্মা, আদিত্যেও যা, অন্তেতেও ত
তাই দেখি ! মায়ের প্রাণ কি এক পুত্রের প্রতিই দেহের
রসে ভাসতে থাকে দেবি !

ভগবতী । সদানন্দ, কি করি বল ? আমি ত নিশ্চিত নই ?
 আমি ত সর্বদাই তাকে বুঝাচ্ছি । অশান্ত বালক কিছুতেই
 স্থির হ'তে পার্চে না । আমারও হৃদয় বড় কাতর
 হ'য়েচে । সুশীল গোরক্ষনাথ-করক্ষনাথের প্রতি অত্যাচারে
 আমি একেবারে হতজ্ঞান হ'য়েছি । দুর্গকে কতবার ব'লেছি,
 কত অশ্রুসিক্তপরিষ্কার পর্য্যন্ত ক'রেছি, কিছুতেই সে শুন্চে না ।
 সদানন্দ, আমি এখন কি করি ? উপায় যদি থাকে বল ?
 নারদকে ব'ললাম, সে আমার লীলাময়ী ব'লে উপহাস ক'রে
 চ'লে গেল । আমি এখন কি করি ? কিসে আমার পুত্র-
 গণের বিবাদের মীমাংসা হয়, তাই বল সদানন্দ ! এখন করি
 কি, তাই বল ?

মহাদেব । ঐ কথার উত্তর দিলেই ত আমাকেও নারদের বড়
 ব'লবে দেবি ! তাই বলি, নিজে জগতের বা হ'য়েচ, নিজে
 নিজেই সে মীমাংসা কর না কেন ?

ভগবতী । অপত্যস্নেহে অন্ধ হ'য়েছি সদানন্দ ! আমার দক্ষিণ-
 বাহু আর বামবাহু উভয়ই যে সমান ! কাকে ত্যাগ করি ?
 মায়ের প্রাণ, পিতার প্রাণ হ'লে বুঝবে কি ? অনেক দুঃখের
 যে সম্ভান !

মহাদেব । মায়াময়ি ! কথায় যেমন মমতার আদর্শিনী,
 গরুড়িনী ব'লে পরিচয় দিলে, কাজে যদি তেমন হ'ত, তাহ'লে
 কঠোর পিতা ব'লে যে আখ্যা প্রদান ক'রলে, সে আখ্যা
 গ্রহণ ক'রতে আমার কোন আপত্তি থাকত না । কিন্তু

পাষাণি ! কথার মত কার্যে তা পাই কৈ ? জগৎ প্রসব
ক'রে, জগৎপ্রসবিত্রী জগদ্ধাত্রী - অধিকা নাম ধারণ ক'রে,
এইরূপেই কি জগৎ প্রতিপালন ক'রতে হয় ? না হ'য়েচ
ব'লে কি এক পুত্রের বাসশূন্য ক'রে, অপর পুত্রকে রাজ-
রাজেশ্বর সম্রাট্ সার্বভৌম ক'রে, যা নামের পরিচয় দিতে
হয় ? এই বুঝি মায়ের প্রাণ ? এই বুঝি মায়ের মমতার নিশ্চল
চিত্র ! দেবি ! আর যে সহ হয় না ! অবশ্য তুমি বিহনে
আমি নিষ্ক্রিয় ! আমি পিতা—আমার হৃদয় কঠোরতার বাস-
ভূমি, তথাপি করুণারূপিণি ! মরুভূমিতে যদি জলের সঞ্চয়
হয়, তাহ'লে শ্রামল প্রাপ্তরে কি একটুকুও শিশিরকণার
আশা করা যায় না ? দুর্গাহর তোমার পুত্র, আর গোরক্ষ-
করঙ্গনাথও তোমার পুত্র ! আর সেই তেত্রিশকোটি দেবতার
অধিরাজ দেবরাজ ইন্দ্রও তোমার পুত্র ! জগতের মা তুমি !
তাই বলি শ্রামা ! সকল পুত্রের প্রতি মুখ তুলে চাওয়া ত
মায়ের কাজ ! সেই মা হ'য়ে তুমি তার ক'র'চ কি ?

ভগবতী । সেই কথার জন্তই ত তোমায় ব'ল'চি, সদানন্দ ! আমি
কখন নিরুপায় হ'য়েচি । মেহে আমার সাধের জগৎ রসাতল
দিতে ব'য়েচি ! দেখ'চ না কি, আমি আমার সাধের কৈলাসে
কর যুর্ভের জন্ত থাকি ? না হ'য়েই ত বিপদ হ'য়েচে !
ছেলের তরে যে এক দণ্ডের জন্ত আমি স্তম্ভ নই । যেদিন
বাসব পুত্রপত্নির সহিত স্বর্গবাস পরিত্যক্ত হ'য়ে বনবাসে
কঠোর বাতনা ভোগ ক'র'চে, সেদিন হ'তে কি আমি আর

এক মুহূর্তের জন্য স্থির আছি ভোলানাথ ! যেদিন সুরজা আমার দস্যুকর্তৃক আক্রমিত হ'য়েছিল, সেদিন হ'তে আর আমি একপলের জন্য শান্তি অনুভব ক'রছি না সদানন্দ ! এখন কি করি ? আমার যে সব সমান গো ! হার হার, কেন আমি সংসারের মা হ'য়েছিলাম ! যদি সাধ ক'রে মা না হ'তাম, তাহ'লে কি আজ আমার এমন ক'রে কাঁদতে হ'ত নাথ ! (রোদন)

জয়ন্ত ও ইন্দ্রের প্রবেশ ।

ইন্দ্র । কুমার, এ বনপার্শ্বে বামাকণ্ঠের রোদন নয় ? ভাল ক'রে শোন দেখি ?

জয়ন্ত । পিতঃ ! স্ত্রীলোকের রোদন ব'লেই ত অল্পমিত হ'ছে । তাই ত, এ বনপার্শ্বেই বা—রোদন করে কে ! মা ননু ত ?

ইন্দ্র । চল কুমার, অগ্রসর হ'য়ে দেখি । (অগ্রসর হ'ওন) একি !

কুমার, এ যে জগতের মা আত্মশক্তি—স্বয়ং দেবী ! মা মা !

একি মা—সিংহবাহিনি ! একি বেশ গো এলোকে ! একি

ভাব মা ভবরাণি ! কুমার, আজ আমাদের দুঃখের অবসান

হ'য়েচে ! এস মাকে প্রণাম করি । (উভয়ে প্রণাম)

জননি ! এসেচিস্ ? মা এসেচিস্ ? আর কথা কইতে পারি

না, আমার বাক্ রোধ হ'য়ে আস্চে—মা মা ! (রোদন)

জয়ন্ত । পাষাণি ! দেখ, মা ! তোর পুত্রের অবস্থা দেখ, মা !

দেখ পিতঃ ! পিতার পিতা হ'য়ে পৌত্রের অবস্থা আজ ভাল
ক'রে দেখ ভোলানাথ ! (রোদন)

মহাদেব । প্রাণাধিক জয়ন্তু ! রোদন কর' না দাদা ! জীবন
বিনিময় দিবেও, যদি আজ তোমাদের দুঃখের কণিকামাত্র নষ্ট
ক'রতে পারি, তাহ'লেও মহেশ্বরনামের গৌরব অধিক
হবে । দেবি ! দেখ্চ কি ? শুন্চ কি ? বলি—আছ, না
জড়ের গায় অবস্থাপ্রাপ্ত হ'য়ে, মহাপ্রকৃতিতে লীন হ'য়েচ ?
এখন কথা কও ! কি ব'লে বাছাদিগে সাহুনা দিবে, তাই
দাও ! মায়াময়ি ! পিতার প্রাণ বড়ই পাষণ, তাই এখনও
এমন ক'রচি ! কিন্তু অস্থিকে ! তোমার করুণামাথা প্রাণে
যে তুমি কি ক'রচ, তা ত কিছু বুঝতে পারচি না ? দেখ্চ ?
যে ইন্দ্রের গাত্র মণিমাণিক্যালঙ্কৃত বিবিধ বসনভূষণে
অহর্নিশ বিভূষিত থাকত, আজ সেই ইন্দ্র তোমার কুপায়
বঞ্চিত হ'য়ে, বৃক্ষের বকল অভাবও অনুভব ক'রচে ! যে
কুমারের ছঙ্কফেননিভ শয্যায় অবস্থান ক'রেও কষ্টের ইয়ত্ন
থাকত না, সেই বাসবের আদরের শুল্কলি—তোমার মায়াময়ি
কুপারের অমূল্যনিধিটি আজ এই কণ্টকপরিবেষ্টিত বনের
কঠোর কঙ্করসংকীর্ণ মৃত্তিকায় উদর আলায় নিরুদ্বেগেও নিদ্রা
যেতে পারচে না ! পিতার প্রাণ কঠিন দেবি, বলবার নাই ;
কিন্তু তুমি করুণাময়ি ! এই দেখ—তোমার করুণাজাহ্নবী
আজ মর্ত্যে এসে কিরূপভাবে প্রবাহিত হ'ছে ! একবার ভাল
ক'রে চেয়ে দেখ ।

দ্রুতপদে শচীর প্রবেশ ।

শচী । কে গো কে, মা এসেচিস্ ? আর মা, আর, ওখানে কেন মা ! তনয়ার পত্রনির্ষিত কুটীরে পত্রের আসন যে পাতা আছে জননি, সেইখানে ব'সবি চন্ মা ! যে শচী তোকে প্রবালখচিত রত্নের আসনে বসিয়ে তৃপ্তি পায় না, আজ সেই অভাগী শচী তোকে পত্রের আসনে বসিয়ে কেমন ক'রে চোখের জলে তোর তৃপ্তিসাধন করে, তাই দেখবি চন্ মা ! মাগো, এতদিনের পর অভাগী মেয়ের কথা মনে প'ড়েচে ? জননি, তোর আদরিণী শচীর আজ কি দশা হ'য়েচে দেখ্ মা ! রত্নবসন থাক্ মা, আজ রত্নের বকলও পাই না যে, নারীর লজ্জানিবারণ করি ! আরতিচিহ্ন লোহাটুকুও নাই মা ! লতাতন্তুতে—মা সতী গো, আরতিচিহ্ন রক্ষা ক'রুচি— এই দেখ্ মা !

ইন্দ্র । প্রিয়ে ! আর মাকে কোন কথা ব'ল না, পাষাণী কেঁদে ফেলবে ! পাষণপ্রাণ হ'লেও, এ যন্ত্রণা কখন সহ ক'রতে পারবে না ! যাও মা, যাও, কৈলাসবাসিনী—রাজরাণী—রাজ-রাজেশ্বরী, যাও মা, যাও—চ'লে যাও—দেখে কাজ নাই মা ! তুই যে মা আমাদের অতি সোহাগের সোহাগিনী—আদরিণী—ফুল আমোদিনী, তোর হাসিভরা মুখখানি আমরা যে বড় ভালবাসি মা ! তাই বলি, কাজ নাই মা, এখানে খেঁষে কাজ নাই । এখনি পুত্রপৌত্রপুত্রবধুর ছঃখের শত বজ্রাঘাতে

তোর কোমল কুসুমগড়া বুকখানি ভেঙে যাবে, কিছুতেই থাকতে পারবি না মা ! চ'লে যাও, হাসতে হাসতে হাসিমুখে দুর্ভাগ্য ইন্দ্রের হুঃখের দশা দেখে চ'লে যাও ! ইন্দ্র বেস আছে মা ! তোমার স্বর্গের ঐশ্বর্য এর চেয়ে ইন্দ্রকে সুখী ক'রতে পারে নি ! ইন্দ্রের গ্রাসাচ্ছাদনের কোনমাত্র কষ্ট নাই মা ! কুমার জয়ন্ত আমার অতি প্রত্যাশে কাননাস্তরে গিয়ে সুখসেব্য মধুর ফলমূল সংগ্রহ করে, আর মা তোর সুখসৌভাগ্যালালিতা আদরিণী কন্যা পুলোমকুমারী অতি আদরে অতি যত্নে সেই সব সামগ্রী আমার ক্ষুধার কালে প্রদান করে । মা, তখন তোর সুখের স্বর্গের মধুর সুধার আশ্বাদও বোধ হয় তত মিষ্ট নয় । বনজ লতাকুসুম-গুল্মাদিতে শচী আমার হৃৎকেন অপেক্ষাও কোমল-শয্যা রচনা করে, সমস্তদিনের পরিশ্রমের পর যে নিদ্রা আসে মা, সে নিদ্রার সুখ বোধ হয়, তোর সুখের স্বর্গে কোন দিনও আমি পাই নাই । আমি বেশ আছি মা, আমার কোন কষ্ট নাই । বরং ইন্দ্রস্বারস্বার অপেক্ষা এখন আর একটা বিমল-স্বানন্দ লাভ ক'রেছি, তখন রাজধর্মের অনুরোধে দিনান্তে তোর পাদপদ্ম হু'খানি একবার চিন্তা করবারও সময় পেতাম না, এখন মা—দিনরজনী চোখের জলে ভাসতে ভাসতে তোর অভয় পাদপদ্ম হু'খানি বুকে ধ'রে ধ্যান করবার সময় পেয়েছি মা !

দুর্গমতী । কি ম'লুচ বাবা, তোমার বলার আগেই যে এ গোড়া-

কপালী সকলই জেনেচে । ইচ্ছ রে ! মা হ'য়েচি ব'লেই ত
এত বিড়ম্বনা, এত লাঞ্ছনা ভোগ ক'র'চি । তা না হ'লে কি
আমার সাধের ইচ্ছের আজ এ ছরবস্থা হয়, না অভাগী মেয়ে
আমার বনের মাঝে এসে এমন নিঃসহায় দীনাবস্থায় কালাতি-
পাত করে, না কুমার আমার তিক্ত ফলমূলে আজ জীবন-
নির্ঝাহ করে ! আর না বাবা, এবার যা হয় ক'র্ব্ব ! আমার
শ্বের প্রাণ বড়ই কাতর হ'য়েচে ।

নারদের প্রবেশ ।

নারদ ।

গীত ।

ছিঃ ছিঃ ছিঃ পাষাণের ঝি, বেশী কথা ক'সনা বেটি ।
খেলে যা মা আপন খেলা, তার কেন মা খুটিখুটি ।
কারে ভুলাস্ কি খেলায় মা, ক'রে এত আঁটাগাঁটি,
দারুণ আগুন মাঝে পুড়িয়ে সোণা, ক'র'চ কেবল তারে খাঁটি ।
মায়ের প্রাণ আজ কেঁদেচে মা, তাই ক'র'চিস্ কান্নাহাটি,
ও মা কাল কে পাঠালে বনে, তা ভাবলেই যে দাঁতকপাটি ।
রাজার মাখার মুকুট কে মা, পরিয়ে দেয় গো কেটে খুঁটি,
আবার মুকুট কেড়ে কে দেয় খুঁটি, এ সব তোরি ত কলকাটি ।
আর ঘাঁটিয়ে কাজ কি শ্রামা, মনের খেদ মা হ'ক্ মা মাটি,
তুই এখন যা হয় কর ব্রহ্মময়ি, শেষে হ'স মা যেন শ্বের মা-টা ।

ভগবতী । নারদ রে ! আর বাক্য-যন্ত্রণা আমার দিসনা বাক্য
আর সৈতে পারি না নারদ ! ইচ্ছা হয়, আজ বহুতে সাধের

বিশ্ব আমার রসাতলে দিয়ে, আমার অস্বর্ধ্যস্পৃশ্য ঘোর ঘন কৃষ্ণকায়্য এ সৌরভ্রক্ষাণ্ড সব লুকিয়ে রাখি! ইচ্ছা হয় বাবা, আর যেন কেউ কখন এ জগতে পুত্রের মা হ'য়ে জন্মগ্রহণ না করে,—তারি উপায় করি! নারদ রে! যদি দেখাবার হ'ত, তাহ'লে দেখাতাম যে, পুত্রের অবাধ্যতার মাতার প্রাণে কি দারুণ শেলের আঘাত লাগে! নারদ! বাবা, তোমরা যাদের জন্তু কাতর হ'য়েচ, তারা যে আমার সম্মান! আমার এক একখানি অস্থি, দুর্গ আমার শতভাগে চূর্ণ ক'রে দিচ্ছে! আমি অম্লানপ্রাণে তা সহ ক'রে যাচ্ছি নারদ! নারদ রে! মারের প্রাণ বড় কোমল! কিন্তু সে কোমলতার কাঠিগের সঞ্চার হ'লে তখন আর রক্ষা করা যাবে না! আমার দুর্গ রক্ষা পাবে না! কিছুতেই রক্ষা পাবে না। তাই ভাব্চি নারদ! শেষে আবার কি হ'তে কি হয়?

মহাদেব । মহাদেবি! যা হবার তাই ত হবে, তবে আর কেন সাধুভক্ত পুত্রগণ “মা মা” ব'লে মা-নামের কলঙ্ক ঘোষণা করে! মহাকালি, কালবন্ধে দণ্ডায়মান থেকে, সে কালের কেন আর অপমান কর? উদয় হও—মহামেষ ঘন-কৃষ্ণপ্রভায় ত্রিভুবন আচ্ছন্ন ক'রে, নিগম্বরীবেশে এলোকেশে সেই ভীমা ভীষণা রণরঙ্গিনীমূর্তিতে সংসার মহাস্থশানে উদয় হও! অভয়ে! এখন অভয় করে খড়্গাকাতি ধর! ধর দেবি! মহামেষে! খেতগৌরীমূর্তি পরিত্যাগ ক'রে, অসিতা মহা-

কালী, মহাভয়ঙ্করী, মহাশক্তিরূপে রিপুশোণিতাক্ত কলেবর
ধর ! ধর দেবি ! ঘন ঘোর প্রলয়ানলজ্বলিতনয়না বিকৃতরবা
শূন্যায়ুধধনুর্করা উত্ততাত্রিশূলা মহাক্রদ্রামূর্তি ধর !

নারদ ।

গীত ।

ধর মা ধর দিবসনে, দিগন্তরে পদে ধর ।
কালরূপে মা আলো কর, চতুর্দশ বসুন্ধর ।
প্রবীণাশেষ তাজ মা তারা, ধর মা রূপ বোড়শী,
এলায়ে দে মা চাঁচর কেশ, ধর মা মুখে অটহাসি,
তাইধ ক'রে চল মা নেচে, ধ'রে অসি ভয়ঙ্কর ।
পদভরে দমুক ধরা বিজলি যাক্ চমকি,
নে বোগিনী ডাকিনী সন্ধে, রহে খমকি খমকি,
ওমা শত্রু মিত্র হ'ক্ মা মুক্ত, ওমা মুক্তকেশি এই ক'র ।

ইন্দ্র । আর নয় ত মা—তোর অহুর্ঘ্যাম্পশু কালরূপ ভাল ক'রে
ছড়িয়ে দে, তাতে আমরা লুকিয়ে পড়ি ! আর মা কালামুখ
দেখাতে পারি না !

শচী । তা না পারিস্ মা, এইখানে থাক্, আর কোথাও বাস
নি । জননি ! এ অসময়ে তবু তোর রাজা পা-~~হু~~গানি
পেলেও আমরা ইন্দ্রেয়ের মুখ তুচ্ছ ক'রতে পারব মা !

জয়া ও বিজয়ার প্রবেশ ।

জয়া ও বিজয়া ।

গীত ।

ও শচী ! তা হবে না, পা পাবি না, নে মাগীর কাপড় কেড়ে ।
বেটিকে ভাংটো ক'রে ছেড়ে দেনা, বেটী ভাংটো হ'রে মরুক বুকে ।

বাবা স্কাংটো ক'রে ঐ মাগীটার নিল ছুটো রাঙা পায়,
মাগীর নেশা স্কাংটো থাকা, কাপড় প'রে সব ভুলে যায়,
ও ঢাকিয়ে কায়া, ছড়ায় মায়া, ভুলার জীবে এই ক'রে ॥

জয়া । বলি, ভালমানুষের বিা, এ সব হ'চ্ছে কি ?

বিজয়া । সংসারটাকে শ্মশান ক'রেচিস্ মা, আবার কৈলাস-
টাকেও শ্মশান ক'রবি মা ?

জয়া । বলি, তাতেও কি তোর মনের খেদ মিট্চে না মা !

ভগবতী । দেখ্ জয়া, দেখ্ বিজয়া, এবার আমার সকল মনের
খেদ মিট্বে মা ! দুর্গ আমার সকল মনের খেদ মিটাবে ।
হা কুসন্তান ! কেন তুই সংসারে এসেছিলি ? তুই যদি না
আসতিস্, সংসারে তাহ'লে আজ আর মা নামের কলঙ্ক
হ'ত না । যা মা, আজ তোদের মা, মায়ের মতই কাজ
ক'র্বে । এই এলোকেশে সন্ন্যাসিনীর বেশেই চল্লাম ! আর
ভয় নাই ! যাও বাবা ইন্দ্র, যাও কুমার, যাও মা পুলোমনন্দিনি,
যাও সদামন্দ, যাও বাবা নারদ—এবার নিশ্চিন্ত হ'য়ে থাক ।
চ'ল্লাম দুর্গ ! এবার সাবধান হ' । ভয় নাই, ভক্তসন্তানগণ,
ভয় নাই ! আমি মা আছি ! তোদের সংসারগৃহে আমি মা
আছি ! বরাভয় করে ল'য়ে আমি তোদের মা আছি !
আয় জয়া-বিজয়া—আয় মা—তোরাও আমার সঙ্গে
আয় ।

[জয়াবিজয়াসহ ভগবতীর প্রস্থান ।

ইন্দ্র । ভগবন্ ! দেবর্ষি ! আমুন দরিদ্রের পর্ণকুটির আজ
পবিত্র করবেন ।

মহাদেব । বাসব ! ভক্তির পর্ণকুটিরের নিকট বৈকুণ্ঠের রত্না-
গনও কিছু নয় ।

[সকলের প্রশ্নান ।





চতুর্থ অঙ্ক ।



প্রথম গর্ভাঙ্ক ।

[পাতালরাজ্য—অন্তঃপুর]

বিলাসিনীর প্রবেশ ।

বিলাসিনী । (স্বপ্নতঃ) বিধাতা ! তুমি আমার কান্টা খেয়ে-
ছিলে, চোকটা যদি আমার খেতে, তাহ'লে তুমি আমার
বাপ মার কাজ ক'রতে ! এ পোড়াদেশের যে কথা মা,
তা না শোনাই ভাল । আর এ পোড়াদেশের যে রকম
মানুষ মা, তা না দেখাই ভাল ! ছেলে হ'য়ে মাকে যে মন্দ-
কথা বলে, ছেলে হ'য়ে বাপকে খুন করে, এসব কি মা !
মনে করি যে, এ রাজবাড়ী ছেড়ে পালিয়ে যাই ! কিন্তু
গিন্নিমার চোখের জল দেখে এক পা আর নড়তে পারলেম
না । হাজার হ'ক, পঁচিশবৎসর গিন্নিমার মুন খেয়েচি, এ
নিয়কহারমীটা করি কি ক'রে ? ছিঃ ছিঃ ছিঃ, ছেলে

নরত যেন কৈলাসের ষাঁড় । এ ছেলের চেয়ে যদি গিন্নিমা
 ষাঁড় বিওতেন, তাহ'লেও হুঃখ থাকত না। মুখে আঙুন
 পোড়ার মুখ আর কি ! ছিঃ ছিঃ ছিঃ—এ ছেলে দেওয়া বিখা-
 তার ডি'ঙরিমি নয় মা ! ছেলে নয় কাল, সাক্ষাৎ কাল !
 আহা হা, আপনার বুড়ো বাপকে খুন করলে গা । পেরাচিতি
 ক'রতে হয়,—পেরাচিতি ক'রতে হয়, অমন ছেলের মুখ
 দেখলে পেরাচিতি ক'রতে হয় । ছিঃ ছিঃ—যাকে বল্লম ছি,
 তার রৈল কি ! কি যেনা মা, বাপপিতামহর নাম ধুইয়ে
 ক'রলে কি না, একটা বুনো মেরে বিয়ে । কে ডাকুচে না ?
 বাই গো ! আমার বড় ভাবনা হ'য়েচে ! পোড়ারমুখো দুর্গ
 যে কখন কি করে, তার ত কিনারা নেই ! কাল বাপকে
 খুন ক'রেচে, আজ হয়ত মাকে খুন ক'রবে, আবার কাল
 হয় ত আমারই বা কি হয় । আমি কেবল যেতে পারছি না,
 গিন্নিমার জন্তে ! আহা মা আমার যেন অন্নপুণ্যে গো অন্ন-
 পুণ্যে !

মাদলার প্রবেশ ।

মাদলা । এ বুড়ি, এ বুড়ি ! এ মিন্‌সে কখন আসবে বল না ?
 বিলাসিনী । (স্বগতঃ) এই যে এসেছেন ! মুখে আঙুন, মুখে
 আঙুন ! ইনি আবার রাজরানী ! কথা না কওয়াও দোষ !
 কি নজ্জা মা ! (প্রকাশে) বলি কি ব'ল্‌চ ?

মাদলা । মোর মিন্‌সের লাগি যে বড় মুন কিয়ন্ ক'ছে বুড়ি ।
 বিলাসিনী । বুদি গাই ? আনুব ?

মাদলা । তুই মাগী, বড্ড বেইমান ! তুই মোর কথা সম্জাচ্ছিস না ?

বিলাসিনী । সজ্জনা শাক ? কি আপদ বাপু !

মাদলা । তু মোরে ঘেঞ্জা ক'রছিস ?

বিলাসিনী । ঘি নাকি গো ? ঘি আনতে হবে ?

মাদলা । তু মোরে বড্ড জালালি রে, বড্ড জালালি ! মুই কার' সঙ্গে ছটো মুন খুলে যে কোথা কইব, তা আর হ'ল না । (কর্ণের নিকট যাইয়া) ও বুড়ি, তুই সোমীর কাছে কি ক'রে আসনাই ক'রছিলি ?

বিলাসিনী । সোয়ামী আমার বড় ভাল ছিল মা ! আমি পাঁচটা ব'ললে তিনি একটা কিছু ব'লতেন না ! আমার পা ধোবার জলটা পর্য্যন্ত এনে দিতেন মা ! আমাকে কড়ারকুটিটা নাড়তে হ'ত না ! তিনি আমার রেঁধে খাওয়াতেন, আবার বাসন মাজতেন, কাপড় কেচে দিতেন, ওমা—আমার চুলটা অবধি খুলে তেল মাথিয়ে দিতেন । ওমা—পেটের পো—আর সোয়ামী এক কথা ! সেই সোয়ামী যেতেই ত আমাকে সাত দোয়ারে কাঁট দিয়ে বেড়াতে হ'চ্ছে ! নৈলে আমার কি ভাবনা বল ! আমাদের তিটে বাড়ী ছিল, তাতে লাউ হ'ত, কুমড়ো হ'ত, বেগুন হ'ত, পটল হ'ত, ঝিঙে হ'ত । আমাদের কি মা, এক পরসার জিনিস কিনে খেতে হ'ত ? কেতে সব হ'ত ! পুখুরের মাছ, গেরের ছধ, চাষের ধান, আর ভাতারের কত কদর ! বল দেখি মা, কোন্ বড় লা'কর

বাড়ীতে এমন আছে ? বলে—অতি বড় ঘরগী না পায় ঘর,
অতি বড় সোহাগী না পায় বর ! আমাদের মা, তা ছিল না,
আমার ঘর বর সবই হ'য়েছিল মা, শেষে মুখপোড়া বিধেতে
এই ভিরকুটিটে ক'রলে বৈত নয় । (রোদন)

মাদলা । এ বুড়ি, তুই কাঁদতে লাগুলি কেনে বুড়ি !

বিলাসিনী । আহা, বোঁমা ! তিনি আমার বড় ভালবাসতেন ।

একদিন ঘরে মাছ ছিল না, আর আমার মাছ নৈলে ভাত
রুচত' না, তাই সেদিন আমার খাওয়া হ'ল না দেখে, কর্তা
আমাদের আর কি স্থির রৈল, কাপড় না ফেলে দিলে গামছা
না প'রে জাল না ঘাড়ে ক'রে বেরুলেন । ধানিক পরে মাছ
না এনে, সেই মাছ রেঁধে আমার খাওয়ানোর জন্তে কত অনু-
রোধ—উপরোধ ! বোঁমা গো—সেদিন গেছে ! তখন ত
আর দাঁত থাকতে দাঁতের মর্যাদা বুঝিনি !

মাদলা । এ মাগী যে পাগুলা হ'ল দেখি রে ।

বিলাসিনী । তা পা ? তা এমন কতবার ! তিনি আমার রাই-

বিলাসিনী ব'লতেন, আর আপনি নটকিশোর রসরাজ শ্রীকৃষ্ণ
হু'তেন ! আহা ! বোঁমা গো, আমরা যে কি সুখে কল্পনা
ক'রেছি, এখন সে সব রূপকথা মা, রূপকথা !

মাদলা । (স্বগতঃ) এ মাগী নিজের কথাটা আপন মনে কইচেক ।

মোর হ'য়ে ত শুনুচেক না ! ইমন ত্রাশ ত দেখিনি বাপ্পা !

মোর পোরাণ যিন কিমন ক'রছে ! মোর সুখ হ'ল না

মোর সুখ হ'ল না ! এরা সব নিজের নিজেরটা বেশ বোঝে !

পরেরটী তিমন বুঝে না ! মুই কিন্ রূপ দেখে ভুল্হু রে,
 মুই কিন্ রূপ দেখে ভুল্হু ! মু জাত দিন্হু, মোর কামে স্খ
 হ'ল না রে, মোর কামে স্খ হ'ল না ! এখন মুই কি করি !
 এ মোর মিন্হু বোড় বেইমান ! আপনার বাপ্পাকে খুন
 ক'রেছে ! উঃ বাপ্পারে ! যা হ'তে মুই এ হুনিয়া দেখ্হু, তারে—
 তারে মু খুন ক'র'হু ! কি বেইমান রে । মুই কি ক'র'হু রে,
 মুই কি ক'র'হু ! মুই এখন কি করি, মোদের শারাস্তে
 লেখে যে, সোমী সন্নি ! পাপপুণ্য সন্নি ! সে সোমী বদ
 হ'লেও তোর ঠাকুরটী ! মোর সে ঠাকুরটী হয়, দেবতাটী
 হয় ! মু তবে কি করি ! মুখটী মোর খাটু হ'রে যাচে যে !
 আরে পাগলা মুনটী আমার ! তুই বড় বেইমান ! সোমী যে
 সন্নি রে ! যাই, মু আর কোন কাম ক'রেছে না ! মোদের
 বাস্তমারী কালীবেটীকে মুই আরাধনা করিগে যাই ! মোর
 যে সে সোয়ামী হয় ! দেখ্ বেটি, দেখ্ কালীমারী, মোর
 সোয়ামীকে ভাল ক'রে দে ব'ল্ছি নৈলে বেটি, তোর কাপড়
 চোপড় হামি সন্নি কেড়ে লেব । মোর পরাণ বোড়
 ক'রেছে রে, বড় কাঁদছে—

[প্রশ্নান ।

সিনী । ছুঁড়ি, মাহুৰ মন্দ নয় ! তবে—কি—ডাক্চে না ?

কি গা—

পূর্ণিকার প্রবেশ ।

পূর্ণিকা । বিলাসিনি ! আমার প্রাণ বড় কাঁদছে মা ! দুর্গ ত আমার এখন ফিরে এল না ? হয় ত বাছা আমার মহাপুরুষ রাজর্ষি গোরক্ষনাথ আর করঙ্গনাথের কোপানলে ভস্ম হ'য়ে গেছে ! হায় বিলাসিনি ! কি হবে ? কিরূপে সংবাদ পাই ? কে আমার মেহের মাণিক দুর্গের শুভসংবাদ নিয়ে আসে !

বিলাসিনী । তা বলি বাপু ! তুমি অমন ক'রে হাউ মাউ চাউ ক'রনি ব'ল্‌চি ! ছেলে এক কাজ ক'রে ফেলেচে, তা আর ক'রচ কি ! বুড়োরাজাকে দুদিন পরে ত ঘমে নিতই, তা নয় ছেলে মেয়েচে ! ক'রবে কি মা ! পেটে যেমন ধ'রে ছিলে, তেমনি তার ফল পেয়েচ !

পূর্ণিকা । হা পোড়াকপালি ! আমি কি তার জন্ত ব'ল্‌চি ? সে আমার অদৃষ্টে যা ছিল, তাই নয় হ'য়েচে ! কিন্তু এ যে মা, তা নয় ! এ যে সকল বিসর্জন দিয়েও তার বিন্দু অন্নল দেখতে পারব না মা ! কু পুত্র হ'লেও যে কুমাতা হয় না মা ! তাইত, কি করি, কোথা যাই ? কেমন ক'রে সংবাদ পাই ? মা, দেখিস্ মা, আমার বাছাকে দেখিস্ ! কি ক'রবি মা, ছেলের জন্তই ত মা হ'য়েচ । সেই মা হ'য়ে আমার দুর্গের শত অপরাধ নিসনে মা ! বিলাসিনী যা, শীঘ্র ক'রে মায়ের পূজার মন্দিরে রক্তজবা বিষপত্র গঙ্গাজল দিয়ে আয় গে ! আর কি ক'রব, মায়ের পায়ে পুষ্পাঞ্জলি

দিই গে যাই, মায়ের মনে যা আছে, তাই হবে । বিলাসিনি
যা—শীঘ্র যা !

[প্রস্থান ।

বিলাসিনী । যাবই ত, একবারেই যাব । চিরদিনই কি তোমাদের
পায়ের লাথি খেতে থাকব ? এ বলে যা, ও বলে যা,
একবার মা ব'ল্চেন যা, একবার ছেলে ব'ল্চেন যা, একবার
বুনো ছুঁড়িটা ব'ল্চে যা, তাই একেবারেই যাব । যাবই ত !
আমারও আর পোষাচ্ছে না । কর্তা ব'ল্ত, “পর ভাতি
হও ত পর ঘরি হ'ও না ।” আহা, ভাতার নয় ত মুনিঠাকুর ।
এ সব শাস্তের লেখা ! এ সব কর্তা জানতেন । আমারই
সময়ের দোষে ঝিগিরি ক'রতে হ'য়েছে ! আর না—এই কান-
মোলা আর নাকমোলা । ঐ বুঝি ডাক্চে, যাই গো ! আর
না, এবার আপনার পথ দেখি । কাপড়টা চোপড়টা যা
আছে, গাঁটুরি বেঁধে ঐ পথ দিয়ে চ'লে যাই । বিদেতা !
তোর বিচেরটে কিন্তু খুব ।

[প্রস্থান ।

বেগে পূর্ণিকার পুনঃ প্রবেশ ।

পূর্ণিকা । বিলাসিনি ! কোথায় গেলি মা, আর যেতে হবে না !
আর বিছপত্র, গঙ্গাজল, রক্তকবীর কিছু হবে না মা ! এবার
পূর্ণিকার পোড়াকপাল গুড়েছে ! আমি এই পূজার গৃহ
হ'তে ফিরে আসছি ! মায়ের আর সে বর্ণ নাই ! মায়ের

আর সে শ্রী নাই ! কালরূপে ভুবনআলো রূপ কোথায়
 যেন লুকিয়ে গেছে ! কত “মা মা” ক’রে ডাক্লেম, মায়ের
 সাড়া নাই, মা যেন পূজার মন্দির অট্টহাস্তে বিদীর্ণ ক’রতে
 লাগলো ! চারিদিকে কি যেন অলক্ষ্যে কি যেন বিভীষিকা-
 ময়ী মূর্তি এসে আমাকে ভয় দেখাতে লাগলো—মা মা,
 আর এক মুহূর্তও সে মন্দিরে দাঁড়াতে পারলাম না ! সর্বদা
 লোমাঞ্চিত হ’য়ে উঠল ! এমন সময় কে যেন ছুটি জ্যোতি-
 স্ময়ী বালিকা এসে—হাতে ধ’রে আমার পূজার মন্দির হ’তে
 বার ক’রে দিলে ! কি হবে মা—এ নিশ্চয়ই মায়ের উদ্দী-
 পিত রোযানল ! মায়ের এ কোপানলে আমার বাছা
 কিরূপে রক্ষা পাবে ! বিলাসিনি ! কৈ—তুই কোথায় ? কৈ,
 কেউ ত নাই ! বিলাসিনি, বিলাসিনি ! এই ছিল কোথায়
 গৈল—আর একটা জনপ্রাণী ত দেখতে পাচ্ছি না ! কেউ
 নাই, মা, মা, আমার কেউ নাই মা ! এ দানব রাজপুরে
 নিভৃত নরকের অন্ধকারময় গুহার পূর্ণিকার আপনার
 ব’লতে আর কেউ নাই মা ! ঐ যে—ঐ যে—আবার
 সেই অট্ট অট্ট বহু জনাকীর্ণ ভৈরব সংহট হাশু ! প্রকৃতি
 যেন সত্য সত্যই দিক্‌বসনা উলঙ্গিনী ভৈরবীবেশে ওদাস্তের
 সহচরী হ’য়ে ভীষণ তাণ্ডব নৃত্যে নৃত্য ক’রচে ! তার
 মাঝে কি মা ! এলোকেশী, দিগম্বরী, খড়্গকরা, সূর্য
 বাহিত দর দর ধারে লোহিত শোণিতধারা—ভয়ঙ্করা গুরু
 ভাবনত পীনপম্বোধরা—ওমা ওমা—তুই যে মা—দিক্-

বিদিক শূন্য হ'য়ে—এ দানবরাজ্যরূপ মহাশ্মশানক্ষেত্রে,
 তাইথে তাইথে ক'রে বেড়াচ্চিস ! স্থির-হ' মা, চক্ষুর পলক
 ফেলতে দে মা, প্রকৃতিস্থ হ'তে দে মা ! একবার আত্ম-
 সম্মরণ ক'রতে দে মা ! বড় ভয় পেয়েচি শ্রামা ! অভয়ে !
 মহাশ্মশানে আমি যে তোর মেয়ে—সহসা মেয়েকে কি রূপে
 দেখা দিলি, এ রূপ তোর কি মা রাজরাণী রাজরাজেশ্বরী
 অনাথতারিণী ? অন্নপূর্ণে—সহসা তোর এ বেশ কেন মা !
 শান্তিকান্তিমোহিনী, এ পাগলিনীবেশে কেন মা ! উঃ—উহ
 হ আবার—আবার সেই অটুহাসি ! আবার—আবার সেই
 কোমলমধুর বিধুবদনমণ্ডলে প্রলয়ের ষাদশ আদিত্যের ভীম
 ছবি ! মা, মা ! কোথায় যাই ব'লে দে ! ভয়ে কণ্ঠ রুদ্ধ হ'য়ে
 আস্চে মা ! কেন ভয় দেখাস্ মা ভবরাণী ! ওকি—ওকি—
 ওগো ওগো—ঐ যে আবার—আবার সেই জ্যোতির্স্বয়ী তুই
 বালিকা—আবার আমার এখান হ'তে তাড়িয়ে দিতে
 আস্চে ! মা—মা তবে কোথায় যাই ব'লে দে ! মা—মা !

(ধ্যান)

জয়াবিজয়ার প্রবেশ ।

জয়াবিজয়া ।

গীত

চোপ, বেটা খবরদার ।

বেণী ক'ল না কথা, ভাঙবো মাথা, দেখ্ না ছেলের ব্যবহার ।

মা হ'য়ে বিইয়ে ছেলে পরের ছেলের ভাবিল্ না কদর,

তুই মা হ'য়েছিল্ কেন তবে, যার বুকে লো আপন পর,

তোর স্নেহের ভরা নদী বইছে কেন ক'রে বিচার ॥

আপন ছেলের হিতের তরে, চাস্ লো দিতে প্রাণ,

পরের ছেলের প্রাণ যে লো তোর, নয় মূল্যবান,

তাই ত তোরে এত ক'রে বলি বারম্বার,

মাগী সামলা এবার, মাগী সামলা এবার ॥

[প্রস্থান ।

পূর্ণিকা । মা, মা—তাই তুই আমার ভয় দেখাচ্চিস্ ? আমি নিজের ছেলের জন্ত ভাব্চি ব'লে—তাই তুই মা জগন্মাতা আজ আমার আমার স্নেহমমতাকে বিশ্বব্যাপিনী ক'রতে শিক্ষাদান ক'রচিস্ ? জননি ! সে শক্তি কি পাব মা ? শক্তিরানি ! মা হ'য়েচি বটে, কিন্তু মায়ের মত শক্তি ত লাভ ক'রতে পারি না মা ! তবে শক্তি দাও, দুর্বলহৃদয় সবল কর মা ! ক্ষুদ্র স্নেহের অণুপরমাণু ল'য়ে—এ জড়জগতে ছড়িয়ে দি ! তুমি মা হ'য়েচ, একজনের মা নয়, চতুর্দশ ব্রহ্মাণ্ডের মা । একটা ক্ষুদ্র কীটের মা হ'তে দেবেত্র বাসবেরও মা হ'য়েচ, তাই ত মা-নামের এত গৌরব, তাই ত মা, মা ব'লেই নারীর প্রাণ এত আচ্ছন্ন হয় । সত্যই জননি—আমরা এমনি অধমা রমণী সে মা নামের বিন্দুমহিমাও বুঝতে পারিনি ! মহিমা দূরে থাক সে নামে কলঙ্ক দান ক'রচি ! আমার পুত্র অত্যাচার ভাবে যদি একজনের প্রাণ নাশ করে তা আমার সহ হবে, কিন্তু অন্যের পুত্র যদি আমার পুত্রের গুরু অপরাধেও একটা কোন কথা বলে তা আমার

সহ হবে না ! এত বৈত জ্ঞান আমাদের ! এত নীচপ্রকৃতি
 আমাদের ! এত ক্ষুদ্র অন্তঃকরণ আমাদের ! কিন্তু যদি
 আমরা সকলের পুত্রকে নিজের পুত্র জ্ঞান ক'রে, মায়ের দত্ত
 অমূল্য বাস্নহমমতাকে সমভাগে বিভাগ ক'রতে পারতাম,
 তাহলে এ মররাজ্যে আমাদেরই সন্তান আজ অমর
 দেবতা হ'রে, আমাদেরই আনন্দের নিকেতনে অক্ষয়
 আনন্দ দান ক'রতে সমর্থ হ'ত ! হা দুর্দৃষ্টা সংসারীর মা !
 কেন তোমরা তোমাদের পবিত্রহৃদয়কে এত নরকের
 বিষ্ঠাকুমির আবাস স্থান ক'রে রেখেচ ! আমরা যদি সেই
 হৃদয়কে দর্পণের মত নিষ্কল স্বচ্ছ ক'রতে পারতাম, তাহলে
 আজ আমাদের কোন সন্তানই কখন কোন দুঃখের মরুতে
 প'ড়ে হাহাকার ক'রত না ! মায়ের অনন্ত প্রেমরাজ্যে সর্ব
 দাই আনন্দের বাণ্ডে পূর্ণ হ'য়ে থাকত । মা, শক্তি দে, এ হৃদয়
 তাই ক'র মা ! আমার পুত্রের মঙ্গলের জন্ত যেমন আমি
 আত্মজীবন দান ক'রতে প্রস্তুত আছি, তেমনি আজ হ'তে
 জগতের পুত্রের জন্ত পূর্ণিকার প্রাণ সর্বদাই প্রস্তুত থাকবে ।
 আমি একা দুর্গের মা নই, আমি মা সকলের মা ! :না, কাঁদব
 না, আর কাঁদবো না জননি ! দুর্গ আমার নিতান্ত পাষাণের
 মত কার্য্য ক'রচে, আমি তার জন্ত কাঁদবো না । রাজর্ষি
 গোরক্ষনাথ, করক্ষনাথ—তারা সত্যবাদী জিতেন্দ্রিয় মহাপুরুষ
 নিরপরাধ, বিনা কারণে দুর্গ তাঁদিগে অনন্ত যজ্ঞা দিচ্ছে ।
 আমার প্রাণ এবার হ'তে তাঁদের জন্তই কাঁদবে মা ! দুর্গ

আমার পুত্র, কিন্তু সেই দুর্গ আমার আরাধ্য স্বামীধনের
 নিহতা, আমি তার জন্তু কাঁদবো না মা ! দে তারা, শক্তি দে,
 শুধু আমাকে নয়, জগতের সকল পুত্রের জননীকে এই শক্তি
 দে ! পুত্রবতী এই শক্তি পেলে দেখবি মা—তোমার এই দুঃখে
 মর্ত্য সুখের স্বর্গ হ'য়ে দাঁড়াবে। তোমার হাহাকারময় ভূমিতে
 সুখের পদ্য ফুটে উঠবে ! তোমার মা-নামের বিজয়ঘোষণা
 চতুর্দিকবাপিনী হ'য়ে প'ড়বে ! এস পুত্রবতি ! শিক্কা
 লও—তুমি জগতের মা ! হৃদয়নের বল বিস্তার কর, তোমার
 ক্ষুদ্র স্নেহমমতা বিশ্বপ্রসারিত কর। দেখবে, তোমার কত
 আনন্দ, দেখবে, তোমার সন্তানের কত সুখ ! যাই, যাই,
 দেখি মা, হৃদয়কে সেই বলে বলবান্ ক'রতেপারি কি না !
 সর্গীর্ণ হৃদয়কে প্রসারিত ক'রতে পারি কি না ! ক্ষুদ্র নীচ
 আত্মসুখ স্বার্থপরতাকে আজ হ'তে সর্বভূতে আত্মবৎ জানে
 পরিণত ক'রতে পারি কিনা ! মা, আমি তোমার মেয়ে, তুই
 আমার মা ! দুর্গ, অবোধসন্তান, আর তোমার জন্তু আমার প্রাণ
 কাঁদে না ! তোমার ঘোর অত্যাচারে মায়ের প্রাণও আজ
 অস্থির হ'য়েচে ! মায়ের প্রাণের এ অস্থিরতা পুত্রের পক্ষে
 কখন মঙ্গলজনক নয় বাপ ! এখনও সাবধান হ, এখনও
 সতর্কতা অবলম্বন কর ! দুর্গ রে—মায়ের প্রাণ চঞ্চল
 ক'রিস্ না ।

[প্রস্থান ।

দ্বিতীয় গর্ভাঙ্ক ।

[কান্দোড়ের বনপ্রান্তর]

দুর্গাস্তুর, দনুকেতন, ব্যাঞ্জনেশ্বর ও
দানবসৈন্যগণের প্রবেশ ।

ব্যাঞ্জনেশ্বর । হাঁ হাঁ বাবা, সত্যই সেই ছদ্মবেশী সন্ন্যাসী হুজন
ইন্দ্র আর জয়ন্ত ! এ না হ'য়ে যায় না । তা না হ'লে ব্যাঞ্জে-
নেশ্বরকে জখম ক'রতে এমন মানুষ ত কারুকে দেখি নে !
দনুকেতন মহাশয়, ঐ দুই বেটাই আমাদের সেদিন উদ্যান
মধ্যে ধৃত ক'রেছিল, কেমন, এখন চিন্তে পেরেছেন ?

দনুকেতন । বিলক্ষণরূপেই চিন্তে পেরেছি । প্রথমে কিরূপে
চিন্তা বলুন, পাপাত্মা যে বৈরনির্যাতনের জন্ত ছদ্মবেশে মানু-
ষের সাহায্যে আগমন ক'রবে, এ আমার সম্পূর্ণ ধারণার
অতীত ছিল । আর সেই ধারণা ছিল না ব'লেই আমরা
সে রূপভাবে প্রস্তুত হ'য়ে সৈন্যচালনা করি নাই ।

দুর্গাস্তুর । অতিশয় গর্হিত কর্ম ক'রেচ ! শত্রুকে ক্ষুদ্র জ্ঞান
করাই নির্বুদ্ধিতার পরিচয় দেওয়া হ'য়েচে ।

ব্যাঞ্জনেশ্বর । হাজারবার, হাজারবার ! হুজুর হাজারবার তা
ব'লতে পারেন । তবে কি জানেন, সকল সময় বুঝে উঠে
কাজ করা যায় না ।

দুর্গাস্তুর । তারও কালাকাল আছে । আজ তোমাদের ভার

অপদার্থ সহচরের মন্ত্রণাতেই দুর্গাসুরকে বিনা কারণে অপমানিত হ'তে হ'য়েছে । তা না হ'লে যার ভয়ে ইন্দ্র চন্দ্র যম বিকম্পিত, সেই বিশ্ববিজয়ী দুর্গাসুর কিনা আজ একটা বন-মনুষ্যের হস্তে পরাজিত ! কি ঘৃণা, কি লজ্জা কি পরিহাস ! জান ব্যঞ্জনেশ্বর, জান দনুকেতন, তোমরা আমার এ অপমানের দায়ী ! ইচ্ছা ক'রলে, রাজ-আজ্ঞায় এই মুহূর্তেই তার শাসনবিধি প্রচারিত হ'তে পারে ।

দনুকেতন । মহারাজের বিবেচনায় যদি তাই ব্যবস্থা হয়, তাতেই বা আমাদের আপত্তি কি ? এক্ষণে সকলই ত আপনার বিবেচনার উপর নির্ভর ক'রচে ।

দুর্গাসুর । জানি দনুকেতন, সবই জানি । কিন্তু জেনে কি ক'রব, স্বহস্তে যে গরল পান ক'রেছি, এখন আর উদগীরণে মাঝে না । আমি যে পূর্বে হ'তে সে বিচারভার স্বয়ং গ্রহণ করি নাই । তা না হ'লে দুর্গাসুরের আজ এ অবস্থা হয় ?

ব্যঞ্জনেশ্বর । (স্বগতঃ) আজ যে প্রভুর মেজাজ বেজার চ'ড়েছে দেখ্‌চি !

দনুকেতন । কেন মহারাজ ! আপনার কি বিশ্বাস যে, ~~দনুকেতন~~ হ'তে এই পরাজয়ের কারণ ?

দুর্গাসুর । এ পরাজয়ের কারণ না হ'তে পারে, কিন্তু দুর্গাসুরের দুর্দশার একমাত্র মূলীভূত কারণ ।

দনুকেতন । তবে জান্‌লাম মহারাজ ! জগতে পরপোকারিত্য আর খ্যাতি নাই ।

দুর্গাসুর । ছিঃ, ছিঃ দনুকেতন ! আবার পরোপকারিতার ভাণ দেখাচ্চ ? সংসারে এসে কোন দিন কার উপকার সাধন ক'রেচ ?

দনুকেতন । কেন প্রভু, দাস কি কোন দিন কোন কার্য ক'রে প্রভুকে উপকার সাধন করে নাই ?

দুর্গাসুর । সে কথা যথার্থ, তুমি যেরূপ পশু, সেইরূপ তোমার প্রভুকেও তুমি পশু ক'রেছিলে ! তখন সেই পশুপ্রভু তোমার স্তায় পশুর ব্যবহারে অনেকরূপে সন্তুষ্ট হ'য়েছিল বৈকি ! কিন্তু দনুকেতন ! তা আমার বিবেচনার পূর্বে !

আজ বিবেচনা ক'রেই এই কথা ব'ল্চি ।

দনুকেতন । মহারাজ ! আজ কি কথা ব'ল্চেন ?

দুর্গাসুর । ব'ল্চি, হৃদয়ের কথা, সত্য কথা ! যাও, এ সময়ের সে উপযুক্ত কথা নয় ; একদিন সে কথা ব'ল্বে ।

ব্যক্তনেখর । (স্বগতঃ) সেইদিনই বেনী ক'রে গড়াবে দেখ্চি ।

দনুকেতন । একদিন কেন মহারাজ ! যদি আমার প্রতিই আপনার কোন অবিশ্বাস হয়, তাহ'লে আমি স্বেচ্ছায় রাজদণ্ড গ্রহণ ক'রতে প্রস্তুত আছি ।

দুর্গাসুর । প্রস্তুত আছ ? উত্তম ! কিন্তু তুমি কটা রাজদণ্ড গ্রহণ ক'রবে ?

দনুকেতন । আমি কি মহারাজের নিকট বহু অপরাধে অপরাধী ?

দুর্গাসুর । তা কি তুমি জান না ? লম্পট, কামাক, ছর্ভ, দম্বা, রাকস, তা কি তুমি জান না ? দুর্গাসুর কার পুত্র তুমি

জানতে ? সত্য বল ? এক বর্ণ মিথ্যা হ'লে, আজ যে অস্ত্রে
গোরক্ষ-করুণাধের মস্তক ধূলিনুষ্ঠিত ক'রতাম, সেই অস্ত্রে
এই মুহূর্তে তোমার মস্তক ধূলিনুষ্ঠিত ক'রব । বল, সত্য বল !
দুর্গাসুর কার পুত্র ?

দনুকেতন । পাতালরাজ রুক্মাসুরের পুত্র ।

দুর্গাসুর । মিথ্যা, মিথ্যা, মিথ্যাবাদি ! দুর্গাসুর সাক্ষাৎ ধর্ম,
সাক্ষাৎ ঋষি, সাক্ষাৎ দেবতার পুত্র । সেই ধর্ম ঋষি দেবতার
সহমিলন রুক্মাসুর । সেই পিতার বিরাগের পাত্র আমি কার
জন্ত হ'য়েছিলাম চণ্ডাল ! এখনও সত্য বল ?

দনুকেতন । মহারাজ ! আমিই কি তার কারণ ?

দুর্গাসুর । পশু, তুই তার কারণ নয় ? তুই ত বাল্যকাল হ'তে
আমার সহায় হ'য়ে পাতালরাজ্যে প্রবেশ ক'রেছিলি, তোর
পরামর্শকেই ত আমি অতীষ্টপুরুষের আজ্ঞাবৎ শিরো-
ধার্য্য ক'রতাম । আমি তোরই প্ররোচনায় ত জগতে হুঁত
বিবেচনাশক্তিকে নিজের হৃদয়চ্যুত ক'রেছিলাম । তোর
সহবাসেই ত বাল্যের সুকুমার হৃদয়ক্ষেত্রের :সহপদেশরূপ
মূল্যবান বীজগুলি জলাঞ্জলি দিই ! আমায় হুঁত হুঁত
কে ক'রলে দানব পশু ! দুর্গাসুর কেন আজ ঘুঁরি চক্ষে
দণ্ডারমান ? আজ কেন সম্রাট দুর্গাসুরকে ত্রিজগতের মধ্যে
কেউ ভুলেও সম্মানের আসনে উপবেশন ক'রতে দেয় না ?
আজ কেন দুর্গাসুর পিতৃহত্যা মহাপাপী ? আজ কেন দুর্গাসুর
পরশ্রী ও পরশ্রীলাভে লালসিত ?

দম্বকেতন । মহারাজ ! আমিই কি আপনার পিতৃহস্তা ?

ব্যঞ্জনেশ্বর । (স্বগতঃ) এইবার ভূত বুঝি আমার কাঁদে চাপে রে ?

দুর্গাসুর । তুই সেই ক্রিমার মুখ্যকর্তা । তুই ত তোরই মত

এই এক নারকীকে আমার সহচর করবার জন্ত এই পাতাল-
রাশি ক'রেছিলি ! চুম্বক লৌহকেই আকর্ষণ করে,

স্বর্ণ আকর্ষণের শক্তি চুম্বকের নাই । তুই যে রূপ ঘৃণ্যপ্রকৃতি

পিশাচ, তোর অনুচরও তক্রপ ! চতুর, স্বার্থপর, তুই কি দুর্গা-

সুরকে এত মূর্থ বর্কর স্থির ক'রেছিস্ যে, আমি তোর প্রতা-

রণাভাঙারের সঞ্চিত সামগ্রী কিছুই দর্শন ক'রতে সমর্থ নই ?

ব্যঞ্জনেশ্বর । সে কি ছজুর, আপনার সঙ্গে আবার কার তুলনা ?

দুর্গাসুর । দূর হ, চাটুকার ! তোর ঞায় স্বার্থপরবশ নীচাত্তঃকরণ

পশু দেখলেও নরক দর্শন হয় ।

ব্যঞ্জনেশ্বর । (স্বগতঃ জিহ্বাকর্ডনপূর্বক) উঃ বাপ্ রে, কথা

ক'রে কি গুথরি ক'রেচি বাবা !

দুর্গাসুর । যাক্, সবই বুঝেচি, সবই জেনেচি । দম্বকেতন ! সর্প

অতি ভয়ঙ্কর, কিন্তু সুকুমার শিশু যেমন সর্পের চাকচিক্য

দর্শনে ভালমন্দ বিবেচনা ক'রতে না পেরে সেই কালকে

ধারণ ক'রতে কর বিস্তারণ করে, আমিও সেইরূপ তোর ঞায়

ক্রুর সর্পের মধুরতায় মুগ্ধ হ'য়ে, তোকে ধারণ করা দূরে থাক,

তোকে বুকে রেখে পোষণ ক'রচি ! আমার তুল্য আর মূর্থ

কে ? উর্করভূমিতে আমি কণ্টকতরু জন্মগ্রহণ ক'রেচি !

দেবতার ঔরসে পিশাচ-পশু হ'য়েচি !

দনুকেতন । মহারাজ ! ওরূপভাবে ভৎসনা অপেক্ষা, আমার মস্তক বিখণ্ডিত করুন । তাতে আমি বিদুমাত্র অহুতপ্ত নই ।

দুর্গাস্তর । পশু, চতুরতায় পাপের প্রায়শ্চিত্ত-বিধান ক'রতে ক'সে ? সে আশা বৃথা ! এখন তোর হ'লে আমার সঙ্গে তোকেও চিরদিন জলে পুড়ে মরতে হবে । পিতৃহস্তা মহাপাপী দুর্গাস্তর যেমন আজীবন নরকের জলন্ত অগ্নিতে দাউ দাউ ক'রে জলবে, বিষ্ঠা মূত্রের বিষময় উগ্রগন্ধে তার অন্তরাত্মা যেমন সততই দেহত্যাগের জন্ত প্রাণপণ ক'রবে, সেই সঙ্গে তোকেও তদপেক্ষা ভীষণ যন্ত্রণাভোগ ক'রতে হবে । দানবাধম ! তোর মৃত্যু এখন কি ! এত স্বপ্নায়াম মৃত্যু হ'লে সংসারনরকের তীব্রঘাতনা অনুভব ক'রবে কে ? সংসারবিষে জলে পুড়ে ম'রবে কে ? হা হতাশের বিষনিশ্বাসে দগ্ধ হবে কে ?

দনুকেতন । মহারাজ ! যদি হৃদয়ে এই ধারণাই হয়, তাহলে আর কেন ? সকল পাপের প্রায়শ্চিত্তের জন্ত সকল সঙ্কল্প ত্যাগ ক'রলেই ত পুণ্যের সঞ্চয় হ'তে পারে ।

দুর্গাস্তর । পিতৃহস্তার পুণ্য ! প্রভুহস্তার পুণ্য ! সে পুণ্যের সৃষ্টি এ জগতে কি আছে মূর্খ ! তাহলে যে জগতে পাপি ব'লতে কোন ভাষা থাকবে না ।

দনুকেতন । মহারাজ ! তা হ'লে কি অনুমতি করেন ?

দুর্গাস্তর । নরক ! এতদিনের পর আজ দুর্গাস্তরের পরামর্শ গ্রহণ ক'রতে উত্তম হ'য়েচ ! কে, একদিনও ত ওরূপভাবে দুর্গা-

স্বরের পরামর্শের প্রার্থনা করিস্ না, সকল কার্যাই ত স্বতঃ-
 প্রবৃত্ত সাধন ক'রে এসেছিলি ! পাপপ্রবর্তক, আমি বরং
 কোন কার্যে প্রতিবাদ ক'রলে, তুই তার প্রধান হস্তা হ'তিস্ ।
 আজ তার এত পরিবর্তন ! জীবের চিত্তের এত পরিবর্তন !
~~না, না, আর না, আর কোন মতের পরিবর্তন ক'রতে চাই~~
 না ! স্বইচ্ছায় কুল হারিয়ে
 আর ভিন্ন আশা কেন ? অকুল সাগরবক্ষে সকলেই নিমজ্জিত
 হব' ! আর কেন আশা ! পুণ্যের আশা ? পিতার সঙ্গে সঙ্গে
 সে আশা জলাঞ্জলি দিয়েচি ! এখন চাই পাপ ! সংসারে যত-
 রূপ পাপের বিষ আছে, সেই সকল পাপবিষ সংগ্রহ করি
 আর ! সেই বিষ সকলে পান ক'র্ব, সেই বিষে সকলেই
 জর্জরিত হব ! তবে ত পিতৃহস্তার পাপের প্রায়শ্চিত্ত হবে !
 নতুবা পিতৃবধের প্রায়শ্চিত্ত কোথায় আছে ? দহুকেতন !
 না, না, আর না, আর কোন মতের পরিবর্তন ক'রতে চাই
 না ! দেখ্ দেখ্—ওই দেখ্—ধ্বক্ করে কি জলে উঠলো
 দেখ্ ! পাপপতঙ্গ, দেখ্ দেখ্, কি ভীষণ অগ্নি দেখ্—ঐ
 শোন—অগ্নিরও আজ বাকশক্তি জন্মেছে !

জয়াবিজুয়ার প্রবেশ ।

জয়াবিজয়া ।

গীত ।

দাঁড় দাঁড় দাঁড় অ'লেছে পাপের অনল ।

এই দেখ্, মহাশয় জীবপতঙ্গ, কেমনে মাজ করে সীলামকল ।

এরা শৈশবে হেলায় না করিল আনার্জন,

যৌবনে কুজন সনে কুপথে করিল গমন,

এখন শূন্য ভুবন শূন্য জীবন ফেটে বেরয় আঁধির জল ।

দুর্গাসুর । দেখ্‌লি, দেখ্‌লি পাপকীট ! আজ আমাদের
পাপাণি কিরূপভাবে প্রজ্বলিত হ'য়েচে । আর
কেন, প্রস্তুত হ ! সৈন্তগণ, প্রস্তুত হও, চল্ চল্, আজ পিতার
প্রভুপুত্র রাজর্ষি গোরক্ষনাথ আর করক্ষনাথের রক্তে পাদ
ধৌত ক'রে আমাদের সেই পাপাণি আরও প্রজ্বলিত করি
গে চল্ ! আর কি ! ঐ জ্বলেচে, ধূ ধূ ক'রে জ্বলেচে ! দানব-
গণের পাপাচিতা এবার ধূ ধূ ক'রে জ্বলেচে । আর ভয় নাই !
এবার সেই চিতায় প্রাণের আনন্দে প্রাণ সম্প্রদান করিগে
চল্ !

[বেগে প্রস্থান ।

সকলে । জয় মহারাজ দুর্গাসুরের জয়, জয় মহারাজ দুর্গাসুরের
জয় !

[সকলের প্রস্থান ।

তৃতীয় গর্ভাঙ্ক ।

[কন্দোড়-রাজসভা]

গোরক্ষনাথের প্রবেশ ।

গোরক্ষনাথ । (স্বগতঃ) উদ্ভ্রান্ত পথিক ! হও রে উদ্ভ্রান্ত
আর কেন আত্মসংগোপন ! ছদ্মবেশে—

মহোল্লাসে চলেচল আপন আবাসে ।
 বারি আশে ধেও না ক মৃগতৃষ্ণিকার !
 হান্ন হার শান্তি কভু নহি রে হেথায় !
 যুরিলে ত এতদিন এ সংসারপথে,
~~মুহুরী~~ মনুক্ষণ নিলে কতজন,
 য়েবা বার গম্যপথে করিল গমন !
 গমনের কালে কেহ না গেল কহিয়া,
 তুমিমাত্র ভ্রমবশে রহিলে পড়িয়া ।
 আর কেন বৃথা, কর সে ভ্রমনিরাশ,
 আশার পিয়াসবহি করহ নির্বাণ !
 ক্ষীরভ্রমে পিও না ক ছুপ্পাচ্য গরল ।
 অক, দেখিছ কি হার সন্মুখে তোমার—
 র'রছে কি গম্যপথ কণ্টক আবৃত
 ষে র ভয়ঙ্কর ভীম কাল ফণিময়—
 পা কি যাইতে তথা ? এ সংসারপথ—
 ফিরে চল কাজ নাই আর অগ্রসরি ।
 মাত্র যেই পথ হইয়াছ অগ্রসর—
 দেখিলে ত সেই পথে কত মহামারি,
 দেখিলে ত সেই পথে কত রে বিপ্লব,
 দেখিলে ত সেই পথে কত রে আবর্ত
 কত ঘূর্ণিগাক কত পাপ হলহলা—
 কত বিঘাতসারকরুপ বাধহিঙ্গা—

দেখ অসুয়া জিঘাংসা লোভ আদি পাতা ।

দেখিলে ত কামিনীকাঞ্চন হেতু—

কত কালমেঘ জীবহৃদে ঢাকা !

দেখিলে ত তার হেতু কত রক্তস্রোত—

বহিল সমরক্ষেত্রে আগ্নেয় গৈরিক

স্রাব সম হয় কিবা নিষ্ঠুরতা !

ভাবিল না জীব হ'য়ে জীবের পরাণ,

ভাবিল না জীব হ'য়ে জীবের বেদনা !

ওরে ভ্রাস্ত, আর কত দেখিবারে চাও ?

সংসারশ্মশান দৃশ্য—অতি ভীমতর—

কাজ নাই রে পথিক—ফিরে ঘরে চল ।

দুর্গাম্বর ! তুমিও ত ভবপথে তাই—

উদ্ভ্রান্ত পথিক—আসিরাছ পর্য্যটনে—

তবে তবে বৃথা কেন পথে বিসম্বাদে

একদিন পথহারা হইবে সবাই,

একদিন যাব চলি যে যার স্থানেতে ।

তবে কেন পথে যেতে এত কোলাহল,

প্রলয়হিল্লোল তুলি ঘটাও প্রলয় ।

বৈকারিক রোগে যথা প্রলাপবচন,

তেমতি এ সব বাক্য অসার আমার ।

বিচিত্র বিশ্বের নীতি বোঝা বড় দায় !

কাজ নাই আর সেই নীতি আলোড়নে,

মাধব নিজের কাজ অকপট প্রাণে !
 এই যে সোণার দেহ—বিচিত্র নির্মাণ,
 একদিন পঞ্চভূতে মিশিবে নিশ্চয়,
 নাহি তার অস্থিরতা এ সত্য নিশ্চয় ।
~~স্বামী~~ স্ন সে দেহের ভালবাসা মোহে
 নাশি আজ স্বার্থহেতু অসংখ্য পরাণী
 দুর্গাসুর রণে ? সে পাপের পাপী কেবা ?
 এই কাণ্ডজ্ঞানহীন দুর্বুদ্ধি গোরক্ষ !
 ধিক্ স্বার্থপর ! নিজ স্বার্থ তরে হায়—
 নররক্তে বসুন্ধরা সুরঞ্জিত করি,
 ভাসালি পাপের তরী অকলঙ্ক কূলে ।
 পুনঃ আজ হবে সেই ভীম মহারণ,
 করিতেছে দুর্গাসুর পুনঃ আক্রমণ !
 পাপবুদ্ধি আজি কি রে স্বার্থহেতু তুই—
 পুনঃ সেই পাপযজ্ঞ আরম্ভ করিবি,
 পুনঃ দিবি প্রজা বলি সমরশ্যামানে ?
 পুনঃ কি রে হবে ধরা শোণিতে প্রাবিত !
 না না, তা হবে না কভু, বুদ্ধিতেছি এই
 এ দেহের হইলে পতন, এই ভীম—
 রণবহি হবে নিরূপিত ! হইবে না
 বিন্দু রক্তপাত—শান্তিময়ী হবে ধরা !
 মাধব গোপনে আদি এই মহাব্রত !

বলিব না কারে ! হৃদয়ের গুপ্তকথা—
 হৃদয়ে থাকিবে গাঁথা, প্রাণের সোদর—
 ভাই করঙ্গ আমার—তারেও গোপন—
 প্রাণপ্রিয় মম নারী কৃত্তিকা সুরজা—
 তাদেরও গোপন করি সাধিব এ কাজ—
 ভীম মহারণক্ষেত্রে স্বইচ্ছায় আজ
 এ নশ্বর জড়দেহ করিব বর্জন ।
 পিতা, পিতা—প্রত্যক্ষ-দেবতা গুরুদেব !
 নরাধম পুত্র তব এতদিনে আর
 রাখিতে নারিল কান্ধোড়ের সিংহাসনে—
 ছ'টী পাদুকা তোমার । ক্ষম অপরাধ !
 এই করিনু গ্রহণ—একটী পাদুকা !
 এ পাদুকা মৃত্যুশয্যাকালে হবে মোর
 মস্তকের উপাধান । জীবিত সময়—
 ইহাই আশ্রয় মোর আছিল জনক,
 শেষের আশ্রয় তাই লইল সন্তান ;
 রাখিনু অশ্রুত ভাই করঙ্গের তরে !
 তার জড় জীবনের ভরসা করিয়া ।
 অহো পিতা ! কাঁদে প্রাণ তার তরে শুধু
 সে সরল মূর্তিমান্ বিনয়কিশোর—
 জানে না আমারে বই কাহারে সংসারে ।
 দাদা বিনে আর তার নাই অন্য জান,

দাদা তার জীবনের লক্ষ্য ধুবতারা,
 সেই দাদা হারা হবে যবে প্রাণাধিক—
 না জানি শিরীষপুষ্প থাকিবে কেমন !
 ঐ নয়—করঙ্গ ? কায়া হ'তে ছায়া ছিল
 সুরা — আসে ছায়া কায়ার মিলনে ।
 এস ভাই ! কায়া আজ যাইবে চলিয়া—
 তাই ছায়া সরাইয়া দিব আগে হ'তে,
 থাক তুমি পিতৃপদছায়ে, আসি আমি
 ততক্ষণ একবার অন্তঃপুর হ'তে ।

করঙ্গনাথের প্রবেশ ।

করঙ্গনাথ ।

গীত ।

কেন সুকোচুরী খেলা, কেন নয়নের কোণে বিষাদের রেখা আঁকা ।
 কেন ধূলু-অশনি, হৃদয়গুহার মাঝে, রহিয়াছে পাংশু ঢাকা ॥
 কি মনে উচ্ছ্বাস করিছ গোপন, কি আবেগ করিতেছ সংবরণ,
 কি যেন বলিতে যাইলে তবু বলিলে না, কেন এত ভাবান্তর সখা ॥

অভীষ্টপুরুষ ! আজ কোন্ ব্রত তুমি
 ক'রেছ গ্রহণ ? তাই পাষণহিয়ার
 হায় ! নাহি করি সম্ভাষণ গেলে চ'লে ?
 না সুধালে কোন কথা অরুজ সেবকে ।
 দাদা ! হেন ভাবান্তর দেখিনি ত কভু
 এ জীবনে । ভয় পাই মনে আমি তাই ।

করঙ্গ তোমার দাস, কায়াগত ছায়া ।
 তবে দয়াহীন প্রাণে—কোন প্রাণে দাদা
 হেন ব্যবহার করিলে অনুজসহ ?
 কি ভেবেছ মনে মনে ? কি ভেবে অগ্রজ—
 হেন অনাদর করিলে আমার তুমি ?—
 যেন তুমি আমি সম্বন্ধ নাহিক কোন,
 অথবা গো সম্বন্ধের ডোর ছিন্ন হেতু
 যেন এই বিষাদের রেখা মুখে আঁকা ।
 তাই কি অগ্রজ ? কহ সত্য কথা তুমি—
 তুমি সত্য-অবতার, কহ সত্যবান্ !
 কেন প্রাণ কাঁদে মোর ! হারাই হারাই
 যেন কিছু এই প্রাণে ভয়, দয়াময় !
 দয়া প্রকাশিয়া কহ মোরে, কেন হেন
 ভাবে তুমি যাইলে চলিয়া সকাতরে !
 আজ কাকোড়ের ভীষণ দুর্দিন দিন !
 দুর্গাসুর করিয়াছে পুনঃ আক্রমণ !
 কাকোড়ের দ্বারে আজি আপনি শমন !
 প্রজাগণ রণোৎসবে আত্মদানে ছুটে !
 অতি ভীমদৃশ্য—পঞ্চমবর্ষীয় শিশু—
 ষোড়শবর্ষীয় যুবা—অশীতিবর্ষীয়
 বৃদ্ধ আদি নরনারী, দাদা, নাহি করি—
 কেহ জীবনের ভয়, আজি মেহমায়াদিয়া

ছুটেছে সবেগে হ'য়ে আত্মপরহীন ।
 এ হেন দুর্দিনে দাদা ! সকলে চঞ্চল—
 তুমি মাত্র শুধু কেন নীরবে ভ্রমিছ—
 নির্ঝাক গস্তীর ভাবে । বুঝেছে করঙ্গ,
 স্তর আগে প্রকৃতি যেমতি
 স্থিরা ধীরা স্নগস্তীরা সৌম্যমূর্তি ধরে,
 তেমতি যেন গো আর্ষ্য ! হেন ভাব তব—
 বিপদের পূর্বভাব । দাদা ! যেন কোন
 আপনার সবিশেষ অভীষ্টসাধনে—
 এ সংঘম শিক্ষা আজ করিতেছ হেথা ।
 এ দুর্দিনে হায় ! এই ভয়ঙ্কর কালে—
 কি অভীষ্ট দাদা, তব ? দেখে আজ্ঞা রণে—
 গাজিতে কান্দোড়-প্রজা বাণবৃদ্ধযুবা,
 ধজিছে তাহারা—কৈ, কৈ তবে তব হৃদে
 রণোৎসাহ ? সে রণোৎসাহ দূরে থাকু,—
 তুমি যেন প্রতি পদক্ষেপে জগতের—
 প্রত্যেক জীবের কাছে মাগিছ বিদায় !
 হই চকু যেন তব বিদায়কাহিনী—
 প্রকাশিছে স্পষ্টরূপে প্রত্যেকের কাছে !
 দাদা ! কহ সত্য কথা—কর' না ছলনা,
 আমি দাস, জানি তব হৃদয় কেমন,
 বাল্য হ'তে এ যৌবনকাল একদিন—

কোন কথা পরম্পর অপ্রকাশ নাই,
 কহি তাই—কহ অকপটে, দাদা দাদা—
 এই রণ হবে কি গো জীবনের শেষ-
 রণ ? তাই রণপূর্বে লইছ বিদায় ?
 যদি তাই বাঞ্ছা মনে, তবে কেন দাদা,
 অনুজে গোপন ? করঙ্গ যে তোমা বিনা
 জানে না কখন ! তুমি পিতা—তুমি মাতা—
 তুমি বন্ধু—তুমি ভ্রাতা—অভীষ্টপুরুষ,
 একাত্মা যে তোমায় আমার দয়াময় !
 এত যে গো ভালবাস দাসে, এই কি গো—
 তার পরিণাম ? দাদা আশীষে তোমার—
 মনোভাব তব বুঝেছে করঙ্গ আজ !
 তবে—কর প্রকাশ বা অপ্রকাশ, কৃতি
 নাই ! আমিও প্রস্তুত হব' তব সাথে ।
 দাদা, তোমা বিনা চায় না করঙ্গ তব—
 অলকার বৈভবরতন, রত্নাসন,
 ইন্দ্র-সিংহাসন, নন্দনের পারিজাত ।
 পিতা পিতা পিতা—কম অপরাধ মোর,
 এতদিন তব আত্মা ক'রেছি পালন—
 ভ্রাতার সেবক হ'য়ে ; রাখি নাই মনে—
 বিলাসিতা—সুখ-ইচ্ছা কোন, কোন দিন ।
 পিতা ধর্ম পিতা স্বর্গ এ শ্লোকের করি

বিনিময়, ভ্রাতা ধর্ম ভ্রাতা স্বর্গ করিয়াছি
 জ্ঞান ! আজ সেই ভ্রাতা, অনুজে ত্যজিয়ে
 যাবেন তোমার পাশ ; তবে পিতা, বল—
 আর কেন রব' আমি পাপ ধরাধামে !
 দাদা, আমারও বিদায় ! তাই তব—
 পাছকা দুইটা রাখিতে নারিনু আমি
 কাঞ্চোড়ের রাজসিংহাসনে । লব পিতা—
 একটা পাছকা—সে পাছকা আজ মোর—
 শেষ-শয্যাকালে হবে শির-উপাধান । (পাছকাগ্রহণ)
 জীবনের মহাযুদ্ধ ও পাছকা ল'য়ে —
 করিয়াছি জয়—ভবসিদ্ধু তরিবার—
 এখন তরণী মোর এই । যাই এবে—
 একে একে সংসারের কাছে লই গিয়া
 বিদায়—বিদায়—একে একে মায়ামোহ—
 লেহ সুদৃঢ়বন্ধন লই খসাইয়া ।
 দাদা ত প্রস্তুত, আমিও প্রস্তুত হই !
 হৃদয় ! হও রে পাষণ । অই যে পথিক—
 পুনঃ আসে দ্রুতপদে উদ্ভ্রাস্তহৃদয়ে !
 এস দাদা—দুই ভেয়ে শেষ দেখা করি,
 আজশেষ ভালবাসা করি বিনিময় ।
 একবার এস কাছে, দাদা ব'লে ডাকি,—
 একবার দাদা ব'লে জুড়াই পরাণ ।

গোরক্ষনাথের প্রবেশ ।

গোরক্ষনাথ । করঙ্গ !

করঙ্গনাথ । দাদা !

গোরক্ষনাথ । করঙ্গ রে ! এ নির্জন সভামাঝে কেন—

ভাই, একাকী দাঁড়িয়ে, হিমসিক্ত পদ

সম ? আজি রণোৎসব, এ উৎসবে—

কি বিষাদে ভাই নীরবে সভার মাঝে

রয়েছ নিশ্চিত প্রাণাধিক ! সাজে কি রে—

তোমা, হেনকালে হেনভাবে থাক। ভাই ?

আজি কান্দোড়ের বালবৃদ্ধযুবা করি—

মাতিয়াছে রণযজ্ঞে—দিতে প্রাণে সবে

পূর্ণাছতি । তুমি ব্রতে ব্রতী, একি মতি

তবে প্রিয়তম !

করঙ্গনাথ । দাদা দাদা, এত কি গো অপদার্থ জ্ঞান-

কর দাসে ? আশৈশব হতে সেবিয়া যে

রাঙা পায়, সুখহঃখ-পাপপুণ্য দাদা !

সর্বস্ব যে সঁপিয়াছি তোমা অকপটে ।

কি হেতু নিশ্চিত প্রভু, এ অধম দাস—

এখনো কি নাহি জানে তাহা ? সব জানি,

বহু পূর্বে এই দীন—তব মনোভাব

ল'য়েছে জানিয়া ! দাদা ক'র না ছলনা
মোরে ।

গোরক্ষনাথ । কি করজ, কি কথা বলিস্ ভাই !

করজনাথ । দাদা, দাদা—এখনো করিছ ছল ? তবে

ক'লাম—প্রভু, মহাপাপী আমি—অতি
নরাধম—তাই তুমি আমারে গোপন
কর !

গোরক্ষনাথ । কি গোপন ভাই ! করজ রে—তোম্ব কাছ—
ভাই, কি মোর গোপন বল ?

করজনাথ । ক'র না গোপন দাদা, সত্য বল তবে—
এই রণোৎসবে—তুমি কি গো সত্য সত্য—
স্বাছ রণোৎসাহী । সত্য বল দাদা—
করজ বলিয়ে ক'র না ক যুগা ।

গোরক্ষনাথ । করজ রে, করজ রে—সত্য ভাই,
চারিহু রাখিতে হৃদয়ের গুপ্তকথা,
সত্য ভাই, আমি নহি রণোৎসাহী ।

করজনাথ । তুমি যদি রণোৎসাহী নহ দাদা, তবে—
দাস কেন হবে রণোৎসাহী, কিবা হবে
ছার রণে ? কার তরে রণ প্রয়োজন ?

গোরক্ষনাথ । আত্মরক্ষাহেতু ভাই !

করজনাথ । দাদা, আত্মরক্ষাহেতু আবশ্যক রণ,
তবে সেই রণে তুমি কেন এত বীভ

স্পৃহ ? তবে কি গো সেই আত্মরক্ষা তব—
 আর নাহি আবশ্যক, এত কি আত্মার
 ভার লাগিয়াছে এবে তোমা, তাই তুমি
 সেই আত্মনাশে গুপ্তভাবে বন্ধ কর
 আজি ! অহো কি নিষ্ঠুর দাদা তুমি !
 নিশ্চয়ই রণে তুমি ত্যজিবে জীবন
 আজ । এই কি গো ভ্রাতৃ-ভালবাসা তোমা ?
 দাদা ! কার কাছে দিয়ে যাবে করঙ্গ তোমার ?
 করঙ্গের কে আছে সংসারে—দাদা তোমা
 বিনা করে জানি বল ? পিতা জানি নাই,
 মাতা জানি নাই, ভাবি নাই একদিন
 তাঁহাদের, তোমার নিকটে থাকি ! (রোদক)

গোরক্ষনাথ । করঙ্গ রে—ভাই রে আমার, জানি ভাই,
 আমাগত তোমার জীবন, আমা বিনা
 তিলাকিও তুই—পারিবি না থাকিবারে—
 এই ভবধামে ; তথাপি অবোধ ওরে—
 দেখেছি বিচারি মনে, আমি গত নাহি—
 হ'লে এ রণের হবে না বিশ্রাম কভু ।
 তবে ভাই, তুচ্ছ মোর প্রাণ তরে কেন
 হ'তেছ কাতর, এ প্রাণের বিনিময়ে—
 কত কোটি প্রাণ আজ থাকিবে অগতে—
 ভেবেছ কি প্রাণাধিক !

করঙ্গনাথ । দেখেছি ভাবিয়া দাদা, কিন্তু দেব !

ভেবেছ কি একবার অভাগার কথা,
দেখিছ কি দিব্যচক্ষু মেলি, দেবদেব—
তোমা বিনা করঙ্গের কিবা গতি হবে ?

গোরক্ষনাথ । তার চিন্তা, ক'র না জীবন, যাব আমি
দিয়ে যাব দুর্লভরতন—যে রতনে—
তুমি ওরে যাছ, পাবে তৃপ্তি চিরদিন ।

করঙ্গনাথ । এমন কি ধন দাদা দিয়ে যাবে তুমি—
যেই ধনে বিসরিব তোমা ইষ্টদেব !
কি আছে জগতে হেন দুর্লভরতন ?

গোরক্ষনাথ । আছে প্রাণধন !

রগে বনে পাবে পরিভ্রাণ যে ধনের বলে,

লও ভাই সেই ধন, পিতার পাছকা—

(শূন্য সিংহাসন দর্শনপূর্বক)

একি—একি—একি ! শূন্য সিংহাসন কেন—

এই ছিল একটা পাছকা !

করঙ্গনাথ । একি একি একি—শূন্য সিংহাসন কেন—
কেবা নিল জনকের একটা পাছকা !

গোরক্ষনাথ । কেন ভাই তুমি একটা পাছকা বলি
করিলে উল্লেখ ?

করঙ্গনাথ । কহ দাদা, তুমিও বা কেন সচকিতে—
একটা পাছকা বলি কর উচ্চারণ ?

গোরক্ষনাথ । একটি পাছকা ভাই, করিয়াছি অন্তিমআশ্রয় ।

একটি রাখিয়াছিনু তোমার কারণ ।

করঙ্গনাথ । তবে দাদা, আমিও ক'রেছি তাই

সার সে পাছকা দাদা, অন্তিমে আমার ।

গোরক্ষনাথ । করঙ্গ রে—ক'রেছিস্ কিবা তুই ?

শূন্য ক'রেছিস্ আজ পিতৃসিংহাসন,

পিতৃনাম পুত্র হ'য়ে করিবি নির্লোপ !

করঙ্গনাথ । ক্ষম অপরাধ দাদা, তোমা বিনা শত—

পাপঅর্জনেও ক্ষুদ্র নয় করঙ্গ তোমার !

পারি আমি তোমা হেতু—সকলি করিতে—

ধর্ম্মাধর্ম্ম নাহি তাতে বিচার আমার ।

এখন মিনতি, চিরসহচর দাসে—

অনুচর কর, যে পথের হবে গো পথিক,

সেই পথে লও বশস্বদে । তা হবে না দাদা,

একা কভু যাইতে দিব না, পথে

আমি দিব বুক পেতে !

বল দাদা, করিবে আমার অনুচর ? (পদধারণ)

করহ স্বীকার—নতুবা এ পদ তব—

ছাড়িব না কভু ।

গোরক্ষনাথ । কি করিস্ ভাই, করঙ্গ রে—এখন বালক তুই,

হাঁ রে, পিতামাতা জ্যেষ্ঠভ্রাতা ল'য়ে চিরদিন—

কেবা কোথা কাটায়েছে সুখের জীবন ?

যাক, শুনিবি না যবে—তবে কাজ কর ।

পিতার এ শূন্য-সিংহাসনে, বসি এনে

অনঙ্গকুমারে আর বাকুলিমায়েরে ।

রাজারানী আজ হ'তে কান্দোড়ের হ'ক ।

পিতার এ স্মৃতিচিহ্ন করিয়া স্থাপন,

চল ভাই, ভাই ভাই যাই শান্তিধামে ।

করঙ্গ রে—জগতের রীতিনীতি হেরে—

কাঁদিছে পরাণ, জীব হ'য়ে জীবে দেয় জালা,

জীব হ'য়ে বোঝে না রে জীবের বেদনা ।

তাই ভাই বলি, আর বিলম্ব ক'র না ।

আন ত্বর। কুমারকুমারী ।

(৩) তিলার্কিও পাপবাসে থাকিবারে আর—

বাঞ্ছা নাই মনে ।

করঙ্গনাথ । তাই ভাল দাদা—জীবনের অতৃপ্তবাসনা,

করি পূর্ণ আজ, চল যাই শান্তিময় ঠাই ।

এ সংসার বড়ই কঠিন, বড়ই দুর্বার—

এ চক্রের ঘর্ষন-চালনে নিষ্পেষিত জীবকুল !

(নেপথ্যে রণবাত, সন্ন্যাসিগণ—জয় মহারাজ সোমনাথজী কি জয়)

ঐ দাদা—চলিছে কান্দোড়-প্রজা—দিয়ে জয়ধ্বনি ।

ওকি—ক্রতপদে আসে কারা সভা অভিমুখে ?

একি—পূজ্যপাদ সন্ন্যাসিনিচয়—আনুন আনুন !

উদ্ভ্রান্তহৃদয়ে কেন ?

সন্ন্যাসিগণ এবং যোদ্ধৃবেশে অনঙ্গ ও বাঙ্গুলির
দ্রুতপদে প্রবেশ ।

রঘুনাথ । বৎস গোরক্ষ ! এ বালকবালিকা দুটি আজ বড়ই
বিপদে ফেলেচে ! এরা আজ আমাদের সহিত যুদ্ধ ক'রতে
যাবে ।

অনঙ্গনাথ । তা কিছুতেই হবে না, আমরা দুজনেই আপনাদের
সঙ্গে যুদ্ধে যাব ।

বাঙ্গুলি । হাঁ ঠাকুরমশায় ! আমি আর অনঙ্গ গেলে অনেক
দানবসেনাকে মারতে পারব ।

রঘুনাথ । তোরা কি পাগল হলি রে ! যুদ্ধ কি একটা ছেলে-
খেলা ! বৎস ! বালকবালিকা দুটিকে প্রতিনিবৃত্ত কর

করনাথ । এস কুমার, এস মা বাঙ্গুলি, যুদ্ধে যাবার জন্ত এত
বাস্ত হ'য়েচ কেন ? যুদ্ধের অভাব কি ? কত যুদ্ধ ক'রবে মা !
বৎস, অনঙ্গ, কত যুদ্ধ ক'রবে বাবা ! তবে এখন আমরা
আছি, এখন একটু বিশ্রাম ক'রে লও, এর পর অনেক যুদ্ধ
ক'রতে হবে । সে যুদ্ধের আর অবসর পাবে না মা, সে
যুদ্ধের আর অবসর পাবে না বাবা,—সে অনন্তজীবনব্যাপী
যুদ্ধের আর বিশ্রাম নাই । প্রতিদিন প্রতিমুহূর্ত্ত যখন যে যুদ্ধ
ক'রতে ক'রতে বিরক্ত হ'য়ে যাবে ; তখন চাঁদ, এ যুদ্ধের
জন্ত এত আগ্রহ কেন ? যান, আপনারা যান ; বোধ হয়,
এতক্ষণ দানবসৈন্যগণ সমরক্ষেত্রে যুদ্ধাভয়ান ক'রচে !

গোরক্ষনাথ । যান, শীঘ্র যান ! আমরাও শীঘ্র মিলিত হ'চ্ছি ।

[সন্ন্যাসিগণের প্রস্থান ।

এস কুমার, এস মা বান্ধুলি, যুদ্ধের সাধ হ'য়েছে ? তা যুদ্ধ ক'র্বে, তার জন্ত চিন্তা ক'র্তে হবে কেন ? তবে বাবা, আমাদের যুদ্ধ আগে শেষ ক'র্তে দাও, তারপর তোমরা যুদ্ধ ক'র । আমরা থাকতে তোমাদের যুদ্ধ করা কি শোভা পায় ? এখন এস—পিতার সিংহাসন আজ শূন্য হ'য়েছে ; কুমার ! বীরকুমারমূর্তি ত্যাগ কর, মা কমলা বান্ধুলি, ভীমা রণরঞ্জিনীমূর্তি ত্যাগ কর মা, তোমরা এই শূন্য সিংহাসনে দুইজনে রাজারানী হও—আমরা আমাদের যুদ্ধ শেষ করি গে ।

করুণনাথ । তারপর তোমরা অবিশ্রান্ত যুদ্ধ ক'র, আমরা আর নিবারণ ক'র্তে আসব না ! বাছা রে ! আগে কর্তব্যযুদ্ধ না ক'র্লে—আর সেই যুদ্ধে জয়লাভ ক'র্তে না পারলে, তোমরা বীরযোদ্ধা ব'লে জগতে পরিচয় দিতে পারবে কেন ? গোরক্ষনাথ । তাই বলি কুমার ! তাই বলি মা বান্ধুলি ! একবার আর দেখি—কর্তব্যযুদ্ধে তোরা কেমন ক'রে জয়লাভ ক'রিস, তাই একবার দেখি ?

অনঙ্গনাথ । বাবা, কি ক'র্তে হবে বলুন ?

গোরক্ষনাথ । তুমি এই সিংহাসনে উপবেশন কর !

বান্ধুলি । ছোঠামশায় ! আমি কি ক'র্ব ?

গোরক্ষনাথ । তুমি কুমারের বামভাগে ব'স মা !

অনঙ্গনাথ । বাবা, এরই নাম কি কর্তব্যায়ুধ ?

গোরক্ষনাথ । হাঁ বাবা, এরই নাম কর্তব্যায়ুধ !

অনঙ্গনাথ । এরই নাম কর্তব্যায়ুধ ? যে পবিত্র সিংহাসনে আপ-
নারাও অনধিকারী বিবেচনায় একদিনও উপবেশন করেন
নাই, সেই উচ্চ পবিত্র সিংহাসনে আমরা কেমন ক'রে উপ-
বেশন ক'রব বাবা ?

করক্ষনাথ । কুমার ! আমরা যে সিংহাসনে উপবেশন করি নাই,
ইহাই আমাদের কর্তব্যায়ুধ ছিল, আর এখন যে তোমাদিগে
এই সিংহাসনে উপবেশন করাচ্ছি, ইহাও আমাদের আজ
কর্তব্যায়ুধের শেষফল লাভের জন্ত । এখন আর কোন
আপত্তি না ক'রে, আর্থ্যের আজ্ঞা প্রতিপালন কর ; তোমরা
রাজারাণী হও । আমরা পিতার পবিত্র সিংহাসনে তোমাদিগে
রাজারাণী দেখে, আমরা আমাদের কর্তব্যায়ুধে জয়লাভ ক'রে
চ'লে যাই । সেই পরমকারুণিক মঙ্গলময় ভগবানের পবিত্র
সঙ্গীত গান ক'রতে ক'রতে ব'স কুমার, ব'স মা বাস্কুলি—
এই সিংহাসনে ব'স । (সিংহাসনে উভয়ের উপবেশন)

অনঙ্গ ও বাস্কুলি ।

গীর্ভ ।

মঙ্গলময় কে দেখেছে তোমারে তুমি প্রকাশিছ হ'রে প্রকৃতি ।

তুমি পুরুষ কি নারী, চিনিতে না পারি, সকলে প্রকাশ তোমার ভাতি ।

তুমি কোথায় থেকে দুখ দেখে দয়া কর দীন অস্তাগার,

কে দেখেছে তা বল না, কাজেই সকল পরিচয়,

তোমার বৃষ্টি তোমার সৃষ্টি, তোমার শক্তি তোমার দৃষ্টি,
তোমার রশ্মি তোমার চল্লি, তোমার বায়ু তোমার ইন্দ্র,
তোমার জল তোমার কল, জীঘের বলবুদ্ধিশক্তি ।

গোরক্ষনাথ । হ'য়েচে ভাই, এইবার হ'য়েচে ! জীবনের সাধ
মিটেছে, অঙ্কুরিত লতা মুকুলিত হ'য়েচে ! কোরক কুসুমিত
হ'য়েচে । করঙ্গ ! জীবনের অতৃপ্তবাসনা তৃপ্ত হ'য়েচে ভাই !
আর কেন, এবার চল যাই ! ব'স কুমার, আমরা এবার যুদ্ধ
ক'রতে যাই ।

অনঙ্গনাথ । আমরাও যাব বাবা ! আমরা ত কর্তব্যকার্য
ক'রেচি ।

গোরক্ষনাথ । এখনও সম্পূর্ণ হয় নাই । এই যুদ্ধ আরম্ভ হ'য়েচে,
যুদ্ধ গুণ কর ।

অনঙ্গনাথ । এ যুদ্ধের শেষ কতদিনে হবে ?

গোরক্ষনাথ । মৃত্যুর শেষমুহূর্ত্ত পর্য্যন্ত ।

অনঙ্গনাথ । তবে যে ব'লছিলেন, বহুযুদ্ধ ক'রতে হবে ?

করঙ্গনাথ । বহুযুদ্ধ বৈ কি বাবা ! এ কর্তব্যযুদ্ধ ক'রতে ক'রতে
কোমাদিগে প্রতিমুহূর্ত্তে ছয়টি ঘোর পরাক্রান্ত দৈত্য শত্রুর
সহিত যুদ্ধ ক'রতে হবে ।

অনঙ্গনাথ । ছয়টি দৈত্যের সহিত যুদ্ধ ক'রতে হবে ? সেই ছয়
দৈত্য কে ?

করঙ্গনাথ । একটির নাম কাম, একটির নাম ক্রোধ, একটির
নাম লোভ, একটির নাম মোহ, একটির নাম মদ আর এক-

টীর নাম মাৎসর্য্য । বাছা রে ! এরা তোমাদিগকে এক মুহূর্তের জন্ত স্থির থাকতে দিবে না । তোমরা এদের যুদ্ধে সর্বদাই জর্জরিত হবে । তবে বৎস, সাবধান, তোমরা এদের সহিত যুদ্ধে জীবন ত্যাগ ক'র, কিন্তু ভুলেও যেন এদের কখন বশীভূত হ'য়ো না । তাহ'লে আমরা আসি ব'লা, তোমরা আনন্দে দুইজনে এই ষড়দৈত্য-যুদ্ধজয়ের কৌশল শিক্ষা কর', তাহ'লেই মহাযোদ্ধা নামে জগতে বিখ্যাত হবে ।

অনঙ্গনাথ । তাই নয় আপনাদের আজ্ঞায় সেই যুদ্ধই ক'রব, কিন্তু আপনারা যে যুদ্ধে যাচ্ছেন, সে সংবাদ আমরা কেমন ক'রে জানব ? কাঙ্গোড়েতে আজ আর কেউ নাই যে, আপনাদের সংবাদ এনে আমাদের জ্ঞাপন ক'রবে ?

বাকুলি । হাঁ বাবা, হাঁ জ্যোঠামশায় ! আপনারা না করে আসা পর্য্যন্ত আমরা কেমন ক'রে থাকব ?

করঙ্গনাথ । তোমাদের সংবাদদানের জন্ত না হয় একটি দূত নিযুক্ত ক'রে যাব'—না তারও প্রয়োজন নাই ; আর করঙ্গনাথের আজ্ঞাবহনের জন্ত কারেও নিযুক্ত ক'রব না । বৎস, কিস্কন্ধ অপেক্ষা কর, আমি এখন হ'তেই আমাদের যুদ্ধের সংবাদপ্রাপ্তির ব্যবস্থা ক'রে দিচ্ছি ।

[প্রস্থান ।

অনঙ্গনাথ । বাবা, আমরা ত আপনাদের আজ্ঞা প্রতিপালন ক'রেছি, এখন আপনারা আজ যুদ্ধে না গিয়ে আমাদের কেন দুর্গাস্বর-যুদ্ধে পার্থান না ?

গোরক্ষনাথ । কুমার, তুমি আজ কাঙ্গোড়ের রাজা, আমরা
আজ তোমার সেনাপতি । সেনাপতি বর্তমানে রাজার স্বয়ং
যুদ্ধযাত্রা করা রাজনীতির বিগর্হিত ।

অনঙ্গনাথ । আপনারা থাকতে আমি আবার রাজা কি বাবা !
গোরক্ষনাথ, বাছা রে, আর মোহ বাড়ান্ নে ! আমরা থাকতে
তুমি যুদ্ধে যাবে কেন ? তুমি এখন বালক, জান না, পিতৃ-
প্রাণ পুত্রের জন্তু কত কাতর হয় !

অনঙ্গনাথ । বাবা, পিতার প্রাণ পুত্রের জন্তু কাতর হয়, আর
পুত্রের প্রাণ কি পিতার জন্তু কাতর হয় না ?

গোরক্ষনাথ । হয় বৈ কি বাপ ! তবে কি জান চাঁদ, বৃহৎ বৃক্ষই
ঝঞ্জাবাত সহ্য করে ; ক্ষুদ্র গুল্ম সেই বৃহৎ বৃক্ষেরই আশ্রয়
অবলম্বনে ক'রে থাকে । ঐ যে করঙ্গ এসেচে । ভাই—
সময় উত্তীর্ণ হয় ।

ঘটহস্তে করঙ্গনাথের প্রবেশ ।

করঙ্গনাথ । এই লও চাঁদ—গঙ্গাবারিপূর্ণ মঙ্গলঘট । এই মঙ্গল-
ঘটই আমাদের রণস্থলের শুভাশুভ বার্তা জ্ঞাপন ক'রবে ।
কুমার, মা বাকুলি—এই যে ঘটে গঙ্গাবারি পূর্ণ দেখ্চ, এই
গঙ্গাজল যখন লোহিতাভ বা গাঢ় রক্তবর্ণ ধারণ ক'রেচে
দেখ্বে, তখন জান্বে, আমাদের দুই ভ্রাতার মধ্যে আশ্র
কেহই ইহসংসারে নাই ! আর যদি গঙ্গাবারি স্বচ্ছ ফটিকের
জ্ঞার স্বভাবজাত বর্ণ থাকে, তাহ'লে জান্বে যে, আমরা

হুই ভ্রাতা অক্ষতশরীরে নির্বিঘ্নে সেই যুদ্ধস্থলে বিহার
ক'রুচি । এখন এই মঙ্গলঘট লও ! এতেই তোমরা এই
খানে ব'সে আমাদের শুভাশুভ সকল বিষয় জানতে পারবে
চাঁদ !

অনঙ্গনাথ । খুল্লতাত মহাশয় ! যুদ্ধে ত যেতে দিলেন না,
কিন্তু একটি কথা জিজ্ঞাসা করি, যদি এই দুর্গাসুররণে
আপনাদের কোন ভালমন্দ হয়, তাহ'লে আমরা তখন কি
ক'রব ?

করঙ্গনাথ । কি ক'রবে বাপ অনঙ্গকুমার, কি ক'রবে বাবা !
তখন তোমাদের হুচক্ষু যেদিকে যাবে, সেই দিকে চল যাবে
বাবা ! চাঁদ আমার, যুদ্ধ ক'রতে যেও না ! সে কালসর্পের
কালরণে যেও না ! তার নিশ্বাসে তোমার কুসুমকোমল
মবনীত শরীর ভস্ম হ'য়ে যাবে ; তাই বলি বাবা, তখন তুমি
মা বাবুলির হাত ধ'রে, কারেও কোন কথা না ব'লে, পিতার
পুণ্যরাজ্য কাঙ্গোড় ত্যাগ ক'রে কোন নিবিড় গহন বনমধ্যে
আশ্রয় লবে !

অনঙ্গনাথ । না খুল্লতাতমহাশয় ! ও আদেশটি ক'রবেন মা !
আপনাদের সব কথা রক্ষা ক'রেচি, কিন্তু বোধ হয় ও
আদেশটি রক্ষা ক'রতে পারব না !

গোবিন্দনাথ । বাবা, তা মা পার ক্ষতি নাই ! তখন আর আমরা
কেহই দেখতে আসব না । তোমাদের বুদ্ধি-বিবেচনা মত
কার্য্য ক'রবে । করঙ্গ, আর কেন ভাই ! শুন্চ, সৈন্তগণের

কোলাহল ! বিলম্ব হ'লে অনেক সৈন্তের জীবন নষ্ট হবে ।

উদ্দেশ্যপূর্ণের ব্যাঘাত ঘটবে । প্রস্তুত হও করঙ্গ !

করঙ্গনাথ । দাদা, আমি প্রস্তুত । তবে আসি কুমার, আসি মা

বাকুলি ! ভগবান তোমাদের মঙ্গল করুন ।

গোরক্ষনাথ । নারায়ণ তোমাদের দীর্ঘায়ু করুন !

(অনঙ্গ ও বাকুলির প্রণাম ।)

[গোরক্ষনাথ ও করঙ্গনাথের প্রশ্নান ।

বাকুলি । অনঙ্গ ! কি হবে ?

অনঙ্গনাথ । বাকুলি ! পক্ষাবৃত পক্ষীশাবক পক্ষচ্যুত হ'লে যা

হয়, তাই হবে । আমার চোখের জল তুমি দেখবে, আর

তোমার চোখের জল আমি দেখব ।

বাকুলি । অনঙ্গ ! বাবার আর জ্যেষ্ঠামশায়ের মুখখানি তুমি ভাল

ক'রে দেখেছিলে ?

অনঙ্গনাথ । দেখেছিলাম বৈ কি বাকুলি ! তাঁদের মুখ দেখে

আমার বুক ফেটে যেতে লাগল, বেশীক্ষণ আর চাইতে পার-

লাম না ।

বাকুলি । কি বুঝলে বল দেখি অনঙ্গ ?

অনঙ্গনাথ । তা আমি বলতে পারছি না বাকুলি !

বাকুলি । সেইজন্যই জ্যেষ্ঠামশায় আজ ভাড়াভাড়ি ক'রে আমা-

দের বিয়ে দিয়েছিলেন । বিয়ের কোন আয়োজনাদিও কর-

লেন না । এই যুদ্ধে তাঁদের আর জীবনের আশা নাই

অনঙ্গ !

অনঙ্গনাথ । সেইজন্য তিনি আজ আমাদের রাজাণী ক'রে
গেলেন ।

বাকুলি । আচ্ছা অনঙ্গ ! জ্যেষ্ঠামশায় আর বাবা যে আমাদের
অনেক যুদ্ধ ক'রতে হবে ব'ললেন, তা আমি কিছু বুঝতে
পারলাম না । তুমি বুঝে বুঝে হু'একটা প্রশ্ন ক'রেছিলে,
সে যুদ্ধের কথা তুমি কি বুঝেচ অনঙ্গ !

অনঙ্গনাথ । বাকুলি ! সে যুদ্ধ বড় কঠিন যুদ্ধ ! তুমি এখন
বালিকা—আমিও বালক, তবে আমাদের এমন দিন উপস্থিত
হবে যে, সেই দিন হু'জনেরই সহিত কামনামক দৈত্যের
সাক্ষাৎ হবে, সেই কামদৈত্য অতি দুর্দর্শ,—বাকুলি, দেখ
দেখ—মঙ্গলঘট দেখ—গঙ্গাজলের প্রতি বিশেষ দৃষ্টি রাখ ।
এতক্ষণ বোধ হয়, পিতা রণক্ষেত্রে উপস্থিত হ'য়ে যুদ্ধে ব্রতী
হ'য়েছেন ! দেখ বাকুলি, জল লাল হয়নি ত ?

বাকুলি । না অনঙ্গ, জল বেশ পরিষ্কার পরিচ্ছন্নই র'য়েছে ।

অনঙ্গ ! জ্যেষ্ঠাইমারা আসছেন ।

অনঙ্গনাথ । আসুন, তুমি ঘটের দিকে বিশেষ লক্ষ্য রেখ বাকুলি !

সুরজার হস্তধারণপূর্বক কৃত্তিকার প্রবেশ

সুরজা । না দিদি, তুমি আমার প্রবোধ দেবে কি, আমি যে
কান্দোড়ে রাক্ষসী এসেছিলাম, আমি কি তা জানি নাই !
আমা পোড়ামুখী হ'তেই ত দেবতাস্বামীর এই কষ্ট, আমার
শুণের দেবরের এই যন্ত্রণা ! কান্দোড়াধিবাসীর এই দুর্দশা !

এত নররক্তে পবিত্র কাঙ্গোড়রাজ্য আজ কেন প্লাবিত হ'ছে
দিদি ! এর মূলভিত্তি কে ? এ রণযজ্ঞের অনুষ্ঠাতা কে ?
একটু চিন্তা ক'রে দেখলেই ত বেশ বুঝতে পারবে ! না
দিদি, আর আমি এ রাজ্যে থাকব না, তুমি প্রভুকে ব'লে
ক'রে, আমায় বনবাসিনী কর । চল—ঐ রাজসভা, ঐখানেই
প্রভু ~~আছেন~~ ! (গমন)এ কি—হাঁরে অনঙ্গ, হাঁরে বাকুলি,
আজ কি ক'রচিস্ ? দেবতার সিংহাসনে তোদিগে কে
বসালে ? দিদি, সর্বনেশে ছেলে, সর্বনাশী মেয়ে এ কি
ক'রেচে দেখ ! অনঙ্গ, প্রভু কোথায় ?

অনঙ্গনাথ । কেন মা, রাগ ক'রচ ? বাবা আর কাকা তাঁরা
দুজনেই আমাদিগে এই সিংহাসনে বসিয়ে রেখে গেছেন !
আমরা কিছুতেই ব'সতে চেয়েছিলাম না মা, আমরা তাঁদের
কথা না শুন্তে তাঁরা বিরক্ত হ'লে কাজেই মা, দেবতার
সিংহাসনে বসতে হ'য়েচে ।

বাকুলি । হাঁ জ্যেঠাই মা, অনঙ্গ অনেক আপত্তি ক'রেছিল,
আমিও অনেকবার ব'লেছিলাম ।

সুরজা । শুন্চ দিদি, বুঝেচ দিদি, প্রভুর আজ উদ্দেশ্য কি ?

কৃত্তিকী । সবি জানি দিদি, সবিই জানি ! তুমি দেবী, তোমার
অন্তঃকরণ ত আগেই সব জানতে পেরেচে, তথাপি
ভগিনি, দেবীহৃদয়কে কেন আকুলিত কর ! আচ্ছা অনঙ্গ,
প্রভু তোমাদিগে রাজারানী ক'রে কোথায় গেলেন ?

অনঙ্গনাথ । আমাদিগে রাজারানী ক'রলেন, কত আশীর্বাদ.

ক'রলেন, আমরাও যুদ্ধে যাব ব'লে কত ব'ললাম, তাঁরা আমা-
দিগে বুঝিয়ে ব'ললেন বাবা, আমরা আগে যুদ্ধ করি, তারপর
তোমরা যুদ্ধ ক'র। আমি ব'ললাম আপনারা যুদ্ধে যাবেন,
আপনাদের যুদ্ধের সংবাদ আমরা কেমন ক'রে পাবো, তখন
কাকামশায়—

বান্ধুলি । জ্যেঠাই মা, তখন বাবা এই মঙ্গলঘট আমাদের হাতে
দিয়ে ব'ললেন, বাছারা, যখন দেখবে মঙ্গলঘটের গঙ্গাজল লাল-
বর্ণ হ'য়েচে, তখন জানবে যে, আমরা আর ইহজগতে নাই।
তখন তোমাদের ছুচক্ষু যেরদিকে যাবে চ'লে যেও, আর
অনঙ্গকে যুদ্ধে যেতে বারণ ক'রলেন। অনঙ্গ বায়না ধ'রলে,
“আমি যুদ্ধে যাবই,” তখন জ্যেঠামশায় চোখ দুটো ছলছল
ক'রতে ক'রতে ব'ললেন, যাক্—তখন আর আমরা কেউ
দেখতে আসব না! জ্যেঠাইমা, বাবাকেও তখন কাঁদতে
দেখেছিলাম।

সুরজা । বান্ধুলি রে! আর বলিস্ নে মা, থাক্ মা থাক্—সিংহ-
সনে প্রভুর আদেশে কুমারের বামে ব'সে থাক। নিতৃত-
উদ্যানের কুমুমরাণীর মত ফুটন্ত হ'য়ে হাসতে খেলতে থাক।
দিদি! আমার ছেড়ে না, আমি আর কান্দোড়ে থাকিব না!
কান্দোড়ের সুখসৌভাগ্যরবি এবার অন্ত হ'য়েচে! আর আশা
নাই—আর ভরসা নাই! কান্দোড় আজ হ'তে শ্মশান হবে,
তাই প্রভু আজ হুই ধৃত্তর-কুমুমকোরককে সেই শ্মশানে
সাজিয়ে রেখে গিয়েছেন। আর প্রভু ফিরে আসবেন না।

পাছে মায়ায় মোহিত হ'ন, তাই যাবার সময় একবার আমা-
 দের সঙ্গে পর্য্যন্ত সাক্ষাৎ ক'রে যান নি দিদি! আমি বেশ বুঝতে
 পার্চি—আমিই সাজান বাগানকে ছারখার ক'রেচি, এ
 আমি বেশ বুঝতে পার্চি! আমি রাক্ষসী, একে একে
 সকলকে গ্রাস ক'রচি, তা আমি বেশ বুঝতে পার্চি!
 বুঝতে পার্চি গো, বেশ বুঝতে পার্চি! আমি কে—এইটী
 কেবল বুঝতে পার্চি না! আমি রাক্ষসী—এ বুঝতে পার্চি,
 তবে কাম্পোড়ের দেবতার কাছে এলাম কেন, এইটী কেবল
 বুঝতে পার্চি না! আমি কে দিদি? আমি কে? অনন্ত
 নীলমেঘের মত আমি, আমি কে—সন্ধ্যা হ'য়ে এলো! ধূসর-
 বসনাবৃত সন্ধ্যা শুভ্র-দিবার কোলাকুলি ক'রে—গাঢ় কৃষ্ণবর্ণা
 কালরাত্রির সহিত আলিঙ্গন ক'রতে যাচ্ছে! কেউ কাকেও
 আর দেখতে পাচ্ছে না—দিবাও নাই, সন্ধ্যাও নাই। সব
 অন্ধকার! ওর নাম কি? কালরাত্রি। আমি যেন তাতে
 মিশিয়ে আছি! আমি কে দিদি? ঐ আমি কালরাত্রি! আর
 বেলা নাই, ঘোর যুদ্ধ হ'চ্ছে—নররক্তে বসুধা প্লাবিতা হ'য়ে
 যাচ্ছে! প্রভু যুদ্ধ ক'রছেন—ভীষণভাবে যুদ্ধ ক'রছেন! আপ-
 নার একটী সেনাকেও ক্ষত হ'তে দিচ্ছেন না! ঐ কালরাত্রি
 এলো—সমগ্র বিশ্ব ঢেকে গেল, তুমি আমি আর কেউ
 কাকেও দেখতে পাচ্ছি না, চিন্তে পাচ্ছি না! ওষে কাল-
 রাত্রির সঙ্গে সব মিশিয়ে যাচ্ছে! ঐ প্রভু মিশিয়ে গেলেন!
 কালরাত্রি খিলখিল ক'রে হেসে উঠল! ছেড়ে দাও!

ছেড়ে দাও । আমিই ঐ কাশরান্নি । আমায় তোমরা ছেড়ে
দাও !

[বেগে প্রস্থান ।

কৃত্তিকা । হায়, হায়, আমি এখন কি করি ! দেবী: আজ পতি-
বিরহে পাগলিনী হ'ল রে, পাগলিনী হ'ল ! অনঙ্গ দেখ্ দেখ্
বাবা ! আমাদের সোনার দেবীর কি হ'ল দেখ্ বাবা !

[প্রস্থান ।

অনঙ্গনাথ । বাঙ্গুলী ঘণ্টের দিকে বেশ ক'রে চেয়ে দেখ্ এখন
চল, মা আবার কি করেন দেখিগে ।

বাঙ্গুলি । অনঙ্গ ! বোধহয় এ ঝড় ঝড়তেই চ'লছে কমন্ডার
আশা আর নাই ।

[সকলের প্রস্থান ।

চতুর্থ গর্ভাঙ্ক ।

[বনপ্রান্ত]

জয়া ও বিজয়ার প্রবেশ ।

গীত ।

জয়া । এলো খেলো এলোকেশে আর বেড়ান্ কেন ভবরাণি ।

তোর বরাভয় মা রৈল কোথা, ঐ ত মরে ভক্তপ্রাণি ॥

বিজয়া । ছিঃ ছিঃ জয়া, এমন কথা ব'লতে কিলো হয়,

এ যে মায়ের কোমল প্রাণের কোমল জয়া ছেলের তরেই রয়,

মায়ের সকল হুঃখ বার লো ঘুচে দেখলে ছেলের মুখখানি ।

জয়া ।

মায়ের সকল ছেলে নয়লো সমান ভাবনা মনে মনে,

এক ছেলে বা রাজা কেন আর এক ছেলে বনে,

এক ছেলে মার খার কেন আর এক ছেলেয় মারে,

এই ত মায়ের প্রাণের ধারা বুঝনা ভাল ক'রে,

বিজয়া

দূর দূর দূর ও অভাগি ব'লি তুইলো কি,

এ সকলত ছেলের দোষে মায়ের দোষ কি,

মা ছেলের তরে ঘর ছেড়েচে মার ক'রেচে শ্মশানভূমি ॥

দ্রুতপদে সন্ন্যাসিনীবেশে ভগবতীর প্রবেশ ।

ভগবতী । করি মা, কিছুতেই কিছু ক'রতে পারলাম না ।

এক ভক্ত গোরক্ষনাথ আর করঙ্গনাথের মন কিছুতেই

ফিঁতে পারলাম না । তারা আর মর্ত্যখেলা খেলতে চায়

না ! ঘোর সংগ্রামে উপস্থিত হ'য়েচে । সেই সংগ্রামে তারা

স্বৈচ্ছায় আত্মপ্রাণ বলি দিবে । জয়া, বিজয়া, দেখবি চল

মা, আজকের যুদ্ধ কি বিচিত্র উপাদানে সংগঠিত হ'য়েচে ।

আমি রণরঙ্গিনী ভৈরবীবেশেও আমার আজ সাধের সন্তান

সুখ ক'রতে পারব না । আয় মা, তোরা আয়, আমার ইন্দ্র-

জয়ন্তকে সঙ্গে ক'রে শীঘ্র তোরা আয় ! আমি আর স্থির নই,

আমার সাধের সন্তান বিশ্ব আজ গেল মা । আমি মা হ'য়ে

কিছুতেই কিছু ক'রতে পারলাম না ।

[সকলের প্রশ্নান ।

ইন্দ্র ও জয়ন্তের প্রবেশ ।

ইন্দ্র । দেখলে—দেখলে জয়ন্তকুমার ! মা আজ আমার সন্ন্যাসিনীর বেশে সন্তানের জন্ত কি ভাবে বনমধ্যে বিচরণ করছেন ? মায়ের সেই চিরহাসিত প্রশান্তমূর্ত্তি কিসের জন্ত আজ বিবর্ণা হ'য়েছে, তা বুঝতে পারছ ? বাছারে । এ দেখেও তুমি আমার সহিত তর্ক করছিলে যে দেবীর প্রাণে সন্তানের মায়া নাই ? ছিঃ বৎস ! দেবী যে আমাদের ব্রহ্মাণ্ডের মা ! কোটীশ্বরের কথা ত স্বতন্ত্র, সামান্য একটা কীটের জন্ত মা যেরূপ যজ্ঞগা সহ করেন, বা ভাবতে গেলে প্রবেশের স্মরণ দেবগণেরও বাৎসল্য স্নেহে ঘৃণা জন্মে ! রাজরাজেশ্বরী—ভুব-নেশ্বরী—মা আমাদের সন্তানের স্নেহে অন্ধ হ'য়ে কখন নৃত্য-শীলা এলোকেশী ! কখন বা বাহুজ্ঞান তিরোহিতা হ'য়ে রণোন্মাদিনী ভয়ঙ্করা দিগম্বরী ! কখন বা শাস্ত্রমতি অভয়-বরদাত্রী জগদ্ধাত্রী জগদম্বিকা—কখন বা সৃষ্টিধ্বংসময়ী প্রলয়-ক্রাপিনী—অটুহাসিনী ভীমা কালী করালিকা !

জয়ন্ত । পিতঃ ! যে মা আমাদের ত্রিভুবনপালিনী - ত্রিগুণাতীতা, সে মায়ের কাছে আমরা এমন কি অপরাধ করেছি যে, তিনি অত স্নেহশীলা হ'য়েও—আমাদের এ সকল দুঃখ-বিমোচন করতে পারছেন না ?

ইন্দ্র । কুমার ! আনন্দময়ী মায়ের আমার কিসের ক্রটি আছে বল ? সে মা যে বর্ষময়ী আনন্দময়ী ! জীবের কর্মের সহিত

মা যে আমাদের অতি সূক্ষ্মভাবে কৰ্ম ক'রে বেড়াচ্ছেন !
 বৎস ! আপন ছিদ্র অনুসন্ধান না ক'রে পরছিদ্রাবেষণে ব্যস্ত
 হও কেন ? একদিন কৰ্মের প্রবল প্রতাপে অমরগণ এই
 লীলামুখরিত নৃত্যগীতশালিনী অপরূপ রূপলাবণ্যবতী অপ্সরা-
 কুল পরিবেষ্টিত বৈজয়ন্তবিভবগৌরবনন্দনকানন সহ স্বর্গ
 সিংহাসন লাভ করেছিল, আবার সেই কৰ্মহীনতায় তারাই
 পুত্রের পরমুখাপেক্ষী হ'য়ে বনাশ্রয় অবলম্বন ক'রেছে। তবে
 কুমার ! নিজকৃত পাপের প্রতিফল ভোগ করার নাম যদি
 "মাতৃপুংগ দয়া নাই" এই কথা বল, তাহ'লে সেই সৰ্বকরুণা-
 ময়ী গজ্জননীর উপর বৃথা কলঙ্কারোপজনিত যে
 মহাপাপ, তাহাই অর্জন করা হয় ।

জয়ন্ত । পিতঃ ! ক্রমা করবেন । হ'তে পারে জীবগণ আপনা-
 পন কৰ্মজনিত মহাপাপে নিমগ্ন হ'য়ে মহাকষ্ট ভোগ করে,
 কিন্তু মহামায়া মা ত সে কৰ্মের নিয়ন্ত্রী ।

ইন্দ্র । সত্য বৎস ! মা আমাদের সৰ্ব কৰ্মেরই নিয়ন্ত্রী ।

জয়ন্ত । তবে সে কৰ্মের দায়ী কে পিতঃ !

ইন্দ্র । আচ্ছা স্বীকার করলাম, মাই তার দায়ী ।

জয়ন্ত । তবে সে মাকে সৰ্বকরুণাময়ী জগজ্জননী বলতে চান
 কিরূপে ?

ইন্দ্র । কেন ?

জয়ন্ত । তিনিই বধন সকল কৰ্মের মূলরূপা, তখন তিনিই কেন
 কৰ্মজর্কে জীবগণকে নিপাড়ন করেন ? যার হৃদয়ে করুণা-

সমুদ্র অনন্ত বিস্তৃত, যে মায়ের স্নেহের বাঁশীর মধুরস্বরে চতুর্দশ
ব্রহ্মাণ্ড মোহিত, মা ব'লতে যে সন্তান মাতৃগর্ভ হ'তে উদ্ভাস্ত,
সে মায়ের কি সন্তানকে কৰ্মচক্রে পীড়ন করা উচিত পিতা !
যে মায়ের প্রাণ "মা" কথা শুনলেই আত্মহারা হ'য়ে যায়, সমস্ত
হুঃখ, শোক, অনুতাপ বিশ্বতির অতলস্পর্শগহ্বরে লুক্কায়িত
হয়, আমাদের ত তিনি সেই মা ! সেই কৈলাসবাসিনী
দক্ষনন্দিনী সতীরাণী ঈশানী ত আমাদের সেই মা ?

ইন্দ্র । বাছা রে ! মা আমাদের সেই, কিন্তু আমরা মায়ের সে
ছেলে নই । যারা মায়ের ছেলে, তারা তেমনভাবে মায়ের
স্নেহের কোল পায় । আমরা যে মায়ের ^{প্রবেশ} কোল হ'তে
সরে পড়েছি ! মা আছে ব'লে যে আমাদের জ্ঞান নাই, মাকে
ভুলেই ত সন্তানের কষ্ট ! তা নাহ'লে মাতৃভক্ত পুত্র কবে
সংসারে দুর্গতি ভোগ ক'রেছে ? কৈ—তুমি মায়ের কোলে
ব'সে থাক দেখি ; দেখি, মা কোন্ প্রাণে তোমার কষ্ট দেখতে
পারেন ? কুমার ! তুমি যে মাকে সকল কৰ্মের নিয়ন্ত্রী ব'লে
বলে, কিন্তু কৰ্মের প্রথমে "মা আমার এ কৰ্মের নিয়ন্ত্রী" এই
চিন্তা ক'রে কি কৰ্ম ক'রতে প্রস্তুত হও ? যদি সকল কৰ্মই
"মা করাচ্ছেন, আমি ক'রছি" এই চিন্তা ক'রে কৰ্মে প্রবৃত্ত
হ'তে পার, তারপর সেই কৰ্মজনিত যদি তোমার যন্ত্রণা
ভোগ ক'রতে হয়, তখন জগজ্জননী মাকে আমার লৌহ-
বর্ষাবৃত্তা পাষণী ব'লে উল্লেখ ক'রতে পার । বৎস ! মা
কোনকালে সন্তানকে কুপথের পথিক করেন ? সন্তানই নিরু-

দোষে মাতৃবাক্য লঙ্ঘন ক'রে পাপাহকারে দৃষ্টিশক্তি হীরা
হয় ।

জয়ন্ত । পিতা ! তবে অমরবর্গের যন্ত্রণাভার কি আর দূর হবে না ?
ইন্দ্র । কেন দূর হবে না বৎস ! অমরগণ যে দিন আবার মাগ্নের
কোল লাভ ক'রতে সমর্থ হবে, সেই দিনই অমরগণের সকল
যন্ত্রণার ভার লাঘব হবে ।

জয়ন্ত । মাগ্নের কোল অমরগণ কিসে লাভ ক'রবে পিতা !

ইন্দ্র । মা মা ব'লে মাগ্নের কাছে সরল প্রাণে গেলেই অমরগণের
মাতৃলাভ করা হবে ।

জয়ন্ত । তবে কেন অমরগণ এখনও নিশ্চিন্ত ! তাঁরা কেন এমন
হৃৎনাশিনী মা থাকতে এখনও আত্ম-বিস্মৃত হ'য়ে আছেন ?
এখনও কেন তাঁরা সরলপ্রাণে "মা মা" ব'লে মাগ্নের কাছে
যাচ্ছেন না ?

ইন্দ্র । তাই ত যাচ্ছেন বৎস ! তা নাহ'লে মা কেন আজ উন্মা-
দিনীবেশে অস্থির প্রাণে ঘুরে বেড়াচ্ছেন ! কুমার ! দেবগণ
একান্তমনা হ'য়ে আজ মা মা ব'লে মাগ্নের কাছে করুণরোদন
ক'রছেন ব'লেইত মা অস্থির হ'য়ে প'ড়েছেন ! দেখলে না
বৎস ! মাগ্নের সেই ধীরা স্থিরা সৌম্যামূর্তি কিঃভাবে আজ
পরিণত হ'য়েচে ! মলিনবসনা মলিনভূষণা হ'য়ে মাকে যে
আজ চিন্তে-পার্বারও উপায় নাই !

জয়ন্ত । তবে পিতা ! এ সময় মাকে আমরা ভক্তিনৈবেদ্য
দিলে বোধ হয়—মা আরও সন্তুষ্ট হ'তে পারেন ।

ইন্দ্র । তাকি আর ব'লতে হয় বৎস ! মাকে কারমনোবাক্যে
ভক্তিনৈবেদ্য দান কর ।

জয়ন্ত । ওমা, কোথা মা তুমি ! কোথা মা—অপর্ণে অপরাজিতে !
অনাদ্যে অস্থিকে ! কোথা মা, পরমে সুরমে হরমনোরমে
প্রপন্নপালিকে !

ইন্দ্র । কৈ গো শক্তিময়ী শিবে সর্কার্থসাধিকে ! কৈ মা কৈ
তুমি ! আমার প্রাণের কুমার জয়ন্ত আমার তোমার প্রাণের
ভক্তি ল'য়ে পূজা ক'রচে মা ?

জয়ন্ত । আমি কিছুই জানিনা জননি ! আমার কিছু নাই জননি !
তবু মা প্রাণ ভ'রে ডাকি ! কৃপা কর ব'প্রবেশিতা বুব্ব
না শিবানি ! তবু তোমায় ডাকব ভবরাণি ! ও মা—কোথা
মা তুমি ! দেখে যাও মা, তোমার অমর সন্তানের আজ কি
দুর্গতি ।

ইন্দ্র । ও মা শিবশক্তি পরামুক্তি জগদ্ধাত্রি ! কুমারের কথা
শোনু মা ভবানি ! একবার আয় মা !

জয়ন্ত । একবার আয় মা, একবার আয় মা !

ইন্দ্র । সিংহবাহনে ত্রিশূলধারিণী একবার আয় মা !

জয়ন্ত । রণোন্মাদিনি করালিনি রিপু দলনে একবার আয় মা !

ইন্দ্র । শান্তিরূপা ধরায় শান্তি দিতে একবার আয় মা !

জয়ন্ত । পুণাক্রপিনী ধর্ম রক্ষার একবার আয় মা !

ইন্দ্র । কৈ মা কৈ রণচণ্ডিকে !

জয়ন্ত । কৈ মা কৈ শক্রনাশিকে !

ইন্দ্র । ঐ দেখ বৎস ! মা আমার চারিদিকেই প্রসন্নতাময়ী
 মূর্তিতে ধরাভয় হস্তে ল'য়ে "নভেতব্যঃ" ব'লে যেন অ মাদিগে
 অভয় দিচ্ছেন ! আ মরি ! এমন দয়াময়ী মা কি আর
 সংসারে কেউ আছে ? তাই মা জগজ্জননী, তাই মা বিশ্ব-
 প্রতিপালনের ভার স্বয়ং হস্তে গ্রহণ করেছেন । ঐ মা—ঐ
 —ঐ স্নেহময়ী মূর্তি ! ঐ সেই দয়াময়ী মূর্তি ! ঐ সেই হস্ত-
 যুগ্মধরা নবোদিত বালার্ক প্রভাময়ী দেবীমূর্তি ! ঐ সেই
 কাঞ্চনবর্ণা—কুমুমকোমলা মধুময়ী মূর্তি ! প্রাণাধিক
 করুণ ! দেখ, দেখ ! চক্ষু সার্থক ক'রে দেখ ! সস্তানের
 আঁধার কীরূপ উৎফুল্ল হন, তাই একবার বিশেষ
 ভাবে পরীক্ষা ক'রে দেখ ! আর দেখতে পাবে না । আর
 এমন প্রাণের ডাকা বোধ হয় আর কখন প্রাণভরে ডাকতে
 পাবো না ! তাই বলি বৎস ! মায়ের করুণার উৎস আজ
 ভাল ক'রে দেখে লও ! ব্রহ্মাণ্ডব্যাপ্ত ব্রহ্মাণ্ডেশ্বরীর করুণা-
 শ্রোতে আজ উজানভাবে সাতার দ্রাও ! ভাসতে ভাসতে
 চলে যাও, কোন বাধা বিপত্তি পাবে না, চলে যাও কুমার,
 চলে যাও, কারও আশা-প্রতীক্ষা করো না, চলে যাও ! মা !
 মা ! আমাকে তোমার ঐ অপার করুণার সিদ্ধিতে নিমগ্ন
 করাও ! আর মা যেন সেই জলধি হ'তে আমার উত্থানশক্তি
 থাকে না । চিরদিনই যেন তোমার ঐ অমিয়ভরা করুণার
 জলে ডুবে থাকি ।

করুণ । গিতা ! উচ্চকণ্ঠে কে কি বলে গুন !

ইন্দ্র । কৈ বৎস ! (উদ্গ্রীব হওন)

জয়ন্ত । ঐ শুনুন !

ইন্দ্র । এ কি দৈববাণী ? না মার কণ্ঠ !

জয়ন্ত । পিতা, শুনুন, শুনুন !

নেপথ্যে ভগবতী । শোন ইন্দ্র, মন দিয়' আমার বচন,

গোরক্ষ-করঙ্গসহ দুর্গাসুররণ ।

ইন্দ্র । কুমার ! ঐ শুন, ছুরাত্মা দুর্গাসুর—পুনর্বার কাণ্ডোড়রাজ্য

আক্রমণ ক'রেচে! কুমার, অসিচর্ম ল'য়ে শীঘ্র আমার

অনুবর্তী হও—আমি এখন কাণ্ডোড়াভিমুখে চ'ল'য়াম ।

প্রবেশ

[বেগে উভয়ে প্রস্থান ।

বালকগণ ও বিলাসিনীর প্রবেশ ।

বিলাসিনী । আ ম'ল যা, মুখপোড়া ছেলেকের রকম দেখ না !

গীত ।

বালকগণ । কুটুস—কুটুস কামড় মোশা ~~কুটুস~~ কোঁ কোঁ কোঁ—চল'না বুড়ি কিরে ।

ও বুড়ি বুড়ি, বাচ্ছিস, কোথা গাঁটরি ষাড়ে ক'রে ।

বিলাসিনী । মূরে আশুণ—পোড়ারমুখোরা, আমি বাচ্ছি আপ-

নার হুঃখে । ছ'চক্ষু যেম্মে যাবে, তেমনে যাব ! আমি

কি কোন মুখপোড়ার ধার ক'রে খেয়েচি র্যা'বে, আমি

আপনার মনে যাব না ?

গীত ।

বালকগণ । ও বুড়ি বুড়ি—ব্যাঙপুঁটুলি, ক'রচিস্ কেন গোবা,
আমাদের এ ব্যাঙরাজ্যের দেশ, দেখ না রাজ্যের দশা ।

(অন্নভঙ্গি প্রদর্শন)

এই টে কোলা ব্যাং, ক'রচে পেঙর গ্যাং,
ঘ্যা ঘো ঘ্যা ঘো,

তার গাঁটুরি দেখবো খুলে আছে মালপো ধাসা ॥

(গাঁটুরি ধরিয়া টানাটানি)

বিলাসিনী । ওরে বাপ্ রে, মুখপোড়ারা কি ডিঙরে রে ! কি
নিবি, ~~কিনী~~ ^{কিনী} মুল না ? বাতানা খাবি ? চাটিম কলা ?
আমি বিন্দাবন যাচ্ছি ! তোদের জন্তে বিন্দাবনী কাপড়
আনব ।

গীত ।

বালকগণ । আহা হা খুব ক'রেছ ও ধনি !

বিন্দাবনে গয়লা ছুঁড়ি বডড চলানি ।-

যাস্ না সেখা তুই, তোর হাতে ধ'রে কই.

শেষে শেষবরসে কুঁকরপে ~~কুঁকরপে~~ নাকানি চোবকানি ।

বিলাসিনী । তবে রে মুখপোড়া রা—কিছু বলিনি ব'লে ! আজ
মুখপোড়াদের লাথিরে মুখ ভেঙ্গে দোব ! আমাকে চেন না ?
আমি বিলেসি ! দাঁড়া মুখপোড়া রা—দাঁড়া ! আমি মনের
জুখে যা, চ'লেচি—তা না হ'লে তেমন রাজসংসার আমি
ছাড়ি ?

বালকগণ । ওরে ওরে, ঐ লাঠি ঘাড়ে কে একটা মিন্‌সে আস্‌চে
রে ! আমরা পালাই চল ।

[বেগে প্রশ্ৰুত ।

বিলাসিনী । মুখপোড়া বিদেতের ভিরকুটিটা দেখ্‌চ একবার !
এত বড় ময়দান, পিথিবীটার মধ্যে একটু মায়গা আর
নিশ্চিন্তিবার যো নেই !

(মনোপথ্যে—জয় মহারাজ দুর্গাস্বরের জয়)

ও বাবা ! আবার কে আস্‌চে না কি রে ? এ যে দেখ্‌চি—
বৃন্দাবনেও আমাকে যেতে দিলে না ! আমাকে পাঁচ মুখ-
পোড়াতে জালিয়ে পুড়িয়ে মারলে গা প্রবেশ মুখপোড়া
ডিঙরে ভগার ভিরকুটি ! আচ্ছা, দেখ্‌চি মুখপোড়া—দেখি
কেমন ক'রে আর তুই আমার সঙ্গে লাগিস্ ? আমি গলায়
দড়ি দিয়ে ম'রব ! আজই ম'রব ! দেখি বিদেতে মুখপোড়া—
আমি তোর ভিরকুটি ভাঙতে পারি কি না ! (গমনোচ্ছত)

ব্যঞ্জনেশ্বরের প্রবেশ ।

ব্যঞ্জনেশ্বর । আঃ—আঃ—বাবা হাঁপ ছেড়ে একটু বাঁচি বাবা ;
কি যুদ্ধ বাবা, আমি মনে ক'রতাম গোরক্ষ আর করঙ্গনাথ
হুঁবেটা জঙ্গলী, ও বাবা, তা নয়, বেন যমের মাস্তুত ভাই ।
বাপ্ রে বাপ্—কি যুদ্ধ—বাঘে বলদে একঘাটে জল খাও-
য়াছে,—আবার যুদ্ধের তারিফও আছে, একটা জনপ্রাণীকে
পর্যন্ত কিন্তু খুন ক'রচে না ! এ পর্যন্ত একটা সেনারও

প্রাণনষ্ট হয় নি ! কিন্তু গুঁতোর ঠেলায় অস্থির । আমি ত
বাবা আর টিকতে পারলাম না ! তাই পালিয়ে এসেছি ! তা
স্থানটা বেশ নির্জন ব'লেই বোধ হ'চ্ছে । ওমা—ও কে
আসছে না ! ও বাবা—যেখানে বাঘের ভয়, সেইখানেই সন্ধে
হয় ! এ বিলাসিনী নয় ? ও ছুঁড়ি কালা, এখনি চেষ্টিয়ে সব
গোল ক'রে দিবে ! পালাই বাবা !

বিলাসিনী । তুই কে র্যা মুখপোড়া, কে রে ব্যাং পোড়া ?
ব্যঙ্গনে । (ইঙ্গিত)

বিলাসিনী । কি মুখপোড়া, আমাকে ইসারা ক'রচিস্ ! ওগো,
কে কে গো—দেখ না গো—সতীনারীকে মুখপোড়া
বনে ক'রে বেহজ্জৎ করে গো !

ব্যঙ্গনেশ্বর । (ইঙ্গিতপূর্বক—স্বগতঃ) মাগী কি সতী ! না, আর
এখানে থাকা হবে না । চৌচা দৌড় দি ! ভূর্গাসুর যদি
জানতে পারে যে, আমি ভয়ে পালিয়ে এসেছি, তাহ'লে
গর্দানটা ত এখনই নিবে ! না, যাই, যুদ্ধক্ষেত্রেরই একপাশে
থাকি গে ! তারপর যুদ্ধ শেষ হ'লে হাজির হব ।


○ [প্রশ্নান ।

বিলাসিনী । দেখলে, দেখলে—মুখপোড়ার আক্কেলটা দেখলে !
এখনি ত সর্কনাশটা ক'রেছিল মা ! কি ভাগ্যি আমি চেষ্টাতে
লাগলাম ! না মা, পালাই, রূপসী আমি—আমার একা বনে
থাকা ভাল নয় ! পালাই মা, গেছলুম আর কি !

[প্রশ্নান ।



পঞ্চম অঙ্ক ।



প্রথম গর্ভাঙ্ক । প্রবেশ

[যুদ্ধক্ষেত্র]

উন্মাদিনীবেশে ভগবতীর প্রবেশ ।

ভগবতী । মত্তসুরাপায়িনসম দুইপক্ষ উন্নত সমরে—
পূর্ণশক্তি দানিলু গোরক্ষে—করিছে সে শক্তি-অপমান !
শক্তিসত্ত্বে না নাশিছে অসুর নিকরে
তবে মার প্রাণ কিসে রয় স্থির আর—
নিজে কি ধরির অস্ত্র ?—মা হ'য়ে কেমনে—
ধরি স্তংহারিণী বেশ ? কি করি এখন ?
কেমনে দানবগণে করি রে নিধন ?
ধরি রুদ্রামূর্তি কালভয়ঙ্করী, কিম্বা ধরি চামুণ্ডাভীষণা,
তারারূপে করি কিম্বা রিপুর বিনাশ ।

তা ক'রে বা কিবা ফলোদয়—
 গোরক্ষ করঙ্গ যে গো প্রাণত্যাগ করিবে নিশ্চয়—
 তবে বৃথা কেন হই সংহাররূপিণী !
 আসিছে ষামিনী, অস্তুরের বল বাড়িবে তখন,
 এ দিকেতে মা মা ক'রে—কাঁদে ভক্তগণ,
 কি করিব আমি—পাগলিনী করিল আমারে !
 হাহাকারে ছাতি ফেটে যায় । হায় হায়
 মা হওয়া বিষম দায় ! গোরক্ষ করঙ্গ !
 কর বাবা রণ, পূর্ণশক্তি পুনঃ দিনু আমি—
 কুর কুর কর্ ছুট-দানবদলন !
 আমি কোথা যাই, হেন অভ্যাপাত ঘটে না ত কভু !
 ত্রৈয়ে আসিছে সবে - ধনু ভক্ত, ভক্তিঅস্ত্রে তোর
 শক্তি-শক্তি ছিন্ন হ'ল আজ ! কি করিব—
 নিয়তি—নিয়তি—এরই নাম রাক্ষসী নিয়তি !

[প্রস্থান ।

যুদ্ধ করিতে করিতে দুর্গাস্তর, দানবসৈন্যগণ ও
 গোরক্ষ-করঙ্গ এবং সন্ন্যাসিগণের প্রবেশ ।


গীত ।

সন্ন্যাসিগণ । মরিব মরিব মোরা তবু দিব না দিব না জননী-জনমভূমি ।

দ্বিব ধন জন, অমূল্যস্বামী, তবু দিব না দিব না জননী-জনমভূমি ।

কলমূল খাব, উলঙ্গ রহিব, তবু গাহিব মায়ের জয়,
 শোরা স্বদেশ সেবাতে এসেছি রণেতে, না করি মরণভয়,
 আমাদের শয়নে স্বপনে—জাগরণে জননী-জনমভূমি ॥
 কর দলন ভীমচরণে অধাধে যাব' সহিয়া,
 তবু হৃদয়ের পণ ভুলিব না কভু রাখিব হৃদে আঁকিয়া,
 যাবৎ রঘে সূর্য্য চন্দ্র তাবৎ ভজিব জননী-জনমভূমি ॥

দুর্গাসুর । তাই দেখা যাবে, দেখি কত আছে বীরপণা !

 যুদ্ধ ও যুদ্ধ করিতে করিতে সকলের প্রশ্ৰয় ।
 (নেপথ্যে—জয় দুর্গাসুরের জয়)

ইন্দ্র ও দুর্গাসুর, জয়ন্তু ও দনুকেতন পরস্পরের
 যুদ্ধ করিতে করিতে প্রবেশে

দুর্গাসুর । কখনও নও তুমি কাঙ্গোড় তাপস,
 নিশ্চয়ই ছদ্মবেশী তুমি বীরবর,
 দেহ সত্যপরিচয়—

ইন্দ্র । রণক্ষেত্রে অস্ত্রমুখে বীরপরিচয়,
 নামে ধামে কিবা প্রয়োজন ?

দনুকেতন । এই সেই ছদ্মবেশী, ঐ সেই ছদ্মবেশী—
 মহারাজ ! পাংশুটাকা জলন্ত অনল !

দুর্গাসুর । সাবধানে কর রণ, পূর্বেই বুঝেছি !
 এস বীর ! বলাবল তবে হউক পরীক্ষা আজ ।

ইন্দ্র । তাহে বীর ডরে না কখন ! এস বীর ! (যুদ্ধ)

[সকলের প্রশ্ৰয়]

কতিপয় দানবসৈন্য ও কঙ্গোড়সৈন্যের প্রবেশ ।

[যুদ্ধ ও প্রশ্নান ।

ইন্দ্রকে ধৃতকরতঃ দুর্গাসুর ও দনুকেতনের প্রবেশ ।

দুর্গাসুর । বীর, তুমি এখন বন্দী ।

ইন্দ্র । সামর্থ্যহীনতায় নয় !

দুর্গাসুর । সামর্থ্য প্রয়োগ ক'রচ না কেন ?

ইন্দ্র । বিক্রপায় !

দুর্গাসুর । তার অপরাধী কে ?

ইন্দ্র । অদৃষ্ট !

দুর্গাসুর । দৃষ্টকেই দিক্কার দান কর !

ইন্দ্র । সে পরামর্শ তোমায় জিজ্ঞাসা ক'রচি না !

দুর্গাসুর । এক্ষণে তুই কে পরিচয় দে ।

ইন্দ্র । পরিচয় পাবে না ।

দুর্গাসুর । প্রাণনাশ ক'রব ।

ইন্দ্র । সে চেষ্টা ব্যর্থ হবে ।

দুর্গাসুর । জানিস্ তুই বন্দী !

ইন্দ্র । বন্দী ! তার আর হ'য়েচে কি ? কিন্তু দুর্গাসুর, একটুকু

পূর্বে কি দেখিস্ নাই যে, এই বন্দীর করস্থ তরবারি যদি

গোরক্ষনাথের তরবারির প্রতিঘাত না পেতো, তাহ'লে

এতক্ষণ তোর হৃদশা কি হ'ত ?

দুর্গাসুর । যে হৃদশা হ'ত, সেই হৃদশাই তোর হ'বে ! যাও দনু-

কেতন ! পাপাত্মাকে শৃঙ্খলাবদ্ধ ক'রে, পাতালে এই যুহুর্তে
প্রেরণ কর ।

দনুকেতন । (বন্ধনপূর্বক) এস বীর, তোমার বীরত্বের পরি-
ণাম কি দেখ !

ইন্দ্র । চল কাপুরুষ ! বীর তাতে বিন্দুমাত্র দৃকপাত করে না ।

[দনুকেতন ও ইন্দ্রের প্রস্থান ।

দুর্গাসুর । উঃ কি দাস্তিকতা ! অটল অচল সমান পুরুষসিংহ
সর্গেরে ভ্রক্ষেপ না ক'রে চ'লে গেল, বন্দিত্ব অবস্থাতেও
বিন্দুমাত্র কাতর হ'ল না ! ধন্য বীর—ধন্য তোমার বীর-
হৃদয় ! ও হৃদয় আমার শত সহস্র প্রণাম । এখন
আর বিশ্রামলাভের সময় নয় ! এই সন্ধ্যা উত্তীর্ণ হ'লেই আর
দুর্গাসুর কারেও ভয় করে না ! যাঁতে সংগ্রাম ক'রতে ক'রতে
সন্ধ্যা উত্তীর্ণ হয়, তারি এখন বিশেষ প্রয়োজন ! নিশায়
অসুরের বিক্রম ! সে বিক্রম সহ্য ক'রতে পারে, ত্রিজগতে
এমন কেহই নাই । সৈন্তগণ ! প্রাণপণে যুদ্ধ কর, কোন
ভয় নাই ! আজ তোমাদের কৈনিকজীবনের শেষ সংগ্রাম !
আমারও আজ শেষ সংগ্রাম । সকলে বীরত্বের পরিচয় দাও,
নীচত্বের পরিচয় দিও না । গোরক্ষ করঙ্গনাথ দুইজনেই আজ
সৈন্তহত্যা না ক'রে—প্রকৃত রণকৌশল প্রদর্শন ক'রচে,
তোমরাও সেই রণকৌশল জ্ঞাপন কর । ঐ নয়—সৈন্তগণ
ছত্রভঙ্গ হ'য়ে পলায়ন ক'রচে ! তবে কি দানবসৈন্তগণ

পরাস্ত হ'ল ! যাই যাই, ভয় নাই ভয় নাই, দুর্গাসুর এখনও
জীবিত ।

[বেগে সকলের প্রশ্নান ।

দুর্গাসুর ও গোরক্ষনাথের যুদ্ধ করিতে
করিতে প্রবেশ ।

গোরক্ষনাথ । (অস্ত্রত্যাগপূর্বক) দুর্গাসুর, তুমি কি প্রয়োজন
করেছ। আমি পরাভব স্বীকার ক'রলাম, তুমি আমার প্রাণ
নাশ কর ।

দুর্গাসুর । গোরক্ষ ! পরাভব স্বীকার কর উত্তম, বন্দী ক'রব ;
কিন্তু তা ব'লে মনে কর' না যে, প্রকৃত বীরযুদ্ধে বীরধর্মের
অমি অবমাননা ক'রব ! আমি পিতৃহত্যা মহাপাপী ব'লে মনে
ক'র না যে, নিরস্ত্রব্যক্তিকে আমি অস্ত্রাঘাত ক'রব ! গোরক্ষ !
তুমি নয় সংসারে পরমধার্মিক এবং গ্রামবান্, তোমার যশঃ-
সৌরভে আজ নয় চতুর্দশরক্ষাও আমোদিত ? কিন্তু তা ব'লে
তুমি কি বিবেচনা কর যে, মহাপাপীর হৃদয়বল নাই ? যাক,
ধর গোরক্ষ, অস্ত্র ধর, প্রাণ হুঁটার বিবেচনা কর, সম্মুখযুদ্ধে
প্রাণত্যাগ কর । দুর্গাসুর তোমার ন্যায় হীনতেজাকে বিনা
যুদ্ধে বিনাশ ক'রে জগতে কলঙ্ক ক্রয় ক'রবে না ।

গোরক্ষনাথ । (স্বগতঃ) তাই ত, উদ্দেশ্যপূর্ণের যে ক্রমেই
ব্যবাহত ঘ'ট্চে । মা ব্রহ্মময়ি, শক্তি হরণ কর মা ! আর
শক্তি কেন মা ! আমার ত আর সে বাসনা নাই

জননি ! সংসারমায়া যে তোর সব বুঝেচি শিবে ! তবে
মা ! আর কেন ? দিন পূর্ণ কর দীনময়ি ! (প্রকাশে)
আচ্ছা, ধর অস্ত্র দুর্গাসুর, তোর বাসনাই পূর্ণ ক'র'চি । ঐ
নয়—ভাই করঙ্গ কতিপয় সৈন্যের সহিত যুদ্ধ ক'রতে ক'রতে
এইদিকে আস্চে ! এস দুর্গাসুর—এই আমার শেষ যুদ্ধ,
এই যুদ্ধে তোর মৃত্যু, নয় আমার মৃত্যু । (উভয়ের যুদ্ধ)

করঙ্গ : সন্ন্যাসিগণ ও কতিপয় দানবসৈন্যের যুদ্ধ

করিতে করিতে প্রবেশ এবং জনৈক সন্ন্যাসীকে

দুর্গাসুর হননোচ্ছত হইলে গোরক্ষনাথ

তাহাকে রক্ষাকরণচ্ছলে আপন

অঙ্গে দুর্গাসুরের ভীষণাঘাত

লওন ও সৈন্যগণের

সবেগে প্রশ্রয়ান ।

গোরক্ষ । ভাই করঙ্গ, এইবার হ'য়েচে ।

দুর্গাসুর । একি হ'ল—যুদ্ধক্ষেত্রে স্বেচ্ছায় প্রাণ দিলে !

রঘুনাথ । গোরক্ষ ! ক'রলে কি ! ক'রলে কি ! স্ব-ইচ্ছায়

আজ আত্মনাশ ক'রলে ?

করঙ্গনাথ । না প্রভো রঘুনাথ ! দাদার দোষ দিও না । এই

পর্যন্তই দাদার জীবনের শেষখেলা । এখন শীঘ্র আর্ষ্যাকে

আপনি ধারণ করুন । (রঘুনাথকর্তৃক গোরক্ষনাথকে

ধারণ) এবং একটুকু নির্জন স্থানে ল'য়ে যান, দাদার জীব-

নের আর আশা নাই । যাও দাদা ! এবার অনন্তনিদ্রায়
 অনন্তকাল সুখে বিশ্রাম কর গে যাও ! দাস শীঘ্রই আপনার
 সঙ্গে সাক্ষাৎ ক'রবে । প্রভু রঘুনাথ, আর্ঘ্য যেখানে শয়ন
 ক'রবেন, তারই পার্শ্বে আমারও একটু শয়নের স্থান নির্দিষ্ট
 রাখবেন এই নিম্ন, আমার সেই শয়ন স্থানের এই শিরোপাদান
 (পাহুকা দান) । এই শিরঃ উপাদান সেই স্থানে রক্ষা করুন
 গে ! প্রয়োজন মত আমিও দাদার প [] 'র হব' ।
 অহা দুর্গাসুর ! এইবার একবার আর, জীবনের জ্বালা আজ
 তোর যুদ্ধে মিটাব ! হৃদয়ের বেদনা আজ তোর সংগ্রামে
 উপশম ক'রব ! আর হুরাডন ! দেখি তোর বলবয়ী
 কত ?

দুর্গাসুর । আর পাপিষ্ঠ ।

[উত্তয়ে যুদ্ধ করিতে করিতে প্রশ্বাস ।

রঘুনাথ । বৎস ! আমার দেহে দেহ রক্ষা ক'রে চল, ঐ বৃক্ষ-
 তলে একটু বিশ্রাম ক'রবে ।

গোরক্ষনাথ । প্রভু রঘুনাথ ! আর চলশক্তি নাই, ধীরে ধীরে
 ঠলুন ।

জ্ঞানানন্দের প্রবেশ ।

জ্ঞানানন্দ ।

গীত ।

আহা হা মহিছে শোণিতধার আহা হা কুমার কি করিলে ।

কি হুঃখে পাষণবৃকে সোনার সংসার তেরাগিলে ।

এত প্রাণে কি ভার হ'ল, আত্মনাশে ইচ্ছা গেল,
এত কি বৈরাগ্য এলো. কারও স্নেহমায়া না ভাবিলে ।
আয় যাহু রে আমার কোলে, কোথায় যাবি মোদের কেলে,
কি ধ'লে আজ যাও রে চ'লে, তাই বল রে চাঁদ থাকি ভুলে ।

[সকলের প্রস্থান ।

(নেপথ্য)—দাদা, দাদা, আমারও সময় হ'য়েচে, উত্তরের ব্রত
আজ, একত্র আজ শয়ন ক'রব ।

দ্বিতীয় গর্ভাঙ্ক ।

[রাজসভা]

অনঙ্গনাথ ও ঘটহস্তে বান্ধুলির প্রবেশ ।

অনঙ্গনাথ । দেখ বান্ধুলি, দেখ বান্ধুলি—জল ত লোহিতবর্ণ
হয় নি ?

বান্ধুলি । অনঙ্গ, অনঙ্গ, একটুকু রক্তাক্ত হ'য়েচে ! আমি
দেখতে পাচ্ছি না অনঙ্গ, তুমি ভাল ক'রে দেখ !

অনঙ্গনাথ । দৈ দেখি, দেখি, বান্ধুলি—বান্ধুলি—একটু ঝকি !
জল যে বেশ রক্তাক্ত হ'য়েচে ! তবে বান্ধুলি—আর
আমাদের পিতা নাই !

বান্ধুলি । পিতা নাই, অনঙ্গ—পিতা নাই ? বাবা—হাঁ বাবা—
তুমি নাই ? তবে বান্ধুলি কেমন ক'রে থাকবে বাবা ! বাবা
গো, তুমি আমার সঙ্গে নাও । (পতনোন্মুখ)

অনঙ্গনাথ । (ধারণপূর্বক) ছিঃ বাকুলি—যুদ্ধ ক'রতে ভুলে গেলে ? এ সময় কি আমাদের রোদনের ? রোদনের যে অনেক সময় আছে বাকুলি !

বাকুলি । আমি যুদ্ধ ক'রতে পারলাম না অনঙ্গ ! আমার যেন কেমন ক'রচে ! বাবা, জোঠামশায়, আমি বালিকা, আমি যুদ্ধ ক'রতে পারলাম না । অনঙ্গ, পালাই চল, দুচক্ষু যে দিকে যাবে, সেইদিকে এখন পালাই । বাবার ঐশ্বের কথা রক্ষা করি গে চল ! এখনি দৈত্যেরা রাজসভায় আসবে ! এখনি আমাদের মারবে ! অনঙ্গ, তোমার কি বাবার কথা মনে প'ড়চে না ? অনঙ্গ ! আর বিলম্ব ক'র না পালাই চল ।

অনঙ্গনাথ । বাকুলি ! তুমি কি আমার সেই বাকুলি ? যে বাকুলিকে আমি ঋণপূর্বে ব'লেছিলাম যে, আমি কান্দোড়ের রাজা হ'লে তোমায় আমি মন্ত্রী ক'রব, তুমি কি আমার সেই নিত্য আমোদিনী আনন্দঅপরাজিতা বাকুলি ?

বাকুলি । কেন অনঙ্গ ! এমন সময় তুমি আমাকে স্বর্ণা ক'রচ ?

অনঙ্গনাথ । না বাকুলি—নাঃ তোমার কথায় বড় মর্মান্বিত হ'য়েছি ।

বাকুলি । প্রভু ! কমা কর, তোমার যা ইচ্ছা হয় কর । এ সময় আর আমার কোন কথা নাই । প্রভু, তোমার বিরহ সহ ক'রতে পারবো, কিন্তু তোমার অনাদর সহ ক'রতে পারবো না ।

অনঙ্গনাথ । বাকুলি, ভগবান তোমার উচ্চ মনের পুরস্কার নিশ্চয়ই দিবেন । এখন আদরিণি ! চল, পিতার আদেশ প্রতিপালন ক'রেচি, এখন আমাদের কর্তব্য ব্রত প্রতিপালন করি গে ! বাকুলি, তুমি আমার বিরহ সহ্য ক'রতে পারবে, অনাদর সহ্য ক'রতে পারবে না ব'ল্চ, তুমি আদরিণি, আদর ক'রে ব'ল্চি, আজ বিরহ-অনাদর সকলই বিসর্জন দি । আমাদের অবিচ্ছেদ আদর সঙ্গে ল'য়ে—সেই পিতৃহস্তা দানবগণের রক্তে মহানন্দে সম্ভরণ করি গে চল ! বাকুলি ! আজ আমাদের বিবাহ হ'য়েচে, এখনও বাসর হয় নি, চল অস্ত্রাদি লই, সেই রণসজ্জাই আমাদের বাসরশয্যা হবে ! আর ত রাজপুরী আমাদের সুখস্থান নয় কুলি ! যেখানে আমাদের অভিষ্টদেবতারা এ সুন্দরী রাজপুরীকে অপ্রিয় জ্ঞান ক'রে সংগ্রামশানক্ষেত্রকে পরম আদরের স্থান বিবেচনা না ক'রে বিশ্রামশান্তি লাভ ক'রেচেন, আজ সেই-খানেই আমাদের সুখবিবাহবাসরের মিলনমন্দির হবে । বাকুলি ! এমন বিবাহোৎসবে আজ আনন্দ না ক'রে—কোথায় ছুচক্ষু ল'য়ে যাব ? চল—বাকুলি ! আজ রণক্ষেত্রে আমাদের আনন্দের বাসর করি গে ।

বাকুলি । চল অনঙ্গ ! এমন আনন্দের দিন আর পাব না ।

[উভয়ের প্রস্থান ।

তৃতীয় গর্ভাঙ্ক ।

[রণক্ষেত্র]

দুর্গাসুর ও দনুকেতনের প্রবেশ ।

দুর্গাসুর । দনুকেতন ! গোরক্ষনাথের অন্তঃপুরমহিলাগণকে
পাতালে প্রেরণ ক'রেচ ?

দনুকেতন । তারা বহুপূর্বে প্রেরিত হ'য়েচে ।

দুর্গাসুর । সুরজামুন্দরীকে দেখেছিলে ?

দনুকেতন । মহারাজ ! দেবীকে দেখেচি ব'ল্লে—দেবীর সৌন্দ-
র্যের অরমাননা করা হয় ! তাঁর যেরূপ তেজোদৃষ্ট কান্তি,
তাতে তাঁর প্রতি দৃষ্টিপাত করা যায় না ।

দুর্গাসুর । সে গর্বিতা সিংহীকে আমার প্রাণের মাদলার দাসী
ক'ব্ব, তবে আমার ক্রোধাগ্নি নির্কাপিত হবে । দনুকেতন !
এতদিনে আমার গাত্রজ্বালার নিবৃত্তি হ'ল ! ও কিসের
কোলাহল ?

(নেপথ্যে—মার মার ! মার মার !)

নেপথ্যে—রাজনেশ্বর । বাপু রে—বাপু রে, কি দাপট ! কি
ছেলে, বাপু রে—মেয়েটা যেন দাক্ষারণী, বাপু রে ! মহারাজ,
মহারাজ ! দনুকেতন ! সর্বনাশ হ'ল, সর্বনাশ হ'ল ! সব
খুনখারারি ক'রলে বাবা !

(নেপথ্যে—জয় সোমনাথজী কি জয় !)

দুর্গাসুর । কি বিপদ ! দনুকেতন ! দেখ দেখ ! কে বালক যুদ্ধে
এল' ! আবার গুন্ডি, একজন বালিকা ! দেখ্‌চি পুনঃ যুদ্ধা-
বতরণা ! অকস্মাৎ—এ আবার কি হ'ল দেখ ! ঐ যে সৈন্তগণ
রণঘোষণা ক'রচে ! চল চল—শীঘ্র চল, কি হ'য়েচে দেখি ।

[বেগে প্রস্থান ।

দনুকেতন । তাই ত ! অকস্মাৎ এ আবার কি হ'ল !

[বেগে প্রস্থান ।

কতিপয় সৈন্যের সহিত যুদ্ধ করিতে করিতে

অনঙ্গনাথের প্রবেশ ।

অনঙ্গনাথ । কে আমার পিতৃহস্তা ? সত্য বল, কে আমার পিতৃ-
হস্তা ? আমি আর কারেও চাই না, আমার তরবারু আর
কারও রক্ত পান ক'র্বে না, কেবল একমাত্র সেই পিতৃহস্তা
পিশাচের রক্ত পান ক'র্বে । যে আমার পিতৃহস্তা—সেই
আমার সম্মুখবর্তী হ' । আমি সেই ছুর্ভক্ত দানবধমকে চাই ।
কৈ ! সকলে স্থির দণ্ডায়মান কেন ? সাধ্য থাকে অগ্রবর্তী
হ' । ওরে কাপুরুষ ! আমি যুদ্ধাহ্বান ক'র্চি । যদি বীর
হ'স্ যুদ্ধে আস্‌বি ।

দুর্গাসুরের প্রবেশ ।

দুর্গাসুর । কে তুই বালক ? রণক্ষেত্র-বালকের ক্রীড়াভূমি নয় !
এখানে বীরের বীরত্বের অভিনয় হয়, কারে যুদ্ধে আহ্বান
ক'র্চিস্ ? আমি দুর্গাসুর, আমিই তোমার পিতৃহস্তা ।

অনঙ্গনাথ । তুই সেই দানবধম পিশাচ দুর্গাসুর আমার পিতৃহস্তা !

আয় ছুরাশ্বন ! বাক্য নিঃসরণের অবসর গ্রহণ করিস্ না !

আয় তবে অগ্রে পিতৃ-তর্পণের জন্ত তোর রক্ত সংগ্রহ করি ।

(যুদ্ধ)

দুর্গাসুর । উঃ বালকের কি অদ্ভুত পরাক্রম ! ধন্য বালক ! তুমি

বালক বলে উপহাসের পাত্র নও ! ক্ষান্ত হও বালক, বিশেষ

রণ-শ্রান্ত হ'য়েচ, ক্ষণেক বিশ্রাম লাভ কর । তারপর পুনর্বার

যুদ্ধ করবে ।

অনঙ্গনাথ । পিতৃহস্তা পাপিষ্ঠ ! তোর স্তায় নগণাবীরের যুদ্ধে

বিশ্রামলাভ আবশ্যক করে না । অগ্রে তোর মুণ্ড পিতার

পদতলে অর্পণ করি, তারপর বিশ্রাম । (যুদ্ধ)

দুর্গাসুর । ধন্য বালক ! ধন্য তোমার সাহস, ধন্য তোমার পরা-

ক্রম !

[যুদ্ধ করিতে করিতে উভয়ের প্রস্থান ।

বান্ধুলির প্রবেশ ।

বান্ধুলি । কৈ আমার পিতৃহস্তা ? আমি তাকে চাই ! পিতৃহস্তার

প্রতিশোধ লব । আর কিছু চাই না, পিতৃহস্তার শোণিতে

স্নান ক'রে গুচিলাভ ক'রব ! কৈ সেই পিতৃহস্তা দুরন্ত শত্রু !

ব্যাঙ্কনেশ্বর ও কতিপয় সৈন্যের প্রবেশ ।

ব্যাঙ্কনেশ্বর । এই এই আমরা এসেচি, কেন ম'র্বি ছুঁড়ি, পালিয়ে

যা ।

বাকুলি । আমার পিতৃহস্তার আগে শোণিত দর্শন করি, তার-
পর যাব । বন, তোদের মধ্যে আমার পিতৃহস্তা কে ?
ব্যাঞ্জনেশ্বর । সকলেই তোর পিতৃহস্তা, ছুঁড়ির আক্ষালন দেখ
না !

বাকুলি । আয় কুলাঙ্গার, তবে তোদের সকলেরই রক্ত দর্শন
করি ।

[সকলের যুদ্ধ ও প্রস্থান ।

যুদ্ধ করিতে করিতে অনঙ্গ ও দুর্গা-
সুরের প্রবেশ ।

দুর্গাসুর । বালক, এখনও আমার কথা শোন, তোমার গুলদঘর্ম
কলেবর হ'য়েচে, তোমার অসিবন্ধ-মুষ্টি শ্লথ হ'য়ে আস'চে ।
তোমার বদন-মণ্ডল আরক্তিম হ'য়েচে ! চক্ষু জ্বাপুস্পের স্তায়
লোহিত হ'য়ে উঠেচে ! ক্ষণেক বিশ্রামলাভ কর । আমি
তোমার রণপারিপাটে অতিশয় তৃপ্তিলাভ ক'রেচি ।

অনঙ্গনাথ । পশু , তুই তৃপ্তিলাভ ক'রেচিস্, কিন্তু আমি এখন
তৃপ্ত হই নাই ! যতক্ষণ না তোর পাপ-মস্তক আমার শাণিত-
ভরবারিতে দ্বিখণ্ডিত হয়, ততক্ষণ আমার এ রণোৎসবে তৃপ্তি
নাই । যতক্ষণ আমার অসি তৃপ্তিলাভ না ক'র্বে, ততক্ষণ
আমি এই সমর-সমুদ্রে সন্তরণ ক'র্ব ! আয় বীর ! দেখি
তোর কত বীৰ্য্য !

দুর্গাসুর । বালক, আমি তোমার নিকট ধর্মতঃ দারী নই ।

তাই এস। (উভয়ে যুদ্ধ, ইত্যাবসরে ব্যঞ্জনেশ্বরের প্রচ্ছন্নভাবে আসিয়া অনঙ্গনাথকে অস্ত্রাঘাত করন)

অনঙ্গনাথ । অহো ! কে রাক্ষস, গুপ্তভাবে অস্ত্রাঘাত ক'রলি !
অহো পিতা ! মনোসাধ পূর্ণ হ'ল না। বাকুলি, আজ তোমার
মাথের বাসর সাস্ত হ'ল। উঃ—আর দাঁড়াতে পারছি না।
প্রাণ যায়—(উপবেশন) দুর্গাসুর—দুর্গাসুর ! এই তোমার
জয়লাভ ? (শয়ন)

দুর্গাসুর । কে রে চণ্ডাল, কে রে দম্ভা—কার এরূপ নীচতা !
কে এই বীর-বালকের গাত্রে—গুপ্তভাবে অস্ত্রাঘাত ক'রলি !
কে নীচাশয়—কে তুই ? ব্যঞ্জনেশ্বর ! শৃগালাধর !

ব্যঞ্জনেশ্বর । সে কি মহারাজ ! আপনার শত্রু নাশ ক'রলাম।

দুর্গাসুর । বালক আমার শত্রু ? কুলঙ্গার জারজ !

ব্যঞ্জনেশ্বর । সে কি মহারাজ, আমি আপনার বন্ধু !

দুর্গাসুর । হাঁ, হাঁ, তুই দুর্গাসুরের বন্ধু বটে ! তোর তায় পিশাচ
আমার বন্ধু না হ'লে দুর্গাসুরের মুখোজ্জ্বল আর হবে কিসে ?
দুর্গাসুরের বশঃকীর্তি দিগ্দিগন্তরে আর পরিস্কিপ্ত হবে কিসে ?
কি নীচসন্তান ! তোর এত স্পর্ধা হ'য়েছে, তুই আমার বন্ধু
ব'লে মর্ক প্রকাশ করিস ? দুর্গাসুরের বন্ধু একজন জারজ
নীচপ্রকৃতি সন্তান ! অহো এর চেয়ে আর কলঙ্ক কি ! সে
কলঙ্ক এই মুহূর্ত্তে দূর ক'রব। আর পিশাচ ! বালকবধের
প্রায়শ্চিত্ত কিরূপ তা ভোগ কর। (রক্তে অসি প্রবিদ্ধকরণ)
নিম্পন্দ থাকবি, বাক্য-প্রয়োগ করলে আরও যত্ননা পাবি।

ব্যাঞ্জনেশ্বর । অহো লাগে যে ! বন্ধু—বন্ধু কর কি ! এ কি রহস্য
ক'রচ ?

দুর্গাসুর । হাঁ নরাধম ! এও এক রহস্য ! নির্দোষ-বালক-হত্যার
এ এক রহস্য ! ব্যাঞ্জনেশ্বর ! কেমন—গুপ্তহত্যার কেমন সুখ
অনুভব ক'রচ ?

ব্যাঞ্জনেশ্বর । হুঁ—প্রাণ যায়, পায়ে ধরি, ক্ষমা করুন ! ও বাবা
—ভূবন যে অন্ধকার দেখুচি গো—অহো—যাই—যাই বন্ধু
—বন্ধু—এই—যাই—(পলায়নোচ্ছত)

দুর্গাসুর । পলায়ন ক'রবি কোথায় ! লও—লও—নির্দোষ-বালক-
হত্যার সুখ-শান্তি নে ! চণ্ডাল, নিজ-দুষ্কর্মের ফল গ্রহণ
কর !

ব্যাঞ্জনেশ্বর । ওঃ, বুঝেচি—প্রাণটা এবার গেল । হুঁজুর মা বাপ—
জবাই ক'র না, একেবারে সাবাড় কর, আর যন্ত্রণা সহ হয়
না—উঃ মা গো—উঃ বাবা গো—

দুর্গাসুর । আর্তনাদ—ঘোর আর্তনাদ—বালকের কাতর-কণ্ঠের
সহিত তোর আর্তনাদ অতি মধুর লাগবে ! পশু ! দুর্গাসুর
মহাপাপী ব'লে, তার হৃদয়কে কি এত পশুহৃদয় বিবেচনা
ক'রেছিলি ! চন্—পিশাচ—এই অসিবিদ্ধ-বন্ধে তোকে অষ্ট-
প্রহর মৃত্যু-যন্ত্রণা সহ ক'রতে হবে । জগৎ দেখুক—গুপ্ত-
ভাবে বালক হত্যার পরিণাম কি ?

ব্যাঞ্জনেশ্বর । বাবা, একেবারে মেরে ফেল । ও বাবা গো—যাই
গো—

দুর্গাসুর । বীরবালক, তোমার অনিবার্য মৃত্যু, তাই তুমি মৃত্যু-
পথে শায়িত ! আমি তার অপরাধী নই । চল পাপিষ্ঠ !

[উভয়ের প্রশ্নান !

অনঙ্গনাথ । উঃ, কি ভীষণ আঘাত ! বিষাক্ত তরবারি ! পিতা,
নরী সাধ মনে রৈল ! কিছুই ক'রতে পারলাম না ! তোমার
শত্রুর প্রতিহিংসা সাধন ক'রতে পারলাম না ! হাতের অস্ত্র
হাতে র'য়ে গেল, নিক্ষেপ ক'রতে পারলাম না ! পরমারাধ্য-
দেবতা, হ'ল না, ঋণ পরিশোধ হ'ল না । অনেক ঋণে ঋণী
হ'য়ে চ'ললাম । দেবদেব, এজন্মে শ্রীচরণে বঞ্চিত ক'রে
গি'য়েচ, কিন্তু শেষে যেন শ্রীপদে ঠেল না ! উঃ, অসহ্য যাতনা—
যাই—অদূর বৃক্ষতলে পিতার মৃতদেহ প'ড়ে আছে ; ধীরে
ধীরে পিতার পদতলে স্থান লই গে ! বান্ধুলি—হ'ল না—
পারলাম না—উঃ যাই । (পতন)

বান্ধুলির প্রবেশ ।

বান্ধুলি । কৈ পিতৃহস্তা—কোথায় পলায়ন ক'রলি । দেখ, সিংহ-
কন্টার বিক্রম কত আছে দেখ ! এ কি—এ কি অনঙ্গ !
তোমার এ দুর্দশা কে ক'রলে অনঙ্গ ? অনঙ্গ ! অনঙ্গ !

অনঙ্গ । কে বান্ধুলি—এস আঘোদিনি ! দেখ আমার বিবাহ-
বাসরে আনন্দ কত ! দেখ পাগলিনি ! পিতা এত অল্প সম-
য়ের মধ্যে বিবাহ দিয়েছিলেন যে, আমার বিবাহসময়ে
লোহিতবসন পরিধান ক'রবারও সময় হয় নাই, তাই দেখ

এই বাসরে কেমন লোহিত-বসন পরিধান ক'রেচি । বাকুলি,
আজ আমার বাসরশয্যা ! এস নিকটে এস—একবার মুখ-
খানি আমার মুখে দাও, আজ জীবনের শেষ চুম্বন ক'রে নি ।
(বাকুলির নিকটে গমন) আমার বাকুলি—সোহাগের বাকুলি
—বালোর প্রণয়ে—আজ পরিণয় হ'য়েছিল । আবার আজ
বিদায় হচ্ছি—বাকুলি চল্লাম—ভয় নাই, এ জন্মের শেষ
দেখা, আবার সেই স্বর্গে সাক্ষাৎ হবে—বাকুলি—আসি—ঐ
পিতা—স্নেহের কোল পেতে আমার কোলে নিতে চান—
আসি বাকুলি—বড় তৃষ্ণা । ঐ পিতা মন্দাকিনীর বারি নিয়ে
আমায় ডাকছেন—(মৃত্যু)

বাকুলি । অনঙ্গ—অনঙ্গ—আমায় ফেলে চ'লে গেছ ? তবে
আমি একাকিনী কেমন ক'রে তোমার কাছে যাব অনঙ্গ ?
অনঙ্গ—কি ক'রলে—আমায় তুমি কি ক'রলে ? যাবার সময়
একটীবারও ভাবলে না ? আজ ধূলায় গুয়ে কেন ? না,
তোমায় কিছুতেই আমি ধূলায় গুতে দেব না । তুমি আমার
কোলে থাকবে । (ক্রোড়ে গ্রহণ) অনঙ্গ—তুমি বিবাহের
সময় লোহিত-বসন পরিবার সময় পাও নাই, তাই তুমি আজ
বাসরশয্যায় লোহিত বসন প'রেচ, আমারও ত তেমনি অবস্থা
অনঙ্গ ! আমার পিতাও ত আমার লোহিতবসন পরিবার
সময় পান নাই ! তবে অনঙ্গ—আমি কেন আজ এ সময়ে
গুত্রবসনে থাকব ? আমিও তোমার সঙ্গে লোহিতবসন
প'রব । তোমার রক্তে আমার বসন আজ রঞ্জিত ক'রব ।

(রক্ত মাখান) এই দেখ অনঙ্গ--তোমার সঙ্গে আমিও আজ
 লোহিতবসন প'রেচি ! হা, হা অনঙ্গ—ক'রলে কি ? ক'রলে
 কি ? আজ আমার সংসারধর্ম্মে আনলে, সংসারী ক'রলে—
 আবার আজ সে আনন্দবাজার ভেঙে দিয়ে পালিয়ে গেলে ?
 অঙ্গর হ'ল, কোরক হ'ল, ফুটল আর শুকাল ! অনঙ্গ—কি
 ব'লি—আমাদের আজ বাসর ?

গীত ।

বাকুলি । এই ত আমার সাধের বাসর ।

বাসরশয্যায় শুয়ে ঘুমায় আমার বর ॥

মম সম ভাগ্যবতী, কে আছ গো এস সতী,

(আমার সাধের বাসর জাগতে হবে. এমন স্থখের বাসর জেগেছ কি)

নইলে অভিমানী নব পতি, সহিবে না অনাদর ॥

গাও লো আসিয়ে হতাশের গান, দাও লো আবেগে বিবাদের তান,

(আমার এই বাসরের এই আনন্দ.

এমন হাল্কা হর কোথায় পাবি)

আরও ভেঙে চূরে দে গো ভাঙা প্রাণ,

আমার সমান বার ভেঙেছে অন্তর ।

বাসর নিশা প্রভাত হ'লে, স্বামীসনে যাব চ'লে,

(আর থাকব না গো তোদের দেশে.

তোদের এ দেশে সই, নাই স্থবিচার,

তোরা ভাসি তখন আঁখির নীরে)

আমি যদি পতির পদতলে, হাল্কা স্থখে নিরস্তর ।

অনঙ্গ ! তুমি না ব'লে গেলে স্বর্গে গেলে তুজনার আবার দেখা হবে । অনঙ্গ, কোন্ স্বর্গে গেলে তোমার সাক্ষাৎ পাব ? তা ত ব'লে গেলে না ? যে স্বর্গে বাবা—জ্যেষ্ঠা—মশায় গেছেন, সেই স্বর্গে তুমি গেছ ? সেইখানে আমি গেলে তোমার দেখা পাব ? সেখানে কবে যাব অনঙ্গ ? কে আসে ? কে তুমি—কে তুমি—আমার অনঙ্গকে নিতে আস্চ ? পারবে না—আমি থাকতে আমার অনঙ্গকে কেউ নিতে পারবে না । আমি অনঙ্গকে কিছুতেই ছাড়ব না । কি নেবে ? কখনও হবে না । আমি থাকতে কখনও হবে না । কৈ নাও দেখি ? আমি থাকতে আমার অনঙ্গের গায়ে হাত দাও দেখি ? অনঙ্গ—অনঙ্গ—এই দেখি—আমিও তোমার সঙ্গে যাচ্ছি । যাও, যে যেখানে আছ চ'লে যাও—আমি আমার স্বামীর পাশে ঘুমাই । (ছুরিকাঘারা আত্মহনন) না—কেউ আমার অনঙ্গের গায়ে হাত দিও না—আমার অনঙ্গ—

নারদের প্রবেশ ।

নারদ ।

গীত ।

একে একে একে চারিটা আলো নিভিয়ে গেল দেখলি না মা ও পাবান্নি ।

খসিল সূর্য্য, খসিল চন্দ্র, খসিল রোহিণী খসিল ক্রব,

তমিপ্রায় ঢাকিল ঢাকিল কালধামিনী ।

তিনিব বসনা ভীমভীষনা উদিল অধরে—

সহ চঞ্চলা ঘন কাদম্বিনী, যজ্ঞ নিনাদে শ্রুতি বধির,

অশু গর্জিল প্রলয় করিতে শ্যামা মেদিনী

[প্রস্থান ।

উন্মাদিনীভাবে সুরজার প্রবেশ ।

সুরজ ! এই ত যুদ্ধস্থল ! কালরাত্রিতে সমস্ত লুকিয়ে রেখেচে !
 তবু তার মধ্যে দেখলাম বৃক্ষতলে দুটি স্থলপদ ! আর মল্লিকা
 দুই কোথায় গেল ! ঘন কালরাত্রির সহিত বুঝি মিশিয়ে
 গেল ! সেউতি, রঙ্গণ, চম্পক—কত গেল—মল্লিকা থাকবে
 কেন ? তাদের হাসি কালরাত্রি দেখবে কেন ? তাই তার
 কাছছায়ায় সব ঢাকিয়ে ফেলেচে । তাই ত আমি আর
 মল্লিকার হাসি দেখতে পাচ্ছি না । কালরাত্রি—কালরাত্রি—
 আর কি সে হাসি দেখাবি না ! তেমন মিষ্ট মধুর হাসি আর
 একবার দেখাবি না ! দেখা ভাই, একবার দেখা, একবার
 তাদের দেখি ! স্থলপদ দেখতে দিলি না—আর মল্লিকা দুটি
 দেখতে দিবি না ? এই যে, এই যে—গো আমার যুগলমল্লিকা !
 যুগলমল্লিকা একটা শয্যাতে ফুঁটে র'য়েচে ! আয় রে সাধের
 মল্লিকায়ুগল ! কেন আজ বাপু, এমন ক'রে পকে র'য়েচ ? সে
 হাসি আজ কোথায় গেল ? তত আনন্দ আজ কোথায়
 লুকিয়েচ ? তত আশা, তত ভরসা, তত উৎসাহ, তত ভাল-
 বাসা, ভক্তি আজ কোথায় রেখেচ ? কাকে উৎসর্গ ক'রেচ ?
 কোন্ রাক্ষস রাক্ষসীকে উপহার দিয়েচ ? কে তা গ্রাস

দুর্গাসুর ।

২৩

ক'রেচে ? আমি—আমি রাক্ষসী, আমি পিশাচী,
যেন কালরাত্রি—আমার ঘনকৃষ্ণ কালছায়ার সব লুক্কায়িত
হ'য়েছে । তবে বাপ, আমি হাস্চি কেন ? আর হাস্ব' না,
তোদের সঙ্গে আমিও আজ এমনি ক'রে তোদের কাছে
প'ড়ে থাক্ব । যার সাহায্যে আজ তোরা কেমন হাসি
লুকিয়েছিলি, আজ আমিও তার সাহায্যে সে হাসি লুকিয়ে
ফেল্ব ! (অঙ্গগ্রহণ)

ভগবতীর প্রবেশ ।

ভগবতী । (ধারণপূর্বক) ক'রিস্ কি মা, করিস্ কি মা ।
সুরজা । আমি আর হাস্ব না মা ! তাই হাসি লুকিয়ে ফেল্চি ।
ভগবতী । তুই কে বন্ দেখি ?
সুরজা । আমি কে বন্ দেখি মা ?
ভগবতী । পাগলিনি ! সব ভুলে গেছিস্ ?
সুরজা । দূর্ পাগলিনি ! আমার সব ভুলিয়ে দিলি ?
ভগবতী । ভুলেছিস্ ? ভুলে যা মা, ভুলে যা মা ! আত্মহারা
হ'য়ে পড়্ ! আত্ম-প্রসাদ লাভ কর্ ! তুই যে আমায় কাল-
রাত্রি ! অনেক সাধ ক'রে সংসার খেলা খেলতে এসেছিলি,
সাধ মিটে গেল ত মা ! এখন চল, আমার চিরসঙ্গিনি !
সংসারনাট্যশালার যথেষ্ট অভিনয় ক'রেচ, স্বামিসংসর্গে ও
চিরকুমারী অবস্থায় আপনার কৌমার্য্য নষ্ট না ক'রে রমণী
কুলের উচ্চ আদর্শ দেখিয়েচ ! এখন তোমার কার্য্য শেষ !

এখন চল দেবি, আমার কার্য সাধন ক'র্বে ! আজ প্রমত্ত
 দুর্গাসুর, আমার প্রাণের ইন্দ্রকে বন্দী ক'রেচে, পরমা সতী
 কৃত্তিকাকে সুরজাত্রে তাকে পাতালে বন্দিনী ক'রেচে !
 তার সতীত্ব নষ্ট ক'রতে একান্ত মনন ক'রেছে ! চল দেবি
 কালরাত্রি ! তার চক্ষে তোমার কালরূপ ভাল ক'রে ছড়িয়ে
 দিও ! চল ! কামান্ন, অন্ন হ'য়ে আয়ুপ্রাণ আজ উৎসর্গ
 করুক ! সাধের বিশ্ব শান্তিজলে প্লাবিত হউক, ধরণীর উষ্ণ
 নিঃশ্বাস শীতল হউক ! আয় দেবি কালরাত্রি ! আমার
 চিরসঙ্গিনী কালরাত্রি, আত্মজ্ঞানে আমার সঙ্গে চ'লে চল মা !

[উভয়ের প্রশ্নান ।

চতুর্থ গর্ভাঙ্ক ।

[রাজসভা]

উদ্ভ্রান্তভাবে দুর্গাসুরের প্রবেশ ।

দুর্গাসুর । (স্বগতঃ) যথাকালে সভাদ্বার উন্মুক্ত হইল,
 কিন্তু যথাকালে রাজকর্মচারী না এল সভাতে ।
 মনরাজ্য কান্দোড় নগর করিলাম জয়,
 কিন্তু রাজ্যবাসী কোন জনে না হেরিছু—
 এ জয়ের হর্ষ-চিহ্ন করিতে প্রকাশ ।
 অধিকন্তু আরাধ্যপ্রতিমা জননীসমীপে

হৈল উপনীত, কোথা মাতা পুত্রজয়ে
 আনন্দ পরাণে শুভবার্তা সুধাবেন মোরে—
 তা না হ'য়ে দেখিলাম কি না—
 অশ্রুণীরে অভিষিক্তা মাতা, একবার পুত্র ব'লে—
 কূরে থাক, নগণ্য জঘন্য কীট বলি—
 দৃষ্টি নাহি করিলেন মোর মুখপানে ।
 আমি যেন সবারই দৃষ্টির বাহিরে ।
 সবারই ঘণাপাত্র, অথচ আমার সব !
 ঐশ্বর্যের মোর নাহি অপ্রতুল,
 আমি হই ত্রিলোকের রাজা,
 স্বর্গ, মর্ত্য, এ পাতাল আমার অস্ত্রের বলে
 পদানুশরণ ক'রেছে সকলে, আমারি ইচ্ছার 'পরে
 সবারই জীবন মরণ, তথাপি কেমন—
 দেখ বিড়ম্বনা—যেন আমি কেহ নই ?
 সবারি বিরাগপাত্র আমি, ঘণার নয়নে চাহে সর্বজনে ।
 কেন হেন হয় ? অত্যাচারী পিতৃহত্যা আমি, তাই ব'লে ?
 তাই বলি রাজায় সম্মান করিবে না কোন প্রাণ ?
 তহব কিমে রাজা আমি ? কিমে আমি করি অহকার ?
 কেন শক্তি আমার হৃদয়ে ? ছার শক্তি—যেই শক্তি
 জীবের ঘণার দৃষ্টি নাহি পারে করিবারে দূর !
 ছার শক্তি—যেই শক্তি নাহি পারে বসিবারে
 দেবতার পবিত্র আসনে ? ঝিক্ ঝিক্ দুর্গাস্তর !

এই তোর বাহুবল অস্ত্রশিক্ষা—এই তোর
 আত্ম অহমিকা ? এর গর্বে সদাই গর্বিত তুমি ?
 অহো অতি আত্মমানি ! তীব্র হ'তে তীব্রতর
 তীব্রতম জালা তার । আমি দুর্গাসুর—
 আমি আজি জগতের ঘণার নয়নে ?
 তবে কিসে বাহুবল, কিসে রাজা, কিসের রাজত্ব মোর !
 টুটাইব সেই জালা হয় হ'ক তাহে
 সমুদ্রমস্থন—উঠুক উঠুক তার উদ্বেলিত পাপ হলাহল,
 সে গরল পান করি জলিব পুড়িব—ছাইভস্ম হ'ব—
 তবু সহিব না কভু হেন অপমান ।
 দেখি সুশাগিত অসির সহায়ে
 হয় কিনা তার প্রতীকার !
 আমি রাজা—স্বীয় শক্তির প্রভার,
 তবে কেন ভয়ভক্তি করিবে না প্রজা ?
 তবে কেন নতশিরে পালিবে না অমুজা আমার ।
 আমি রাজা—যাহা ইচ্ছা তা করিব আমি ।
 সহজে না করে, একে একে প্রাণি দণ্ডি'
 ঘুচাইব হৃদয়ের অঙ্কিত কালিমা ।
 এই নিশ্চয় সিদ্ধান্ত ! এ স্থির প্রতিজ্ঞা,
 আমি রাজা—রাজশক্তি আমার অধীন,
 আমি কেন তুচ্ছ নীচ শৃগাল প্রজার
 ভয় করি ভ্রমিব সংসারে ?

মাদলার প্রবেশ ।

মাদলা । হাঁ রেজা, তুই অশ্বন হ'য়ে গেলি কিন্ ব'ল্ দেখি ?

তুই ব'সে ব'সে দিনরাত্রির ধ'রে কি ভাবিস্ ব'ল্ দেখি ?

দুর্গাসুর । কে মাদলা ? মাদলা ! এখন যাও, এখন যাও !

আমায় এখন একটু চিন্তা ক'রতে দাও ।

মাদলা । হেঁ রেজা, তুই মোর দেবতা, তো'র কথা'র পর মো'র

কথা কওয়া টা বড়ি পাপ ! সে লাগি তো'রে মুই কুন কথা

কইতে বড়ি সরম করি ! দেখ্ রেজা, তুই ভাল হ, মাদলার

আর কিচ্ছুটি চাই নি, কিবল তু ভাল হ, মাদলা এইটা চায় ।

দুর্গাসুর । বালিকা, ক্ষমা কর, ক্ষমা কর, রাজসভায় কেন, রাজ-

সভায় কেন ? অন্তঃপুরে যাও, অন্তঃপুরে যাও ।

মাদলা । দেখ্ রেজা, মো'র আর তো'র বাড়ীতে মুন টিকে না !

চল্ রেজা, তু মো'র দেশে যা' ! তা হ'লে তো'র বিগড়ান

মুন সব ভাল হ'য়ে যাবে । এ সব দেশ বড়ি খারাপ !

দুর্গাসুর । মাদলা, এখনও গেলে না ! মাদলা, তো'র পায়ে ধরি,

এ সময় আর আমায় জালাতন করিস্ না ! এখন যা মাদলা,

ব'ল্, ব'ল্, এর পর সব ব'ল্—সব ব'ল্—যাও এখন

ব'ল্চি যাও ।

মাদলা । ইঃ রেজা, তু কিমন কথা ব'ল্লি, তার চেয়ে তু কাটি

ফেল্লি না কেন ? মো'রে তু হ'য়ে কথা কইতেও দিলি না !

ব'ল্ রেজা—মো'র নসিব বড়ি খারাপ—কালীমায়ি !

তু মোর কি ক'রলি—হা—হা মু কি ক'রনু রে—মু কি
ক'রনু !

[প্রশ্নান ।

দুর্গাসুর । আমি রাজা দুর্গাসুর পাতাল-ঈশ্বর—
স্বর্গ মর্ত্য করি অধিকার, আজ কিনা—
অজ্ঞ কি না রাজ্যবাসী নীচ-প্রজা হ'তে—
হই তিরস্কৃত ! কি লজ্জা, কি লজ্জা—
এর চেয়ে রাজ্য তাজি নিভৃত গুহায়—
কিন্মা মৃত্যুর তামসকোলে ঢাকি কলেবর—
লুকায়িত থাকা বহু অংশে ভাল ।
মটে ঘটুক তাহায় অন্তর বিপ্লব,
আজ একে একে সাধিব উদ্দেশ্য যত !
অগ্রে বন্দী ইন্দ্র ছুড়াগারে দিব শাস্তি—
নাশিব তাহার প্রাণ, তার পর
জীবনের কামনারূপিণী সুরজা বামারে—
বামে বসাইয়া নাশিব সতীত্ব তারু
পরে শক্রত্রাসী এই অসিবলে
রাজ্যবাসী প্রজাদলে রাজভক্তি শিক্ষা দিব ।
দেখি তারা ভক্তি—ভয় মোরে করে কি না ?
আমি রাজা দুর্গাসুর—
মোর রাজ্যে সূর্য্য নাহি হয় অন্তমিত ।
আমি আজ ত্রিলোকের রাজা,—

আমি কি না প্রজাচক্ষে নগণ্য কীটের সম !
ও কি—ও কি—কেবা করে কোলাহল ?

বেগে দূতের প্রবেশ ।

দূত । মহারাজ ! মহারাজ ! বন্দী শৃঙ্খল ভগ্ন ক'রেচে ! কারা-
গার হ'তে বাহিরে এসেচে ! সেই উগ্রমূর্তিতে রাজসভায়িখেই
আস্চে সে নিরস্ত্র, তথাপি কেউ তার সম্মুখবর্তী 'তে
পার্চে না । ঐ মহারাজ !

সৈন্যগণ পরিবেষ্টিত ইন্দ্রের প্রবেশ ।

ইন্দ্র । (সৈন্যগণের প্রতি)

ত্যজ মোর গম্যপথ—বৃথা কেন পথ রুদ্ধ করি ?

পারিবি না পার্বতীয় নদগাণ্ডিবগ ফিরাইতে,

পারিবি না প্রবাহিত ঝঙ্কাশক্তি করিতে হরণ,

পারিবি না ধুমবহ্নি করিতে নিকীর্ণ !

তবে বৃথা কেন হ'য়ে ছরাশার দাস

গম্যপথে মোর দিস্ প্রতিবাধা ?

অস্ত্রভয়ে—ভেবেছিন্ মনে এই বন্দী—

স'বে অধীনতা, অস্ত্রের অসহ-পীড়ন ?

ভেবেছিন্ মনে পশুরূপী পাপাচারদল—

ষাক্যজালে—বিক্রমী গজেন্দ্রে করিবি আনার বন্ধ ?

কিষ্ণা পদলেহী দাস বলি

প্রভুর সম্ভটি হেতু—জীবনের ইষ্টানিষ্ট প্রতি

বারেকের তরে—নাহি করিস্ ক্রকুটী ।

যদি তাই হয়, তবে নাহি ভয়—

চল—কোথা তো সবার—সেই পশুরাজা ?

কোথা সেই বর্ষর, বিলাসপ্রিয়, হুর্নীতির দাস ?

অস্থির-মস্তিষ্ক, নীচ, হীন চাটুপ্রিয় দুর্গাসুর ?

নাহি আমি দস্যু কিম্বা চোর,

তাই শৃঙ্খল আবদ্ধ হ'রে থাকিব রে দস্যু-কারাগারে ?

এই যে নরক, শোন্ বলি পাপাধম পশুকুলগ্নানি,

আপন বিক্রমে আমি—তোর লৌহের বন্ধনী—

ক'রেছি ছেদন, শোন্ ছরা'য়ুন্ ।

নহে দোষী তোর সৈন্ত কিম্বা প্রহরীনিচয় !

দুর্গাসুর । অহো ! এত সৈন্য ! সৈন্তগণ ! করহ বন্ধন পুনঃ ।

ইন্দ্র । ছরাশা সে দুর্গাসুর ! শক্তিসত্ত্বে তব সৈন্ত আজ—

করে নাই এ বন্দীরে ত্যাগ !

সাধ্যমত করিয়াছে বলক্ষেপ ।

আশা থাকে মনে—সৈন্তসনে আয় তুই ।

দুর্গাসুর । (স্বগতঃ) কার বলে ইন্দ্র আজ এত রে সাহসী !

নিশ্চয়ই অন্তর্লিপ্ত আছে একজন ।

দেখা যাক—

ছদ্মবেশে আছে ইন্দ্র, আর' থাক কিছুক্ষণ !

দেখি, পরিচয় পাই কি না পাই ।

(প্রকাশে) কহ বন্দি !

আশা মনে কি রে—

আসিরা কৃতান্তদ্বারে—পুনঃ যাবি কিরে !

ইন্দ্র । আশাময়ী নিশ্চয়ই আমার বা তোর—

একের মনের আশা করিবে পূরণ ।

দুর্গাসুর । বন্দি, কেবা তুই দে রে পরিচয় ?

ইন্দ্র । দুর্গাসুর—পরিচয়ে কোন প্রয়োজন,

বারম্বার পরিচয় চাস্—পরিচয় শোন্—

নাহি যথা জন্ম, জরা, বার্দ্ধক্য, মরণ,

হেন জগতের বাহুনীর দেশে—

আমার জন্ম—

ইহা' বিনা আর মোর নাকি পরিচয় ।

দুর্গাসুর । এই সত্য পরিচয় ?

ইন্দ্র । এই সত্য পরিচয় পণ্ডিতের কাছে,

রূপকের ছলে, মূর্খের সমীপে আছে ভিন্ন পরিচয়

হও যদি সুপণ্ডিত বুঝিবে ইহার ।

দুর্গাসুর । জেনেছি বাসব, তোর সব পরিচয় ।

দুর্গাসুর নহে মূর্খ দেবধর্ম ! বিশ্বাসঘাতক ইন্দ্র !

কেন ইন্দ্র ব'লে পরিচয় দিতে লজ্জা কি রে হর ?

ইন্দ্র । দুর্গাসুর ! সাবধানে ক'সু কথা,

ইন্দ্র নহে বিশ্বাসঘাতক, ইন্দ্র ঞ্জায়বাদী ।

তোর ঞ্জায় কুদ্র প্রাণ ধরে না বাসব, পরশ্রী-কাতর !

দুর্গাসুর । ক্ষুদ্র প্রাণ—কপুরুষ নয় সহস্রলোচন ?

তবে কাকোড়ের রণে ছদ্মবেশে কেবা যুঝেছিল ?

ইন্দ্র । সে ত নিজ স্বার্থহেতু !

দুর্গাসুর ! তোর তরে আজ আমরা ভিখারী,

পর দ্বারে হই দ্বারী—ফিরি বনে বনে,

পরমুখাপেক্ষী হ'য়ে আছি সদা হায়—

অধীনতামহাপাশে আবদ্ধ হইয়ে !

তোর ঘোর অত্যাচারে—স্বর্গবাসী দেবপ্রজা আজ—

ছেড়েচে আপন বাস পত্নীপুত্রপরিজনসহ !

সে স্বর্গনন্দনবন—ঘোর অরণ্যানী,

সে বিলাস—সে উচ্ছ্বাস—সে সুখ প্রমোদ—

কিছু নাই আর, নিরাশার—

হাহাকার তপ্ত বায়ু বহিছে চৌদিকে ।

তুই তার একমাত্র মূলীভূত ওরে রে পিশাচ !

তাই তোর দেহরক্তে পদধৌত হেতু

ইন্দ্র আজ কাকোড়ের রণে

ধ'রেছিল শাগিত ক্রোপাণ ।

রে উদ্ধত দুর্গাসুর !

একবার ভেবে দেখ মনে,

শত্রু সনে কিবা ব্যবহার পণ্ডিত উচিত !

কে না কবে রিপু সনে চল ও কোণল,

নহে ধীমতার পরিচয় !

দুর্গাসুর । ক্ষুদ্রজীব ! সাবধানে কো'ন্ কথা !

রাজদ্রোহী দস্যু ! পাবি ক্লেণে শান্তি সমুচিত ।

ইন্দ্র । দস্যু আমি দুর্গাসুর ? রাজ্যলিপ্সু রাজা দস্যু !

দস্যু শুধু কভু এক গৃহে কভু অন্তঃগৃহে—

দস্যু বৃত্তি করে অতি সংগোপনে,

রাজা যেই প্রে হাশুসভায়,

দয়ামায়া করিয়া বিদায়,

রাজ্যময় জেলে দেয় অশান্তি অনল !

অহো সেই ঘোর নৃশংসতা করিলে স্মরণ

এখনও কেটে যায় বুক !

তবে দস্যু হ'য়ে দস্যুবৃত্তি —

নিন্দা করে কেন মূঢ়ে !

পাপাধম ! অর্থ লিপ্সা আরিও প্রবল তোর !

দুর্গাসুর । ধিক ইন্দ্র !

এতদিন ইন্দ্রত্ব করিলি,

তবু না বুঝিলি কুট রাজনীতি ?

রাজার অর্থের চিন্তা রাজ্যক্ষায়েতু ।

স্বার্থ কিবা তার ?

ইন্দ্র । কি কহিলি দৈত্যাধম !

স্বার্থ নাহি তাহে হয়, তবে—

পররাজ্যে কেন লোভ ?

ছিলি ত পাতালরাজা—

তবে স্বর্গরাজ্যে লালসা হইল কেন ?
 দুর্গাসুর । রাজা রাজ্যের বিস্তার করিবে না মূঢ় ?
 ইন্দ্র । লোভ ছাড়া জীব নাহি থাকে !
 কিন্তু হেন লোভ ছিল না আমার—
 পররাজ্য লই হরিয়া,
 একদিন ইন্দ্র কভু করে না বাসনা,
 অর্থহেতু একদেশ করি ছাড়খার,
 অসংখ্য জীবের প্রাণ নাশি করে অর্থপূজা ।
 অর্থহেতু একের স্বাধীন প্রাণ,
 হরিবারে ইন্দ্র কভু হয় নাই অগ্রসর !
 কেবল আপন স্বর্গ করিয়া প্ৰসন্ন,
 বাসব সতত তুষ্ট ছিল অমুদিন !
 অর্থগ্রীষু পরমুখধেবী তুই রে পিশাচ !
 দুর্গাসুর ইন্দ্র—শৃঙ্খল উন্মুক্ত বলি—ক'ন্ নাই বাহা ইচ্ছা—
 প্রলাপ বচন । সাবধান !
 ইন্দ্র ॥ আর ইন্দ্র ডরে না কাহার !
 দুর্গাসুর ! দর্পে গর্বে সমুদ্র শিরে -
 তোরে কহি পুনঃ, আর ইন্দ্র ডরে না কাহার ।
 বাগ ইচ্ছা তোর তাহা পারিস্ করিতে ।
 দুর্গাসুর । নির্লজ্জ—বাহা ইচ্ছাঃনা ক'রেচি কিবা—
 করিয়াছি স্বর্গরাজ্য জয়,
 করিয়াছি পক্ষীপুংসহ বনবাসী ।

ইন্দ্র । মহিরাছি অন্যভূমিহেতু সব,
ইন্দ্রের গৌরব নষ্ট হয় না তাহার ।
ক'রেছিস্ সব, কিন্তু ইন্দ্রের প্রতিজ্ঞা তাহে—
হয় নাই দূর, যে ইন্দ্র সে ইন্দ্র আছে ।*

দুর্গাসুর । থাক এই ভাবে—আন্ দূত সুরজারূপসী,
বসাইয়া দে রে বামে ।
আজ ইন্দ্রমুণ্ড করি দ্বিধাশিত—
দেখাইব সে মারীরে—দুর্গাসুর কত বলবান্ ।
সৈন্যগণ, পাপিষ্ঠেরে বন্দী করি রাখ ।

[দূতের প্রশ্নান ।

আচ্ছা ইন্দ্র ! তোকে ত বন্দী করে রেখেচি, এবং ইচ্ছা
ক'রলেই আমার ইচ্ছারূপ দণ্ডে দণ্ডিত ক'রিতে পারি,
এতেও কি তোর বিন্দুমাত্র লজ্জা বা আশঙ্কা হ'চ্ছে না?

ইন্দ্র । সে ভয় ইন্দ্রের নাই । অমরজীবন লাভ ক'রতে হ'লে
অনেক বিঘ্ন-বিপত্তিকে আলিঙ্গন দিয়েই অমরত্ব লাভ ক'রতে
হয় । অনেক ভীত্ন যাতনা সহ ক'রতে না পারলে কিছুতেই
অমর জীবন লাভ করা যায় না ।

দুর্গাসুর । যেস, অমরজীবনের কল কণ পরেই বুঝতে পারবে ।
ঐ সুরজাসুন্দরী আসচেন ; আনরি মরি রূপ নয়ত ! উপমা
দিবার ভাষা যোজনা ক'রতে পারছি না ।

দূত ও কৃত্তিকার প্রবেশ ।

কৃত্তিকা । ওরে বাছা, প্রভুর সঙ্গে সঙ্গে আমারও জীবন নাশ কর, সতীর অজ্ঞা পালন ক'রলে তোদের অক্ষয় স্বর্গে গতি হবে । কেন আমার তোরা বন্দিনী ক'রেচিস্ ? তোরা আমার পতি হত্যা ক'রেচিস্, আমাকেও আমার সেই পতির স্ত্রীচরণ সেবা ক'রতে পাঠিয়ে দে ।

দুর্গাসুর । সুন্দরি ! সুন্দরি ! তুমি কাঁদচ কেন ? আহা, চন্দ্রে যেন মেঘের ছায়া প'ড়েচে । আহা রূপ নয় ত !

ইন্দ্র । মা ব্রহ্মময়ি—এ দুর্ভাক্যও আমাকে আজ গুণতে হ'ল ?

কৃত্তিকা । হা, হা প্রভু ! কোথায় ? তোমার দাসীর আজ কি দুর্বস্থা দেখ ?

দুর্গাসুর । দুর্বস্থা কি সুন্দরি ! তুমি আজ দুর্গাসুরের মহিষী হ'ল ।

কৃত্তিকা । হা প্রভু—তোমার নারী হ'য়ে আজ চণ্ডালের দুর্ভাক্য গুণতে হ'চ্ছে ।

দুর্গাসুর । কি, কি ব'লে সুন্দরি ! আমি চণ্ডাল ? তা—তা তোমার যে রূপ—যে লাবণ্য, তাতে আমি তোমার নিকট চণ্ডাল কেন, কুকুর, অপেক্ষাও নিকৃষ্ট, তা কি ক'রব বল ? এ রূপ ত আর জীবের পুরুষকারের ফল নয়, ভগবান প্রদত্ত । তার উপর আর জীবের স্বাধীনতা নাই । তা হ'ক, ঐ

এক বিষয়েই যা বল, কিন্তু ঐশ্বর্যের আমার অপ্রতুল
নাই। তোমার পিতা বা পূর্বস্বামী সে বিষয় আমা
অপেক্ষা কত নিকৃষ্ট, তা ত দেখেই বুঝতে পার্চ ? যাক্, সে
সকলের মীমাংসা এক সময় ক'র্বে, এখন এস, আমার বামে
ব'স্বে এস। (ধারণোচ্চত)

কৃত্তিকা। হা মুধুসুদন ! কি ক'র্লে প্রভু ! কি হ'ল !

ইন্দ্র। মাগো ! এ অবস্থায় আমার মৃত্যু হ'লো না কেন ?
সাবধান পাপিষ্ঠ, এখনও ব'ল্চি সাবধান হ'।

বেগে সুরজার প্রবেশ ।

সুরজা। কি ক'রিস্, কি ক'রিস্ রূপাক ! কাকে সুরজা ব'লে
বামে বসাতে চাচ্চিস্ ? সুরজাকে চাই ? ও ত সুরজা নয়,
আমিই সেই সুরজা।

দুর্গাসুর। কি কি সুরজা তুমি ?

কৃত্তিকা। না, না দুর্গাসুর ! সুরজা আমি। ভগিনী সতি !
দেবি, ছুরাচারকে অঙ্গস্পর্শ ক'র্তে দিও না।

দুর্গাসুর। কি রহস্য ? সুন্দরি ! আমার সহিত রহস্য ক'র্চ্চ ?

সুরজা। বৎস ! তুমি পুত্র, আমরা তোমার মাতা। তোমার
সহিত আমাদের কি সম্বন্ধ দুর্গাসুর ? বৎস ! সাম্যনীতি
অবলম্বন কর। ইন্দ্রিয়বৃত্তি দমন কর। আমরা তোমার

মা, এখনও তোমায় ব'ল্চি দুর্গমায়ের প্রাণে ব্যথা দিস্ না !

দুর্গাসুর। সুন্দরি, সুন্দরি ! তুমি কি ব'ল্চ ? তুমিই সুরজা

বটে । তোমার আলোকলাবণ্যময়ী মাধুরী, যৌবনের মাধুর্য্য,
অতি সুন্দর ! অতি সুন্দর ! অতি সুন্দর ! দেখ প্রিয়ে !
আমি তোমার জন্ম আজ না ক'রছি কি ? সবই ত দেখুচ ?
এখন এস প্রাণাধিকে, দুর্গাসুরের মনোভিলাষ পূর্ণ ক'র্বে ।
এই ত্রিভুবনের রাজরাজেশ্বরী হবে এস । (ধারণোত্ত)

সুরজা । কি কামাতুর রাক্ষস ! হোর নিকট মাতা পুত্রেরও
সদৃশ নাই ? দুর্গাসুর ! এখনও ধৈর্য্যাবলম্বন : কর । আমি
সুরজারূপিনী কালরাত্রি । এই কালরাত্রিতে আমি
কালরাত্রি । আমি শক্তির সঙ্গিনী । মায়ের আদেশে
দুর্গাসুরের তোকে সদুপদেশ দানের জন্য এখনও ব'ল্চি সাব-
ধান ! সাবধান !

দুর্গাসুর । আহা সুন্দরি ! তুমি একেবারে যে পাগল হ'লে ?
কাকে কি মন ? আহা, কি রূপ ! কি রূপ ! দশদিক
আলা-করা রূপ ! এ রূপের আর তুলনা নাই । চক্ষু আর
নির্মালিত ক'র্তে ইচ্ছা হয় না ! সুন্দরি, সুন্দরি ! পায়ে
ধরি—হতভাগার প্রতি মূখ তুলে চাও । আমি তোমার জন্ম
জগতে মহাপাপী হ'য়েছি ! তুমি যদি অনল হও, তাহ'লে
আমি পতঙ্গ হ'য়ে তোমার তেজে ভস্ম হ'লেও জীবনের
সার্থকতা জ্ঞান ক'র্ব ! স্বর্গ মর্ত্য পাতাল দান ক'র্তে হয়,
তাও ক'র্ব—তুমি প্রসন্ন হও—সুন্দরি, দুর্গাসুরের কোন
অভাব নাই, কেবল তোমার প্রেমাতাব । আমি ঐ প্রেমের

ভিখারী । সুরজা, সুরজা ! এস সুরজা ! সৈন্যগণ !

সুরজাকে ল'য়ে আমার বামে বসাত্ত । (ধারণোত্ত)

(সুরজার তীব্র হস্ত)

সৈন্যগণ । উঃ, উঃ ! যাই—কি ভয়ঙ্কর !

[প্রস্থান ।

কৃত্তিকা । হায় ভূগবান্ ! আমাকে এও দেখতে হ'ল ? আর কেন

ভগিনি, প্রস্তুত হও, এই আমার শেষ সময় !

সুরজা । (ধারণপূর্বক) দিদি ! কর কি, কর কি ? কি—কি

রাক্ষস ! মা, মা ! অঁা অঁা—এখানে কি কেউ নাই ?

ইন্দ্র । (সরোষে অভিমানে) মা, মা ! আমি আছি । মা ব'লতে

মা, আমি তো'র ইন্দ্র আছি—মা—ব্রহ্মময়ি, আর মা এক-

বার আয় মা ! আরে রে কামাক্ষ রাক্ষস ! আমি থাকতে

কার সাধ্য মায়ের গাত্রে করস্পর্শ করতে পারে ? দুর্গাসুর !

অগ্রে ইন্দ্রের জীবননাশ কর, তারপর তো'র পাপ-অভিসন্ধি

পূর্ণ হবে ।

দুর্গাসুর । তবে আয় দেবধম ! অগ্রেই তো'র মনে তৃষ্ণা

নিবারণ করি । (হননোত্ত)

ইন্দ্র । মা মা ! অষ্টশক্তি উদ্বোধনের কি আজ এই ফল হ'ল ?

মা মা—

বেগে পূর্ণিকার প্রবেশ ।

পূর্ণিকা । (দুর্গাসুরের হস্তধারণপূর্বক) পিশাচ ! চণ্ডাল !

দুর্গাসুর । কে, কে তুই ! মা ? তো'র আজ এই বাক্য ? ছেড়ে

দে, ছেড়ে দে ! এখনও ব'ল্‌চি, ছেড়ে দে ! কি চণ্ডালিনি, মা
হ'রে পুত্রের বাসনা পূর্ণ হ'তে দিবি না ? তুই জানিস্,
তোর আরাধ্য ইষ্টদেবকে হত্যা ক'রেচি ! পিতৃহস্তা আমি
দুর্গাসুর, এ তুই এখনই ভুলে গেচিন্ ? এখন ব'ল্‌চি—ছেড়ে
দে, নৈলে মতৃহত্যাও পিতৃহস্তা দুর্গাসুরের অসম্ভব নয় ।

পূর্ণিকা । চণ্ডাল, পশু, সেশক্তি এখন আর ছোর নাই ! পাপিষ্ঠ
কুসন্তান ! তোর অনেক অত্যাচার সহ ক'রেচি । স্থির—
পুত্রী প্রাণকে তুই তরল চঞ্চল আলোড়িত ক'রেচিন্ !
পুত্র ব'লে অনেক ক্ষমা পেয়েচিস, কিন্তু আর না, আর ক্ষমা
নাই, মাতৃহস্তার হৃদয়কে যখন তুই কাঁদিয়েচিন্, একবার নয়—
শতবার কাঁদিয়েচিন্, তখন ^{পানেশ} অসংসারে তোর আর ক্ষমা নাই !
কুলান্দার ! এখন বীর-অহঙ্কার ত্যাগ কর । সামর্থের গর্ব
পরিহার কর ! আর আমি তোর মা নই ! তোর সংহাররূপিণী
মৃত্যু ! দুর্গ পিশাচ, চণ্ডাল, নরকের কীট, এইবার তোর
জীবনের শেষমুহূর্ত্ত ! (উগ্রামূর্ত্তি ধারণ)

সুরজা । এসেচ ভগিনি ! আর সকল ভগিনী কোথায় ? আর মা,
আর ! পাপাত্মা দুর্গাসুর ! এই দেখ, সুরজা কে ? কালরাত্রি—
কুমারীবেশে কালরাত্রি ! ঘনকৃষ্ণা কালরাত্রি—মৃত্যুরূপিণী
কালরাত্রি—জীবননাশিনী কালরাত্রি । দুর্গাসুর ! এই
রাত্রিতে আমি তোর কালরাত্রি । কৈ মা, এলি না ?

পূর্ণিকা । পিশাচ ! এইবার তোর রক্ত পান করি আর । এই
দেখ, তোর মৃত্যুরূপিণী অষ্টশক্তি—

দুর্গাস্তর । জননি, তুই যদি আমার সেই মা, তবে—তবে আজ কেন তোকে এ বেশে দেখুচি মা !

পূর্ণিকা । চণ্ডাল, আজ কোন্ বেশে দেখুচিস্ ?

দুর্গাস্তর । দেখুচি, প্রলয়ের অষ্টমূর্তি অষ্টতারিণী মূর্তি ! প্রলয়ঙ্করী মূর্তি, এ মূর্তি তোর কোন্ মূর্তি মা !

পূর্ণিকা । মূর্খ ! এই মূর্তি আত্মশক্তি দেবী ভগবতী মূর্তি !

দুর্গাস্তর । মা, মা, তবে কেন এতদিন বলিস্ নাই ? তুই কি মা, ছদ্মবেশীণী ভগবতী মা মূর্তিতে এতদিন পাপাত্মা দুর্গাস্তরকে প্রতিষ্ঠা ক'রে রাখছিলি ?

পূর্ণিকা । কুপুল ! বধুদানেই পুত্রের মাতা মাত্রই যে দেবী ভগবতী মূর্তি । প্রত্যেক সংসারে প্রত্যেক পুত্রের মাতাই যে দেবী ভগবতীর রূপান্তর । শক্তি কে রে মূর্খ ? শক্তিই যে আত্মশক্তি দেবী ভগবতী ! রমণী সেই শক্তির রূপান্তর মাত্র । কুলদান ! তোর দেবী ভগবতী গর্ভধারিণীর কোন কথা কি ক মুহূর্তের জন্য প্রতিপালন ক'রেছিলি ? কুলদান, পূর্ব-স্মৃতি স্মরণ কর ! আদি তোর সেই মা ! মায়ের প্রাণ অতি কোমল, কিন্তু সেই কোমলতা, তোর অনেক অত্যাচারে আজ কঠোর হ'রেচে ! দুর্গাস্তর ! আর তোর নিস্তার নাই, পুত্রের জন্য কোন কারণে মা এ মূর্তি ধারণ ক'রলে, সন্তানের আর জীবনাশা থাকে না দুর্গাস্তর ! পাপিষ্ঠ ! প্রস্তুত হ ! এই এই মুহূর্তেই তোর শেখলীলা সম্পূর্ণ হবে । প্রস্তুত হ ! দুর্গা-

সুর ! প্রস্তুত হ ! মায়ের কোপানলে এবার তোকে যেতে হবে, প্রস্তুত হ । (বক্ষে খড়াবিদ্ধকরন)

দুর্গাসুর ! মা, মা, ক্রমা কর মা ! আতঙ্কে প্রাণ কেঁপে উঠ্চে ! ভগবতী গো, পাপের কি এই নির্যাতন মা ! আমার সে শক্তি কোথায় গেল ! উঃ, চক্ষু য়ে আর উন্মীলিত ক'রতে পার্চি না মা ! অন্তরে বাহিরে তোর ভীমরূপে আমার এ বজ্রশরীরও রোমাঞ্চিত ক'রে তুল্চে ! এ কি মূর্তি ! কে, কে, আমার অগ্রে কে ? অস্ত্রোত্তোলন করে না ! উহু, উহু, পার্লেম্ না, ক্ষুদ্র অস্ত্রধারণেরও আর দুর্গাসুরের শক্তি নাই । যে দুর্গাসুর ইন্দ্র যম কুবেরকে পরাসিত করে সেই বিশ্ব-তেজা দুর্গাসুরের আজ শক্তি নাই ! কোথা যাই না, কোথা যাই ! পথ দে পালাই, এ পার্শ্বেও সেই মূর্তি ! সেই ফণিমণ্ডিত ষড়মুখা, কোদণ্ড চর্মধরা দিগম্বরী গুরু রক্ত পীতহরিতবর্ণা, আমার সংহারের জন্য সমুত্ততা ! দেবি, দেবি, আমায় ক্রমা কর । আজ আমার অভয় ত্রীপাদপদে অস্ত্রপ্রাণ বলি দিচ্ছে, উহু, উহু, কি দুর্মর্ষণ প্রহার ! যাই মা, যাই মা, এই পথে—এই পথে পালাই, এ কি—এ কি—এখানেও যে তাই ! এখানেও সেই ভীম-ভূজঙ্গবিক্রমফণা উত্তোলন ক'রে আমার দংশনে উত্ততা র'য়েচে—তবে কোন্ পথে—এই পথে—উহু উহু ।

অষ্টতারিণী । মার মার মার !

দুর্গাসুর । আমি আমি—মা, মা,—ক্রমা কর—ক্রমা কর !

দ্বীপিচর্মপরিধানা শুকমাংসাত্তৈভরবা,
 অতিবিস্তারবদনা জিহ্বাললন ভীষণা,
 নিমগ্না রক্তনয়না নাদাপূরিত দিগুখা ।
 মা মা—রক্ষনয়ি ! একি বেশ গো শুভঙ্করি ! মা—না, আর
 দেখতে পারি না ! মধুসূদন ! মধুসূদন ! রক্ষা ক'রুন !
 রক্ষা ক'রুন সাদের বিশ্ব রক্ষা ক'রুন ।

দ্রুতপদে বিষ্ণুর প্রবেশ ।

বিষ্ণু ! কেন বাসব—কেন বাসব ! এত উচ্চ কাতরকণ্ঠে আজ
 আমায় আহ্বান ক'রচ ? কি হ'য়েছে সহস্রোৎসব একি—
 একি ইন্দ্র, আজ তোমার চক্ষু এত জলধারাকেন ?
 ইন্দ্র ! দয়াময় ! বলবারও আর সময় নাই, ঐ ঐ মায়ের
 রণরঙ্গিণীমূর্তি দর্শন ক'রুন । বিশ্ব ধ্বংস হয় ! মা আজ
 দুর্গাসুরকে সংহার ক'রতে প্রলয়কালীন সশস্ত্র বেশ ধারণ
 ক'রেচেন ! দুর্গাসুর সংহার হ'য়েছে । কিন্তু মায়ের কোমল
 তার চেয়ে অষ্টগুণ বর্ধিত হ'য়েছে । বিশ্বপালন ! আজ সাদের
 বিশ্ব রক্ষা ক'রুন ; নতুবা আর উপায় নাই ।

বিষ্ণু । তাই ত দেবরাজ ! আজ মায়ের এ শক্তির উদ্বোধন
 ক'রলে কে ?

ইন্দ্র । লক্ষ্মীনাথ ! এই দুর্ঘাটার ইন্দ্রই দুর্গাসুর-কাণ্ডে
 অশেষ যত্ন পেয়ে মায়ের এই অষ্টশক্তির উদ্বোধন ক'রে-
 ছিল । প্রভু, আমিই এই সর্বনাশের কারণ । দয়াময় !

এর চেয়ে আমার আজীবন কারাগারযন্ত্রণা সহ করা ভাল ছিল। এখন উপায় কি? কি উপায় ক'রবেন ক'রুন? তাই উচ্চ কাতরকণ্ঠে আপনাকে আহ্বান ক'রেছি। সৃষ্টি-পালন! ঐ ঐ মা আবার সেইরূপভাবে রণরঞ্জিতমূর্তিতে উন্মাদিনীবেশে—এইখানেই আস্চেন—দেখুন! দয়াময়! মায়ের আজ কি তেজপ্রভা—কি জগদ্বীতিদয়িনী মূর্তি!

বিষ্ণু। দেবরাজ! উঃ উঃ, ভয়ঙ্কর! কি উপায় করি? মায়ের এ ক্রোধের শাস্তি কিরূপে করি, ঐ যে তাথে তাথে ক'রে নৃত্য ক'রতে ক'রতে রণপ্রিয়া শ্যামা জীবনসংহার ক'রতে ক'রতে উদ্ধ্বাসে এইদিকে আস্চেন! মা, তুই যতই কেন ক্রোধ কর না, কিন্তু ছেলে একবার মা ব'লে কোলে উঠলে মায়ের আর সে ক্রোধ কিছুতেই থাকে না। তাই মা—তাই! অনেকদিন তোকে “মা” ব'লে তোর কোলে উঠি নাই, আজ মা ব'লে কোলে উঠে আমারও অনেকদিনের “মা” বলার সাধ পূর্ণ ক'রব। ভয় কি দেবরাজ! তুমি নির্ভয়ে

অষ্টতারিণীর পুনঃপ্রবেশ।

গীত।

প্রলয়ং কুরু ইত্যাদি।

অষ্টতারিণী। রণং দেহি, রণং দেহি, মার মার।

পূর্ণিকা। আজ মূর্তি ক্রমাত্মল দোব। দাও রণ। দাও রণ। রণ

চাই—রণ চাই

সহসা অষ্টগোপালের আবির্ভাব ।

গীত ।

অষ্টগোপাল । মা মা—মা মা—কেন চোখ রাঙায় দেখাস্ ভয়,

এত মায়ের উচিত নয় ।

কোন পাষণে হিয়া বেঁধে, এমন মা তোর হ'য়েছে হৃদয় ॥

নে মা ~~প্র~~ মা কোলে বাত প্রসারিয়ে,

(একবার নধর অধরে কর্, মা চুম্বন,

(ক্ষুধা পেয়েছে মা—আমাদের বড় ক্ষুধা পেয়েছে মা)

দে মা—করি স্তনপান—মায়ের এ কি প্রাণ,

ছেলের মুখপানে চাহে না কেমন ॥

(ওমা - ওমা—ওমা—মা—মা—মা—মা—মা—মা—মা—মা—মা—) ।

(অষ্টশক্তির হস্ত হইতে অস্ত্র পতন)

অষ্টচারিণী । ননীর গোপাল করে তোরা, কোথা হ'তে এলি,

এমন মধুর “মা” বোল চাঁদ, কার কাছে রে পেলি,

ডাক ব'লে রে মা—জুড়াই আমরা মা—

অষ্টগোপাল । মা—মা—মা—মা—মা—মা—মা—মা ।

নারদের প্রবেশ ।

নারদ । তবে এসময় কে কোথায় ভাই,

মা মা ব'লে গাও না কেন মায়ের জয় ॥

মহাদেবের প্রবেশ ।

মহাদেব । এই যে রঙ্গধর—রঙ্গিনীকে মাতিয়েচে । মদনমোহন !

মোহিনীমূর্তি ধ'রে যখন পাষণ্ড শঙ্করকে মাতিয়েছিলে তখন

আজ যে ছেলে হ'য়ে মাকে ভুলাবে, তার আর বিচিত্র কি !
 কৈ রঙ্গিনী—সে সংহারিণী বেশ কোথায় গেল ? কার কথায়
 আজ সব ভুলে গেল ? এক “মা” কথা কি এত মধুর শঙ্করি !
 তবে সংসারের পাষণ্ড-জীবসকল—তুমি কেন তোমার “মা”
 থাকতে এমন দ্বাত্তভক্তি শিক্ষা ক'রতে পার না ?


ভগবতীর প্রবেশ ।

ভগবতী । তুমি আবার এখানে এলে কেন বল দেখি ভোলা-
 নুথ ?

মহাদেব । সাধ ক'রে কি এসেছি ? মনে ক'রেছিলাম—সংহা-
 রিণী বেশ ধ'রেচ—একবার আমিও এই সময় আমার পোড়া
 বুকখানা পেতে দোব—যদি শ্রীপাদপদ্মের রেণু পাই । এখন
 তা ত আর হ'ল না । চতুর নারায়ণ, যে সকলই ভঙ্গ ক'র-
 লেন ! এখন চল দেখি ! যার জন্ত আজ তোমার এ ভীষণ
 খেলার আবির্ভাব, সেই দেবের দেব দেবরাজ ইন্দ্রকে—স্বর্গ-
 সিংহাসনে বসিয়ে সকল দেবতার মনস্তৃষ্টিমাধন ক'রবে । চল
 দেবরাজ, জননী জন্মভূমির জন্ত অনেক কষ্ট পেয়েচ ! দেবী
 আজ তোমায় সেই ক্লেদপাশ হ'তে মুক্ত ক'রলেন ! এস বৎস !
 স্বর্গসিংহাসনে উপবেশন ক'রবে । গাও দেবীর জয়—জয়
 আত্মশক্তির জয়—জয় মায়ের জয় ।

সকলে । জয় দেবীর জয়, আত্মশক্তির জয়, জয় মায়ের জয় ।

যবনিকা পতন ।



সৌ দাস এণ্ড কোম্পানীর
থিয়েট্রিকেল অপেরা পার্টি

দুর্গাসুর

প্রথম অভিনয় রজনী—৩রা আশ্বিন, ১৩১৩ সাল।

প্রথম অভিনয়রজনীতে নিম্নলিখিত অভিনেতৃগণ
যোগদান করিয়াছিলেন।

পাত্র।

বিষ্ণু	...	শ্রীহরিপদ বৈরাগী।
মহাদেব	...	শ্রীক্ষীরোদচন্দ্র রায়।
অষ্টগোপাল	...	বাদলা, পাঁচু, বেচু, পুণা, ক'চে, পদাহরে, মিহিরে, গিরে।
নারদ	...	শ্রীজ্যোতিষচন্দ্র পরামণিক।
ইন্দ্র	...	শ্রীমন্মথনাথ ঘোষ।
জয়স্তু	...	শ্রীযতীন্দ্রনাথ সাই।
পবন	...	শ্রীযতীন্দ্রনাথ চক্রবর্তী।
রুদ্ৰাসুর	...	শ্রীকৃষ্ণলাল দত্ত।
দুর্গাসুর	...	শ্রীবসন্তকুমার মুখোপাধ্যায়।
দধুকেতন	...	শ্রীপ্রমথনাথ মল্লিক।
বাসুদেব	...	শ্রীভূতনাথ অধিকারী।
সুকাম্য	...	শ্রীভজকালী।

(୧୦)

ମାନୀରରାଜ	...	ଶ୍ରୀମତୀଶଚନ୍ଦ୍ର ଦାସ ।
ଚଞ୍ଚୁପ୍ରଚଞ୍ଚୁ	...	ଶ୍ରୀସୁରେନ୍ଦ୍ରନାଥ ଭଟ୍ଟାଚାର୍ଯ୍ୟ ।
ଗୋରକ୍ଷନାଥ	...	ଶ୍ରୀମନ୍ମଥନାଥ ଗଞ୍ଜୋପାଧ୍ୟାୟ ।
କରକ୍ଷନାଥ	...	ଶ୍ରୀବିଜୟଭୂଷଣ ଚକ୍ରବର୍ତ୍ତୀ (ଅଭିମନ୍ୟୁ)
ଅନନ୍ଦନାଥ	...	ଶ୍ରୀଚାରୁଚନ୍ଦ୍ର ବନ୍ଦୋପାଧ୍ୟାୟ ।
ଦେବଦୂତ	...	ଶ୍ରୀଅତୁଳକୃଷ୍ଣ ସେନ ।
ସମ୍ବ୍ୟାସିଗମ୍ଭ	...	ହିତୁ ଗୌସାହି, ନକୁଡ଼, ଯୋଗିନ ମିଶ୍ର, ସୁରେନ, ରାମ ଭଟ୍ଟାଚାର୍ଯ୍ୟ ଇତ୍ୟାଦି ।
ଜ୍ଞାନବନ୍ଧୁ	...	ଶ୍ରୀନକୁଡ଼ଚନ୍ଦ୍ର ମଞ୍ଜୁଳ ।

ପାତ୍ରା ।

ଭଗବତୀ	...	ଶ୍ରୀଶତ୍ରୁନାଥ ବନ୍ଦୋପାଧ୍ୟାୟ ।
ଅଷ୍ଟତାରିଣୀ	...	ଭୀମ, ଉପେନ, ଫଣି, ମମା, ମଦନ, ଅଶ୍ଵିନୀ ଇତ୍ୟାଦି ।
ଜୟା	...	ଶ୍ରୀମନ୍ମଥନାଥ ଚଢ଼ୋପାଧ୍ୟାୟ ।
ବିଜୟା	...	ଶ୍ରୀହରିପଦ ବୈରାଗୀ ।
ଶାଠୀ	...	ଶ୍ରୀକୃଷ୍ଣାନାଥ ଷୋଷ ।
ସୁରଜା	...	ଶ୍ରୀନଗେନ୍ଦ୍ରନାଥ ଚକ୍ରବର୍ତ୍ତୀ ।
ପୂର୍ଣ୍ଣିକା	...	ଶ୍ରୀବିନୋଦବିହାରୀ ହଡ଼ ।
ବିଲାସିନୀ	...	ଶ୍ରୀନିବାରଣଚନ୍ଦ୍ର ମୁଖୋପାଧ୍ୟାୟ ।
କୃତ୍ତିକା	...	ଶ୍ରୀବାଞ୍ଚେଶ୍ଵର ମୁଖୋପାଧ୍ୟାୟ ।
ବାହୁଲି	...	ଶ୍ରୀହରିପଦ ମୋଦକ (ପ୍ରହ୍ଲାଦ)
	...	ଶ୍ରୀମଦନଚନ୍ଦ୍ର ଦାସ ।

